

Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 17243/a






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.243/a




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.243/a





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL. 1.7.243/a






1.7.243










PETA
DE

XIII

G Y L L




APUD
GVLIELMVM ROMANVM
VENE
M. D. CXL

Comptroller Reg

- 1 -

1.7

1.7
1.7



PETRI GYLLII
DE BOSPORO
THRACIO
LIBRI III.



LVGDVNI,
APVD GVLIELMVM ROVILLIVM,
SVB SCVTO VENETO.
M. D. LXI.

Cum priuilegio Regis.



1.7.243

Extraict du priuilege du Roy.



A R grace & priuilege du Roy est permis à Guillaume Rouille Libraire de Lyon, d'imprimer, ou faire imprimer vne fois ou plusieurs, ce present liure intitulé, *Petrus Gyllius de Bosporo Thracio, en Latin & en François*. Et fait defences de par ledict Seigneur, à tous autres Libraires, Imprimeurs, & personnes quelconques, de non imprimer, ne faire imprimer, vendre, ne distribuer, en ses païs, terres & seigneuries, ledit liure, si ce n'est par le consentement dudit Rouille. Et ce iusques au temps & terme de douze ans, à compter du iour & datte, que sera paracheué d'imprimer ledict liure, sur peine d'amende arbitraire, & de confiscation des liures qu'ilz auroyent imprimez. Et afin qu'aucun ne puisse pretendre ignorance du present priuilege, ledict Seigneur veut & entend, que l'extraict d'iceluy estant mis au commencement desdictz liures, serue pour toute notification, sauf en demander copie audict Rouille (si bon leur semble) & ce à leur despens. Car tel est son plaisir, nonobstant oppositions & appellations quelconques, comme plus à plein est contenu & déclaré par lesdictes lettres de priuilege, sur ce donnees à S. Germain en Laye, le vinthuietième iour de Decembre, mil cinq cens cinquante huiet.

*Par le Roy, Maistre Jean Nicot, maistre
des Requestes de l'hostel, present.*

Signé, Guillaudet.



ILLVSTRISSIMO,

ET AMPLISSIMO DO-

MINO, D. CARDINALI

Armaignacio, Patrono &

Mæcenati suo

ANTONIUS GYLLIVS S. P.



ETERIBVS non solum is fuit mos, Card. ampliss. eis, qui insignem ob causam perpetuitatem meruissent, statuas erigere, sed summi etiam ipsi viri sui corporis simulachra in publico collocata, conspici voluerunt, nominis gloriæ ita consulescentes. Quod etsi ambitionis speciem aliquam habere videretur, non usque adeo tamen fugiendum, sed ut virtutis monumenta quæque præclara censeo: ita illud multo perennius, quo ingeniorum quàm corporum effigies relinquuntur. Siquidem statua & imagines vel vi conuulsæ decidunt, aut vetustatis situ decoloratæ vanescunt: volumina verò (quæ spirantia sunt hominum simulachra) nullo modo conuelli, aut senio possunt obliterari: imo sanctiora & durabiliora sunt ipsa vetustate. Quæ cum animo perpenderem, danda mihi fuit opera, ut Gyllij clientis tui, & patrui mei nomen cum tuo sempiternæ memoriæ traderetur, quæ te optimo iure dignum censemus, in quo & vitæ religio & doctrina enitet: quibus haud dubie vitæ constat, quod ex mortalium commercio, eas si sustuleris, omnia

† 2

futura sint incondita, nec minus obscura, quàm si Solem & Lunam demas. Pythagoram nanque ferunt, inter alia sua documenta admonitos voluisse discipulos, in primis, ut Deum religione colerent: animum verò disciplinis. Quorum dogmatum, ut tu cultor es, quantum pietas patitur, observantissimus, ita Christianæ persuasionis scriptorum assiduus lector, & imitator, ut nulli clarissimorum videaris secundus: nec minus eruditione, quàm Cardinalatu memorandus. Verum hoc unum scio, apicem & primatum hunc, non opes, non nobilitatē (quæ vel sola te commendare poterat) tribuisse tibi, sed religionem illam doctrinæ coniunctam: quibus sic te adornatum videmus tanquam alexipharmaco quodam. Hinc factum est, ut te consilio pollente in legationibus obeundis & Franciscus & Henricus Reges visi sint: maximas enim res apud summos Pontifices, & ubi visum est, tuo consilio, autoritate, prudentia, gloriose conferre: neque ab his solum in sapientium numero habitus es, verum & à summis pontificibus Romanis, & illustrissimis principibus. Hac ratione tanto apice & meritis, cohonestatus es: quo sane antè dignus eras, quàm acciperes. Quippe viris præcellentibus hoc inest, non ut tam studeant aliquid suscipere, quàm mereri. Tam præclaris animi dotibus illud accedit, quod literatos diligis, ac foves: illorum benevolentiam expetis, muneribus concilias. Etenim qui tuus in omnes studiosos semper fuit propensissimus animus, hunc eundem in Gyllium multis ab annis perspectum habui, maximè cum illo vita functo, te verò legationem regiam obeunte apud summum pontificem Paulum quartum, illius lucubrationes una cum ipso deperditas nolueris, quas in tui unius gratiam Romæ conscribebat, suorum ut errorum prope Ulyxeorum, tibi rationem aliquando redderet, fata nisi in contrarium ei obstitissent. Quin & ex tua singulari
huma

M
 humanitate, benevolentia haud insueta, te in Galliā redeunte
 post expletum munus, inter cetera id tibi curæ fuit, ut illinc
 eius conscriptiones, vel fragmenta potius asportarētur, ne quis
 eos labores tuo nomine dignos sibi vendicaret. Igitur quod ad
 Gyllium spectat, si quid utilitatis hinc percepturi sunt studio-
 si, tibi acceptum ferent, ut qui tanti semper feceris bonas lite-
 ras, ab alijs pauci æstimatas. Itaque cum tu nec clientis indu-
 stria, nec ille tanti mæcenatis liberalitate unquam abusus sit,
 sed eodem animi consilio uterque publicæ & cōmuni omnium
 utilitati prospiceret, tu quidem ex animi generosità virtuti,
 ille ingenio servire desideravit. Ita rem habere satis in hūc vs-
 que diem id ostendit, cum doctrinam doctōsque vacuus à ne-
 gotijs regijs, adiungis tibi, atque concilias. Hinc est, quod longè
 maior laus sit tibi tribuenda, quàm ceteris principibus (absit
 verbo invidia) in cuius cubiculū permulti libri ingressi sunt,
 qui veri & virtutis viam tradidēre. Quæ omnia cum mihi,
 beneficia experto, constarent, ne ab aliorum nostri temporis
 instituto recedere viderer, qui cum sua scripta in lucem pro-
 ferunt, vel ab alijs exarata, haud sine inscriptionis tutela &
 patrocinio ea in vulgus emittūt, præclarum hunc morem mihi
 retinendum putavi, ut auspicijs, ductūque tuo fœlicissimo tan-
 dem exirent ea, quæ Gyllius conscripsit de Bosporo Thracio, &
 de Constantinopoli, longè melius ab ipso tot annos lustratis,
 quàm sint à ceteris, qui hoc idem tentarunt suis libellis. Fe-
 cit denique tua benignitas, ea fide & conditione in manus no-
 stras hæc pervenirent, ut unā cum Aeliano de Animalium
 historia, & libello Demetrii Constantinopolitani, de curatio-
 ne accipitrum, ab ipso è Græco in Latinum factis, prælo sub-
 iicerentur. Qua in re æquisima ipse mihi dcesse nolui, deligēs
 tuam celsitudinem, cuius fidei & patrocinio hæc opera com-

mitterem: neutiquam aberrans à proposito patrui vita fun-
cti, qui studia sua in tua fide, tanquam in sinu turo, sua-
uissimè conquirere cupiebat, quorum etiam illi semper
autor fueris. Porro autem qualecunque munus literato-
rium istud fuerit, Cardinalis illustrissime, & amplissime,
(erit enim mea in te obseruantia pignus, & grati mei
erga te animi argumentum) sic æquo animo am-
plectaris, quo huius generis solitus es. Quòd si
tua amplitudini placere indicauero: fiet,
vt in his, quæ à te desiderari in-
telligam, voluntati tuæ à me
pro viribus satisfiat.
Bene vale.

AD P. GYLLIVM.

Appellant Itali vulgò sua lilia Gylli,
Nec male se nomen sic posuisse ferunt.
Gyllius inde tibi est aptum cognomen: vt in quo
Dogmata sub niueis moribus eniteant.

IND





INDEX CAPITVM HVIVS TRACTATVS DE BOSPORO THRACIO.

LIBRI PRIM I.



De origine Bospori, & de eius multis nominibus.	caput 1.
De Bospori principio & fine & eius longitudine.	c. p. 2.
De latitudine Bospori.	cap. 3.
De figura Bospori, & de eius decursu, certo quidem, sed multiplici.	caput 4.
De Bospori sinu, Cornu nuncupato.	cap. 5.

LIBRI SECVNDI.

De Bospori ora Europea, eiusque locis intra Constantinopolim.	cap. 1.
De ora sinus Ceratini cingente urbis latus uergens ad Septentriones.	cap. 2.
De flumine Cydari & Barbysa ex anaplo Dionysij.	cap. 3.
De locis appellatis Mandris, & Dryi, & de luco Apollinis, & ponte Philippi, & de cubis Canopi.	cap. 4.
De isthmo Ceratini recessus, de sepulchro Hippothenis: de fycis, & delubro Amphiarai.	cap. 5.
De adibus Diane luciferae, & Veneris placidae, & de loco Ostreode, & Meropo, & ara Apollinis.	cap. 6.
De Aiantio & Palinormico, & templo Ptolomaei, de Iasonio, & luco Apollinis, & de alijs antiquis locis.	cap. 7.
De Rhodiorum portu, & de Archio loco.	cap. 8.
De sene marino, & parabolo, & de calamo & Bythio.	cap. 9.
De uico Michaelio, & de promontorio appellato Estijs.	cap. 10.
De locis nominatis Chelis.	cap. 11.
De promontorio Herameo, & rapido cursu Bospori: de Pyrrhia Cyone: de Bospori summis angustijs: de ponte Darij.	cap. 12.
Περί τῆς λίθου ποταμοῦ: de petra Phidalia, & portu mulierum, & de loco Cy-parode.	cap. 13.
De sinu Leosthene.	cap. 14.
De Commarode, & Bacchijs petris, & Thermemeria, & de portu Pitheci, & sinu appellato Pharmacia.	cap. 15.
De sa	

De saxis, & cautibus littoris excelsi, prærupti, præcipitisque, & de clauibus ponti: de petra nominata Dicea.	cap.16.
De sinu nuncupato Profundo, de fluuio eiusdem nominis, & Saronis ara: de agro nomi- nato Calo.	cap.17.
De promontorio Simæo, & sinu Sclerina: & de aris Apollinis, & matris deorū. c.18.	
De Milco promōtorio, & sano Byzantiorū: de Serapio, & tēplo Phrygiæ deæ. c.19.	
De Chrysorrhœa fluuio: de secturis metallorum: de Pharo antiqua.	cap.20.
De portu Ephesiorum, & de Aphrodisio: de portu Lyciorum, & de Myrleanorum domicilio.	cap.21.
De Gypopoli, & de aulis Phinei, & Amyci Bebrycis.	cap.22.
De petra Dotina.	cap.23.
De Panio promontorio Phari, & de Cyaneis petris.	cap.24.

LIBRI TERTII.

De scopulo nuncupato Colona, & de Rhebante flumine.	cap.1.
De promontorio Ancyreo, & de ancora Iasonis.	cap.2.
De Pyrgo Medæ, & de insulis Cyaneis Asiæ.	cap.3.
De promontorio Coracio, & de Pantichio, & de scalis nuncupatis Chelis.	cap.4.
De sano Iouis, & Neptuni, & de aris duodecim deorum.	cap.5.
De Argyronio loco, & Nymphæo, lecto Herculis: & de Moucoporide portu, & Lau- ro insana: & de portu Amyci.	cap.6.
De sinu Catangio: de promontorio, quem Dionysius appellat ὀζύππευ, & portu Phri- xi: de promontorio Lembo nuncupato, & de insula exigua.	cap.7.
De Naumachio, & Ciconio: & de promontorijs nuncupatis πορσεῖς: & de duobus Discis.	cap.8.
De Chrysopoli, & loco appellato Boue, siue Damali.	cap.9.
De fonte nominato Heragora, & templo Veneris: & de æde Synodi Chalcedonen- sis: de Chalcedone.	cap.10.
De portu Eutropij, & Heræo promontorio, & de antiquis regijs ædibus, appellatis Heralis.	cap.11.
De insulis suburbanis Byzantij, & Chalcedonis, & primum de insula Prota, & de Oxia & Platy.	cap.12.
De insula Antigono, & de insula Pityode.	cap.13.
De Chalchitide insula.	cap.14.
De insula Principis.	cap.15.

PET

PETRI GYLLII

DE BOSPORO

THRACIO,

LIBER PRIMVS.



VM NOVAM Romam Constanti-
nopolitanam sim descripturus, mihi
prius describendus videtur Bospo-
rus princeps creator Byzantij melior
& præstantior, quàm Byzas huius vr-
bis conditor: quanuis hic optimus &
Deo simillimus fuisse traditur, quo vrbs iam tot secu-
la carere potuit, & situs loci alium conditorem inue-
nisset, vt postea deserta inuenit Pausaniam, deinde fun-
ditus euerfa Constantinum: at Bosporo ne punctum
quidem temporis carere potest, supra quem Constan-
tinopolis sita est. in cuius obscuritate illustranda, si lon-
gius ero, id attribuendum erit obscuræ caliginis tot se-
culorum, quæ Bosporum Thracium cimmerico longè
obscuriorem effecerunt, & magis clausum, quàm esset
ante Iasonis transitum, tenuerunt, vt huius non modò
caput ex tanta caligine extaret, hoc est cyaneæ petrae,
sed ne eiusdem quidem plus centum loca antiqua olim
memoriæ prodita ab antiquis scriptoribus, quæ latue-
runt in tenebris abhinc ferè ruinis Seueri, quorum ca-
ligo discuti non potest, nisi Phineo cæco, qui nobis ve-

lut Iasoni transitum Bospori demonstret, oculos resti-
tuerò, id est, Dionysio Byzantio antiquissimo Bospo-
rici anapli scriptori, iam tot annos in cæcis tenebris ia-
centi lumen attulero, qui licet hominū in magna luce
versaretur, tamen crassa adeò caligine circumfusus est,
vt non videretur, nisi quis simili studio, quo vti cona-
tus sum, eius caliginē discuteret. Ita enim eius nomina
antiqua ignorata sunt, vt nulla iamdudum nota sint,
quæ illustrare ob huius freti excellentiam conabor,
quod præstat omnibus fretis. Gaditanū quidem strin-
git duos orbes, sed incipientes, sed vinculo lato sexa-
ginta stadia: at Bosporus duos medios orbes nodo a-
stringit non latiori quatuor stadiis: adde, quòd Bospo-
rus est commodior, hic enim vtroque orbe accolarum
multis commerciis coniunctorum frequentatus, por-
tæ habet dispositionem ob communionem mutuam,
aliquando ponte iunctus ab his, qui pedibus ex vna
continente in alteram transire mallent. At Gaditani
freti rarus est vsus ob inusitatam Libycorum commu-
nionem cum Europeis, & ob longinquam externi ma-
ris navigationem. Thucydides laudat Siciliam, quòd
freto viginti stadiorum disiungitur à continenti, sed
id duntaxat insulam iungit Italiæ, infame non modò
scopulis monstrosis & voraginibus, verum etiam be-
luis, quibus Bosporus caret, chalcidicum fretum mi-
rabile; sed ob sui curipi inconstantiam ponte quidem
iungentis insulam continenti, at non longiori spatio
octoginta passibus, quibus patet in longitudinem, in
latitudinem circiter quadraginta, qui hominum ma-
nu obrui potest: reliquum chalcidici curipi Euboicū
fretum

fretum longū & difficile, non enim alia infestior classi-
statio est. Nam & venti ab vtriusq; terræ præaltis mon-
tibus subiti atque procellosi fretum hoc torquēt: Bos-
porus autem semper portuosus, & nauigabilis. Præter-
eo isthmum Corinthiacum, qui vt fretum admisisset,
duos tamen sinus breues coniungeret, qui non magna
nauigationis circuitione iungi possunt: at Bosporus
coniungit duo maria, quæ nulla nauigationis circui-
tione iungi possunt: nisi Bosporo, quem sapienter Eu-
ripides clauem nominat ponti, rectè physicam ratio-
nem secuti Poëtæ finxerunt, Bosporum minimè per-
uium, eundemque transire, sine Phineo rege Bospori,
Iasonem non potuisse, significantes pontum inuito re-
ge Bospori adiri non posse. Rectè Hesiodus ait Phineū
excæcatum fuisse, quod nauigationem cyaneorum &
ponti, Phrixo indicauisset. Omitto Bosporum Cimme-
rium triginta stadia latum & vadosum. qui etsi valde
profundus esset, tamen hostes non arceret, sed auxilia-
retur hostibus. Conglaciatus enim, pontis vicem præ-
stat, cuius campi minus mansueti, quàm illius montes.
Prætereo Hellespontum longè latiore, & sinu By-
zantiaco carentem, de quo rectè Constantinus iudi-
cavit: cū post habito Hellesponto Constantinopo-
lim in Sigæo promontorio inchoatam eminenti in fau-
ces Hellesponti transtulit ad Bosporum: præmitto
reliquos triplicis orbis limites, pontum Euxinum ma-
re internum, Tanaim, Nilum, quorum nullus contra
hostes tam tutus, quàm Bosporus. Illa enim maria la-
tissimè patent. Tanais gelu concretus pons est barba-
rorum. Nilus longissimus vno loco, custoditus infinitis

locis transiri potest: Bosporus vna clauē duos orbes,
duo maria aperit, & claudit. Piscium copia excellit Mas-
silia, Tarentum, Venetia, sed omnia superat Bosporus:
quod velut per portam duplicis maris pisces transire so-
lent. Autumno & verè tam certa lege naturæ, quàm so-
lent grues bis quotannis internum mare peruolare, tã-
tæque multitudine, vt primo cuique magnum piscium
numerus capere & ferire liceat: neque modò ab vsu
piscandi instructi, sed etiam totius piscationis rudes,
atque adeò pueri, & foeminae capere possint domi desi-
dentes ex fenestra calathis demissis, hamisque ab esca
nudis etiam imperiti piscandi, pelamides capiant tot
& tantas, vt toti Græciæ sufficiant, aliisque nationibus.
Et ne numerem infinita genera piscium, tot gregalis
generis capiunt, vt vno reti per multa nauigia impleat,
ostrearum bonitate excellentium tantam multitudi-
nem, cum aliis temporibus largitur Bosporus, tum ma-
ximam tēporibus, quibus per longis Græci vesci nō so-
lēt piscibus sanguinis participibus, vt quotidie videas
fora multa redundare ostrearum aceruis, hamiarum
ignotorum piscium Romæ & Venetiis. Suauissimi cibi
crebros greges videre licet in Bosporo, eorundē quo-
que pugnas cum delphinis tales spectare, quales tradun-
tur à scriptoribus. Quod si Bosporani non tantopere
terrenis carnibus abundarent, si piscibus delectarētur,
vt Veneti, si liberè piscari possent, ac non pro tributo
mediam piscationis partem dare cogerentur, & reser-
uare non haberent necesse regi omneis pelamides
ex ponto descendentes, profectò omnia fora Byzan-
tina piscium multitudine implerentur. Græci ex an-
tiquo

tiquo quodam proverbio extollunt Hellespontiorum piscium copiam. Sic enim inquiunt, cum quis temere ea, quæ abundant, aliunde affert ut rara, dicere solebant, noctuam Athenas, aut buxum in Cytorū, aut pisces in Hellespontum, quo multo præstantior Bosporus, per quem primò pisces, pastionibus ponti pingues facti descendunt: deinde ex his, qui Bosporanorum piscatorum insidias effugerunt, latiore transeunt Hellespontum. Quid quod sua dulcedine superat cætera maria, & suæ dulcedinis fecunditate contendit cum mirabilibus fluuiis, inter quos excellit Nilus Aegypto quidem fecunditatem dans, sed non tam suis natiuis aquis, quàm cæli & terræ siticulosæ natura, id quod deprehenditur ex riuiis fontium Arabiæ, Africæ, Mediæ, Babylonæ: hi enim sicut Nilus vicina loca, quæ alluere possunt, fertilia efficiunt. Vnde Byzantiis agris Libyæ tam eximia fertilitas, ut terra agricolis fœnus reddat cum centesima fruge? nisi ex vicinis mediocribus fluuiis saxorum mole primùm retentis, deinde per fossas diuisis? Quot in Gallia delitescunt flumina, quæ si per arenas mediam ferè occupantes partem orbis transirent, non mediocrem arenis fecunditatem darent? Bosporus sua dulcedine piscium multitudinem Niliacis arenis numerosiorem alit, non modò à se procreatorum, sed etiam ab utroque mari, tum mellis & ceræ, frumenti & vini, cæterarumque rerum copiam largitur non modò Bosporanis: sed etiam infinitis nationibus longinquis, atq; adeò ipsi Nilo Aegyptoque perimulta impertitur. Iure igitur Bosporus vulgò dicitur, Autumno aureus, Vere argenteus, rectius

appellandus Chrysorrhoas, quàm quisquā alius, etiam si esset Chrysorrhoas Damascenus. Hic enim vnus Damasci agros irrigat duntaxat, præterea nihil fert, innaui-
 uigabilis. Iam quispiam cœlum Bospori damnabit, vt caliginosum, Apolloniũque afferet, cùm scribit Argonautas ex alta specula insulæ Cyzici prospexisse *ἀ-
 γάειν τὸν ποταμὸν Βοσπόρον ὅτι οὐκ ἔστιν ἀπὸ τοῦ οὐρανοῦ*. Id enim non ex Bosporici cœli natura, sed ex longo interuallo accidit, quo amplius octoginta millia passuum à Cyzico abest Bosporus. Loca enim longinqua, & si cœli natura lucida sint, tamen ex longinquo interuallo prospecta obscura videntur. Erit alius, qui non probabit Bospori oras, vt asperas & planè thracicas: at hæc miti amœnitate certant non solum cum omnis maris littoribus, sed etiam cum ripis nobilissimorum fluminum. Nilus quidem suam amœnitatem ex vna ripa ostentat, ex altera deformat, patefaciens exustos, & latissimè retorridos campos. Vidi Penei ripas, quas amœnas efficiunt illa nobilia Tempe Thessalica in nemorosa conualle inter Ossam & Olympum sita, per quæ media Peneus viridis labitur, amœna, vt dicuntur, sed angusta: & breuia vndique, montibus in altitudinem immensam elatis coarctata, vt terror adsit prætereuntibus, qui augeatur, si Liuiο credimus, strepitu Penei agreste quiddam resonantis. Vidi item ripas amœnas aliquot fluminum Mediæ, hæc enim sunt illa decantata Tempe medica, virore quidem plantarum manu satarum læta, sed vndique montibus asperis arenaceis, qui natiuis arboribus carent, circumdata: veruntamen nulla amœniora spectavi valle, per quam defluit Bosporus vtrinque cinctus

ctus collibus molliter assurgentibus, vallibus leniter
pronis vtrisque partim nemorosis, partim vitiferis &
frugiferis, partim amœnitate viretorum, floribus, her-
bis, arboribus etiam fructuosis enitentium, inter quæ
excellunt horti Regij: quos singulos quid aliud esse di-
cam, quàm Thessalica illa Tempe amœnissima, sed
longè amœniora, nisi ea Lapithæ Centauri velut dra-
cones Hesperidum hortos custodirent, procúlque spe-
ctatores arcerent. Sileo riuos perennes & perlucidos
circiter triginta hinc atque illinc delabentes in Bospo-
rum, prætereo fontes gelidos. Quid vnum iam com-
memorem Nymphæum Chalcedoniorû situm iuxta
Bosporum à permultis antiquis commemoratû, cùm
valles Bospori plusquàm quinquaginta nihil aliud sint,
quàm Nymphæa virore nemorum & pratorum, topia-
rio & coronario naturæ opere spectabilia. Ora autem
maritima collucet plus triginta sinibus portuosus ad
marginem vsque profundis, inter quos excellit sinus
Chrysoceras, hoc est Cornucopiæ. siquidem aurum o-
mnium rerum copiam largitur. Collucebat olim ab
initio Bospori ad finem ædificiis continuis, quæ lon-
gis bellis euerfa iterum excitantur, vt ab initio sinus
ceratini iam littus ad promontorium Estias, littus pa-
tens in longitudinem circiter decem miliarium exæ-
dificatum sit ferè continuis ædificiis, non modò in sic-
co, sed etiam media ex parte in mari substructis non
modò ad hominum habitationem, sed etiam ad sta-
tionem scapharum, atque excipulas piscium: quæ o-
mnia patitur mitis Bosporus. Non enim fremebundo
æstu effervescit in ædificiorum fundamenta, sicut cæ-

tera freta, quæ littoribus fracta, spumarum feruorem in ædium pauimenta furiosè iactant, & fremitu terribili murmurantis maris littora plangentia maritimas vrbes vexant, sed lenis urbem & suburbana alluit, neque sese effert extra littus, quanuis humile & planum. Itaque Iasonem duodecim diis apud Bosporum sacrificasse, templumque condidisse arbitror, iudicatem non modò hominum, sed etiam omnium deorum domicilium esse Bosporum. Apollo quidem sex templa habuit iuxta Bosporum antiquissimum in vrbe Chalcedone, nullis oraculis cedens, duo Byzantij, vnum in Xerolopho, cum tripode antiquissimo, alterum cum luco laurorum iuxta finem sinus cornu, quartum, iuxta eundem sinum, quintum in promontorio nuncupato Metopo, sextum in suburbano vico appellato Daphne à profundo luco laurorum Apollini consecrato, qui in Olympia, vt Mercurium cursu secum certantem præuerterit, ita periclitaretur certans in medio Bosporo cum Mercurio, qui semper præfuit promontorio Hermæo, obsidente maximas Bospori angustias, cuius radices cum sustinerent Darij pontem, eiusque sedem in saxo excisam, ostenderunt Mercurij ingenio. Darij Asiam Europæ quasi compedibus alligasse. Iustius apud Bosporum perenni certamine Iuno, Venus, Pallas contendunt: quàm vbi semel contendisse dicuntur. Dulcis Venus mare (vnde nata est) dulce ostendat excellere. Iuno colles vberes profert, & promontorium Bosporium, in quo fuit ædes Iunonis acrææ. Pallas arces Byzantias proponit non iudici Paridi iuueni pastori, sed Ioui antiquissimo imperatori, & Neptuno, præsid

præsidentibus Bosporo, cuius portas Neptunus seruare traditur, & clauis ponti custodire, adiutore filio Byzante fabro clauis ponticæ, hoc est arcis Byzantiæ conditore, in qua antiquum Neptuni templum fuisse scribit Dionysius. Iupiter Vrius, imperatorque quandiu multumque Bospori angustias tutatus sit, declarat fanum Iouis Vrij, in hunc diem nomen retinens: declarat eiusdem statua in Bosporo sita, quæ, cum tam multa bella ex ponto emerferint, seruata est, cum interim sua signa Iupiter pateretur ex Macedonia, ex Græcia auferri. Cum Lucullus ex ponto auferret coloscum Apollinem, tamen illam, etsi in toto orbe pulcherrimè facta haberetur, attingere non ausus est: nec arce prius cessit, quàm Christus ei successit verus Iupiter Vrius, & Imperator: adeò ille Bosporum amore prosequutus est, quem nonnihil augere potuit, id quod sempiterna nominis memoria Bosporus testatur se transuexisse Io, quam Iupiter amauit, Bosporiq; accola Smystra educavit Ceroessam Iouis & Ious filiam matrem Byzantis, qui condidit Byzantium. Acrius igitur & commodius in Bosporo, quàm in Olympia de Orbis imperio Iupiter cum Saturno colluctari potuisset, nec modò deorum hominumque pater, sed etiam mater deorum Bosporum accoluit, suisque ædibus arcem oppositam arcis Iouis Vrij illustrauit: neque modò dii deæque inter se, sed etiam secum de pulchritudine Bospori certant, in quo mari Venus dulcior, quàm in dulciore poti, cuius aqua potui pecorum utilior, quàm dulcium fluminum. Itaque accolentes pontum omnia pecora ad mare ducunt, vt ex eo bibant, vbi Venus placidior,

quàm in placido Bosporo, vbi Veneris placidæ ara in sinu auricornu nuncupato, eiusdémque templum in suburbano proximo Chalcedoniæ: & in portu Lyciorum, vbi etsi Bosporus frigidus, tamen Venus frigere non potest compréssa collibus Bacchi & Cereris feracibus. Iuno circa Bosporum duplex & gemina, nempe vtraque continens certat non solum de similitudine, sed etiam de paritate collium, vallium, fontium, frugum, fructuum: vbi Pallas urbium, arcium tutrix, arcem architectari potuisset commodiorem ad retinendum vtrunque orbem, quàm in Bosporo, vbi Pallas Bospori primas sibi partes deberi contendat, quàm in arce Byzantij, quò primùm egressi Colonia deductores Mineruam coluerunt, aramque Mineruæ ecbasia ibi crexerunt, & Pallade adiutrice statim pugnarunt tanquam pro terra patria, nempe Byzantio, quod lumen est clarissimum Bospori. Habuit item alterâ aram supra Bosporum, quam Megarense colonia deductores Palladis dissipatoriæ appellarunt ab hostibus Barbaris dissipandis. Diana item, & Ceres, & Bacchus contendunt ornare Bosporû. Ecquodnam aliud tam braue spatium sex templa habuit illustria Dianæ, quàm Bosporus? in cuius exordio fuit Dianæ fanum ad eò celebre, vt idem fanum ab aliquibus dicatur Dianæ, ab aliis Iouis. Nusquam Diana sua retia marina tendit felicius, quàm in Bosporo, in quo medio fuit ædes Dianæ dictynæ. Finis Bospori habuit templû Dianæ Orthosiæ, & ædem Persephone in promontorio Bosporio: itémque in opposito littore delubrum Dianæ Luciferæ, atque in Bospori portu Lyciorum nuncupato templ

templum Dianæ phosphori. Sed quid tam multa de diis? cùm possem Bosporum suis variis & propriis laudibus efferre, nisi hæc pauca præloqui voluissem, non tam vt laudem Bosporum ex iudicio Deorum, quàm vt Bospori nomina antiqua summatim informē vsurpata atque appellata ab aris, templis, cæterisque Deorum monumentis. Itaque Bosporum deorum domicilium appellavi, quòd in eo omnium maiorū deorum ara, ædēsque multæ & celeberrimæ fuerunt. Iure igitur nonnulli Bosporum, sacrum ostium appellarunt: iure Iason duodecim diis fanum consecrauit propterea, vt mihi videtur, quòd omnes dij ad eum ornandum contendisse videntur cōtra Sostratum, qui Bosporum asserit Neptuni opus esse: mihi potius ab orbe condito ipsum patefecisse videtur architectus ille summus, qui elementa creauit & distinxit, quomodo Neptuni fortuita vi Euxinus pontus tam scitè Bosporū aperire potuisset? in quo nihil fortuitum videtur, sed summa ratione factum, vt vix vlla humana mens maiore artificio excogitare posset commodiorem ad nauigandum: aut si quis tentaret Bospori os aliter fingere, ille esset, qui in alia corporis parte os hominis, quàm est, commodius esse debuisset, frustra probare niteretur. Primum suum introitum inter cyaneas largum viginti stadia, montibus cinctum velut brachia distendit in complexum introeuntium, deinde sensim per longitudinem duorum miliarium vsque ad promontorium Myrleanum coarctatur in angustias miliarias, pòst in longitudinem quinque miliariorum: quoniam rectus procedit, multos sinus portuosos efficit, atq; ad finem

vsque magnis anfractibus, & crebris sinibus pergit flexuosus vsque ad moenia Byzantij, cuius mucrone velut rostro scinditur in duas partes, quarum rapidior & maior in Propontidem progreditur paulatim, oris recedentibus, vsque dum inter Chalcedonem & Byzantium dilatatur in quatuordecim stadia, similiter pari introitu ascendentes excipiens in pontum, vt excipit descendentes ex ponto. Altera pars sinum efficit, cornu nuncupatum. sed quid plura de Bosporo? sine quo Byzantium nunquam extitisset, aut vulgaris vrbs remansisset, cuius conditor & genius Agathodemon Bosporus iure dici potest & debet, sine quo non modò viuere cum dignitate, sed ne nasci quidem potuisset. Et ne habeam inculcare, quæ postea dicam de Byzantio, id ferè omne Bosporo acceptum referre oportet, quod laudis tribui potest Byzantio.

De origine Bospori, & de eius multis nominibus.

CAPVT I.

BOSPORI Thracici origo est pontus Euxinus. supra pontum est Mæotis, quam matrem & nutricem ponti diuulgauit hominum sermo, iam ab vsque antiqua memoria traditus, Mæotidis finis Tanais, limes Europæ & Asiæ Mæotidem Cimmerico freto excipit pontus, auctus Mæotide, & multis magnisq; fluminibus per Thracium Euripum exit in Propontidem. Et vt magni lacus fluuium aliquem emittere solent, ita pontus emit in mare Aegæum velut flumen maximum, in principio angustum, in medio amplum, in fine strictum. Finis appellatur Hellespontus, medium verò lacus similiter

multitudinem gerens Propontis, principium Bosporus.
 Hunc multis nominibus scriptores appellant: Græci
 quidam αὐλῶνα. Pomp. Mela, canalem, alij Euripum
 Thracium. Herodotus modò ponti os appellat, modò
 αὐχὴν. Laurentius vertit collum, poterat purè & Latine
 reddere fauces pontici maris: Græci nostræ ætatis λα-
 μόν nominant. Turci eodem sensu Bogazin: fauces, in-
 quit Liuius, εἴνα vocant Græci, Bosporum quidam re-
 centes scriptores stenon nuncupant. Pomp. Mela etsi
 interdum totum fretum nominat fauces, tamen par-
 tem vltimam Bospori positam inter Chalcedonem &
 Byzantium propriè appellat fauces, reliquam oris par-
 tem vocat os. In Bospori, inquit, faucibus oppidum in
 ore Templum est. Oppidi nomen Chalcedon, Templi
 numen Iupiter, vbi distinguit fauces ab ore, idq; aptè:
 siue existimat pontum, vt omnes existimant, exire in
 Aegæum velut per meatus cuiuspiam animalis, nem-
 pe primò per Bosporum, quasi per os & fauces subire
 in aluum, hoc est in Propontidem: deinde per Helle-
 spontum, tanquam per vesicæ fauces delabi in Aegæū:
 siue putat mare Aegæum exire in pontum, id quod pu-
 tare videtur, sed falsò, vt paulò infrà ostendam. Tum
 enim, reuera, Aegæum à Propontide velut ab aluo eii-
 ceretur in pontum per fauces & os Bospori. Non igitur
 minus rectè Threicias fauces Bosporū appellabimus,
 quàm Lucanus Hellespontum appellauit. Cicero Bos-
 porum nunc introitum ponti, nuncos, atq; angustias
 dicit. Similiter Aristides Bosporum appellat εἰσβολὰς τοῦ
 πόντου. rectius Philostratus ἐκβολὰς τῷ πόντῳ. Cùm Bosporus
 sit ponti exitus potius, quàm introitus Pomp. Mela an-

gustias introitumque maris venientis, nos fretum: Græci *περὶ μὲν* appellant. Procopius restrictius hunc præfinire videtur in libro inscripto *περὶ τῶν ἀνεκδότων*, quem scripsit contra Iustinianum, contraque eius uxorem Theodoram. Byzantium, inquit, utrinque fretum habet, unum in Hellesponto circa Sestum & Abydum, alterum in ponti Euxini ore, ubi fanum nominatur: in Hellesponti freto tributum quidem minimè exigebatur. Præfectus verò à Rege missus in Abydo sedebat perscrutans, si qua naus ferens arma sine Regis permisso iret Byfantiū, aut si quis Byzantio soluisset, qui non ferret literas & signa hominum, quibus hæc cura mandata esset. Non enim fas quenkum ex vrbe Byzantio enauigare sine dimissione virorum operam dantium magistratui appellato magistro non dimissorum. Similiter si quis ad Barbaros mearet, apud fanū Iouis præsidebat, qui perscrutaretur, si qua ex Romæorum ditio-
 ne ferret, quæ ad hostes efferre non liceret: nihil tamen huic præfecto exigere licebat ab his, qui illac nauigarent. At ex eo tempore, quo Iustinianus accepit imperium in utroque freto, constituit tributum publicum, & stipendio quidem utrique freto præfectos afficiebat. Verum edicebat, ut omni vi quàm plurimas pecunias inde auferrent. Prætereo cætera, quæ Procopius colligit contra acerbam exactionem à Iustiniano utrique freto constitutam, hoc unum duntaxat ex his percipe, Procopium Bospori & Hellesponti summas angustias strictè nominare fretum, ut Titus Liuius fretum Chalcidici Euripi vocat summas angustias canalis Eubœæ diuidentis à Bœtia: certis & propriis etiam aliis vocabulis

bulis Bosporum scriptores nominant. Ptolemæus os
occiduum ponti. Apollonius Argonauticorum poëta
σκολίς πὸς εἰνπορον appellat. Arrianus fretum Mysium
à Mysiis populis, cum id Mysij accoleret: deinde Thra-
cium à Thracibus accolis. Potuit etiam appellari Bi-
thynicum, & Mygdonium, & Bebrycium, cum Bithy-
nia, quæ claudit Bospori latus dextrum, Asiaticumq;
Fuerit etiam appellata Mygdonia & Bebrycia. Hero-
dotus nominat Bosporum Chalcedoniæ. Strabo os By-
zantiacum. Ioannes Tzetzes appellat Bosporum Da-
maliten sua ætate nuncupatum, vulgò Prosphorium.
Aristides ianuam ponti vocat, imitatus Pindarum, qui
fretum Gaditanum portas dicit Gaditanas. Ora enim
similia portis habentur: inde fluminum exitus ostia di-
cuntur. Plinius fretum Gaditanum appellat limen in-
terni maris. Euripides clauem Ponti nuncupat Bospo-
rum. Vnde autem vocetur Bosporus, etsi omnibus cla-
rum, à bouis meatu: tamen dubium controuersumque
inter vetustissimos scriptores est, quænam bos illa fue-
rit, & quæ transierit, quod non tantopere quærendum
putare, nisi hoc perspicuo facto, planè intelligere non
possumus, vbi locus appellatus Bos siue Damalis, vbi
Chrysopolis. Poëtæ tradunt Inachi filiam mutatam in
bouis speciem, ira Iunonis fretum hoc transisse, ex eó-
que Bosporum appellatum fuisse. Polybius addit trās-
isse ex Europa ad locum sua ætate nuncupatum bo-
uem. Arrianus ex quorundam sententia adiungit aliã,
bouem fuisse, quæ huic freto nomen dederit, quam di-
cit Phrygibus vrgentibus incolumē transisse fretum,
positum inter Chalcedonem & Byzantium, ducemq;

illis extitisse, quibus diuinum oraculum datum erat, v^t bouem transitus ducem facerent, cui obtemperantes incolumes transierunt, huiusque meatus monimentum tradit esse bouem æream, excitatam à Chalcidonen-
sibus, locumque illic esse, qui vsque ad suam ætatem for-
san ex hac appellaretur Damalis. sed vbi fuerit locus
Bos siue Damalis dictus, postea suo loco ostendā. Dio-
nysius Byzātius affert quosdam tradere bouem cestro
stimulatam ad promontorium, in quo postea condi-
tum est Byzantium delatam traiecisse meatum me-
dium, ex eoque hunc Bosporum, illud Bosporium no-
minatum fuisse. Alij verò testantur ideo sic nuncupa-
tum, quòd omne fretum appellare olim solerent Bos-
porum, nonnulli scribunt accolas, siquando olim hoc
fretum traicere vellent, rates alligasse adiunctis bo-
bus, atque ita traiecisse. Ex eoque nomen adeptum fuis-
se. Nimphis tradit Acarionē historię mandasse Phry-
ges traicere volentes nauem ædificasse bouis caput in
prora habentem. Hæc quidem ex antiquissimis scri-
ptoribus attuli, vt cognoscatur num verè recentes scri-
ptores tradāt, inter quos Ioānes Antiochenus, qui scri-
bit à Byzante conditore Byzanti bouē in hoc fretum
immissam traiecisse ad Chrysopolim, ex eoque Bosporū
appellatū fuisse, cum Byzās nepos fuerit Ious, quæ an-
tequam Byzas nasceretur, hunc canalem traiecerat.

De Bospori principio, & fine, & de eius longitudine.

CAPVT II.



ERODOTVS Bosporum Thracium scribit
longum esse centum & viginti stadia, sed lo-
ca vnde incipit, & desinit, non explicat. Poly-
bius

bis similiter longum esse dicit, & loca quibus terminatur, nominat, nempe ex parte ponti fano nuncupato ex parte Propontidis, Chalcedone. sed fani nomen non declarat, Iouisne, an Diana, an Neptuni: nam horum trium fana ponuntur in ponti introitu. Sed Menippus, & Arrianus in suis periplis Bithynia id fanum nominant Iouis Vrij, & ponunt in Asia, eandem Bosphoro longitudinem dantes à fano Iouis Vrij ad Chalcedonem. Similiter Pomp. Mela oram Bospori Asiaticam persequens tradit templum in ponti ore positum authore Iasone aedificatum, cui nomen esset Iupiter. ex eoque templo dicit, ut ingens pontus se se aperit: quem Herodoto teste, ut videret Darius apertum, profectus est ad Cyaneas à Grecis Planetas nuncupatas, ubi in fano sedens contemplatus est portum mirabilem, ex quibus dubium cuiusnam videri possit an fanum Iouis fuerit in Cyaneis petris: cum etiam Dionysius Orbis terre scriptor tradat ex ore Bospori Thracij (ubi fama est petras Cyaneas errantes per altum inter se concurrisse) mare multum aperiri. sed ingens pontus non modò ex insulis Cyaneis se se aperit, verum etiam ex fano Iouis, quod etiam hodie ^{ἱονίον} Græci appellant, posito intra Bosporum distante ab insulis Cyaneis quadraginta stadia atq; adeò pontus patescit à loco Bospori longè interiori distante à Cyaneis plus sexaginta stadia, quem Dionysius Byzantius appellat clauem ponti: ubi dicit pontum eminentibus promontoriis tectum incipere aperiri, nullo impediēte amplius verum aspectum maris, Symplegadasque appellatas olim fuisse flexiones multiplicium promontoriorum. Itaque Cyaneas

petras esse non modò insulas nuncupatas Symplegas, sed etiam rupes cingentes littora Bospori, & radices promontorij, vbi hodie spectatur fanum, ex quo Darius contemplari potuit pontum longe latéque. At fanum nuncupatum alibi, quàm vbi hodie extat, non fuisse videtur ex Strabone, Distant (inquit) fanum Byzantium, & fanum Chalcedoniorum à Cyaneis insulis viginti stadia, quorum alterum fuit Iouis Vrij, alterum Serapidis. Quamobrè in sinu, quem Græci huius ætatis appellant Dios sacra, fanum Iouis fuisse videri potest. Præsertim cùm supra id, quod nunc vocât *ἱὸς ὁρῶν*, Bosporus pergat angustus ultra duo miliaria, nimirum vsque ad Dios sacra, sed vt ibi aliqua Iouis ara fuerit. Tamen templum Iouis Vrij terminus Bospori ab authoribus celebratus illic non fuit, & erratum esse in Straboniano Codice, vel ex ipsius Strabonis verbis liquet, cùm ait apud templum Byzantium, & Chalcedoniorum fretum strictissimum esse totius Bospori, id quod non est apud sinum nuncupatum Dios sacra, tum magis ex Arriano tradente Cyaneas quadraginta stadia distare à fano Iouis Vrij, vbi idem totius Bospori os strictissimum esse dicit, ibidémque esse ostium ponti addit. Philostratus, & Dionysius Byzantius dicunt esse quatuor stadiorù, at obicietur Polybius scribens fanum Iouis distare ab Europa duodecim stadia, obicietur etiam Procopius, tradens Asiam atque Europam circum Abydum, & Sestum prope inter se accedere, iterùmque circa Byzantium, & Chalcedonem vsque ad petras Cyaneas olim appellatas, vbi fanum nunc ita appellatum. In his enim locis decem stadiorum

rum interuallo, eoque minus vtraque continens separatur ab altera. Quibus obiectis respondendum est: non intelligere Polybium de latitudine Bospori, sed de distantia fani ab Europa: fani enim arx sita fuit in supercilio promontorij, vbi etiam nunc castrum est, quod vulgus etiam Græcorum nominat ἱσπὸν, id est fanum, aut si intelligit fanum iuxta litus Bospori situm, codicis Polybiani erratum esse, aut ipsum errare dicemus, Procopium prorsus à vera mensura aberrare, siue intelligit de interuallo inter Cyaneas sito, inter quas fretum intercedens ex Strabone, & meo iudicio patet in latitudinem viginti stadiorum, siue intelligit Cyaneas cautes, cingentes Bosporum, & promontorium nuncupatum fanum, vbi scriptores longè antiquiores dicunt duntaxat quatuor stadia latas esse angustias supra quas eminent duo castella, alterum ex Asia, alterum ex Europa, quæ Græci vsque ad hanc diem vocant ἱσπὸν, vbi antiqua fana fuisse cum ex antedictis assequor, tum ex meis oculis & pedibus: quibus infra ostendam ab ultimis Bospori faucibus inter Chalcedonem, & Byzantium sitis, ad castella ἱσπὸν esse centum & viginti stadia, quorum situs ostendit nullum locum in Bosporo tam aptum esse ad obsidendas Bospori fauces, quàm locus, vbi hodie ἱσπὸν dicitur eiusmodi, qualis à Polybio describitur fanum esse locum natura munitissimum situm in ponti ostio, quæ Byzantij ingenti pecunia mercati fuerunt oportunitate loci pellecti, ne vllam cuiquam commoditatem relinquerent in pontum, vel ex ponto nauigandi, nisi id cum voluntate faceret Byzantiorum. Is locus si ad superiorem ponti introitum

intercurrentem inter Myrleium & sinum nūcupatum
 Dios sacra fuisset, vbi Bosporus largior, & multo rapi-
 dior, & vndique ferè rupes præruptæ, nō tam ipsi alios
 impedissent, quàm semetipsos non habentes neque
 commodum accessum, neque portum. Adde quòd ho-
 stibus commoditatem reliquissent muniendi promon-
 torium quod fanum etiamnum appellatur natura mu-
 nitissimum. Ad cuius radices fretum est angustissimū
 totius Bospori, adde etiam hoc promōtorium plenum
 ruinis retinere adhuc vestigia veteris oppidi, in cuius
 summo etiam nunc extat castrum muris cinctū, quod
 Turcorum præsidio diligenter custoditur, oppositum
 oppido Europæ similiter in ruinis iacenti: quod cum
 Byzantij tenerent sitū è regione fani Asiatici ab Stra-
 bone nuncupati Chalcedonici, perspexerunt commo-
 dissimum esse vtrunque tenere ad occupandas introi-
 tus pontici fauces angustas vtrinque portum habētes,
 olim cathenis claudi solitas, quæ vsque ad hunc diem
 in arce fani Asiatici seruari dicuntur. quod distat à pha-
 ro huius ætatis quadraginta stadia, cui vicinas insulas
 Cyaneas infra ostendam, ex quibus plenius liquebit fa-
 num hodie nuncupatum esse illud Iouis Vrij, fanum
 antiquissimum, quod Polybius, Herodotus, Menippus
 posuerunt finem Bospori. Quos miror non vltius po-
 fuisse saltem duo miliaria, vsque ad sinum Dios sacra
 appellatum, quò vsque canalis Bosporius pergit angu-
 stus, vbi non multo latior alienbi, quàm ad angustias
 fani, quum etiam rectius finem Bospori ad Cyaneas
 insulas posuissent: vt Dionysius Byzantius, vt alij ple-
 rique. Inter quos Strabo. Cyaneæ, inquit, in ore ponti
 sitæ

sitæ duæ perparuæ sunt insululæ, quarum altera Euro-
 pæ propinqua, altera Asiæ, diuisæ inter se freto lato vi-
 ginti stadia. cui consentit Dionysius orbis terræ scri-
 ptor. Sed siue Bospori initium sit à Cyaneis insulis, siue
 à fano Iouis, longitudo, quam Strabo attribuit Bospo-
 ro, dissentit ab aliorum longitudine: nam si initium sit
 à Cyaneis insulis, quas Strabo dicit distare à fano vi-
 ginti stadia, non conuenit cum Arriano, neque cum
 meo iudicio. Illas enim Arrianus dicit distare quadra-
 ginta stadia à fano, à quo si Bosporus incipit, Strabo-
 nis mēsurā iusta non est: quam ponit hoc modo: Cū
 inquit, ex angustissimo freto intercidentū inter duo fa-
 na processeris decem stadia, obuiam sese offert fretum
 coarctans Bospori fauces in quinque stadia: cū ab an-
 gustiis fanorum ad alteras angustias, quæ sunt ad Her-
 meum promontorium sint amplius quinquaginta sta-
 dia. Id quod ipse mensus sum. Et Herodotus cōfirmat,
 Darius, inquit, ponte Bospori transitum coniunxit ad
 eum locum, qui est medius inter fanum, & Byzantium,
 locūque ubi pons iunctus est, continuatis nauibus.
 Polybius appellat Hermæum promontorium, à quo
 usque ad Byzantium cornu nūcupatum. Strabo non
 absurdè quadraginta ponit stadia, si rectè dimensus
 sum, & priusquam dimetirer, collegeram ex Sozome-
 no. A promontorio, inquit, nūcupato Estiis ad Con-
 stantinopolim nauigatio est circa triginta stadiorum,
 à promontorio Hermæo ad promontorium Estias re-
 cta nauigatio excedit miliare. Ex quo patet à fano Io-
 uis ad cornu Byzantium stadia esse amplius nona-
 ginta. At ex Strabonis mēsurā essent duntaxat sexa-

ginta, cū à Byzantio ad fanū ex antiquioribus Strabone scriptoribus stadia constet esse centum, & viginti: à quibus mensura codicis Pliniani etiam ab Hermolao emendati dissentit. Bosporus, inquit, D. pass. intervallo Asiam Europæ auferēs abest à Chalcedone XII. M. D. pass. Inde fauces primæ VIII. M. CCL. pass. vbi Phinopolis, si errores ibi non sunt notularum numerariorum, vt esse longitudinis non videntur Hermolao, certe mihi errare videtur ponēs XII. M. D. pass. à Chalcedone ad angustias Bospori largas D. pass. siue eas intelligit esse in Hermaeo: vt intelligere videtur alio loco. Angustia, inquit, Thracij Bospori appellantur latitudine D. pass. quā Darius pater Xerxis ponte transiecit copias. At, vt iam dixi, Strabo ab angustis Hermæi promontorij ad cornu Byzantium ponit quadraginta stadia. Herodotus ab his angustis ad Chalcedonem miliaria designat circiter septem, & quingētos passus, cū locum vbi Darius pontem fecit, medium esse dicit inter fanum, & Byzantium: vnde fauces primæ non abessent à Chalcedone octo miliaria. Siue Plinius intelligit angustias fani, tum enim magis fallitur. Nam ex Polybio à fano ad Chalcedonem sunt centum & viginti stadia. Quod autem addit ab his angustis ad fauces primas, vbi Phinopolis est, VIII. M. CCL. designat fauces prope Cyaneas, cū dicit ibi esse Phinopolim, quam alio loco dicit esse iuxta Bosporum: aberrare videtur. Nam siue à promontorij Hermæi angustis intelligit, sunt amplius XI. miliaria ad Cyaneas, siue à fani angustis, quas Arrianus tradit distare à Cyaneis quadraginta stadia. Sed quid diutiùs metorquet

torquet Plinij inconstantia, qui alibi non veretur scribere Cyaneas distare ab ostio M. xiiij. ab Europa. M. D. quæ profectò non distant ab Europa plus octoginta passibus Romanis: neque ab ostio, etiamsi eius initium sit à fano Iouis amplius quinque miliaribus. Verùm illi non ferendi ingnorantes initium, & finem Bospori, quos designat Eustathius. Thracicum, inquit, Bosporum alij dicunt esse angustias Anapli nuncupati. Ego verò postea ostendā Anaplum esse prope Estias promontorium, deinde adiungit Eustathius diligentius perfectiùsque tradere qui dicunt supra Chalcedonem esse os ponti, ubi etiam sunt maximæ angustia: nempe designat angustias, quas dixi vnas apud promontoriū Hermæum, alteras ad fanum Iouis. In quo errore cognoui esse nonnullos Byzantios illic extimantes Bosporum dici ex eo quòd boues vltro citroque transire solitos sæpe viderint. Plinius similiter angustias Bospori propriè Bosporum appellare videtur, Cùm ait, Bosporus D. P. interuallo Asiā Europæ auferens abest à Chalcedone xij. M. D. P. inde fauces primæ. Nam quòd Xenophontis codices tam editi, quàm nondum editi habeant Chrysopolim Asiæ urbem extra ponti ostium sitam esse, sic enim græcè est, ἔξω τῆς σόμας, sed existimo legendum ἔσω, vel ἔσω τοῦ σόματος, cùm omnes Geographi intra Bosporū constituūt Chrysopolim, quæ in penitiore Bosporo est: quā Chalcedon, & Byzatiū vrbes ab omnibus principibus geographis in Bosporo constitutæ. Itaq; miror Herodianū scribere Byzatiū sitū esse in angustissimo Propontidis freto, quæ facile pateret, si dūtaxat dixisset sitū iuxta Propontidem. Quod for-

tasse etiam Herodiani aetate Byzantium aliqua ex parte, sed minima ex tribus Propontidem attingeret. At ex ea parte fretum angustissimum non est, ac potius nullum fretum est, sed lata Propontis, nescio an imitatus sit Polybium, qui Hellespontum appellat Propontidis angustias. Varro Propontidis fauces dixit, ubi Xerxes pontem iunxit. At hi, etsi poterant appellare ponti secundas angustias & fauces, tamen recte appellarunt Propontidis. Nam influit in Hellespontum Propontis, at non item in Bosporum: quin nusquam Bosporus rapidior fertur aduersus Propontidem, quam circa Byzantium. In eodem errore est Eustachius, ponens Chalcedonem in Propontide, sic enim interpretatur Dionysij versum, *χαλκίδες μὲν πρὸς τὴν ἑσπέραν γαῖαν, τὸ δὲ πρὸς βοσπορίαν, ἡ γὰρ πρὸς τὴν βοσπορίαν*, cum potius interpretari Bosporum debuisset. Similiter labitur Priscianus sic eundem versum latine reddens: Sunt Chalcedonij primi post ostia ponti, contra Herodoti Polybij. Strabonis, & reliquorum summorum scriptorum sententiam, qui intercedens fretum inter Chalcedonem & Byzantium appellant Bosporum. Dionysius Byzantius antiquissimus Bosporici Anapli scriptor promontorium, in quo situm est Byzantium appellat Bosporium, ex eo quod bos illa, quae nomen dedit Bosporo, ex hoc promontorio transierit in Asiam. Sed quam interdum Geographiae negligentes fuerint, etiam insignes Grammatici cum ex aliis perspexi, tum ex Eustachio, & Prisciano, tum maxime ex Ioanne Tzetze, qui Bosporum Thracium appellandum esse Hellespontium, & totam Propontidem Hellespontiam praescribit, magis quam docet.

cet. Sed quàm arroganti licentia, ex ipso loquente cognosce. Bosporus, inquit, apud nos appellatur Thracius, & Hellespontius, is, qui communi consuetudine Prosphorion vocatur. Disce etiam Hellespontum, unde, & quousque tēdat. Ex Abydi angustiiis, & ex omnibus mediis interiectis, vsque ad pontem Blachernarum Hellespōtus appellatur, Bebrycium mare in medio positum circumcludens, marēque Heracleæ Thracicæ. Quis autem maris scriptor de Bosporis duobus scripserit, & de Hellesponto, è turba multorum Historicorum haud scio, tamen Tzetzem ne mentiri in huiusmodi rebus existimes, sed exactiùs dicere omnibus historicis, & magis memoriter, quàm quisquam viuentium. Quis talem grēculam vanitatem, vel potius abasgicam ferat? Profitetur se nescire quis è multis historicis scripserit de Bosporo. Et cū hęc nesciat, tamen asseueranter affirmat se omnium optimè scire, quis sit Bosporus, & Hellespontus. De quibus cū nihil doceat, sed Tyrannicè præscribat pauca, & in his paucis à seipso dissentit. Hellespontum enim dicit appellari omne mare, quod intercedit inter Abydi angustias, & pontem Blachernarum, hoc est totam Propontidem, & partem Bospori. cur Hellespontum finit pontem Blachernarum? Cū prius definierit Bosporū Thracium appellari Hellespontiu etiam in mediis angustiiis, vbi Darius pontem iunxit. Quid causæ hunc mouerit, cur tam temerè Bosporum præscripserit, dicam ne, an iusserit Hellespontium esse appellandum? Non reperio: nisi fortè in Homero legerat. *πλατὴν ἑλλήσποντον*. At Eustathius exponit Hellespontum angustum esse inter

d

Sestum & Abydum: latum verò ad Sigæum, & Rhæ-
 tum promontoria. Dionysius Alexadrinus Acolidem
 regionem sitam esse dicit supra magnum Hellespon-
 tum, unde aliqui interpretati sunt Hellespontum sibi
 partem vicinam maris Aegæi vindicare, partemque
 Propontidis, at propinquam, alij Tzetze similis *χωρὶς*
καὶ μέγα ἐλλήσποντον: minus rectè interpretati sunt to-
 tam Propontidem, vt ostendam in tractatione Propon-
 tidis. Nam Eustathius cùm vno loco ait Propontidem
 esse os ponti, corrigendus esset, nisi alio loco resipiscere
 videretur, cùm inquit, exactiùs, & emendatiùs dicunt,
 qui tradunt os ponti esse supra Chalcedonem, vt tra-
 dunt omnes Historici, Geographi, Poëtæque. Diony-
 sius Alexandrinus, & Apollonius Rhodius, qui omnes,
 vt partiti sint Hellespontum, & Propontidem aliàs di-
 cam: vt verò Bosporum terminarint, iam dixi, cuius de
 initio, & fine. quid certissimum habeam, si quis meam
 sententiam fortè requirit: Dico non modò ex capitis,
 sed etiam ex pedum sensu, initium Bospori à Cyaneis
 non à fano mihi videri intuenti à promontorio Phari,
 cui proximæ sunt Cyaneæ insulæ Europææ ad promon-
 torium Asiæ contrarium, propinquum Cyaneis Asiati-
 cis pontum, coarctari in fretum latum viginti stadia,
 Vt tam rectè ibi Bosporus vocari debeat, quàm à Chal-
 cedone, vbi finitur. Nam vt spatium, quod intercedit
 inter Chalcedonem, & Byzantium, dilatatur in stadia
 circiter viginti, deinde sensim in septem stadia stringi-
 tur, sic inter Cyaneas fretum interiectum latum est vi-
 ginti stadia. Deinde sensim stringitur vsque ad Myr-
 lianum promontorium in angustias paulo latiores an-
 gustiis

gustiis fani. sed de Cyaneis copiosius dicitur. Iam de initio Bospori loquor, quod à Cyaneis duci asseueranter affirmo. Ergo, dicet quispiam, errarunt Polybius, Herodotus, Menippus, atque alij plerique antiquissimi, & eruditissimi, qui Bosporum fano Iouis terminarunt: errasse non dico, sed ita intelligēdos censeo, cum id spatij, quod intercedit inter fanum, & Cyaneas Insulas suburbanis duorum fanorū solo freto diuisorum plenum esset aedificiis, hæc omnia tunc fana fuisse nuncupata, vt nunc eadem loca vocant ἰσπᾶ, atque ipsum os ponti ab arcibus fanorum ad Cyaneas vulgus vocat ἰσπᾶν. Ita enim malo intelligere tantos autores, vt consteuerat, potius quàm accusare negligentiam. Quamuis Polybius, id interuallum situm inter fana & Cyaneas excludere ab ore ponti videtur, cum ait, à Cyaneis ad fanum Iouis Vrij, vbi est ostium ponti, quadraginta esse stadia. Quid enim necesse erat definire, esse os ponti, vbi est fanum, cum etiam id sit, vbi sunt Cyaneæ? Similiter Strabo sentire videretur, cum ait, Cyaneas inter se diuisas esse freto lato viginti stadia, tantundemq; easdem distare à fano Byzantiorū, quod est strictissimum totius Bospori Thracij, quodque etiam est ostium ponti, nisi prius dixisset Cyaneas Insulas in ponti ore sitas esse. Itaque Polybium similiter, vt Strabonem sentire dici cōuenit, potius quàm accusare negligentiam metiendi Bospori veram longitudinem, quæ si à Cyaneis incipit, longior est quadraginta stadiis, quàm si exorditur à fano. Non vt mihi soli videtur, sed & Arriano scribenti, à Cyaneis ad fanum Iouis Vrij esse quadraginta stadia, à fano ad portum Iauris insana quadra-

ginta à Daphne Byzantium octoginta stadia. Quare miror Dionysium Byzantium scribentem Bospori longitudinem centum, & viginti stadia patere, cum Insulis Cyaneis is Bosporum terminet. Nisi arbitrer ipsum secutum aliorum iudicium, ponentium initium Bospori in fano, potius quam suum: aut fortasse erratum est Codicis transcripti à nescio quo, existimante in Dionysio ita legendum, ut in aliorum scriptorum Codicibus Bospori dimensionem legerat. Iam cum ex antedictis liqueat, totius Bospori longitudinem esse centum, & sexaginta stadiorum, longè errat Sosimus Historicus, Bosporum tradens longum trecenta circiter stadia. Et promontorium fanum nuncupatum in ore ponti situm, distare à Chalcedone ducenta stadia, siue intelligit medium & directum cursum Bospori, siue eius oram terrestrem, quam ipse, quo ad fieri potuit, meis passibus mensus sum, motus tanta authorum dissensione, quæ me currentem incitavit, ut pedibus semel, & navigatione iterum, & sæpius Bosporum perlustrarem. Atque ita metirer à fine Bospori ad promontorium Bosporium plus minusve sex stadia esse, à Bosporo promontorio ad Metopum, fauces sinus Ceratinij mensus sum oculis totidem stadia patere, à Metopo ad fanum pedibus profectus secundum litus Europeum ambulavi circiter triginta novem millia passuum meorum, qui deductis flexibus & sinibus aduerti absconam non esse mensuram eorum, qui à fano ad ultimas Bospori fauces inter Chalcedonem & Byzantium sitas numerant centum & viginti stadia: inde usque ad Pharum, ubi Cyanea Europa oculo quantum æstimare potui, rectè Arrianus numerat

merat quadraginta stadia, pedibus metiri non potui ob prærupsum littus rupibus præcipitibus. Quamuis littus totum circuire tentauerim constanti quidem nixu, sed inconstanti mensura, ut enim pedibus manibusque ad virgulta adnitens ascenderam, confestim obiecta rupe præcisa & directa mihi cum periculo descendendum erat. Sed satis superque de Bospori longitudine, atque de eius principio & fine, quem aliqui ponunt, ubi principium existit, habentes rationem nauigantium ex Propontide in pontum, magis quam naturalis principij Bosporici incipientis à ponto, & desinentis in Propontidem. Quod nihil mihi aliud esse videtur, quam ostia fluminum appellare initia. Eorumque fontes finem: ut Cæsar ostia Rheni vocat capita, alij scriptores fluminum, fontes nominare solent capita.

De latitudine Bospori.

CAP. III.

VARIA Bospori latitudo est, ne quis forte seducatur, Herodoto, alijsque simpliciter præfinitibus Bospori latitudinem quatuor aut quinque stadiis, ea enim intelligenda est angustissima, ut profectò est duobus locis. Primus est ad fanum Iouis, ubi Arrianus & Strabo aiunt Bosporum angustissimum. Philostratus & Dionysius Byzantius idem sentiunt, atque definiunt largum quatuor stadia. Alter locus est ad Hermæum promontorium, quæ Strabo, & Pomp. Mela dicunt latum quinque stadia. Polybius similiter sentit, additque strictissimū esse oris pontici. Dionysius Byzantius ait: Quatuor stadiorum has utrasque angustias fune mensus essem, nisi suspitiosi

accolæ me deterruissent. Sed tamen quantum oculis iudicare poteram, mihi videbantur, eadem fere latitudine dimidio quidem arctiores, quam Hellesponti, tamen et si Lucanus Hellespontias aut arctiores, aut non minus arctas designare videtur his versibus,

Threiciæque legit fauces, & amore notarum

Aequor, & heros lachrymoso litore turres.

Quæ pelago nomen Nephelæas, abstulit Helle,

Non Asiam breuioris aquæ disternat vsquam

Fluctus ab Europa, quævis Byzantion arcto

Pontus, & ostriferas dirimat Chalcedonæ cursu.

Hæ Bospori solæ duæ angustiae sunt notatae literarum monumentis. At piscatores nostræ ætatis alias ponunt angustias. Vnas quidem à promontorio Europeo nuncupato Estiis, ad litus Asiaticum, quod vulgò vocatur Cecrium, easque piscatores nonnulli testantur tam angustas esse, quàm ad Hermeum promontorium, alias angustias definiunt piscatores inter promontorium Argyronium, & Milton. Quas tam angustas inquirunt, quàm ad fanum Iouis. Equidem ipse alias animaduerti angustias inter Coracium promontorium, & portum Lyciorum. Alias inter promontorium Clidium, & litus contrarium vicinum Vico Stauro nuncupato. Reliqua Bospori latitudo varia est, sed vix vsquam excedit duodecim stadia, nisi vbi in aliquos sinus dilatatur. Atque vbi principium est inter Cyaneas latum viginti stadia, & finis inter Byzantium & Chalcedonem, quem Polybius dicit patere in longitudinem quatuordecim stadiorum. Antoninus Pius in suo itinere traiectum ait à Byzantio ad Chalcedonem esse quatuor mille passuum.

suum. Plinius Chalcedonem scribit distare Byzantio septem stadia. Idem alio loco, Pelamidū, inquit, omnis captura Byzantij. Magna Chalcedonis penuria m. pass. interfluentis medij Euripi: sic enim legebatur ante castigationem Hermolai. At is legendum censet D. aut D C. & Strabonem affert id interuallum tradere *ωγρε-
σαδ'ιου*: quasi verò duntaxat de loco Bospori angustissimo intelligi possit. Quasi verò, vt Plinius ait, ex eo loco territi pisces saxi aspectu miri candoris peterent Byzantium. At locus vbi fuit hoc saxum non fuit in Euripi angustis quinque, aut quatuor stadiorum: sed, vt infra ostendam, in traiectu lato plus minúsve mille passibus. At enim quantum oculis aestimare potui, Euripus intercedens inter Chalcedonem & Byzantium, non attingit duo de viginti stadia. Dionysius Byzantius canalem Bospori intercurrentem inter promontorium nuncupatum Bouem siue Damalim, & contrariū promontorium Bosporium nominatum, in quo Byzantium situm est, scribit latum esse septem stadia.

*De figura Bospori, & de eius decursu, certo quidem,
sed multiplici.*

C A P. I I I I.



VAE Bospori figura, quive decursus an continuatus à principio ad finem decurrere perseueret, an interdum intermitteret defluere, qui flexus, qui sinus, vtrum canalis per planitiem, an inter montes: rapidus ne sit locorum angustis, an obiectionibus promontiorum, quodnam eius littus præceps, & præruptum, & quod planum: iam declarare conabor. Bosporus non rectus procedit, sed flexuo

flexuosus, vt scribit Apollonius Rhodius & Heratosthenes, *σκολιός*, at quo modo non scribunt. Progreditur enim non Meandri more, aut aliorum fluminum, quæ recuruis & tortuosis flexibus feruntur, non aptis ad nauigandum: sed ita ipsum natura incuruauit, vt subinde ad parallelas promontiorum eminentias fractus, per multosque anfractus retentus, sedatior mearet, aptiorque ad nauigandum decurreret vndique mōtibus cinctus. Vnde fit, vt non modò triginta portus nobiles habeat, sed totus fere portuosus sit, qui si planitie cingetur, aut rectus pergeret, valde ad nauigandum incommodus esset. At per anfractus portuosos, amplos pergens ad formam normæ ad nauigandum commodissimus habetur. Vt enim norma fabrilis constat regulis duabus, ita iunctis capitibus duobus, & diuarcatis alteris capitibus, vt rectum angulum efficiant: ita Bospori decursus ex ponto exiens à positione cœli media inter Orientem solstitialem, & Septemtriones ad Hybernum occasum directo cursu procedens amplius duo miliaria primum latus anguli normalis efficit ad sinum Bathycolpon nuncupatum, à quo flexus ad Orientem Hybernum recto itinere pergens in longitudinem paulo amplius duorum miliarium alterum latus normæ complet. Exinde alio facto angulo normali accedit ad promontorium Hermæum circiter tria millia passuum Romanorum ad occasum versus. Inde à septemtrionibus ad meridianum cardinem à regione cœli media inter Septemtrionem, & ortum solstitialem ad occasum Hybernum peruenit Byzantium: vnde à Septemtrione ad Meridiem rapitur in Propontidem. In summa, ab initio
ad finem

ad finem septem facit anfractus non modò Bosporicus
 canalis, sed littus etiam vtrinque canalem cingens. Hi
 septem anfractus alterni retundunt alternas septenenas
 rapidas confluentis percussiones, & retorquent in con-
 trarium littus. Primus decursus effluentis Bospori ab
 initio rectus defertur in Europam ad locum appella-
 tum Petram Dicæam. Alter in Asiam ad locum Gla-
 rium nuncupatum. Tertius in Europam contra Her-
 mæum promontorium. Non igitur decursus Bospori à
 ponto ad Hermæum promontorium similis est ob simi-
 litudinem, vt Polybius ait, locorum vtrinque Bospo-
 rum attingentium. Cùm iam viderimus ob similitudi-
 nem duos decursus confici vltra promontorium Her-
 mæum diuersos à communi decursu Bospori. Id quod
 ego iterum, & sæpius vidi, & piscatores testantur, atque
 Dionysius Byzàtius inter Dicæam petram, & promon-
 torium Hermæum ponit *ὁξύρρον καὶ παρίρρον*, promon-
 toria ita nuncupata à vehemēti defluxu Bospori. Quar-
 tus decursus defertur in Asiæ promontorium vulgò no-
 minatum Moletrinum. Quintus in Europam, ad pro-
 montorium, & à quo violenter reiectus, ita fertur in A-
 siam, vt exiliter deinde repulsus ab Europa iactetur flu-
 ctuans iuxta Asiam primò ad vtrumque promontoriū,
 claudens vicum Chrysoceramum, postea ad promon-
 torium dictum Bouem, siue Damalim. A quo septimus
 repulsus rapidus fertur ad promontorium Bosporium,
 siue Byzantium nuncupatum. Cuius mucrone dicissus
 defluit in duas partes, quarum rapidior præcipitat in
 fretum ad Propontidem versus. Altera debilior exilit
 in sinum Cornu appellatum. Hi septem decursus flu-

mutui

e.

Atuum adeo impetu rapido feruntur, vt remos præter nauigantium vi rapiant, molasque versare valeant: vt nouem locis moletrina constitui possint. Neque tantum molas, sed & naues remis, & velis impulsas retardent, & longè retro interdum conuertant: atque adeo pisces ipsos, & cancos à celeritate nominatos equites iter terrestre inire cogant. In cæteris locis defluxus Bosporici feruntur similes ob similitudinem locorum ex vtraque parte canalem attingentium. Quibus similibus vtriusque continentis contractus fluuij in modum descendit. Vnde autem fiat, vt hi septem decursus defluxionis Bosporicæ sint rapidiores cæteris fluctibus, & efferuescentes in terram, cum littus attigerint, referuescant, & reuoluantur idem idem. Profectò id fieri existimo, non tam locorum angustiiis, vt quidam putant, quàm anfractibus promontiorum obiectorum, quibus vt refractus retardatur, sic angustiiis procliuior, incitatioꝛque labitur. si enim angustiiis locorum id fieret, rapidior esset apud fanum Iouis. At ibi rapidus non est ob directum canalis alueum. Nam primus anfractus, & vltimus patentes in latitudinem circiter miliaris, non tam angustiiis vtriusque continentis refringuntur, quàm obiectione promontiorum fluctus reicientium in contrarium littus, vt ab Hermæo promontorio tanquam ictu quodam repulsus in opposita Asiæ loca recidat, illinc rursus reuertens, ad promontorium Estias fertur, à quo refractus incurrit in locum Bouem. Tantòq; impetu hi anfractus retorquentur, vt non modò vndarum partem maiorem & violentiorem deorsum detrudat: sed etiam debiliore, & communem Bospori decursum
sursum

furfum verſus recurrere cogant. Vidi etiam reflante ven-
to reiectos fluctus à promontorio Boſporio per verti-
ces ferri ad Eſtias verſus promontorium, vbi collucta-
tio quẽdam vorticofa videtur contrariorum fluctuum,
aliorum deſcendentium, aliorum aſcendentium. Sic
enim vndarũ curſus fertur contra promontorium Boſ-
porium, vt & fluuios ingredientiſ ſinum nuncupatum
cornu, & fluxum Boſpori illuc reiectum exire non per-
mittat: ſed cogat eos aſcendere vltra tria miliaria, id
quod percipitur etiã oculis vulgi, cùm flumina ſinum
cornu ingreſſa turbida ex multis pluuiis, non poſſunt
ſubire curſum fluxus delati à loco Boue nuncupato ad
promontorium Byzantinum. Vbi videntur aquæ tur-
bidæ aſcendentes amplius ſtadia quindecim diuiſæ à
decurſu fluxus clari & cerulei deſcendenti à promon-
torio Eſtiis. Ad quod decurſus rapidus quidẽ deſertur,
ſed paulo infra multis vorticibus circumfertur ob reie-
ctiones aliorum promontoriorũ. Itidem fluxus ad pro-
montorium Aſiæ, quod vulgò vocant Moletrinum, &
ſi aſſiduo, & rapido curſu deiicitur, vt eius murmur cir-
cumſonans audiatur. Tamen paulò infra variè & mul-
tipliciter reuoluitur ob repulſiones contrariorum flu-
ctuum. Itaque duplici curſu ferme uſque ad fanum Io-
uis fluxus Boſpori mouetur, vno quidem deorſum ver-
ſus depulſus à locorum anguſtiis & reiectionibus pro-
montoriorum, alteri furſum reiecto à violentia fluxus
deſcendentis, & cohercito ſinibus, & flexibus. In ſum-
ma, quos dixi promontoriorum & fluctuum anfractus
ſepties curſum communem Boſpori ſiſtunt, & violent-
er cohercent, vt cogant ipſum retrorſum currere. Ni-

mirum primus decursus contra petram Dicæam olim nuncupatam delatus retundit fluxum Bospori communem in Bathicolpon sinum ita nominatum, usque ad Scletrinum sinum. Secundus, à promōtoriiis Asiæ, quorum vnum appellat Dionysius ὁξύρρυς, alterum ῥοδῖρρυς: repulsus decursum repellit communem in sinum Soltanicum dictum, usque ad promontorium Turcicum nominatum. Tertius, à promontorio Hermæo reiectus reiicit in sinum Phidaliæ, usque ad Commarodes. Quartus, à promontorio Moletrinario in sinum Anapli appellatum, usque ad promontorium Amanolum. Quintus, à promontorio appellato Estiis in sinum ἡ χηλιδυ, ad Neocastrū usque. Sextus, & septimus refracti à Damalico & Bosporio promontoriis, reiiciunt defluxum debilem ad loca superiora, ad promōtorium Estias versus. Hæc quidem multa attuli, vt planius percipiantur Hipparci per pauca verba, sed multi momenti. Is enim narrat Bosporum, & si solum defluxum habeat, & non refluxum, tamen μονὰς τῶν ποταμῶν, hoc est, mansiones facere, stare, subsistere. Ex ante dictis iam facilè cognoscimus Maotim esse matrem ponti, & pontum Bospori patrem, & propontidis. Et Hellesponti, contra Propocium scribentem duo maria Aegæum, & Euxinum nominatum Pontum coire inter se ad Byzantij partem Orientalem, contra etiam eos, qui asserere audent illorum originem esse à freto Gaditano. Per quod dicunt mare ingrediens nusquam desinere, quoad in Colchos peruenerit. Nam quod, vt ipsi etiam fatentur, effluxus ponti velut fluius descendat ad urbem Byzantium, dicunt nihil ad rem referre: omnibus enim fretis affectiones

nes accidere solitas esse, quæ nulli rationi perspicuæ videntur, quas nemo vnquam explicare potuit, ne Aristoteles quidē ratiocinationis naturalis princeps. Qui huiusce rei causa ad Chalcidē Eubeoæ profectus Chalcidici freti, quod Euripum nominant, rationem naturalem exactissimè scrutari volens, cū diu multūque huius cursus instabiles, & vagos considerasset, miserè mortuus est. Maxima pars scriptorum tradit hunc Euripum septem cursus in die definire, totidēque referre. Quid Cicero inquit Chalcidico Euripo in motu idē reciprocando putas fieri posse constantius? T. Liuius contradicit, ventosque affert, ab vtriusque terræ præaltis mōtibz subitos, ac procellosos deiici, fretūque ipsum Chalcidici Euripi ciere, eiūsq; motum non septies die (sicut fama fert) temporibus statis reciprocari: sed temere in modum venti, nunc huc, nunc illuc verso mari, velut monte præcipiti deuolutum, torrentem rapi. Equidem in Chalcidem cū venissem, Liuij sententiam probare non poterā, cū nullo flante vento certis temporibus contemplerer modò ferri ab ortu Solis, modò ab occasu tanto impetu, vt ventos contrarios, & plena nauigia contra nauigantia secum asportaret: molasque multas ab eo versari vidi aliquot horas ab ortū ad occasum Solis, aliquot ab occasu ad Orientem. Cū autem ipse à moletrinariis, qui ex molarum motu accessum, & recessum omnium maxime animaduertere habent necesse, percunctatus essem, quoties, & quot horas nunc huc, nunc illuc conuerterentur molæ, responderunt communiter, intra viginti quatuor horas cursum quater mutari solitum esse: sex horis ab vna

parte accedere, totidem ab altera recedere. Cùm autem adiungere inciperent, esse quædam tempora, cùm has certas vices non obseruaret: & ipse nimium attento vultu, & animo excipiens illorum sermonem, & rei veritatem scire cupiens, quænam essent illa tempora inquire aggressus, deprehensus à quibusdam Coryceis, & repente correptus, vt explorator aliquãdiu in custodia retentus sum. Iam in freto diuidente Italiam à Sicilia multa præter rationem fieri solent. Videtur enim ex mari Adriatico fluxus illuc accedere, & ex mari Thirreno. sed hoc repente crebros vortices à nulla nobis perspecta causa ciere, & naues perdere perspicitur. Propterea quæ à Poëtis dicuntur à Charibdi, absorberi. Qui verò dicunt in freto siculo multa fieri præter rationem, iidem putant plurima eiusmodi præter rationem fieri in omnibus fretis, ex proxima vtrique terra, cuius angustis aiunt cursum fluxus in quasdam necessitates cogi, rationem non habentes, quamobrem etsi fluxus à fano Iouis ad urbem Byzantium videtur ferri: tamen nemo, inquiunt, recte asseret mare Aegeum, & pontum illuc desinere, quorum opinionem confirmare videntur piscatores nostræ ætatis piscari in Bosporo soliti. Hi enim testantur Bosporum immensos gurgites, & voragines habere. Neque omnino totum Bospori fluxum abire Byzantium, sed eius quandam partem superam, & summam hominum oculis perspicuam ex ponto deferri Byzantium versus, alteram vero partem inferam attingentem yadum contra decursum superi, & summi fluctus procedere, id quod ipsi se colligere dicuntur ex eo, quod postquam retia deiecerunt in profundam altitudinem,

semper

semper ab imo fluxu asportata feruntur sursum ad fanum versus. Vidi tempestatibus nauigia demersa nusquam extitisse, neque eorum vectores, quod argumento est fretum hoc quosdam abyssos & voragines habere: in quarum altitudinem contrariis fluctibus præcipitia agantur, ea quæ demerguntur. Sed de his ut quisque volet, iudicet: ego tamen pontum per Bosporum in Propontidem non modò decursus perpetuos medijs aluei tenere, sed etiam ad certos anfractus conuersiones perpetuas sempiternasque cōficere cum ex antedictis peripicio, tum ex illis causis, quas ut probent paludem Mæotidem exsiccandam esse, & pontum conuersum iri in paludem, quidam afferunt nimirum multitudinem fluminum exaggerantium, differetiam vadorum: ex his enim causis pontus mihi potius assiduo decursu defluxurus per Bosporum, quàm aut Mæotis in terram, aut pontus in paludem conuertendus esse videtur. Dicunt enim permeantium in alueos fluminum multitudine cum humor cōtinenter augeatur, nec aliunde exitum habeat, necesse fore, excreiscat, ut tandem efferrī per ostia cogatur: propterea quæ cœni, arenæque, & reliquæ materiæ multitudine, quā continenter innumeri amnes defluentes in Mæotidem, & pontum deuehunt adeo alueos Mæotidis, & ponti complendos esse, ut superfluere humorem, & per ostia exire futurum sit necesse, tandemque Mæotidem in terram, & pontum in paludem conuersum iri. Nam quòd ad Mæotidem pertinet, Aristoteles tradit eius vadum exaggeratione eorum, quæ assidue deferuntur à fluminibus excreuisse, ut naues sua ætate multò minores, quàm anno ante sexagesimo quæ-

stus

stus gratiam in Maotidē ingrederentur. Maotis enim, ut Polybius ait, iam repleta est, & altissima eius pars quinque, vel ad summum septem vlnis altior non est. Miror intra sexagesimum annum maiorem exaggerationem factam esse, quā ab hinc ætate Aristotelis, & Polybij. Nam nautæ nostræ ætatis testantur similiter adhuc habere septem vlnas, quid quod ratione, qua demonstrare conātur pontum ex accumulatis fluviorum coaceruationibus replendum esse. Eadem probare possemus mare internum ex ponti perpetuo influxu exaggerandum esse. Nam quod dicunt vadum ponti minus altum, quā maris Aegei, idcirco tardius pontum existimo paludem fore, quā si magna altitudine esset, nam ut fluminum lubrici congestus assidui ponticum vadum sublimiūs reddiderint, sic pontus in sublime elatus declivior delabitur in Aegeum, & quantò hinc, atque illinc fit pressior, atque angustior, tantò celerior in Bosporum deuoluitur. Quod si in minorem altitudinem Aegeum mare deprimeretur, quā pontus, eò putarem pontum exaggerationem fore, repulsante Aegei vado eminentiori. Adde, quod antequam pōti os apertum esset, facilius exaggerari debuit pontus, cum vndique circumclusus esset montibus, at tum infinitis seculis exaggeratus non est. Eo minus exaggerabitur, cum habet exitum, per quem continenter tantum possit efferri, quantum infertur, ac si vadum magis alleuaretur, tamen palus non fieret. ut enim illud extolleretur, ita pōtus assurgeret, præsertim infinitis fluminibus auctus, & eminentibus montibus clausus. At maris natura est, ut sua vi spirabili reiiciat ea, quæ ingerantur. Neque
eodem

eadem maris ratio est, quæ fluminum, quantum pertinet ad exaggerationem. Illa enim in ostiis suam vim ostendunt. sed suos aggeres paulo ultra ostia promouent, vel sua imbecillitate, vel repellente vi ponti. Ac tantum abest, ut ostiorum exaggerati congestus ponti vada efferant, ut pontum, si fortasse paulo angustiores reddere possunt, eò violentiorē facere debeant ad trāsmittendam fluminum materiam reiectam, atque vehementiorem ad vada excauanda in maiorem altitudinem, cur tot lacus immēsa profunditate vndique influentibus, nullis manifesto effluentibus, paludes non efficiuntur? Cur sinus Bospori nuncupatus cornu, tanta altitudine est: in quem cū duo flumina deuehant assiduam terræ aggerationem, & purgamenta Constanti-nopolis, vtrinque proiiciantur, non tot annis aggeratur? præsertim rapido cursu Bospori fluxum sinus retardante & impediēte: quia tanta est Bospori rapiditas, ut sensim ea extrudat in Propontidem. Quare ut ex his rationibus pontus obruendus esse non videtur: ita Bosporus maiori impetu effluere videtur per Bosporum. Quò enim magis ponticum attolletur, eò facilius deferetur, quàm si id in altam profunditatem deprimere-tur, quàm si abyssos haberet, per quas penetrans in tar-tarum Platicum secū aquæ partem deportaret, quas si, ut Oceanus vnde recedunt & accedunt omnia flu-mina, haberet, profectò minus efflueret in Bosporū: ex eo etiam colligitur Bosporū existere ex ponti accessu, & non Aegæi maris, quòd illius aqua dulcis sit, ut pōti longè dulcioris mari Aegæo ob copiam fluminū pon-tum subeuntium. Dulcem pontum Arrianus probat ex

eo, quòd pecora circumuicina eius aquam bibant, ipse Bosporum etiam percipio similiter dulcem esse. Quòd totus aliquando congelauerit tempore Copronymi tyranni, anno enim à Christo concepto septingentesimo, & quinquagesimo sexto, hyems fuit perfrigida acerrimáq; & gelu maximum, vt ponti Euxini ora maritima in latitudinem centum milliarium glacies rigore in lapidis duritiem conuersa sit: glaciésque à summo mari ad profundú crassa extiterit triginta cubita. Præter hæc cùm eiusmodi glacies fuisset niue tecta, creuit viginti alia cubita ita mare, vt cōtinenti assimilaretur, & pedibus calcaretur hominum, cæterorúmque animalium mansuetorum & agrestium à Zicchia ad Danubium, & reliqua ora maritima vsq; ad Mensembriam. vt Bosporum Thracium vltro citroque transirent iumenta onusta, & boues plaustra onusta trahentes, deinde Februario mēse glacies in plurimas sectiones colibus & Insulis multorum iugerū similes, & pares disrupta, & ventorum vi Byzantium per Bosporum acta in Propontidem, & in Hellespontum, in quibus essent animalia māsuetata & agrestia viua, & mortua gelu constricta: ex his glaciei sectionibus quædam in Acropolim Byzantij impacta contriuit gradus, quibus è mari in urbem ascendebatur, alia glaciei sectio ingentis molis ad murum allisa illum magno impulsu concussit, vt non modò muri, sed etiam domus vicinæ labefactarentur: atque alia pergrandis glaciei moles à manganis ad Bosporium portum, hoc est primum collem olim Byzantium, nunc Regis claustrum cinxit. Cuius altitudo muros superabat. Equidem ipse vnam, & alteram hyemem

mem Byzantij frigidam sensi, semelque & iterum vidi Bospori sinum nominatum Cornu ab ostiis fluminum ad Galatam congelasse, non quidem glacie, quæ sustineret homines, sed tamen tanta, ut scaphæ vltro citroque commeare non possent, nisi remis ante glacies frangeretur: sed hæc hæcenus generatim de Bosporo. Nunc per partes singula eius loca tam antiqua, quam noua proferam, tum promontiorum, & vallium situs, & fluuiorum ortus, & perennitates, & portuum commoditates, & sinuum felicitatem, è quibus primū tractabo sinum Cornu appellatū, Bospori nobilissimā partem.

De Bospori sinu Cornu nuncupato.

C A P. V.



Cum ex ponto Bosporus ad Byzantij accessit promontorium Bosporium appellatum, huius promontorii rostro in duas partes scinditur, quarum maior & violentior inter Chalcedonem & Byzantium per fretum pergit ire ad meridiem, altera debilior cursum suum inflectit ad occasum in sinum, quem efficit Bosporus intercedentem inter Constantinopolim & Galatam: hunc sinum Procopius scribit indigenas appellare Cornu, à Ceroessa matre Byzantis: qui Byzantiū condidit. Dionysius Byzantius similiter Cornu nuncupat, & rationem huius nominis affert à similitudine, quam habet cum cornu. Strabo appellat cornu Byzantiacum, & declarat, cui cornu similis sit, nempe ceruino, nam in multos sinus perinde, quasi in ramos quosdam diffunditur. Plinius, eiusq; simiolus Solinus, promontorium, in quo

situm est Byzantium, vocant modò Chrysoceras, mo-
 dò Auri cornu. Marcianus Capella ceras Chryseon, ar-
 bitror Capellam, & Solinum secutos Pliniani Codicis
 erratum, aut Plinium ipsum errare, id quod vel ex Pli-
 nij verbis percipi potest, cùm ait ex ea causa Byzantij
 promontorium Auri cornu appellatũ esse, quod Thun-
 ni aspectu saxi albi in littore Asiæ siti repente territi
 semper præcipiti agmine promontorium Chrysoceras
 petant, cùm ea de causa potius sinus appellãdus sit Au-
 ri cornu, præsertim ciuibus Byzantinis ita sinum suum
 appellantibus, è quorum numero est Dionysius Byzan-
 tius, cui potius, quàm Plinio fidem adhibere debemus,
 & Straboni, quos vidisse constat Ceras Byzantiacum.
 At Plinium fortasse decipere potuit ambiguitas Poly-
 bij, scribentis Bospori fluxum repulsum à loco Asiæ no-
 minato Boue ferri Byzantium, à quo inquit scissi Bos-
 pori parua pars in sinũ suum delata definit Cornu no-
 minatum, maior verò fertur per meatũ. Aut si Plinius
 deceptus non est ex eo, quòd fortasse Polybius sit in ea-
 dem sententia, poterimus vtrumque appellare Cornu.
 Cùm permulta promontoria à Geographis cornua ap-
 pellentur, vt Cyprus ceraſtis à multitudine promonto-
 riorum, præsertim cùm Byzantij promontorium mul-
 tos Colles habeat, quibus curuata in tria cornua Con-
 stantinopolis tricornis rectius, quàm triangula appel-
 lari possit. sed illi ferendi non sunt, qui tabulis etiam
 iterum & sæpius editis tradunt cornu Byzantium esse
 promontorium Galatæ, situm contra Constantinopo-
 lim. Sinus initium faciunt duo promontoria, vnum à
 Meridie appellatum Bosporium, alterum à Septétrio-
 nibus

nibus Metopum olim dictum. Tria enim promontoria triangulum efficientia inter se, distantia plus minusve milliare supra Bosporum eminent. Duo quidem ab Europa in faucis sinus impendent, scilicet Bosporium & Metopicum, tertium ab Asia Damalicum appellatum: à quo Bosporus tendens ad occasum flectitur ad Meridiem, ex quibus cognoscitur Procopius errare, tradens à Sycis nūcupatis fretum cornu nominatum incipere. Ostia cydari, & Barbisæ fluminum sinui cornu finem constituunt, cuius longitudo ab ortu æstiuo procedit circiter octo stadia ad occasum hyemalem, deinde ad occasum æstiuum, inde flectitur ad Septentriones, quem iure ceras Chryseon appellauit antiquitas: cum & piscofus, & portuosus maximè sit, vno ore multos intra se portus amplectens, vniuersos vsque ad marginem litoris profundos montibus circumdatos efficientibus octo flexus, quatuor quidem à latere dextro ingredientium, in quo est Galata primum flexum in longitudinem circiter bis mille passuum collis Metopicus, & Galatinus leuiter incuruant, vt nusquam hic flexus latior sit centum passibus. Secundus flexus fit à colle Galatino, ita eminenti in sinum ceratinum, vt ille ex tribus partibus eò alluatur, collisque Galatini latus vergens ad occasum hunc flexum efficiat longè intus recedentem, vt si ab intimo flexu rectam lineam duceres ad collem Metopicum, eminentem supra ostium sinus intra lineam, includeres totum oppidum Galatam, & maximam partem ædificiorum suburbanorum, partim eminentium supra Galatam, partim in collis iugo sitorum. Huius flexus maxime portuosi recessus longior, quàm

nauale longissimum triremium regiarum in circuitu
 eiusdem explicatū, altero tanto latiore reddit sinum
 ceratinum, quā patet inter Constantinopolim, & Ga
 latam. Terminatur Mucrone vireti Regij inchoante
 tertium flexum minus curuum, sed eadem ferme cir
 cuitus lōgitudine. Post quam sinus inflexus ad septen
 triones, quarto flexu mediocri accepto finitur ostiis Cy
 dari, & Barbysæ. Iam verò sinistrum sinus latus, in quod
 eminent sex colles Constantinopoleos, similiter qua
 tuor flexus admittit vrbis, primus collis adeo eminet in
 sinus ostium, vt totus vltra alios colles in altum proie
 ctus sit, & tanquam de industria immissum brachium
 protegat sinum à ventis, secundus, & tertius colles in
 teriùs recedunt ad Meridiē versus. Reliqui sic eminent
 in septentriones, vt duos recessus duorum arcuum simi
 litudinem gerentes accipiant. Quorum primum expri
 munt radices primi, & quinti collium eminentes. Alte
 rum quinti, & sexti in sinum proiectæ, hos duos recef
 sus tertius maximus flexus intra se includit. Adeo enim
 extra cæteros sinistri lateris colles eminet, primus col
 lis efficiens angulum vrbis ab ortu Solis, & sextus infle
 ctens alterum vrbis angulum ab occasu, vt si lineam
 ab horum alterutro mucrone duceres ad alterum mu
 cronem intra lineam, includeres sinum Ceratinum, &
 Galatæ planitiem maritimam. Id quod diuino munere
 tributum tuctur sinum, atque defendit à ventis. Quar
 tum recessum extra urbem recipit sinistrum latus, vbi
 sinus ipse, & colles circumfurgentes inflectūtur ad Se
 ptretrionem magno naturæ beneficio. Ne ab occasu
 venti incurrere directi possint in longitudinem sinus.
 Vnde

Vnde fit, vt ex omnibus partibus excipio fauces circū-
datus collibus perpetuo dorso coniunctis, quos inter &
si intercedunt crebrae valles, tamen dorsum non pene-
trant, & breues sunt. Aut si vna aut altera oblonga est,
in valliculas desinit flexuosas, inter quas interiectus ali-
quis collis in earum fauces eminet. Strabonis longitu-
do, quam sexaxinta stadiorum attribuit sinui ceratino,
congruit fere cum mea dimensione, Procopij longè dif-
ferentia rei veritate, tradentis sinus ambitum continere
quadraginta stadia: longius verò aberrat Laonicus Chal-
condylus scribens Byzantij portum secundum urbem
intus procedere ad stadia octoginta, sinus altitudo va-
ria. Nam ab ostio ad medium sinum nusquam minor
dicitur viginti passibus, vbi multis locis excedit trigin-
ta, alicubi quadraginta, aut amplius. Cum autem ultra
Byzantium processit vsque ad ostia fluminum, partim
vadosus est, partim palustris, vt nauicularum cursus di-
rigatur palis fixis signantibus partem nauigabilem. Pri-
mo enim fyrtes, deinde paludes, & permulti Euripi cir-
cumdantes plusquam triginta Insululas. Illius similiter
latitudo varia est in faucibus plus minus sex stadiis, pa-
tet. Deinde paulatim stringitur vsque ad mediam Ga-
latam, vbi in stadia paulò plus tria coarctatur. quæ ar-
ctiori cathena claudi possint, quàm latior eius alueus
inter Acropolim & Galatam situs contra hostium na-
ues olim constringi cathenis solitus, neque modò tor-
mentis bellicis saxa emittentibus ex utroq; littore, sed
etiam machinis ignem liquidum profundentibus ho-
stiles naues ab his aditu arceri, atque etiam exuri igne
speculari posse demonstraui Prælus, quem dicunt spe-
cula

cula ignifera, quæ ipse fabricatus esset, ex muro Constantinopolis appendisse contra naues hostiles, quæ his speculis ignem ex solaribus radiis cōceptum in se ipsas proiectam conflagrarunt, atque vectores. Quod olim Dion Archimedē excogitasse narrat obsidentibus Syracusas Romanis, denique sinus vbi latissimus est, sex stadia non excedit. Nec dubium est, quin olim latior esset, pluresque recessus haberet, quàm nunc habet, coarctatus emissitiis purgamentis assiduīs, & substructionibus ædificiorum. Ne quis miretur, si minus cornu ceruino similis sit, minúsque in multos sinus perinde, vt in ramos quosdā, vt Strabo ait, scindatur, in quos irruentes pelamides capiātur. Nam cū ex Sublicis, quas crebras vidi, immitti & defigi in littore sinus in substructionem ædificiorum, atque ad oram maris efficiēdam magis portuosam, tum ex Dionysio Byzātio percipio, alios recessus, aliāque oram olim fuisse, quàm nunc est: tum ex Zosimo, qui ante mille annos scripsit vsque adeo urbem excreuisse hominū multitudine, vt etiam in foris angustē habitarent, vt non parua pars maris circum urbem in terrā conuersa esse palis in circuitu defixis ædificia sustinentibus. Verū vt ex his sinus alicubi coarctatus fuerit, profectò non minus profundus factus est, atque adeo magis portuosus, vt nauis appulsæ puppis mare intueatur, prora verò terræ assideat: velut vtroque elemento inter se certante, vtrum magis possit vrbi inseruire. Hic sinus omnes portus maris commoditate applicandi præstat: in cæteros enim, omnis portus vi remorum aut ventorum applicatio fit: in illam sine ventis, sine remis, naturalis & perēnis Bospori cursus

curfus naues inducit, & reducit. Postquam enim naues ad huius ostium aditumq; accesserunt, deinde absque gubernatione eunt, & sua sponte ad portum appelluntur: totus enim sinus portus est. Et hæc quidem ab initio Bospori ad finem deorsum versus generatim dixi, nunc oram maritimam per partes describā à fine littoris Europei fursum versus ad initium, quod est ad Cyaneas. Inde deorsum Chalcedonem vsque imitatus Anaplum Dionysij, quem potissimum sequor, Menippique & Arriani, aliorumque Periplos in declarandis nominibus locorum antiquis, quæ cum respublica Byzantium floreret, in usu erant ante Seueri ruinas.

LIBER SECVNDVS.

De Bospori ora Europea, eiusque locis intra Constanti-
nopolim sitis. CAPVT I.



BOSPORI latus Europeum in angulo definit, quo urbis latus Orienti expositum flectitur ad occasum, & Propontis incipit efficere latus urbis Meridianū. Simul & ab eodem flexu urbis latus ad ortum Solis spectans incipit procedere ab occasu ferme brumali ad ortum solstitialem in longitudinē plus minus miliarij vsque ad tigna in speculam sublata piscatorum regionum. Deinde amplius quatuor stadiis pergit à Meridie ad Septentrionem ad promontorij Bosporij rostrū vsque, quo Bosporus scinditur in duas partes: quarum maior cingit urbis latus vergens ad Orientem, id est urbis frontem, & primam peninsulani

promontorii partem: in qua olim fuerunt illustria loca nuncupata mangana, & Arcadianæ Thermæ. Et primæ regionis pars, quæ continebat domum Placidia Augustæ, domum nobilissimæ Marinae, porticus perpetuas duas, gradus quatuor. In hac etiam urbis frons fuit pars secundæ regionis, quæ ab initio theatri minoris portæ qualitatē latenter molli subleuata cliuo, mox ad mare præcipitiis abrupta descendebat, continebat in se templum magnum, & antiquum, senatum, tribunal, thermas Zeulippi, porticus magnas quatuor, nunc continet claustrum regij partem sitam in latere primi urbis collis pertinente ad Solis ortum, quem quidem collem circuevit vltima pars Bospori propriè à Dionysio Byzantio appellata promontorium Bosporium, in quo situm fuit antiquum Byzantium. De promontorio inquit, quod Bosporium appellamus, peruulgatur sermo, bouē æstro stimulatū ex promontorio Bosporio transnataſſe in Asiam. Idem Dyonyſius alibi ait, parum abſuiſſe, quin Byzantium conderetur in loco nuncupato Semyſtra à nutrice Ceroeſſæ matris Byzantis, niſi coruus rapuiſſet ex media flamma partem victima, eamque in promontorium Bosporium tuliſſet, quod ſignum ſecuti coloniæ Megariæ deductores Byzantium condiderunt in promontorio Bosporio. Idem alio loco, dum loquitur de Metopo loco ita appellato: Oſtreodē inquit locum excipit Metopon appellatum, ex eo quòd urbis aſpectui obicitur. Nam intuetur ipſum promontoriū Bosporium, quod Nicephorus hiſtoricus appellat promontorium aquilonare. Proſpiciebatur inquit claſſis Latinorum iam præternauigans Byzantiæ aquilonare promonto

montorium, vbi duæ turres constructæ existunt ex lapidibus albis, & expolitis, vbi etiam Demetrii martyris constitutum est templum, videbatur autem Latinis laboriosus flexus ob maris vertices, & velut labyrinthos quosdam, qui illic semper fieri solent ad similitudinem Scyllæ, & Carybdis, quas Græci decantant in freto siculo esse. In hoc promontorio Dionysius ponit arā Minervæ Ecbasia ex eo nominata, quod huc egressi primum Colonia deductores statim tanquam pro patria terra pugnassent. Similiter Cyzici fuit ara Apollinis Ecbasij Argonautæ, inquit Apollonius, eum nauem extra urbem appulissent Cyziceni illos interius nauem appellere suaserunt in portum urbis, vbi Ecbasio Apollini in littore aram excitarunt ex eo, quod nauis Argo in Dolioniam egressa fuisset. Deilochus templum esse dicit, non Ecbasij Apollinis, sed Iasonij Apollinis. Socrates dicit id templum appellari Cyziceni Apollinis, quam Dionysius appellat Ecbasion, Mineruā possemus etiā appellare Ecberateriam, vt Syphnei Dianā appellarunt.

De ora sinus Ceratini cingente urbis latus vergens ad septentriones, & de eius antiquis locis.

CAPVT II.

MOE N I A urbis à propontide vsque ad mucronem promontorij Bosporij alluuntur extremis faucibus Bospori nullo spatio à mœnibus & mari intermisso, nisi paulo antequam perueniatur ad Bosporium mucronem ducentorum passuum in longitudinem: vbi nauale exiguum regionum Lemborum, quibus enauigare Rex solet in

agros suburbanos, & machinæ bellicæ. Inde à mucrone promontorij Bosporij, vnde incipit ora sinus Cera-
tini claudens latus vrbs cōuersum ad Aquilonem vs-
que ad finē vrbs, mœnia non attingunt mare: sed spa-
tium relinquunt. Quod quale sit, & quantū, quibŭsve
rebus occupetur, dicam per partes. Id spatij, quod est in
summo mucrone, patet in latitudinem alicubi circiter
viginti passuum, sed latioremediam, nempe circiter
octoginta passuum, vbi est porticus tecta plumbo, su-
stentata duodenis colūnis marmoris ophitisi, laqueata
lacusculis auratis, & persica arte pictis, exiguo vireto
cincta præ se habet Bosporum: à tergo portam ferream,
qua patet aditus in claustrum regium. Hæc aperta na-
uigantibus reteggit viam decumanam Regij horti mol-
liter assurgentem ad Regis palatium, ab hac porticu
vsque ad vrbs portam Oriam appellatā, ora intermissa
inter murum Regios hortos claudentem, & littus ma-
gnis saxis præmunitum inclusa tenetur à Rege consita
malis punicis, cæterisque plantis: in qua media est me-
diocris recessus maris opere abductus in tectam statio-
nem nauigiorum, quibus cultores regionum hortorum
vtuntur ad vehenda Regi necessaria. Iuxta est domus
amœna præ se habens mare, à tergo portam, qua patet
aditus in regios hortos. In hanc domum secedere soli-
tus regiis hortis præfectus negotiatur cum vrbs inco-
lis. Hæc ora priusquam esset conuersa in claustra regia,
continebat domos piscatorū, & forum piscarium, cum
verò Byzantium respublica floreret, duos portus in-
tra murum cathenis clausos habuit, quorum brachia
sustinebant turres valde eminentes. Fuit etiam portus
Phospho

Phosphorius ab Stephano commemoratus. Fuit Neorium, fuit scala Timasi, vt in tractatione vrbis plenius monstrabitur. Pro porta quam vulgo vocant Oriam corruptè, quasi olim Neorij portam, spatium iacet vacuum ad exonerandas naues accommodatū, patet ducentos quadraginta passus in longitudinem: in latitudinem verò ante portam centum passuum. Paulò vltra portam in quinquaginta stringitur, vnde traiectus est ad Chrysopolim, & Chalcedonem, vbi etiam oræ maritimæ præfectus tribunal habet, vbi item domus portorij Turcici, vt in contrario littore Galatino est altera domus constituta ad exigendum portoriū Francorum. Post hoc interuallum est forum piscarium, ex quo magnus traiectus patet ad Galatam, quem antiqui appellabant traiectum Sycenum. A tergo est vrbis porta piscaria nuncupata, qua ascenditur ad magnum forum, quod Turci nominant Bezesten. A porta piscaria ora maris frequens suburbanis in longitudinem quadringentorum quinquaginta passuum continuatur ad portam fructuariam, quam Turci appellāt Gemicapi, vbi omne genus fructuum tam recentium, quàm conditorum, & frugum esculentarum venalium, mercatus habetur: vnde magnus traiectus existit ad Galatā. A porta fructuaria ad portam lignariā ab acruis lignorum venalium constructis in ampla area ante portam Explata appellatam, intercedunt ducenti passus iuxta litus, pleni ædificiis, & variis tabernis: aliis obsoniorum, fructuum, aliis aliarum rerum. Inter ædificia & murum vrbis excurrit via lata silicibus strata, & iuxta muri crepidines constituta sunt aquæ castella, quorū alia perēni

fistula aquam largiuntur, alia operculis ad tempus re-
 ferantur. A porta lignaria in longitudinem trecento-
 rum passuū inuenio domos perpetuas exceptis viis in-
 tercurrentibus, alias vbi ligna materiaria venduntur,
 alias vbi capsæ fiunt. Deinde succedit spatium trecen-
 torum passuum ab ædificiis vacuum solam viam sili-
 cibus stratā, & Escharidas à Græcis dictas, in quas sub-
 ducuntur nauigia, & palos defixos, ad quos illa alligan-
 tur, continens, aquasque salientes extra muros ex aque-
 ductibus vrbis claras & liquidas, partim potabiles, par-
 tim resiliens in Euripos, marmoreos ad pānos lauan-
 dos: deinde breui spatio exædificato succedit porta fa-
 rinaria, à Turcis vocata Vmcapi. Ante portam est area
 lata, vbi frumenta & farinæ venduntur. Est etiam ædi-
 ficiū magnū, plenum saccis farinæ quadratis, laneis.
 Iuxta naues stant frumentariæ permultæ, & scaphæ plu-
 rimæ, traicientes in vltiora suburbana. Est item ædes
 Mametana plumbo tecta, cum turri excelsa, vnde ex-
 clamare preces presbyter, & euocare solet. incolas vi-
 culi suburbani siti ante hanc portam, ex qua ingressus
 patet in viam assurgentem per mediam vallem, tertio
 & quarto vrbis collibus clausam. Hæc quidem etsi per-
 uulgata, tamen negligenda non censui, vt facilius per-
 ueniatur in notionem antiquorum locorū, quæ à pro-
 montorio Bosporio ad portam farinariam ponit Dio-
 nysius Byzantius. Supra etiam inquit, promontorium
 Bosporium templum est Neptuni antiquū, apud quod
 fuit lapis in mare eminens, quem Byzantini in locum
 ornatorem supra stadium transferre conantibus non
 permisit se transferri, siue amans locum mari vicinum,
 siue

» siue ostendens parui momenti esse pietati diuitias. sub
 » templo Neptuni intra vrbs murum, in locis, in plani-
 » tiem explicatis erant stadia & gymnalia. At ex maris
 » parte erat nauigatio in sinum ceras leniter fluens, pri-
 » mam promontorij Bosporij conuersionem, circumde-
 » xionem, quæ excipiebat tres portus, quorum medius sa-
 » tis profundus à cæteris ventis tegebatur, ab Africo tu-
 » tus omnino non erat: deinde turris bene magna rotun-
 » da continenti iungebat vrbs mœnia. Primus post mœ-
 » nia campus erat peninsulæ ceruicis sensim descendend-
 » tis ad littus, & ne vrbs esset Insula prohibentis. Post erat
 » templum Telluris super mare, cuius quidem fastigium
 » tecto carens significabat antiquam terræ libertatem.
 » Eius parietes, quibus claudebatur, erant facti ex lapide
 » expolito. Paulò supra Telluris ædem erant templa Ce-
 » reris, & Proserpinæ paria, in quibus picturæ multæ pri-
 » scæ felicitatis insignes reliquæ, & statuæ exactæ artis,
 » nihilo summa arte elaboratis inferiores erant. Item in
 » abscessu maris duæ ædes Plutonis & Iunonis, quarum
 » solum nomen extat. Illud enim Persæ exusserunt in ex-
 » peditione Cyri contra Scythas, ea vlciſcentes, quæ By-
 » zantina ciuitas commisſisse cōtra Regem accusabatur.
 » Plutonis templum Philippus Macedo inopia materiæ
 » demolitus est, locorum verò nomina remanserunt. Hic
 » enim Plutonis acra, ille Iunonia acra dicitur, vbi quot-
 » annis victimam primo anni die mactat gens Megari-
 » ca. Hæc quidem Dionysius, qui cū ait Iunonis & Plu-
 » tonis ædes fuisse *ἢ ἀπόβασιν ἐν θαλάσσης*, videri potest
 » acram significare oram maris, potiùsque promonto-
 » rium, quòd nullum sit in hac oræ parte, nisi Dionysij
 » tempo

temporibus mare attingeret radices secundi collis. At nunc ab huius radicibus, simulque à mari intermissa est planities. Ac si ætate Dionysij non attingeret mare radices secundi collis, possumus interpretari *ἢ ἀπὸ θαλάσσης*, ad recessum abscedentem à mari. Nam Iunonia acra mihi fuisse in cliuis potius secundi collis, quàm in ora maris, sub ipsum subiecta videtur ex Colonia Byzantinæ deductoribus partim Megarësis, partim Corinthiis, qui magna religione colebāt Iunonem acream appellatam ex eo, quòd statuta esset in acropoli Corinthi. Fuit etiam non longè à Corintho altera Iuno acra in promontorio sita, cuius meminit T. Liuius. Promōtorium inquit, est aduersus Sycionem Iunonis, quam acream vocant, in altum excurrens. Post acream Plutonis & Iunonis Dionysius ponit Scyronias petras nuncupatas à Corinthiis participibus coloniae deductæ Byzantium, qui his petris nomen imposuerunt à similitudine loci difficilis, qualem habebant petrae Scyroniae, sitae inter Megaram, & Isthmum Corinthiacum. Ex his Dionysij verbis has petras etsi nunc non extantes, olim excisas ad molliendos vrbis cliuos, tamen extitisse ad imas collis tertij radices ostendam in descriptione vrbis. Nunc redeo ad continuandum spatium inter sinum & mœnia situm, quod reliqueram ad portam Vncapam, vltra quam in longitudinem quadringentorum passuum ora sinus procedit, occupata aut ædificiis, aut aceruis coctorum laterum venalium, partim integrorum, partim in puluerem contritorum ad testacea & signina opera conficienda, inde domus piscatorum vsque ad portam Blacherneam tenent oram sinus.

sinus patentem in longitudinem ter mille, & quadringentorum sexaginta passuum, quorum primi octingenti finiuntur porta Iubalica nuncupata, contra quam est medius flexus naualis regij siti in contrario littore. A porta Iubalica ad portam vulgò appellatam Agiam à vicina ad eam diuæ Theodosiæ trecenti sexaginta passus. ab Agia porta ad secundam portam Phanarij sexcenti passus. Phanarium est pars vrbis oræ maritimæ, quam murus vrbis claudens duas portas habet, in quas eminent cliui quinti collis, quibus finitur flexus sinus primus inchoatus à promontorio Bosporio, & incipit secundus flexus finitus radicibus sexti collis. Quicquid est muri inter portas Phanarias, caret turribus, sed est duplex murus, alter in littore, alter in cliuo collis quinti: vterque cingit locum nominatum Phanariū. A porta Phanarij, cuius è regione est finis naualis regij, processu octingentos passus, vsque ad portam appellatam Palatiam, contra quam in vltiore littore est finis vireti regij, & initium frequentis vici, quem Agiam parasceuen Græci vocāt. Vltra portam Palatinam progressus circiter centum viginti passus, animaduerti tres magnos arcus astructos vrbis muro, & substructos, per quos olim Imperatores subducebāt triremes in portum opere factum, nunc exiccatum & conuersum in hortos cōcauos præ se gerentes speciem portus obruti. Ab his arcubus discedens trecentos passus offendi spatium in centenum passuum longitudinem ab edificiis vacuum: Vbi attingit muros mare vadosum, vt facile sit super id ædificare: post octingentis passibus confectis, perueni ad portam Blacherneam, qua finiuntur domus pisca-

h

torum ex media parte fundata in terra, ex altera parte
 substructa publicis in mare vadosum defixis. Inter su-
 blicas locum relinquunt portuosum, quo nauigia pesca-
 toria subducuntur in stationem sub domos piscatorum.
 Pisces velut in latibula & pascua refugientes, capiuntur
 renibus appellatis hypocis suspensis ex tigno, hoc genus
 piscationis tanquam domesticum exercent fœminæ.
 Viri autem procul piscantur: neque ad hanc piscatio-
 nem opus est magnis instrumentis, sed duntaxat vno ti-
 gno sine stipite, siue arboris trunco, siue naui exole-
 scente malo, siue antenna habente infimum caput in-
 tra domum piscantis subnixum, alterum supremum
 extra domum eminens leniter pronum. Ex cuius sum-
 mo capite appensam hypocam fune per trochleam tra-
 iecto demittunt in aquam fœminæ fenestris insisten-
 tes, & subtrahunt aliquantò post, cum fœminis licet es-
 se otiosis à ceteris negotiis domesticis: aut si nihil aliud
 negotij habent, sedent in tabulatis prominentibus, vel
 mœnianiis nentes aut farciētes, aut omnino animi cau-
 sa otiantes, speculantur pisces retia subeuntes, ad eosq;
 subtrahendos assurgunt, & remissis hypocis, ad officia
 domestica redeunt. Cum hanc piscationem spectarem,
 videbar intueri tale quippiam, quale etiam fieri vidi in
 palude prasiade, quam accolentes supra defixas publi-
 cas in media palude tabulata collocant sustinentia ca-
 sas, vno ponticulo aditum habentes ex cōtinenti. & fo-
 res inter tabulata compactas deorsum ad paludem ver-
 sus deferentes, in quibus degunt. Puerorum paruulo-
 rum pedes fune alligant, metuentes ne in paludem de-
 labantur. Tanta est in hac palude pisciū copia, vt quo-
 ties "

ties quis ianuam reserauerit, ex eaq; calathum aut spo-
 tam demiserit vacuam, paulo post retrahat pisciū ple-
 nam. Paulò vltra portam Blachernæam obiicitur mu-
 rus transuersus, à mœnibus vrbis sinúque intermissum
 spatium secans, habens portam, ex qua sexagenis passi-
 bus confectis, alter murus transuersus obducitur primo
 muro similis, abhinc centum passus vrbs finitur angu-
 lo vno, ex tribus, grandibus urbem triangulam efficien-
 tibus. Ab hoc angulo ad portam Neorij via lata patet,
 filicibus constrata secans spatiū, quod dixi ambire mu-
 ros, contractū quidem, sed variæ latitudinis. Nam ante
 vrbis portas plerasq; latius est quinquagenis passibus.
 Id minutatim excutere volui, vt pateant loca facilius
 antiqua, quæ Dionysius Byzātius describit à tertio col-
 le ad sextum collē. Post, inquit, Scyronides petras, quas
 antè dixi fuisse olim ad radices tertij collis, longum lit-
 tus ad piscatum, atque ad vadi altitudinem nullis litto-
 ribus etiam optimis deterius: nam ex paucis vsque ad
 marginem profundum est, & mare placidum & quietū,
 & litus aditu facile, nūcupatum Cyclo, ex eo quòd in
 hoc littore Græci barbaros circumclusos deuicissent.
 In eodem littore ara consecrata est Mineruæ dissipato-
 riæ, designans ex circumclusione multitudinis dissipa-
 tionem. Hucusque Dionysius. Cyclo & ara Mineruæ
 dissipatoriæ fuerunt in maritima planitie subiecta sub
 vallem vrbis tertiam, quam efficiunt tertius & quartus
 colles, Cyclobium à posteris appellatum arbitror ex
 Zonara, cū ait: Imperatore Constantino pogonato
 Agarenos graui classe urbem obsedisse, quæ stationem
 habebat à promontorio Hebdomo sito ad occasum vs-

que ad Cyclobion. Similiter alij Historici tradunt ab Hebdomo promontorio, atque à domo Magnaura ad occasum pertinentibus vsque ad palatium Cyclobion, spectans ad Orientem, stetisse classem Agarenorum. Quid sit Hebdomum promontorium, ostendam in tractatione vrbs. Deinde Dionysius: Cyclā, inquit, Melias „ sinus excipit, piscosus quidem si quis alius: in omnibus „ enim omnes superat promontoriis prominentibus, & „ cautibus sub aqua delitescentibus vtrinque conclusus. „ Hic sinus à quodam Heroë indigena nuncupato Melia nomen adeptus, vt plurimum nunquam fallit piscatorem. Cùm ex his verbis Dionysij, tum ex eius anapli ordine sinum Meliam existimo alibi esse non potuisse, quàm in tertia vrbs valle cincta vtrinque promontoriis tertij & quarti collis, quæ etsi iam intra muros vrbs clausa est, tota exædificata & sicca, tamen eam olim recessum maris fuisse, posteaque exiccatam, & terra aggeratam fuisse ad suscipiendas domorum sedes, vero proximum videtur, cùm ex eo, quod eius longa planities ad libellam ferè æquata, supra mare parū eminet, tum ex illis causis, quas suprà demonstraui, cur Bosporus minus nunc sit sinuosus. Post Melianum sinū Dionysius ponit locum nominatum *Λήπρον*, aitque nomen „ adeptum esse ex terra inter paucas, ad culturam hororum idonea, maris verò lucrum aduentitium acquisuisse. Non enim mare olim ibi indagabatur, sed otiosum manebat, cùm tamen piscibus diuersoriū præbere soleat. & *Ἰουλιανὸν* ab Arcadio nominatum in hoc loco situm est, & Iupiter & *Ἰουλιανὸν* colitur, ita vocatus à Dionysio, nisi Codicis erratum sit: cùm tamen à Callimachō in

cho in iambis Apesas appellatus sit, sicut Stephanus scribit. Non Ioui Apesanti sacrificauit equas arcadicas. Pausanias supra Nemeam inquit, Apesas mons, in quo Perseum primum Ioui Apesantio rem diuinam fecisse tradunt. Statius Papinius de eo sic dicit:

Mons erat audaci seductus in aethera dorso,

Nomine Lernei memorant Apesanta coloni.

Gentibus Argolicis olim sacer.

An Byzantius *Ἰωνία* sit ex his, quos adeptus est auus Demosthenis Gylon appellatus, assequi nō possum ex Aeschine tradente Gylonem figulum auum Demosthenis, cū hostibus prodidisset Nymphæum ponticum, quod tum Atheniensium erat, mortis condemnatum ab Atheniēsis, effugisse, & peruenisse ad Bosporum, & illic accepisse donum à tyrannis, nominatis *Ἰωνοῖς*: neq; declarat Aeschines, neq; quisquam alius, an apud Bosporum Thracium, an Cymerium, hi horti fuerint, an tyranni illi essent Byzantij, qui tum ab Atheniensibus defecerant, & potentibus ciuibus tyrannicè gubernabantur, an Nymphæum prope Heracliam ponticam consanguineam Byzantium, nempe coloniam Megaricam situm Glyconis prodicione adepti sint. Post

- Apfasion Dionysius ponit promontorium plurimū
- super alia promontoria eminens, vëtorum violentiam
- excipiens. Huius promontorij eminentia abrupta abit
- in mare, & haud firma præterit profundum mare. Nam
- promontorij pars inferna sectionem petrae in multam
- auulsionem abruptens exigua coniungitur continen-
- ti dissoluenda, & quā mox ruinam editura similis:
- vnde similitudo aspectus illi nomen dedit. nam Mella-

pocopſas nominatur. Ex hac Dionyſij deſcriptione, & ordine narrandi alibi eſſe non poteſt hic locus, quàm ad radices quinti collis, vbi paulò antè dixi, nunc eſſe locum Phanarium nūcupatum. is etſi opere exciſus eſt iam ante tot ſecula, tamen adeò natura rupibus præruptis & præcipitibus exiſtit, vt nondum penitus exciſus ſit, quin adeò alicubi præciſus, vt ob directos cliuos ædificia non habeat: & ſi qua pars habet, ea caſuris ſimilia videntur. Inde Dionyſius poſt locum inquit, qui appellatur Mellapocopſas, duo loca ſunt, omnibus anni temporibus piſcium captum largientia à ſummiſſionibus promontiorum, & remiſſione maris in hæc loca reſuſi, altè ſinuoſi, placati & tranquilli. Horū locorum vnus appellatur Ingenidas, alter dicitur Pireicus, vt multorum hominum habet ſermo, à Piræo Attico: vt quidam dicunt, à quodam antiquo Heroë indigena. Inter hæc duo loca eſt Cittos locus ita dictus à multitudine hederæ ibi facile prouenientis. Pireico ſuccedit continuò Camara æcliuis, & ventis expoſitum litus, quod multam maris refractionem excipit. Ex his, quæ iam dixit Dionyſius, & poſtea dicet, Ingenidam & Pireicum, & Camaram fuiſſe exiſtimo partim in radicibus ſexti collis, partim in ima planitie vallis quartæ clauſæ quinto & ſexto vrbis collibus, ſinum efficientibus in mediam vallem inſinuatū; ſed temporibus Dionyſij longè penitius inſinuabatur, nunc minus in vallem recedit tot ſeculis aggeratus ſubſtructionibus vrbis. A radicibus ſexti collis ſinus incipit eſſe vadofus ex parte vrbis ob breuia, & ſyrtes, ex altera parte profundus, deinde vtrinque vadorum frequentia navigatio palis

palis defixis regitur, ut à flexu, quo incuruatur ad Septentrionem usque ad ostia fluminum, sit palustris & lutulentus, ut vento agitatus turbidus fluat, frequentibusque Insulis sit aggeratus, quas habet amplius quadraginta sylvis cannarum tectas, infirmas, ut etsi in aliquarum parte siccis pedibus insistere queas, tamen in alia cœnosa nequeas. Prima Insulula incipiens à radicibus collis siti inter flumina, diuidens eorū ostia, producit in passuum longitudinem circiter sexcentorū, reliquæ diuisæ exiguis Euripis parum altis & cœnosis, qui dudum obruti essent cœno, delabente ex proximis ostiis fluminum, nisi excrescentes Insulas ad fingendos lateres rescinderēt laterum figuli. Hi ubi palam in terram palustrem defixerunt, sese totos demergunt, ne capitibus quidem supra aquam extantes, ut palam frusto terræ exciso onustam extrahere queant. Insularum Euripi piscosi sunt, latibula piscibus præbentes, qui cum hyeme alij capiuntur, tum æstate Mugilum copia supra storeas exilientium ad id præparatas, ut Venetiis solent supra rates ad horum piscatum accommodatas. Nunc in his Insulis cerui non sunt, ut olim erant, propter proximam vicinitatem vrbis, propterque propinquos utrinque colles antiquis nemoribus spoliatos, quibus olim vestitos fuisse ostendam ex Dionysio Byzantio: nunc quàm pulchrè describat hanc Bospori partem palustrem, subiungam. Locum, inquit, nuncupatū Camaram, quem antè dixi fuisse ad radices sexti collis, excipit *σπρὴ θάλασσα*, id est, marcidum mare finis totius sinus. Iacet enim in fundo sinus nuncupati cornu. Inuenit hoc nomen, siue à vicinis fluminibus in se exeuntibus

ribus, nativas aquas maris corrumpentibus, siue ex eo
 nomē reperit, quia immobile ventis agitari non potest
 ob vadorum aggerationem, quam deferūt ostia flumi-
 num continuam & mollem, palustre efficientes mare,
 in quo etiam pisces capiuntur. Primus huiusce maris
 marcidi locus appellatur Polyrrhetus à viro Polyrrhe-
 to. Post hunc locus est nominatus *Βαλέρια οκοντία*, hoc est
 profunda specula ab altitudine maris. Tertius vocatur
 Blachernas à quodam Rege ibi regnante. Hec quidem
 Dionysius. De his paludibus intelligit Nicephorus hi-
 storicus, cū ait, Aduentante classe Latinorum Regis
 Constantinopolitani, triremes subductas fuisse circum
 fluminis ostia, vbi & sinus finis & fluminis, vbi exag-
 gerata multa arena & materia vtrinque stringens os, &
 vix angustum quendam aditu difficilem meatum in-
 termittens, non modò magnis triremibus, sed & dicro-
 tis, & vacuis nauigiolis ob breuia & vada. Ex Dionysij
 verbis postremis percipitur, quæ fides adhibenda sit re-
 centibus scriptoribus Blachernas tradentibus ex eo ap-
 pellatas fuisse, quòd ibi sinus palustris sit, proptereaq;
 obrutum fuisse dicunt illis temporibus, cū Marcia-
 nus & Pulcheria magnum templum Blachernarum æ-
 dificarunt. Verū et si obrutus fuit, & Græci vulgò in
 hunc diem locum palustrem appellare soleant *Βλανδον*,
 vnde illi putant Blachernas vocatas fuisse: tamē Dio-
 nysio antiquissimo scriptori potius credendum censeo.
 Is deinde subiungēs: Maris, inquit, marcidi vltimus lo-
 cus appellatur paludes, ex eo, quòd in illo subfideat lu-
 tulenta fluminum secessio. Non enim illius vadum arc-
 na, sed cœno tectum est, neque nauigiis, nisi perparuis
 nauig

„ nauigabilis est. Inde cœnū sublime vsque ad exitus flu-
 „ minum, quorum vterque fertur separatus ab altero: in
 „ exitu ambo coniunguntur, & velut per vnum ostium
 „ exeunt in sinum cornu. In mediis paludibus boum nu-
 „ tricibus sunt prata vberes pastiones largientia, etiam
 „ ceruis: hos Deus designauit cum deductoribus Colo-
 „ niæ consilium petentibus, vbi conderent urbem, appel-
 „ latam Byzantium, ita respondit:

„ Ὀλβιοι οἰκάντω πόλιν ἀνέροισι οἰκήσοσιν,

„ Ἀκτὺς θρηκίης ὑγρὸν παρ' ἄκρου σόμα πέντε,

„ Ἐνθα ἰκθῦς, ἑλαφὸς τε νέμον βοσκει τ' αὐτόν.

„ Hæc quidem dicta sunt de re, quæ accidit. Cerui enim
 „ tempore hyberno ex syluis descendentes depascunt pa-
 „ lustrem arundinem: pisces verò maris, & fluminum par-
 „ ticipes in tranquillitate sinus Ceratini delitescent pi-
 „ gri, in vbertate pabuli deglutiūt vadi radices. Hæc qui-
 „ dem Dionysius. Mihi verò potius oraculum videtur,
 „ hunc locum non intellexisse, sed promontorium Bos-
 „ porium, vbi extremum os Bospori, vt postea admonuit
 „ Apollo, coloniæ deductores deceptos illo loco, qui cū
 „ ad has sinus extremas paludes pararent condere By-
 „ zantium, coruus rapuit victimæ partem, eamque defe-
 „rens ad promontorium Bosporium, declarauit oracu-
 „ lum præsignificare Bosporium promontorium, quod
 „ definit extremum os Bospori, vbi cū essent nemora,
 „ & ora maris palustres compascuæ, iisdem pastionibus
 „ vescabantur cerui, & pisces. Verū vt ab initio litoris
 „ Europei vsque ad finem vrbis, quæ olim loca antiqua
 „ habuerit, quæ ve nunc noua habeat Bospori ora, decla-
 „ rari: ita deinceps vsque ad Cyaneas declarare ab vrbe.

fine constitui. à quo quidem fine in longitudinem bis mille passuum progressa ad flexum, quo sinus tendens ad occasum incuruatur ad septentriones, maritima planities continuatur cum ima vallis planitie, in bis mille passuum longitudinem, & latitudinem quadringentorum patente, & paulò quidem amplius: quà vallis insinuatur in plures quàm quindecim valliculas alias rectas, alias transversas, omnes in vnum collium dorsum desinentes natura fauente quieti sinus. Hæc planities, siue maritima, siue in vallem insinuata, tota ædificiis ferè occupata est, suburbanis vicum efficientibus, partim in planitie, partim in collibus positum quatuor millia passuum circuitu complexum. Non enim vbique ædificia inter se continentia, sed sparsa vagantur. Totus à Mechmetanis vicus habitatur. Itaque vndecim ædes habet ceremoniæ Mechmetanæ. Earū cæteris præstant tres, ad quarum maximam Turcorū Rex sacrificium, quod Corbanum vocant, facere solet, cum quippiam arduum aggreditur, iuxta ædis vestibulum, ornatum duodecim columnis marmoris Thebæi. Situm est sepulchrum Hemispherio Cylindræo, clausum nescio cuius hominis, quem Turci valde sanctum habent, & perpetui sodales Flamines custodiunt, circūlucentibus noctes diēsque amplius septuaginta funalibus cereis, tectum purpura, hunc Turci vocāt Aibasarium, à quo vicus nomen adeptus est. Sæpe ab his Flaminibus percunctatus sum, quis sanctus esset Aibasarius, à quibus nihil aliud assequi potui, nisi Aibasarium appellari Mechmetanæ religionis vnū ex assertoribus, inter quos numerant tanquam principem Arium, Græcus nescio quis

quis mihi confirmabat esse sepulchrum reliquiarum Iob, sed nihil ex monumentis literarum proferebat, in quibus duntaxat legi Arcadium Imperatorem ossa Samuelis prophetae à Iudæa Constantinopolim transtulisse, tam hilariter obuiâ illis procedente populo, quàm si Samuelem viuentem cernerent. Quidam afferunt Aibasarium vicum appellatum ab Agio Basilio, sed nullum ex literis producant testimonium, mihi potius locus hic sacer fuisse videtur, diuo Mamanti, vt literatis testimoniû ostendam in descriptione vrbis. Ab hoc vico vsque ad ostia fluminum ora sinus in septentriones flexa aliquantum spatium procedit hortis frequēs, & ædificiis paulò vltra castellû aquæ defluentis ex collis valde proni medio cliuo, vbi sacer fons perennis fluit, quem circûdant fundamenta antiquæ ædis, quam vulgus Græcorum appellat diuam Photinem: cùm tamen in hoc loco, aut non longè remoto fuisse videatur ædes diui Cosmæ & Damiani ex Procopio, cùm ait ad finem sinus in loco arduo, & vehementer sublimi templum diuis Cosmæ & Damiano iam ab antiquis vsque temporibus constitutum fuisse: quod statim videtur ab ingredientibus sinum Ceras. Iustinianus Imperator habitus medicis iam vicinus ad moriendum, diuorû precibus seruatus, vt illis gratiam referret, templum illis sacrum immutata pristina forma, quæ ignobilis erat, & ornamentis expers, pulchrè & magnificè instaurauit, & luminum splendore illustrauit id templum. Si fortè accuratiùs exquirere velis, vide Anthymi martyris eadem, quam Procopius ponit è regione in littore vltiore. Iam autem à fonte diuæ Photinæ ad ostia fluminum,

& promontorium Semystræ ambulaui circiter mille passus. Cur verò vocetur Semystra, & quibus nominibus appellentur flumina, Dionysius Byzantius docet.

De flumine Cydari & Barbyse ex anaplo Dionysij.

CAPVT III.



LVMEN, inquit, Cydaris venit ab occasu æstiuo, Barbyles verò à Borea vento. Barby- sen alij dicunt educatorem Byzantis, alij nauigationis ducem eorum, qui cum Iasone, & Mineis nauigarunt ad Colchos, quidam Heroem indigenam fuisse, vbi flumina delata ad obuium promontorium crassum inter se coeunt in mare exeuntia: ibi ara est Semystræ, à qua locus nomen inuenit. Semystra nutritrix fuit Ceroëssæ matris Byzantis. Io enim cum Io- uis arte in vaccam conuersa, iraque Iunonis æstro alato stimulata multas terras percurrisset, apud hunc locum parturiendi dolore affecta. nam erat diuini seminis plena, infantem fœminam peperit. hanc tollēs Semystra lactat, & nutrit gerentem in signe transformationis maternæ, cornuum enim typi ex fronte eminebant, vnde appellatur Ceroëssa: ex hac & Neptuno genitus est Byzas, vir similiter vt Deus honoratus, à quo Byzantium conditum est. Semystra locus parum abfuit, quin vrbs efficeretur, nam ibi duces Coloniae urbem condere constituerant, nisi ex media flamma coruus rapuisset partem victimæ, eamque in Bosporium promontorium tulisset. Hoc ab Apolline ostentum coniecerunt Græci à pastore edocti, qui ab specula intuitus erat, vbi coruus victimę rapinam deposuisset, secutique signum cond

condiderunt Byzantium in promontorio Bosporio. Hucusq; dicta sint ex Dionysio, quæ iam inde ab antiquissimis temporibus peruulgata, si quis me otiosior alius consideret, non sine physica ratione inueniet Io vaccam cornigeram peperisse Ceroëssam iuxta fluuio- rum ostia, hoc est cornua, iuxtaque sinum Cornu nuncupatum: è quibus aqua dulcis prodiens supra sal- sam sinus, & freti summam aquam, fertur velut altera Io, si- nusque Ceratinus agnoscetur verus filius Ceroëssæ & Neptuni, id est, aquæ dulcis & salæ, veriôrque quàm quisquam Byzas deprehēdetur conditor Byzanti. Iam quale sit promontorium, ad quod dicit Dionysius flu- mina exire in mare, profectò obtusum, & vt ille ait, crassum in altitudinem editum amplius mille passuū, quorum septingenti inferiores sunt decliuiores, qua- dringenti superiores minus procliues. Iugī ceruix, quā promontorium adnectitur dorso mōtis, latior non est triginta passibus, angustata duabus vallibus, vna à Me- ridie, in qua summa depressa est fossa conseruatix ni- uium, suis labris sustinens ligneum tugurium fastigia- tum in mucronem metæ, cuiusmodi plurimæ circa vr- bem videntur: altera valle promōtorij stringitur à Se- ptentrione, in qua ima est sacer fons, quē Græci Agias- ma appellare solent. Promontorij radices partim attin- gunt ripam Cydari, partim impendent in planitiem à ripa & promontorio intermissam, latitudinis treccētos, longitudinis plus minus quingētos septuaginta pas- sus habentem, circuitu complectentem circiter mille & quingētos passus. Secundum hanc mediam est coi- tus Cydari & Barbyse fluminum, quorū vterque paulò

supra eandem planitiem fluit ab altero separatus promontorio longo & acuto: id existimo esse, quod Dionysius Drepanum vocat. A tergo, inquit, Smystræ, paulò supra fluminum ostia initium circumflexus in alterum latus sinus ceratini efficit promontorium Drepanum inflexum, cuius cacumen acutum appellarunt Bubolon, hoc est, Bubulcum, grata memoria prosecuti indicem, ex hoc loco speculatum urbis conditorem coruum. Ex his Dionysij verbis aduerte, quem is appellat Barbysem, Suydam, reliquosque recentes scriptores scribere Barbyssum. Quàm rectè fides sit penes emendatos codices. Barbyse nomen adeò iam ignotum est etiam accolis, ut aliter appellare Byzantini nesciant, quàm Chartaricon fluuium ab officina ostiis fluminum propinqua, ubi chartæ contusæ explanantur: rustici, qui accolunt eius fontes, hunc nominant Pectinacorion à vi-co ita nuncupato illius fontibus vicino. Longus est circiter quindecim miliaria: lenis adeò fluit, ut in neutram partem moueri videatur, adeoque profundus, ut pontibus etiam tota æstate transeat. Eadem est eius latitudo, spatio ferme decem miliariorum, in quo quidem spatio Euripi ab eo deriuati omni anni tempore præcipites versant molas molettrinorum sexdecim. Fluit per mediam vallem planam & pratensem, ut à fontibus usque ad ostium sit perpetuum pratum, cuius maximam partem Rex possidet. Quæ quanta sit, coniectare etiam absens potes ex quadringentis agricolis Christianis, quos, cum illuc profectus essem, offendi vno ordine dispositos herbam secantes, quibus præerant Turci quinque equites, octo pedites opus urgentes, totidem quadrigas

drigas feno onustas inueni, singulas vno pare boum tra-
ctas, quatuor rotis sustentatas posterioribus maioribus,
excelsioribusque ad excipiendas priores. Incidi item in
Genisarios, qui circiter trecenti emissi dicebantur ad
colligendas fluminum & lacuum nymphæas, quibus
Barbyses & Cydarus abundant, quibusque regiæ po-
tiones fiunt Regi vsitata, vt Christianis vinolentæ. Sed
redeo ad Barbysen, primò à Septentrione ad Meridiem
aliquot miliaria procedit, deinde varios flexus efficit,
nunc ad ortum æquinoctialem, nunc ad hybernum,
nunc inter ortum & Meridiem, tandemque spatium
quatuor miliariorum progrediens ab ortu solstitiali ad
occasum hybernum, exit in sinum ceratinum. Illius val-
lis per anfractus normales similiter, vt Bosporus pergit,
quem habet parallelum, ita vt si is porrigeretur vsque
ad pontum, vt quidam ipsius vallem porrigi dicunt,
Insulâ efficeret Barbyses & Bosporus, qui ab illius ostio
proficiscuntur ad eiusdem fontes. Vident illum à ripa
dextra duos fluuios accipere, vtrosque venientes ab or-
tu Solis, tota æstate perennes: vnum in medio cursu, al-
terum paulò infra suos fontes perlucidû, etiam totam
æstatem molas versare valentem, quem scriptores vo-
cant Hydralen: nunc eius nomen ignorantes, alij ap-
pellant Belgradum à vico prope ipsius ripas sito: alij
flumen nominant Camerarum à fornicibus, quibus du-
cebatur Constantinopolim. Hunc enim Andronicus
Rex excelsis fornicibus, operæque subterraneo in vr-
bem perducere aggressus est, cum, vt cætera vrbs aqua
abundaret, tum maxime hi, qui habitarent circa Bla-
chernas, vbi cogitabat magnum nymphæû construere,
vt ibi

ut ibi habitantes copiosiorē aquam haberent: at morte interceptus, opus reliquit imperfectum, quod posterī Reges absoluerē neglexerunt, ut opus nimium sumptuosum, ut etiam Isacius Rex, qui Andronicum & regno, & vita priuauit, turrem & palatium, quæ Andronicus ad secessum temporis æstiuī prope fornices fluminum ædificauerat, demolitus fuerit, hoc pulcherrimum factum Andronico inuidens. Hac ætate prope fornices, quos dixi transversos secare Barbysem, vicus est, quem Pyrgon vulgò appellāt, etiam si iam pridem ibi nulla turris, nullum palatium sit, tamen olim fuisse Pyrgi incolæ dicunt, saxaque effossa ex fundamentis murorum se vidisse testantur incisum nomen Andronici habentia. Iam Hydralis influit in Barbysem fornicibus disruptis, quibus Constantinopolim ducebatur, Cydarus fluuius, quem vulgò Machleuam appellant, similiter, ut Barbyses fornicibus transversis secatur, Hydralē, & Barbysæ partem Constantinopolim ducentibus longior quidem est, quàm Barbyses, sed minor, similiterque fermè, ut Barbyses per anfractus fertur, à quo velut ferè parallelo curuo ipse curuus distat vario quidem interuallo, sed perpetuo collino inter fornices vtriusque patente in latitudinem circiter quatuor miliariorum, vario etiam cursu progreditur. Nam à fornicibus, ultra quas non progressus sum, vidi ipsum ab occasu ad ortum Solis tēdere, deinde flecti ad Meridiem: postremò amplius duo miliaria à Septentrionibus ad Meridiem proficiscētē influere in sinū Ceras. Quamobrem Dionysium, cū ait Cydarum venire ab occasu æstiuo, intelligere non oportet, cū interuallo circiter

circiter duum miliariorum ostio propinquus accedit.

De locis appellatis Mandræ, & Dryi, & de loco Apollinis, & ponte Philippi, & de cubis Canopi.

CAPVT IIII.

» **P**OST buculam, inquit Dionysius, sunt loca
 » nuncupata Mandræ, & Dryi: ille quidem à
 » loco quieto & tecto, mari enim tranquillo al-
 » luitur. Drys verò habet lucum Apollini sa-
 » crum. Post promontorium est longus sinus Auleon ap-
 » pellatus. Id promontorium à Septentrione clauditur
 » valle Barbyæ, à Meridie, valle efficiente sinu longum,
 » quæ Dionysius appellat Auleona, cuius ora lunata pa-
 » tet in longitudinem mille & septingentorū passuum,
 » in qua media est Regis viretum insinuatum in imam
 » planitiem vallis à Septentrionibus clausæ promonto-
 » rio elato in passus circiter octingentos, quorum imi tre-
 » centi valde decliues, reliqui leniores. Dionysij ætate pu-
 » to imam vallem, in qua nunc est Regis viretum, fuisse
 » palustrem, & partem sinus Auleonis, siue Aulonis, cu-
 » ius è regione in vltione littore fuit locus nominatus
 » Smystra. Post Auleona Dionysius dicit esse pontem
 » Philippi Macedonis opus, quo sinus Cornu traicere-
 » tur. Philippus enim in vadum saxa deiecit, eorūque
 » multitudinem supra vadum accumulauit multis ope-
 » ris, vt pontis commoditate vti posset abundè ad com-
 » meatum terrestrem. Nam classe Byzantiis par non fuit,
 » multo mari imperantibus. Iuxta hunc pontem fuit Ni-
 » cei heroïs ara, & locus leniter circumflexus ad capien-
 » dos pisces receptaculum, & locus, qui dicitur Neosbo-

k

los, is est nouus iactus. Inter promontorium, quo sinus prius pergens ad occasum flectitur ad septentriones, interque vicum Aibasarium supra aquam paulum extantia videntur ætate pilarum fundamenta, quæ an sustinuerint pontem Philippi, an aliorum, iudicare non possum. Hoc vnum duntaxat possum ex Dionysij verbis elicere, vel in illarum loco, vel propinquo fuisse pontem Philippi. Antè trecentos annos fuisse pontem, vel in prædicto, vel propinquo liquet ex Tzetze, vt alibi dicetur. Nam ante mille annos fuisse pontem sublicium ostendemus in antiqua descriptione regionum Constantinopolitanarum, qui omnes bellis subsecutis euersi sunt. Mechmetes Rex, qui Constantinopolim cepit, vt urbem strictius obsideret, pontem effecit à contrariæ continentis regione appellata *ἡ λεωμάρειος*, ad urbem ferentem doliis ligneis inter se aptè colligatis & firmiter, vt traicere posset milites ab exercitu obsidente Sycas, ad urbemque, vt eam vndique obsideret. Iam verò in littore, quod modò descripsi à loco appellato Mandris vsq; ad aram Nicei herois, percipitur ex Procopio fuisse templum Anthymi martyris, cùm ait Iustinianum in cliuo arduo ad finem sinus ædificasse ædem diuorum Cosmæ & Damiani, in alteraque sinus parte templum, vbi nullum prius fuerat, dicasse Anthymo martyri secundum sinus oram, vbi maris fluxus templi crepidines alluit iam mitigatus. Non enim cum fremitu murmurantis maris ad illius saxa frangitur, sed iam mollis & lenis, tacitusque accedit ad id templum, in magnam altitudinem editum, lapidum decore, auróq; ornatum, nunc nulla extant illius vestigia, neque quicquam

quam reperitur, qui, in quo loco id fuerit, à maioribus audierit, aut legerit. quin potius omnes prorsus ignorant vllum templum in hoc littore fuisse, à promontorio, quo dixi sinum incuruari ad septentriones, incipit flexus longus, & molliter curuatus, finitur mucrone vireti regij ab Abramo Bassa confiti. Huiusce flexus ora ædificiis plena est, & figlinis laterculorum coctilium. & crudorum cum in multas insinuata valliculas, tum penitus in vallem diuæ parascuæ longam duo milia-ria, cuius ima planities attingens sinus oram, lata quadringentos passus, deinde statim stringitur in ducetos, sensimq; angustata attollitur in cliuos. Clauditur duobus collibus, vno ex ædificato ab occasu treis tumulos emittente, qui in sinum eminentes efficiunt duas valliculas: ab ortu Solis includitur altero colle ex tribus lateribus pleno ædificiorum, vsque ad oram maris, vt mediæ ædificiorum partes sub publicis sustineatur in sinus vadum defixis. In summa valle olim fuit templum Panteleemonis iuxta fontes riui perennis, olim in sinum influentis: nunc partim deriuatus est opere subterraneo in propinquum Regis viretum, partim in balneum, & hortos sub vallem subiectos consumitur. Ne quis miretur, si illum iam non videat supra terram fluere, qualem Dionysius informat, describēs hæc loca. Circa, inquit, locum re, & nomine Actinen, sunt cubi, Canopi, & fontes: valde enim locus irriguus est. Cubi autē sunt insignia Persicæ historiæ: huc enim nonnulli descende-
 „ debant ad animorum remissionem, & ludos, vt amœ-
 „ nitate littoris perfruerentur. Canopi nomen inuenit à
 „ similitudine deliciarum, quæ huic loco est cum Aegy-

ptio Canopo. Cifon fluuius, hanc oram secans sinui no-
 men dedit. Fluit perēnis, sed haud nauigabilis est. Hæc
 quidem Dionysius, quē miror ex eo, quod ait, non esse
 nauigabilem, cū iam tam exilis sit, vt ad irrigandos
 hortos totus consumatur. Itaque arbitror partim terræ
 motibus, quibus obnoxia est regio Constantinopolita-
 na, partim subterraneis subductionibus in regiū hor-
 tum attenuatum esse: nunc in hoc loco vicus est longus
 aquis abundans, quō Constantinopolitani frequentes
 secedere solent, vt maris & terræ delitiis fruantur, re-
 ctè appellatus hic locus Cubus Canopi, siue quia Aegy-
 ptiorum Plato *κυβέαν* inuentum esse dicit, & Canopum
 mollioris remissionis Aegyptiis ludus erat, siue quia
 Byzantij coloni Attici mores sequebantur Atticorum,
 vnde oriundi erant. Attici enim maximo studio *κυβέαν*
 amplectebantur, vt etiam in ædes sacras congregati ta-
 xillis lusitarent. Hunc locū iam Græci appellant Agian
 parasceuen, quem Imperatore Iustiniano diui Lauren-
 tij appellatum fuisse existimo ab æde diui Laurentij in
 hoc suburbano constituta, quam Procopius antea igno-
 bilem & obscuram, tradit Iustinianū nobilem & præ-
 claram reddidisse, in sinistra sinus parte sitam è regio-
 ne diuæ Mariæ in Blachernis nunc neutra extat: fundi-
 tus enim vtraque euersa est, exceptis fundamentorum
 exilibus vestigiis. Procopius obscure locutus videri po-
 test, cū ait Laurentianam ædem in sinistra sinus par-
 te sitam fuisse: neque addit, quorum ratione ingredien-
 tiūne in sinum, an egredientium: ego illam appella-
 ui dextram, habens rationem ingredientium, & natu-
 ralis sinus principij, quod nascitur à Bosporo, non ab
 hostiis

hostiis fluminum, vbi sinus finitur. Vltra templum di-
ui Laurentij Procopius scribit, Prisco & Nicolao diuis
ædem Iustinianum ex integro construxisse, vbi Byzan-
tij loci amore capti plurimum versantur, partim loci
amœnitate ducti, partim venerantes diuorum ædem
decoram, quam longè in altum Rex vim impetui ma-
ris afferens constituit. ¶ De Regio nauali, & de locis
antiquis, quæ olim fuerunt, vbi est nunc nauale. Post
vicum suburbanum Canopicum sequitur viretum re-
gium, quod olim partem fuisse Canopi existimo ex lo-
ci situ, & ex auditione senum testantium, priusquam id
confitum esset, Constantinopolitanos frequentes eò
secedere solitos ob loci amœnitatem, amplius decem
stadia circuitu complectitur. Eius media pars posita in
maritima planitie, altera in colliculis & valliculis syl-
ua cupressorum, arborumque fructiferarum adumbra-
tur, vt regia domus arboribus circumfita à præternau-
gantibus non perspiciatur, distinctum est viis & herbis
confitum eo ordine, quo cætera vireta, quæ cupressos
non obliquis ordinibus in quincuncem dispositas, sed
secundum vias habent directas in ordines rectos. Vire-
ti ora maritima, parietibus clausa media, angulatum
mucronem agit, procurrètem in sinum, velut linguam
cùm natura, tum magis opere productum: ex quo ex-
tremo ædicula in sinum eminet velut specula sublcis
sustentata, quibus velut elatris pisces subeunt in pisci-
nam proximam. Huiuscemodi ædiculas vndique fe-
nestratas Turci Sardaca appellare solent, quæ vel in lo-
cis eminentibus, vel vndique patentibus, vt in mediis
domorum arcis, aut in earum frõtibus velut Meniana

construere solēt, aut quadrata, aut hexagona, aut octogona, aut ligneis testudinibus, aut hemisphæriis præclarè laqueatis, & Persica pictura collucentibus, illa ædícula finitur flexus à nobis iam excursus, incipitque alter finitus sycarum promontorio: recessus intimus abductus in hunc medium flexum cuneatus est, deinde molliter dilatatur in longitudinem octo stadiorum, occupatam triremium regiarum sicco nauali loculato. Sic enim triremes centum & tredecim in aridum subductæ existunt, ut totidē ædificiis, velut loculamentis continuis separentur, clausis ab utroque latere parietibus tectum imbricatum sustentibus à fronte, à tergo apertis, præse habentibus sinum, à tergo murum claudentem totum naualeis, cum venissem Byzantium, ex crudis factus erat laterculis, post ex lapidibus cæmentitiis, atque inter loculamenta & murum additæ sunt cellæ vñsibus triremium accommodatæ, etiam addita ædificia armamentaria plumbo tecta supra naualis partem, quæ pertinet ad occasum, eminent colliculi, valliculis distincti, tecti sepulchris Turcorum & Iudæorum, à medio sinus & naualis flexu vallis nascitur pergens à Meridie ad Septentriones, cuius ima planities ad libellam æquata angustior non est quadringentis passibus, neque ubi in valliculas insinuatur, latior sexcentis. Eius maritima pars attingens nauale, habitatur frequenti vico, quem vocant Cassin Bassam: à Satrapa, qui in eo loco amplas thermas construxit plumbo tectas, vario marmore constratas: reliqua vallis planities tota consita est hortis vberibus, per hanc mediam fluius, sed haud perennis fluit. Olim perennem fuisse existimo,

ftimo, nunc partim permultis iugibus puteis vſque fe-
rè ad labrum plenis, partim aquæductibus & teriamot-
tibus exhaustus, curſum æſtium perpetuare nequit.
Vallis latus, quod efficit collis ſycenus editum in altitu-
dinem ſeptingentorum paſſuū tegitur ſepulchris Tur-
cicis, quæ ornant ſtellæ lapideæ, & virentes ſyluæ cy-
preſſorum: alterum vallis latus ad Solis ortū pertinens,
procliuius quidem, ſed non altiùs quadringentis paſſi-
bus, continens ſepulchra Iudæorum, tecta aut menſis
lapideis, aut carinatis operculis. Hæc vallis cū pro-
ceſſit quatuor ſtadia in longitudinē, obiectu duorum
collium ſingulorum vicos ſingulos habentium, ſcin-
ditur in treis valles pratis, hortis, vineis cultas, quarum
duæ extremæ maiores, quæ in valliculas quatuordecim
interciduntur, deſinētes omnes in dorſum perpetuum,
alias flexuoſas, alias tortuoſas, id quod efficit nauale
tutiùs à ventis ſeptentrionibus. Paluſtrem fuiſſe olim
hanc vallem & nemoroſam, coniiicio ex Dionyſio By-
zantio. Poſt, inquit, cubos Canopis, eſt palus habens ra-
dices ſub aqua latentes, claudens ſinum, vbi eſt rece-
ptaculum piſcibus capiendis aptum, ſaxis concauis ad
ipſos introitus obuiam procedentibus, in quæ delabun-
tur piſces noctis tenebris errantes. Poſt paludem ſunt
Chæragia nuncupata, à rebus, quæ ibi fiunt, nominata.
quoniam apri ex montibus deſcendentes, ad hæc loca
abacti, à venatoribus fraude capiuntur. Omne enim ſi-
nus latus vento noto obiectum, ſyluis plenum erat. Ex
his Dionyſij verbis percipio, vallem illam paluſtrem
fuiſſe, nunc exiccata eſt, vel exædificationibus, vel a-
griculturis, vel puteorum copia, vel aquæductibus,
atque

atque omne sinus latus vento noto expositum, ab arboribus nudum est, nisi manu satis.

*De Isthmo Ceratini recessus: de sepulchro Hippothenis:
de Lycis, & delubro Amphiarai.*

CAPVT V.

DEINDE Dionysius addit secundum locū, ad quem desinit recessus Ceratini sinus. Incipit Isthmicum promontoriū apertam iam & multam Propontidem prospiciēs, in quo sepulchrum Hippothenis extat heroīs Megarensis, à quo locus nomen adeptus est, quod Isthmicum promontorium Dionysius dicit: id intellige esse collem, in quo nunc situm est oppidum, nuncupatū Galata. Nam si à primis faucibus Ceratini sinus lineam duceres ad eiuldem recessum intimum, in quo antè dixi Regium nauale esse, intra lineam includeres collem Galaticū: ex cuius iugo prospicientibus multa aperitur Propontis. Post Hippothenem, inquit Dionysius, locus est appellatus Sycodes à multitudine & pulchritudine ficū arborum: quidam curiosiores dicunt, primam ficum arborem ibidem natam esse. Locum hunc cū declarabo, Sycenam regionē decimam tertiam vr̄bis, ostendam esse Galatam, quam olim primū appellarūt Sycas, post Iustinianas: postremò Peram, siue Galatam. Inde Dionysius persequens suum anaplum, ponit Amphiarai delubrum, quod Byzantij Megarensiū coloni construxerunt memoria & honore prosequētes Amphiarai Oiclei filium. Amphiaraum cū ceteri Græci, tum Megarenses honorarunt Deū, vt haberent, atq; ab eius

ab eius solo, in quo fuit humatus, oracula peterent.

*De adibus Dianæ lucifera, & Veneris placida, & de loco
Ostreode, & Metopo, & de ara Apollinis.*

CAPVT VI.

POST, inquit, Amphiarai delubrum est Syā-
phas locus Auletes nominatus, is vnā cum
aliis colonis Byzantium deductus fuerat, cui
Apollinis ars reliquit nominis memoriam.
Inde est Bolos, is est iactus ad piscationem hybernā
percommodus loci natura, in quo est templum Dianæ
lucifera, & Veneris placida: existimatur enim largiri
ventorum commoditatem, eosque turbulentos placare.
Deinde est locus Ostreodes, à rebus, quæ ibi fiunt, no-
minatus. Maris enim vadum ostrearum multitudine
exalbescantium constratum fit perspicuum aspicienti-
bus maxime in tranquillitate & quiete ventorum. Hic
autem locus semper alit, quod impendatur, & in com-
mune conferatur. Est enim luxuriosis locus generatio-
nis ostrearum contendens cum earum piscatione. Ostreo-
da locum excipit nuncupatum Metopon, hoc sub aspe-
ctum urbis subiectum est: aspicit enim Bosporium pro-
montorium, nomen inuenit à figura. Nam ex continen-
tis parte planum est terrenis tumulis, ex parte maris, de-
cliue & præceps: non tamē diuini testimonij expers est,
etenim apud ipsum colitur Apollo. Ex his Dionysij ver-
bis scimus Metopon esse frontem ante urbis oculos po-
sitam, quam prius nisi cognitam habeamus, assequi ne-
quimus, intra ne oppidum Galatam, an paulò, an lon-
gè extra Galatam fuerint templa Amphiarai Dianæ

lucifera, & Veneris placida, & locus Ostreodes. Cùm igitur nulla pars Europæ posita sit ante oculos Byzantij, nullaque rectè intueatur promontorium Bosporiũ, nisi collis nascens prope portam Galatæ, cùm eius frõs tota subiecta sit sub aspectum promontorij Bosporij, patet illum esse, quem Dionysius appellat Metopon, Græci huius ætatis appellant acram Spandoninam, quæ quàm sit in conspectu Byzantij Rex Soleimanus declarauit, cùm nullam aliam ob causam id vsurpauit longo vireto, quàm vt in conspectu suo colles haberet sylua virenti vestitos, & vt excluderet oculos id incolentium despicientium in claustrũ sui palatij in promontorio Bosporio siti. Quale illud iam sit, subiungam. Ex duabus partibus mari alluitur, ab ortu Solis Bosporo, à Meridie sinu ceratino, interiùs ad septentriones recedit, quàm collis Galatinus, quem antiqui Sycenum appellabât: vt velut de industria cedere videatur colli Syceno. Ne illi aspectum Solis Oriëtis tollat, duobus cornibus prominet, vno in sinus ostium, altero in portam Sycenam triplici latere deprimitur, primo in vallem, qua clauditur ab occasu, quaque separatur à colle Syceno, vineis, hortis, ædificiis plena, desinenti in planitiem, quæ ante portam Sycenam explicatur, in qua iacent globorum marmoreorum magni acerui, simulq; magna multitudo machinarum bellicarum, vnde porta nomen habet: vbi thermæ & officinæ fabriles fusiliũ machinarum bellicarum. Alterum promontorij latus demittitur ad Meridiem, totum obiectum oculis veteris Byzantij valde procliue, vt eius ascensus gradibus, aut anfractibus moliatur, vsque ad mare pronũ deiicitur, vt

tur, ut litus sit excelsum, præceps, præruptum: lateris media pars intumescit duobus tumulis ab infera parte præcipitibus, à supera explicatis in planitiem leniter assurgentem ad promontorii fastigium, porrectum in longam planitiem. Ora maritima sub hoc latus subiecta producit in longitudinem mille passuum, quorum quadringentæ sycenæ portæ propinquiores patent in latitudinem quinquaginta passuum, ubi communis ambulatio suburbana platanis adubratur, in qua olim ædes diui Constantini, cuius superficies nunc non extat. Duntaxat gradibus lapideis in fornix subterraneam Græci descendunt ad portionem aquæ fontanæ Constantino sacræ: reliqua oræ maritimæ pars tota procliui, excepta via humano opere explanata. Tertium promontorii latus, similiter valde procliue & præceps usque ad litus, vergens ad Solis ortum, intuens promontorium Asiæ Damalicum, quo Bosporus contendens ad occasum flectitur ad Meridiem. Ex antedictis apparet, Metopon esse, aut totum promontorium, aut eius partem eminentem in primas sinus fauces, quam vulgò appellant acram Spandoninam: si totum Dionysius intelligit, existimare debemus Bolum, templa Dianæ & Veneris, locumque Ostreodem fuisse intra urbem Galatam, eamque urbis partem non comprehensam fuisse intra locum Sycodem, ut non videtur ex antiqua regionum descriptione, urbis ponente in latere Galatæ meridiano Sycenam regionem, quæ etiamnum cernitur in media Galata propriis muris clausa, opposita Constantinopoleos valli, in qua ima est traiectus Syce-

dem fuisse, quod incipit ab angulo diuæ Claræ, quo sinus tendens ad occasum brumalem, flectitur ad occasum ferè solstitialem, quoque finitur recessus, inchoatur à promontorio Spantonino, longus duo millia passuum, quorum octingenti intra urbem, iactus hybernæ piscationi aptus videtur angulus soli expositus, à ventis septentrionibus tectus, in quo hodie spectantur duæ ædes sacrae, quarum vnam Franci appellant diuam Claram: alteram Græci Photinen, quasi Phosphoron, non sine antiqua ratione, quoniam hîc esset ædes Dianæ phosphori, & Veneris placidæ, quæ etiam Phosphoros, ea est lucifera, nominatur. Nam primi illi propagatores religionis Christianæ, quò facilius nationes à cultu antiquorum deorum ad verum pietatis cultum paulatim abducerent, veramque religionem illos colere assuefacerent, sub antiquis deorum nominibus noua induxerunt diuorum nomina. Suidas scribit Constantinum Regem Romæorum, filium Leonis Isauri Iconomachi Venerem coluisse, eique humanas victimas mactasse in regione urbis Peræa, vbi diuæ Mauræ templum esset, quod is demolitus, locum effecit homicidiarium, quem Mauram nominauit, in quo nocte pueros sacrificabat. Existimo illam ædem primò appellatam Phosphoron à Diana lucifera, deinde Photinam, post Mauram. Vide, an sit vitiatum Codex Suidæ habens sanctæ Mauræ pro sancta Photina. Nam cum Iconomachus Constantinus imaginum cultum oppugnaret, verisimile videtur ædem diuæ Photinæ contumeliosè appellasse diuæ Mauræ: nunc nemo est, qui audierit, aut legerit in regione urbis Peræa diuæ Mauræ ædem fuisse, sed duntaxat

taxat Photinæ. Adde, quòd littora contraria multa de paritate & similitudine inter se contendunt, vt duæ Cyaneæ, vt duo angustiarum fana, vt alia pleraque, vt littus diuæ Photinæ fortasse. ideo ædem Dianæ Phosphori habuit, quòd sit è regione Phosphorij portus in contrario littore siti, ex eo appellati, quia illic Diana Phosphoros lucem Byzantiis attulerit contra Philip-pum Macedonem cuniculis Byzantium oppugnâtem. Venus verò placida non commodius collocari potuit, quàm in hoc littore, vbi Bosporus labitur placidus & silens: in qua parte regionis Perææ Constantinus Veneris cultor colere Venerem melius potuit, quàm in antiquissima Veneris sede. Iam cognitis ædibus Dianæ luciferæ, & Veneris placidæ, & Metopo, iudicare possumus Ostreodem locum fuisse inter ædem diuæ Photinæ, & primas radices promontorij Spantonini, præsertim si id totû intelligit Dionysius Metopon esse: quauis ostrearum piscatio frequentiùs hodie exerceatur à fycarum porta ad finem promontorij Metopici, & eò vltèrius ob vadum maris purgatum & apertû, in quod spargûntur & disseminantur quotannis ostreæ integræ, non, vt olim falsò acceperam, diuisæ atq; disruptæ. Tamen antequam esset littus subiectum sub partem oppidi Galatæ obiectum Orienti, ostrearum piscationem copiosam præbere potuit. Postea verò quàm huius littoris pars vadosa edificata est, pars quotidie, aut obruitur proiectis oppidi purgationibus, aut frequetium nauigiorum stationibus occupatur. Piscatio ostrearum nunc minus exercetur in hoc suburbano littore, etiamnum exalbescente ostreis sua sponte prouenientibus,

non autem seminat, ut seminantur circa promontorium Metopicum quotannis in hunc modum. Postquam Græci à piscibus sanguine participibus suâ longam abstinentiam sustentarunt ostreis luculentis quidem, sed sanguinis, ut ipsi putant, carentibus, ex locis paulo remotioribus ab vrbe naues ostreis plenas ad hæc loca maritima vrbi propinquiora adducunt, atque in mare palis abiiciunt ostreas integras, non dissectas, ut mendaces quidam mostrosarum narrationum fictores in Italiam sparserant & disseminauerant, ut me imprudentem deceperint, ut vix cum venissem Byzantium, prudens factus, à peritis piscatoribus dissuadere potuerim imperitorum opinionem iamdudum confirmatam. Ex illa igitur sparsione & disseminatione fit, ut quotannis ostrearum genus renouetur, luxusque morum Græcorum redintegretur. Sin autem minus totum promontorium intelligit Metopon esse Dionysius, sed solum promontorii linguam eminentem supra primas finis fauces: tum coniectare possumus Ostreodem locum occupasse oram maritimam alluentem vrbis latus Orienti aduersum, & radices promontorii Spantonini spectantes ad meridianam cœli regionem.

De Aiantio & Palinormico, & templo Ptolemæi, de Iasonio, & luco Apollinis, & de alijs antiquis locis.

CAPVT VII.



ED REDEO ad Dionysium, qui à Metopo deinceps ita anaplum persequitur. Post, inquit, Metopon, est Aiantion nomen adeptum ab Aiace Telamone, quem propter quan

» quandam vaticinationem colunt Megarenses ex insti-
» tuto eorum, qui deduxerunt coloniam. Inde procidens
» præcipitium conuersum in mare, nominatum est Pali-
» normicum à secunda applicatione. Postquàm enim Co-
» loniæ deductores ad eum locum naues primò appulsi-
» sent, ex eoque soluissent, rursus ad eundem locum re-
» uerterunt. Paulò supra præcipitium Palinormicon exi-
» stit templum Ptolemæi Philadelphi, quem Byzantij æ-
» què ac Deum venerati sunt, quòd ex eius in urbem ani-
» mi magnitudine fructum magnū acceperant. Etenim
» Byzantijs Ptolemæus in Asia regionem, frumentique
» multas myriades, & sagittas, & pecunias dederat. De-
» inde est locus dictus Delphinus, & Charandas. causa
» nominum hæc est: Vir Chalcis nominatus, genere By-
» zantius, scientia citharædus, nullis summis citharædis
» inferior, cùm Orithium carmen caneret, Delphinus ex
» pelago extitit, seque ad audiendum erexit cantilenæ
» impetum, maritimæ oræ insistent, extra mare emines,
» aspectum sublimem gerens, vt vehementi cantu im-
» pleretur, ob audiendi studium nihil à vadi commotio-
» ne læsus: cùm autem Chalcis canere desinebat, Delphi-
» nus mare subibat, ad locumque consuetum redibat.
» Charandas pastor accola, siue inuidia, atque odio in
» Chalcidem, siue auaritia incitatus, Delphino insidia-
» tus est sensim ad maris oram allabenti, cùmque subli-
» mem accedentem interfecit: non tamen piscatione po-
» titus est. Chalcis enim suum auditorem magnifica se-
» pultura affecit, locisque nomina Delphinum & Cha-
» randā imposuit, illum donans honoris memoria: hunc
» ignominia. Postea est acra in breuē recessum insinua-
» ta, basis

ta, basis ipsius & radix petra in fundo Thermaſtis ap-
 pellatur. Poſt hanc ipſam littus noto vento apertum no-
 minatur Pentocontoricon à nauibus quinquaginta re-
 mos habentibus ad littus id appulſis. Scytham enim di-
 cunt nuncupatum Taurum ex ſuis ſedibus migrantem
 huc appulſum fuiſſe, atque ad Cretam nauigaſſe, Paſi-
 phaën Minois filiam ſupraſſe: vnde nata fabula amo-
 ris, & prolis ex ipſo procreatæ. Deinde ſuccedit Iaſo-
 nium, ex eo nomen adeptum, quòd Iaſon nauigans ad
 Colchos, illuc appulſus fuerit, vbi eſt nemus profundæ
 laurus plenum, aræque Apollinis: littus autem longum,
 omne vêtis occiduis & meridianis expoſitum. Vbi in-
 frà oſtendero Iaſonium eſſe vicum, quem Græci hodie
 vocant Diplociona, Turci Biſitas, facilius percipietur
 Aiātion templum Ptolemæi, Delphinum & Charan-
 dam petram Thermaſtin Pentecontoricon loca ſita
 fuiſſe inter Metopon & vicum Diplociona. Ea vt ma-
 gis perſpicua ſiant, priùs pergo exponere ſitum reliquæ
 oræ maritimæ, quam cōtinuare intermiſeram ad pro-
 montorij Metopici mucronem præcipitem & præci-
 ſum vſque ad mare, via duntaxat intermiſſa humano
 opere explanata, iactis in mare vadoſum & ſaxoſum æ-
 dificij, aut molis ſubſtructionibus, vbi finitur longus
 flexus à promontorio Clidio inchoatus. Ab illius igi-
 tur mucrone ſeu roſtro paſſus trecentos progreſſus, in-
 cidi in vallem diuidentem Metopicon promōtorium
 à colle, in quo eſt ſuburbanum Aiatis Baſſæ, cuius imæ
 radices maritimæ porriguntur in paſſuum longitudi-
 nem circiter octingentorum, quorum primi quadrin-
 genti maritimam habent planitiem patentem in paſ-
 ſuum

suum circiter quadringēta latitudinem. Suprà impendent cliui, imi quidem præcipientes, & ferè directi in altitudinem ferme centenum passuum: inde à medio colle ad summum verticem exiguè proniat reliqui quadringenti planitiem marinam non habent, sed cliuos à mari ad supercilium collis præcipientes, excipio imam planitiem valliculæ mediæ inter cliuos interiectæ, quæ medium Aiakis viretū, perennibus fontibus irriguum secans cingitur duobus tumulis præcipientibus & præruptis, altero eminente supra scalam commercij, vbi fundamenta videntur antiquæ molis, partim sub aqua delitescencia, partim supra mare extantia, quæ piscatores vocant Caridata: nescio an quasi fortasse Charandam à Dionysio nuncupatam, altero tumulo præcingitur vsque ad mare præcipiti atque imminente in vallem, qua à septentrionibus clauditur, lata iuxta littus ducentos octoginta passus. Ipsa à septentrionibus clausa colle radices præcipientes agente, & propagante ad mare vsque lata, centū passus. Ab earum initio ora maris, quæ tendebat à promotorio Metopico ad cœli partem mediam inter Visam & Aquilonem, flectitur ad ortum æstiuum. Iam vallem & collem occupat regius hortus circuitu quatuor millia passuum complexus, virens sylva cupressorum arborumque frugiferarum, Carabolus vocatus à Satrapa illius constructore: quem aiunt piscatores obruisse maris recessum insinuatum in imam hortu vallem, cinctam à septentrionibus colle, radices præruptas & saxecas vsque ad mare spargente. Sub his radicibus Dionysius ponere videtur petram Thermastin. Nam, vt ipse ait, hæc acra insinuabatur in breuem re-

m

cessum, & post eam littus est noto vento apertum, quæ aut excisa est: aut si nunc extat, non agnoscitur. præsertim si Dionysius acram non intelligit esse promontorium, sed simpliciter oram maris, quæ tota ab hoc loco ad collis Metopici promontorium alluitur mari vadoso crebris petris supra aquam eminentibus inculcato. Earum quæ nam sit Thermaestis, internoscere difficile est, iam tot seculis ora maritima immutata, aliis saxa littorea excinduntibus, aliis imos collium cliuos explanantibus, aliis sinus vallium obruentibus. Hæc commutatio me impedit, quò minus iudicare audeam, an Palinormicon fuerit iuxta collis Metopici promontorium, an ad radices collis eminentis in scalam commercij. Hoc unum arbitrari possum Palinormicon fuisse, secundum radices alterutrius horum collium à vallacula regij horti, ad quam coniectavi fuisse Thermaestin petram, ora maritima, quæ dirigebatur ad septentriones, flectitur ad plagam cœli mediam, inter solstialem & æquinoctialem ortum: in qua plaga longi latique horti Rostanni Bassæ, & Aenobarbi regis classi præfecti, eiusque sepulchrum iuxta littus situm, circumclusum ædicula rotunda desinente in conuexum, tegulis plumbeis tectâ ædiculam area quadrata circumseptâ muris, platanis, & populis adumbrata: & ne maris fluctus mortuum pyratam submergant, quem viuum submergere non potuerunt, cum aliis saxis littus munierunt, tum duabus columnis marmoris Thebæi terræmotu collapsis, à quibus stantibus vicinus vicus proximus appellatus est Diplocion, constitutus in maritima planitie, cuius plurima pars patet in latitudine quadr

quadringentorum passuum, & ampliùs, cùm insinua-
tur in duas valles, quarum vna diffunditur in planitiem
septingentis passibus longiorem, hortis collucentem,
fontibusq; perennibus vtrinque collinis vineis, & agris
frumentariis cinctam, in qua est vicus Diplocion, vbi
olim fuisse Iasonium, aramq; Apollinis, & lucum pro-
fundæ laurus coniicio cùm ex eo, quòd situs hic locus
est in littore longo ventis meridianis, occiduisque ex-
posito, vt ait Dionysius, tum ex eius ordine narrandi
ante dicta loca, & consequentia. Locum, vbi fuit ara
Apollinis, & magnus lucus laurorum, vero proximum
videtur eum fuisse, quem posteri appellarunt Daphnē,
cuius meminit Stephanus. Daphne, inquit, insana, por-
tus est iuxta os ponti, in dextro littore constitutus nauig-
antibus ad pontum: in sinistro verò ascendentibus ad
anaplum extat suburbium Daphne nūcupatum, quod
etiam appellatur Sergium ex Procopio, aliisque scri-
bentibus, anaplum esse ad promontorium Estias, hoc
duntaxat assequimur, Daphnen suburbium esse inter
Byzantium, & promontorium Estias, nulliusque scri-
ptoris traditione propiùs accedi potest ad cognitio-
nem Daphnē, quàm ex his, quę modò Stephani & Pro-
copij attuli. At verò Dionysius ad ipsius notionem nos,
aut quàm proxime perducit. Quispiam fortasse obii-
ciet, in hoc sinistro latere fuisse itē Daphnen Medæ,
quam postea ex Dionysio ostendam fuisse inter locum
nūcupatum senem marinum, & promontoriū Estias
in valle, in qua etiam nunc visuntur rudera ædis De-
metrianæ, dubiūmque sibi atque controuersum videri
dicet, vtra Daphne fuerit suburbium Byzantiij. Mihi

vero propius videtur Byzantios Daphnen, arámq; Apollinis coluisse & frequentasse, quàm Daphnen Medear Pharmacidis. Cultus enim deorum loca incolis frequentia efficere solet. Vt enim Antiochia Daphnen suburbium frequentans effecit nobile & maximum ob cultum Apollinis daphnici: ita Byzantiû Daphnen, arámque Apollinis frequêti cultu effecit suburbium Daphnen in planitie Diploctionis ampla, culta, vrbique vicina, mitibus & vitiferis collibus cincta potius, quàm in vallicula Demetrianâ angusta, vndique asperis collibus circumclusa, nondum exadificata, lōgè ab vrbe remotiori, quàm Diplocionis planities, in qua potius, quàm in valle Demetrianâ fuisse suburbium Daphnen. Præterea coniicio ex historia Euagrii narrantis Mammianum insignē senatorem in Daphne suburbio construxisse Antipharon è regione balnei publici, in quo statuta esset Ammiani ænea statua. Antipharon appellatam arbitror, ex eo quòd sita esset contra Pharon, quam Marcellinus dicit fuisse Byzantij in promontorio Chrylocera nuncupato, quod Dionysius appellat Bosporum. Illa si fuisset constituta in valle Demetrianâ, non vrbi aduersa fuisset, sed prorsus ab vrbe auersa longè posita extra conspectum vrbis impeditum in medio colle excelsio Clidio appellato, Agathium historicum suburbanum habuisse in vico Daphne conicere possumus ex eius Epigrammate inscripto in hortum maritimum:

Εἴξω ἐμοὶ Δάφνης ἰδὼν Ἀλέτῃς, ἔκθεσι πόντου

Κάμνον, ἀρχαῖα λάμψῃ ἐρμυσίν.

Ἐνθάδε γὰρ νύμφαι Πηνελόιδες, αἶψ' ἐνὶ πόντῳ

Νηφεῖ

ἡμεῖς δὲ ξυλὼ δὲ στυλὼ στυλὼ

Ἀμφὶ ἐμὲ γὰρ μάραντο, δίκασε ὃ λυανοχαί τε:

καὶ μετὰ ἀμφόδοις μέσον ἐκκένον.

Si Agathij poëmata, quæ inscripfit Daphnica, nactus fuisset, scrutatus diligenter essem, num à suburbio Daphne daphnica sua poëmata appellauerit, ex hoc Apollinis luco tripodem illum factum fuisse verisimile videtur: cuius Sozomenus meminit. Cum tempore Valentis Imperatoris, inquit, Hellines quosdam in Philosophia præstantes habitos religionis Christianæ incrementa agrè ferentes, scire studentes, quis Valenti successurus esset omnibus vaticinationibus exquisuisse: denique tripodem ligneum ex lauro confecisse, & nominibus, & verbis, quibus soliti erant, peregisse, ut comprehensione literarum secundum vnumquodque elementum sub machinatione tripodis & vaticinationis significantium demonstrarent nomen Regis. Cum autem ipsi inhiarent Theodoro Hellinicae religionis viro in aula regia præclaro, in re militari eximio, Theodori nominis literarum compositio accedens usque ad delta decepit Philosophos, ut quàm mox Theodorum regnaturum sperarent. Etenim hoc facinore patefacto, adeò Valens exacerbatum est, ut iusserit comprehendi Theodorum & tripodis artifices, imperaritque illum quidem viuum exurendum, illos verò securi feriendos esse, adeoque Valens effreni ira exarsit, ut etiam in eos, qui Philosophi non essent, sed simili veste, atque Philosophi vterentur, caedes processerit.

De Rhodiorum portu, & de Archio loco.

CAPUT VIII.

P O S T Iasonium lucumque Apollinis, Dionysius anaplum continuans, ponit Rhodiorum $\pi\epsilon\rho\iota\beta\omicron\lambda\omicron\nu$, ad quem rudentibus naues alligabant Rhodij, metuentes maris tempestatem. Cuius ut idem scribit, tria saxa ad suam ætatem servata extitisse dicit, reliqua permulta temporis vetustate cecidisse. Hunc Peribolon fuisse, ut existimem eo in loco, quem hac ætate piscatores nominant Rhodacinion, non modò nominis similitudo, sed etiam Dionysij ordo narrandi antecedentia & consequentia me adducit. Hoc enim proprium habet imperitū vulgus, ut nomina locorum, quæ non intelligit, immutatione literarum in alia nomina aliquid sibi notum præsertim ridiculum deriuat. Dicax enim vulgus & ridiculum esse solet, præsertim Græculum, quòd omnia nomina finire gaudet hac terminatione acion, quam literati solent attenuare, & diminuere in ion, vel arion: ut $\psi\omega\mu\omicron\varsigma$, $\psi\omega\mu\omicron\nu$, $\pi\epsilon\upsilon\varsigma$ $\pi\epsilon\upsilon\delta\iota\omicron\nu$, vel $\pi\alpha\epsilon\delta\alpha\gamma\iota\omicron\nu$, vulgus $\psi\omega\mu\alpha\kappa\iota\omicron\nu$, $\pi\alpha\epsilon\delta\alpha\kappa\iota\omicron\nu$: sic $\rho\delta\iota\omega\nu$ $\nu\epsilon\delta\upsilon$ detorsit in $\rho\delta\alpha\kappa\iota\omicron\nu$ $\nu\epsilon\delta\upsilon$. Hæc quidem nimium fortasse minutatim excussa, sed quæ indicent magnam depravationem antiquorum nominum. Iam verò quod Rhodacinion appellat, nihil aliud est, quàm saxum supra aquam emines, ad alia saxa adnitens, olim ad portuosæ molis substructionem in vadum deiecta; distat quidem aliquot passus ab ora maris, at ab Aenobarbi sepulchro passus circiter sexcetos. Post Rhodiorum Peribolon Dionysius ponit Archium nūcupatum locum campestre, agri bonitate præditum, & vitium aman-

„ amantem, collibus cinctū circumfurgentibus, ad mare
„ procidentibus: per medium eorum fluuius descēdit in
„ maritimam oram mollem & profundam. Hunc inco-
„ luit Archias Thasius Aristonymi filius: qui cū in hoc
„ loco urbē condere pararet, à Chalcedonensibus prohi-
„ bitus est, metuentibus exadificatum locum contra se
„ fore. Archias illis, qui cum eo solum vertissent, Aënon
„ dedit habitandum, locoque nomen reliquit Archium.
Archias Thasius etsi locum hunc terra marique præ-
stantem delegerat, tamen quod præterita sede Byzan-
tij hunc locum elegisset, non minus cæcus fuit, quàm
Archias Megarensis, quem Pomponius Mela scribit
cōdidisse Chalcedoniam. Archium locum, esse vicum,
quem nunc Græci Agion phocam appellant, situs præ-
se fert constitutus in maritima planitie vallis, in valli-
culas amplius quinque diuisæ, patētis in longitudinem
plus minus duobus millibus passuum: in latitudinem
iuxta mare circiter sexcentorum: fertilis vitium & ce-
raforum, ab utroque latere collibus cincte procumben-
tibus ad mare, per quam mediam defluit riuus alueo
prope oram maris profundo, utrinque ingentibus saxi-
munito: is æstate etsi perennis non fuit, tamen eius gur-
gites perennes restant. Bonitate terræ incolæ dicunt
hanc vallem præstantiorem & fertiliorem valle Diplo-
cionica, iuxta vicum nominatum Agion phocam, si-
tum in illius vallis planitie, ora maris mediocriter si-
nuosa portum efficit assiduis nauibus frequentem. Ora
maritima inter Iasonium & Archium media passuum
millibus amplius duobus in longitudinem patens ex-
planata est, partim excisis imis cliuis collium impen-
den

dentium, non in magnam quidem altitudinem elato-
rum: sed præcipitem & penè directam, partim obruto
oppressoque mari à seruis Aenobarbi, qui breui tem-
pore eam totam exædificarunt, portuosamque effe-
runt vsque ad marginem maris magnarum nauium ca-
pacem, perpetuâque ædificia, & continuos hortos sub-
struxerunt in mari vadoso, marisque partem intra sub-
structiones intermiserunt, quæ portus vicem præstat, &
piscinæ crebræ piscium frequentia multorum quotidie
subeuntium, exeuntiumque.

De senè marino, & parabolo, & de calamo, & Bythio.

CAPVT IX.

DIONYSIVS loca oræ Bosporicæ sinistræ
prosequens, post Archium, inquit, promon-
torium eminet, in altitudinem præcipitem
abrupitur discedens ad mare, fluctus ma-
ris densos & violentos, quibus crebris verberatur, exci-
piens. In promontorij vertice senex marinus statutus
est, quem alij aiunt Nereum, alij Phorcyn, alij Proteû,
quidam patrem Semystræ, nonnulli indicem nauiga-
tionis, & demonstratorem Iasoni fuisse, ducemque an-
gustiarum Bosporiarum. Quidam vates Latiades ora-
culum in somnio sibi visum dedit posteris colonis Me-
garensium, oportere sacrificare marino seni: itaque in
hoc loco publicè colitur senex marinus. Hunc senem
marinum statutum fuisse in promontorio, quod non-
nulli Historici, atque etiamnum vulgus Græcorum ap-
pellant Clidion, assequor cum ordine Dionysianæ nar-
rationis antecedentium locorum, & consequentium,
tum.

tum situ oræ maritimæ, quæ ab Archio loco quadringentos passus vsque ad Clidion progressa nullum promontorium, nullum littus habet, cui conueniat descriptio loci senis marini, quàm promontorium Clidion: quod vt melius noscatur, subiiciam, quale nunc existit. Id præceps & præruptum vsque ad mare excipit suo mucrone fluctus, ictusque maris adeò vehementer, vt hi postremò ab ipso repulsi, deferantur iuxta Asiam vsque ad Byzantium, littusque Europeanum, non amplius excipiat fluctus Bospori descēdentes per anfractus, sed à promontorio Clidio velut claue claudatur, & protegatur, nomen adepto ex eo, quòd Byzātinis Bosporum claudere & finire videtur. Bospori enim aspectus ex vrbe Byzantio sursum versus iuxta littus Europeanum nauigātibus non patet vltra Clidion, cuius cliuus medijs in altitudinem ducentorum passuum adeò pronus est, vt scandi non possit, nisi anfractibus in latitudinem patens plus minus quadraginta passuum. Inde breui ceruice lata sex passus dilatatur assurgens in altitudinem bis mille passuum, ab Aquilone cingitur planitie insinuata in vallem Demetrianam: ab altera parte cingitur valle, in tantam edita altitudinē, in quantam ipsius promontorij iugum. Sed redeo ad Dionysij anaplum.

- Marino, inquit, seni vicinus est ~~ἡρόδοτος~~ is est iactus temerarius nuncupatus à piscatione temeraria, incertaq;
- ob maris asperitatem inæqualem. Fluctus enim descens dens in littus asperum, piscationes efficit temerarias, parum voti cōpotes, & ferè frustratorias. Deinde est Calamus, & Bythios: ille à Calamorum multitudine, hic ab alta protectione promontoriorū circumsurgentium

nominatur, in ipso est laurus Medæ Oetæ filia, plan-
 ta, ut fama est: huic parallelus est collis sensim supinus,
 declinans ad mare, nominatus Bacca Iſidis matris deo-
 rum. Ex his Dionysij verbis consequimur Parabolon,
 Calamum, Bythiam loca esse inter Clidion promon-
 torium, & promontorium claudens vallem Demetria-
 nam ab Aquilone. Hæc duo promontoria finem effi-
 ciunt leniter inflexū, in quo insulae, seu scopuli, seu syr-
 tes, quarum vna est vadosa & sicca, arenosa, paulum
 eminens supra aquam, statio avium marinarū. In hunc
 finem desinunt duæ valles, minor prima est, distans à
 mucrone Clidij quingentos passus, in quo interuallo
 olim fuit Parabolos, nunc ex ædificatus est. Ultra valli-
 culam septingentis passibus cōfectis, incipit maior val-
 licula, habens contra se turrim vireti regij, in littore A-
 siatico sitam, nominatā Phylacem: desinit in medium
 sinus flexum, Demetriana nominata ab æde diui De-
 metrij sita in cliuo, vbi fons diuo Demetrio sacer, exi-
 lis quidem, sed perennis scaturit, ex alto specu conca-
 merato hominum opere, in valliculae maritima plani-
 tie porrecta in passuum longitudinem circiter octin-
 gentorum, existit etiam nunc pauci calami, olim mul-
 ti, à quibus locus nominatus fuit: deinde Bythias, à quo
 arbitror Bytharia, quorum meminit Euagrius, cum ait
 Vitalianum vsq; ad nominatas Sycas incursionem fe-
 cisse, contra quem in tentoriis versantem ad Sycas defi-
 xis Rex misit marinum Syrum. Congressi igitur ambo
 exercitus, ille à prora habens Sycas, hic Constantinopo-
 lim, primò se continebant, deinde post leues pugnas,
 inter duos exercitus prælium nauale cōmissum est circa
 Bytha

Bytharia appellata. Fugit Vitalianus læsa prora, & magna parte exercitus amissa, reliqui fugerunt, vt nulli hostes reperirētur neq; in Anaplo, neq; circa urbem. Promontorium, quod ab Aquilone vallem Demetrianam claudit, saxum eminet in mare, in quo olim Baccam Isidis fuisse puto. Id intus recedit, neq; impedit mutuos aspectus promontiorum Clidij, Estiarumq; vltra hoc promontorium eminentiū, flexum admittentium amplius tria millia passuum circuitu littoreo complectentem, intra se includentem duos sinus, Demetrianum & Michaelium diuisos promontorio Bacchico.

De vico Michaelio, & de promontorio appellato Estijs.

CAPVT X.



PROMONTORIO iam dicto progressus sexcentos passus, perueni ad vicum Michaelium in maritima vallis planitie situm, lata iuxta mare quingentos passus, longa sexcentos: inde supra maritimam planitiē vallis mille & quadringentos passus in altitudinem erigitur, tota validē angusta & procliuis circumsurgentibus collibus vsque ad fluij ripas valde pronis, excepta semita humano opere facta. Summa dilatatur in campestrem planitiem, ex qua nascitur fluuius æstate exilis, sed perennis, & qui omni anni tempore fistulæ quincunciali sufficere posset. Per mediam vallem delabitur ad vicum Michaelium, quem Græci hodie appellant Afomaton, ab æde olim nobili Michaelis Archangeli militis incorporei, quod Sozomenus Constantinum magnum tradit extruxisse in Estijs aliquando nuncupatis, atq; ex eo, quod

ibi Michael Archangelus apparuisse creditur, locum dicit Michaelium appellatum esse iuxta medium fretum Bospori situm in dextro latere ex ponto nauigantibus Byzantium, distantem à Constantinopoli itinere marino stadia circiter triginta quinque, terrestri circuitu septuaginta: ora maritima ab ortu ad occasum procurrens, in qua dixi situm esse vicum Michaelium. Circuit sinum intimum valde portuosum vsq; ad marginem magnarum nauium capacem, quem colles vndique tuentur ab omnibus ventis, excepto meridiano, quem frangunt cursus rapidè incitati cōtra Meridiem præcipitantes: locum quem Sozomenus appellat nunc Michaeliū, nunc Estias, Procopius appellat Anaplum. Duo, inquit, erant templa Michaeli Archangelo dicata, inter se opposita, Bospori freto diuisa, vnum in loco appellato Anaplo in sinistro littore nauigantibus ad pontum Euxinum, alterum in contrario littore, quod antiqui *Ἀπὸ τοῦ* nominarunt ex eo, existimo quia littus multum proiciatur ex hac ora, nunc autem nominatur *Ἀπὸ τοῦ*, temporis lōgitudine, accolarum inscitia deprauante nomina. Hæc duo templa cū vetustate temporis sacerdotes prospicerent ruinas editura, & metuerent eorum casu oppressum iri, à Iustiniano deprecabantur instaurationem amborum ea forma, qua olim fuerat. Non enim vlla ædes sacra ædificari noua, vel exolescēs reædificari poterat, nisi ex pecunia regia non modò Byzantij, sed ne vsquam quidem locorum Romani imperij. Rex his motus, vtrunque à fundamentis demolitus est, quorum alterum in Anaplo reædificauit in hunc modum: Saxi iniectis oram illam circūplexus ad teg

ad tegendum portum, littus maris in forum transfor-
mauit. In hoc loco mare quietum communicat appli-
cationem nauigiis, quæ mercatoris ad saxa iniecta ap-
pellentis merces ex transtris nauium in terram expo-
nunt. Aula post maritimum forum ante templum sita
est, qui illic spatiantur, marmorum decore lætantur, &
aspectu maris, fruuntur cõmunibus auris excitatis tum
ab impetu vndarum, tum ex collibus impendentibus.
Porticus in orbem ambit templum, solum ab Oriente
intermittens sacrũ adytum, templum mille coloribus
variatur, tectum in tholo sublime effertur. Quis pro di-
gnitate huius operis enunciare posset elegantes colum-
nas, & totius ædificij structuram? quis marmorum ve-
nustatẽ, quibus muri & sola vestita sunt? quis auri mul-
titudinem immensam circa omne templum velut ipsi
innatam fusam? Hoc igitur templum in Anaplo nun-
cupato in hunc modum Archangelo elaboratum est.
In contrario littore paulum à mari distat locus natura
quidem planus, compositione verò lapidum in altum
effertur. Hic Archangelo cõstructum est templum de-
core quidem excellẽs, magnitudine verò primum. hæc
ex Procopio addere volui, ex eo quòd in æditis codici-
bus Procopij non habentur tum necessaria futura ad
declarationem contrarij littoris. Horum templorum
etiam fundamentorum substructione effoderunt, vt ni-
hil ex his iam supersit, nisi vt in oculis erutis fossæ &
scrobes effossarum substructionum. Hoc loco Proco-
pius restrictiùs definit Anaplum, quàm Dionysius, qui
scripsit Bospori Anaplum esse totam nauigationem ab
vrbe Byzantio ad pontum Euxinum. Similiter Stephe-

nus Anaplum ponit in dextro Bospori latere, cum ait Chryfopolim esse prope Chalcedonē in Bithynia, Anaplum nauiganti in dextra: idem tamen aliis locis, siue Stephani compēdiarius Hermolaus Grammaticus restringit Anaplum. Portus, inquit, mulierū est circa Phidaliā inter Anaplum & Olosthenium, vbi intelligit Anaplum esse aut ad promontorium Hermæum, aut apud Estias. Scholia in Dionysium scriptorem orbis incerta tradunt fretum Bospori angustissimum inter Ciconium & Anaplum: verum vbi Ciconium sit, suo loco explicabimus. Sed ne quis decipiatur inscitia illius, qui in libros Sozomeni edidit Elenchos, dum Michaelium locum, quem Sozomenus dicit esse in locis quondam nominatis Estiis, enarrat esse Sostheniū procul inde remotum ampliùs duodeviginti stadiis. At Estias alio loco esse non posse, statim monstrabo quā ad promontorium, claudēs ab Aquilone Michaelium sinum ex Polybio. A promontorio, inquit, Hermæo, quod infra ostendam nunc appellari Neon castrum, decursu Bospori conuertitur in Asiā oram, inde rursus in Europam ad promontorium Estias. Qui norunt Bospori decursus deferri per anfractus alternos Asiā, Europæque, planē illi sciunt illos ex Neocastro deferri in promontorium Asiā, vbi molæ versantur, inde rursus conuerti in Europam ad promontorium, quo excipitur nominatum a Græcis Megæ rheuma, cingens ab Aquilone vicum Michaelium. Quale autem sit Megæ rheuma, & promontorium Estiæ, Dionysius Byzantius apertius declarat. Post collem sensim supinum, inquit, promontorium protenditur multum, portum infinitas crasso.

» crasso præruptoque incurſu boreales maris ictus pro-
» pulſans. Ab occaſu enim portum præbet ſufficienti ma-
» gnitudine, protectum à ventis: reliqua promotorij pars
» excipit fluctuum vim multam, audacemque, & ſimi-
» lem ſtatuae virili: nunc enim mare miſcet & conuoluit
» in orbem, nunc impetus vndarum in contrariam par-
» tem impellit. Multas naues vidi onuſtas ſecundo vento
» currentes retroceſſiſſe fluctu oppugnante ventum: rur-
» ſus verò ad ſaxa promontorij reuertitur impetus vn-
» darum, & ex refractione velut auulſus & ſeparatus à pe-
» lago contra pelagum ipſe per ſe currens vrgetur: vnde
» fit, vt nautæ neceſſe habeant iter pedibus conficientes,
» funibus naues trahere, in quas fluxus multus incurſans,
» nautas vi agit, & retrahit in contrariam partem, me-
» tusque & deſperatio ſubit. Tanquam non iterum ten-
» tandum ſit, nonnunquam fluctibus cedentibus ad ipſa
» ſaxa crepidinis littoreæ contendunt contra fluctus fir-
» mantes remos ad cautes, & vim maris inhibent auxilio
» continētis. Poſtea verò quàm coloniæ deductores pro-
» montoriū Boſporium prætergreſſi, viderunt magnam
» multitudinem Barbarici exercitus tenere oram mari-
» timam, in quam deſcendendū erat, occuparunt locum
» nuncupatum Eſtias, vacuum à cuſtodibus, & Barbaris
» anteuenterunt. Fuit enim illis compendiaria nauigatio,
» at Barbaris longus terræ circuitus ob ſinus. Demon-
» ſtrantur autem quædam ſemite, impreſſiones in ſaxis
» cancrorum marinorum pedestri itinere rapidiſſimum
» fluxum prætereuntium. Hæc quidem Dionyſius rectè
» narrat. Vidi ipſe ibi ſaxa attrita longo cancrorum ex-
» curſu, ac ſi non vidilem, à vero remotum non exiſti-
» maſſem,

massem, cancerorum forcipibus duris posse atteri saxa, cum assiduo pedum attritu formicas excavare silices, viamque facere videamus. Quæ de cancerorum itinere terrestri Dionysius scribit, Aelianus confirmat, sed in qua Bospori parte id fiat, non explicat. In Thracio, inquit, Bosporo fluctus rapidi ex ponto deferuntur, & angustis diffinguntur, ut cancros contra venientes facile euertere possint: quod ipsum canceri præsentientes, postquam eò peruenerunt, singuli in sinuoso quodam loco se tenent, simul & reliquos expectant, deinde in eundem locum congregati, adrepentes per præcipites crepidines, in siccum ascendunt, & fluctuum vim euadunt, iter pedibus conficientes. Cum autem hanc violentiam pedibus prætergressi sunt, rursus per crepidines in mare recurrunt. Aduerte non modò hoc promontorium Estias appellari, sed etiam magis propriè maritimam planitiem promontorio clausam, ubi vicus Michaelius, quem Sozomenus situm esse dicit in Estiis nuncupatis, cui consentit Polybius, cum antedictum promontorium appellat τῆς ἑστίας ἀντὶ τοῦ καλόμενα. quæ Perotus vertit promontoriū Estiæ: rectius vertisset promontorium circa Estias, aut Estiam, nisi hunc locum Estias in numero plurium appellarent Polybius, Sozomenus, Dionysius Byzantius. Ex cuius causis, quas affert, cur appellentur Estiæ, verisimilius videtur Colonia deductores prætergressos promontorium Bosporium, cum vidissent maximam multitudinem Barbarici exercitus tenere oram maritimam, ad quam descendere ipsi constituerant, classem appulisse in sinum subiectum sub planitiem vici Michaelici, quàm applicuisse.

cuisse ad ipsum promontorium importuosum. Ex antedictis iam manifestum est, promontorium Estias esse id, ad quod deferitur fluctuum vehemens incurfus, quem Græci huius ætatis μέγα ῥέμα proprie appellant: à maximo fluctu totius oræ Europæ, qui etsi promontorio refringitur, longèque & valenter repellitur in contrariam partem, sæpe autem repulsus, sæpius rursus impellitur, vrgeturque à contravenientibus fluctibus, vt eorundem à fronte, à tergo, à lateribus repulsorum colluctatio quædam vorticosa videatur, etiam nullis flantibus ventis, qui aliquo promontorio reperiuntur, atque in se volutati facere solent vortices non modò in terra, sed etiam in mari. Tamen hic tanta est decursus præcipitantis Bospori, vt rapido cursu semper deorsum secundum promontorium feratur, vt nauigantibus sursum versus partim sit in terram descendendum, nauisq; funibus trahenda: partim remis adnitendum ad saxeam maris oram. Neque modò Cancris iter pedibus suscipiendum, sed etiam vidi Hamiarum piscium impetu fluctuoso gaudentium celeritatem retardari: qui etsi hamos maximè internoscere solent, tamen nusquam minus hamorum insidias deprehendunt, quàm hic fluctibus impediti: itaque frequentissimi ibidem capiuntur, reliquorumque piscium greges fluxu retardati pigre ascendunt, vt interdum ex terra, lapide, aut bacillo, aut conto eo ex naui ferias, ac capias: ac si tot, & tantas molas versare posset, quot moletrina collocari possent iuxta promotorij radices Orienti obiectas, tamen non collocantur, ne impediatur nauigatio. Nulla enim nauis silentibus ventis sursum nauigare potest, nisi ex

terra funibus trahatur, aut valenti remigatione impel-
latur. Quale autem & quantum sit Estiacum promon-
torium, quod tantos fluctus efficit, profectò non in ma-
gnam aut altitudinem editum, aut latitudinem pro-
tensum, sed humili, non latius quadringentis passibus,
neque trecentis excelsius, neque circuitu octo stadio-
rum patentius, duos sinus claudens, alterum à Meridie,
alterum à Septentrionibus: illud ipsum duplici valle
clausum, altera Michaelica, quæ multò longior, quàm
promontorium ipsum: altera tam longa, quàm id lon-
gum existit. Ab eius radicibus Orienti obiectis in lon-
gitudinem minus quingentorum passuum protēsis cli-
ui saxei attolluntur in altitudinem plus minus ducen-
torum octoginta passuum: inde iugum planū non ex-
cedens quingentorum passuum longitudinem: in quo
constituta sunt moletrina ventis versatilia. Reliquum
promontorium totum vndique proclive est, excepta
cervice plana quidem, sed quaternorum passuum lati-
tudinem non excedente, qua assurgit in excelsum col-
lem triplici cliuo depressum, in passuum altitudinē ela-
tum circiter duum millium, clausum duabus vallibus,
vna desinente in sinum Michaelium, altera in sinum, in
quo postea Dionysius ponit πῆς χιλῶς. In collis summo
vertice extat luculenta cisterna, lateritio opere facta,
perennem optimamque etiam nunc aquam continens
in mediis substructionibus antiqui ædificij dudum di-
ruti, vnde videtur tota ferè Propontis, & Bosporus à By-
zantio ad Daphnen insanam, non impediēte excelsò
promontorio Hermaeo, quo ille excelsior existit.

De locis

De locis nominatis Chelis.

CAP. XI.

DEINDE adiungit Dionysius. A promontorio Estiaco flexus iam nauigationē quietam stabilēque efficit. Post Estias sunt χηλαί nuncupatae à similitudine figurarum: harum quidem alterae breuiiores, alterae maiores, ambae verò portus existunt: apud ipsas templū est Dianae dictymae. Hoc loco Dionysius scalas, siue molis brachia appellat chelas à similitudine forcipum siue brachiorum, quibus portuum moles scalarūque similes esse solent, siue sint rates in mare proiectae, siue saxa in vadum abiecta, ponticulorum vicem praestantia, quae Hellines à figurarum similitudine Chelas propriè appellarūt, posterius Graeci Bathra, Latini Scalas, seu gradus nominarunt ab usu potius quàm à similitudine scalarum nauticarum. Hae ab scandendo dictae, nihil aliud sunt, quàm trabes latae inclinatae, in gradusque exasperatae, illae verò planae collocantur, & plano pede adcuntur. Sed tamen ex illis ad naues, quia velut gradus iacitur, ideo iam dudum inueterata consuetudine etiam scalae nominantur, deprauatè quidem. Nam primū χηλαί, deinde χαλαί à Graecis iam ignorantibus, quid significant χαλαί, deinde vulgi consuetudine, quae literas deprauare solet, scalae: vnde iam Graecorum vulgus ignoret, quid sibi velint χηλαί, quid βάθρα, sed duntaxat nouit scalas. Quam autem celebres olim essent hae Chelae, declarant piscatores, qui ex tot orae Bosporicae nominibus vix paucula quaedam retinentes, medium sinus fluxum Estiaco & Hermæo promontoriis clausum etiam nunc appellant chalas, quasi χηλαίς, cū tamen in hoc sinu nulla portus bra-

chia, nullæ scalæ sunt publicæ, nisi breues paucis trabibus compactæ, parum in altum proiectæ, & quæ excipere duntaxat possunt parua nauigia, quibus Rex, Regisque olitores descendere solent in hortos proximos fontibus perennibus irriguos, virentes syluis cupressorum, plantisq; fructiferis, sitos partim in ima val-
lis planitie desinente in medium sinus flexum, partim in eius cliuis eminentibus supra sinum circuitu terrestri ter mille & septingentos passus complectentem, è quibus mille & quadringentos occupant regij horti, maritimam oram attigentes. Scalæ aut molis brachia hîc constituta non fuerunt ad protegendam portam à ventis, nam vtrinque excelsis montibus clauditur, emit-
tentibus quidem ex sese quinque valliculas in sinum valde pronas, & minimè montis dorsum penetrantes. Sed quòd sinus intimus vadofus sit, ideò *χυλαὶ* astructæ sunt, vt è nauibus in alto stantibus pateret descensus ad templum Dianæ dictymæ situm in medio sinus flexu: nam descendendi alia, quæ causa fuisset, nisi templum Dianæ dictymæ, quod piscosi Bospori permulti pisca-
tores frequentabant, hac quotidie sursum deorsumque transeuntes. Non enim, vt quidam existimarunt venatorum Solis retibus, sed etiam piscatorû Diana præest. Non enim video, cur si solis venatoribus dictyma faueret, Byzantij illi veteres non ignari, vnde Diana dictyma appellata esset, eius templum secundum littus remotum à venatione posuissent.

De pro

*De promontorio Hermæo, & rapido cursu Bospori: de
Pyrrhia Cyone: de Bospori summis angustijs: de
ponte Darij.* CAP. XII.

MONS diuidens duos sinus Chelarum & Phidaliæ clausus non modò his sinibus, sed etiã duabus longis vallibus in hos sinus desinentibus, supra ceteros oræ Bosporicæ montes ex Europa in Asiam longè prominet, & promotorium velut mucronem procul in Bosporum proiicit, vt Bospori fretum cogat in summas angustias, vt radices maritimas vsque ad littus pronas propaget in longitudinem excedentẽ ter mille & quadringentos passus, cùm eius ceruix interiecta inter summas valles, quibus ipse cingitur, latior non sit septingentis passibus, eiusdem latus meridianum claudens sinum Chelium, mari quieto alluitur: oriẽtale verò tertio anfractu ex septem decursibus fluctuum, quos antè dixi facere Bosporũ, cùm totum ferè inquietum, tum maximè duobus locis, primò medium latus oriẽtale transuerso impetu circumsonante percutitur: deinde ad eiusdem lateris finem secundum arcem oppositam arci Asiæ appellatã Neocastrum, in promontorij mucrone non amplius transuersus fertur, sed rectus præcipitat rapido impetu, vt naues sursum nauigantes iuxta marginem oræ procedere cogat, & mordaciter vrgeat, vt ruffus ille canis, à quo Byzantini locum hunc nominarunt Pyrrhiam Cyonẽ, quasi malitiosum canem. Laus enim comæ apud antiquos erat ruffus color, sed Comædia postea hunc in malam partem vertit, vt iam apud comicos Pyrrhiæ & Xanthiæ appellentur serui malitiosi. Post, inquit Dio-

nyfius, Dianæ dictymæ ædem turbulenta est, & vehe-
 menter contento fluxu commota nauigatio. Locus au-
 tem dicitur Pyrrhias Cyon, vt mihi videtur, à similitu-
 dine, quam habet mare hoc cum cane. Vt verò pluri-
 morum obtinet sermo à cane pastoritio littus hoc cir-
 cumcursante latrantēq; eos, qui violentia fluctus iuxta
 marginem littoris nauigare haberent necesse. Ibi quo-
 que meatus freti arctissimus, dirimens duas continen-
 tes. Ibidem etiam dicitur fuisse Darij transitus. Hinc
 enim Androcles Samius pontem iunxit in Bosporo.
 Hic locus cū alia præbet historiæ monumenta, tum
 sellam in petra excisam, in hac enim aiunt sedentē Da-
 rium spectatorem fuisse pōtis, & transeuntis exercitus:
 quam Dionysius *Ἰσπποῦ*, Herodotus *πρὸς τὴν* appellat.
 Omne saxum mouissem, quo sellam Darij inuenirem,
 nisi arcis custodes non modò pedibus iter faciētes, sed
 etiam nauigantes scrutarentur, perennique vigilia hoc
 littus circumcursarent serui Pyrrhiæ acerbiores, non
 modò canibus Pyrrhiis, sed etiam odiosiores Pyrrhæis
 hominibus, de quibus olim peruulgatum est prouer-
 bium, si quid mali contingeret, deprecabātur Pyrrhæis
 odio omnium vicinorū execrabilibus. Sella Darij iam
 non exstat excisis saxis in ædificationes, aut oppressis ia-
 cto fundamento arcis totum littus occupantis, quò Da-
 rij pons pertingebat. Herodotus non meminit sellæ Da-
 rianæ in Bosporo excisæ, sed in Hellespōto scribit Xer-
 xi præparatam fuisse: qui postquam in media Abydo
 fuit, videre voluit omnem exercitum. Erat enim illic in
 cliuo solium prius factum ei aptum ex albo lapide. Id
 enim fecerant Abydeni Regio mandato, in quo Rex
 sedens

sedens spectauit exercitum, & classem. Verisimile est Darium sedentem in solio, spectasse exercitum transeuntem, cum more Persico reges Persarum delectati sint conspectu exercitus sui, ut Xerxes Darij filius pugnam etiam naualem commissam ad Salaminem spectauerit etiam sedens. Ex Aeschilo, qui in tragœdia nuncupata Persis, sic ait:

Ξέρξης δ' ἀνῶμαζε κακῶν ὄρων βάθ'.

Ἔθορον γὰρ εἶχε πάντος θυγατρὸς στρατ'.

Ἵψηλὸν ὄχθον ἄγχι πελαγῶς ἀλᾶς.

Itemque hac in re verisimile est, imitatum fuisse Xerxem patris Darij rationē, præsertim cum Darius Mandroclēm haberet Darianæ gloriæ studiosum, quem est vero proximum, in cliuo eminente supra pontem excidisse solium, cum is ponte confecto à Dario magnis præmiis affectus, ad viuum depinxerit totum pontem Bospori, & Regem Darium in regio solio sedentem: cuiusque exercitum transeuntem, eaque depicta in Heræo, hoc est templo Iunonis, cum hac inscriptione suspenderit, & dicauerit:

Βόσπορον ἱχθυόεντα γεφυρώσας ἀνέθηκε.

Μανδροκλέης ἦν μνημόσμων χερίσιν.

Αὐτὸς μὲν σέφανον ποδὲς ἀμείσις ἢ ἐνδ'.

Δαρείος βασιλῆα ἐκτελέσας ἦν νῦν.

In edito Herodoti Codice *μανδροκλέης* legitur: in quodam manuscripto *ἀνδροκλέης* nomen Græcis vsitatum est & nobile, illud ignobile, & prorsus pastoritiū. Quo loco fuerit *Ἡραῖον*, cui hæc dicarit Androcles, non explicat Herodotus, an id esset iuxta Bosporum, an illud, quod inter Chalcedonem, & promontorium nuncu-
patum.

patum. Acritas ponit Menippus in periplo Bithyniæ: an cum Samius esset Androcles in loco Thraciæ appellato *ἡγάλας* à Samiis habitato, an in templo Iunonis Samiæ, quod illustre Samos Insula habebat, eam picturam suspenderit. Quod si *ἡγάλας* fuit in loco, ubi Darius potem iunxit, ut verisimile videtur, miror Herodotum, cum ait: Locus Bospori, quem pote iunxit Rex Darius, mihi, inquit, coniectanti videtur medius inter Byzantium & fanum in ore ponti situm, cur non locum nominauerit *ἡγάλας*. Neque Dionysius Byzantius meminit, cum cæterorum templorum iuxta Bosporum sitorum meminerit: at neque Hermæi meminit, cum ex Polybio Hermæum alibi esse non possit, quàm ubi est Pyrrhias Cyon. Hermæum Europæ, inquit Polybius, in promontorii eminentia quadam, iuxta os ponti, inter Byzantium & fanum situm, distat ab Asia quinque stadia, secundum locum strictissimum totius oris pontici, quaiunt Darium ponte Europam iunxisse Asiæ, cum trāfīret contra Scythas. Censerem in Polybio legendum *ἡγάλας*, potiusquàm *ἑρμαῖος*, nisi omnes codices Polybij, quos mihi videre contigit, haberent *ἑρμαῖος*. Cur verò ita appellatum, nemo scribit, an à templo Mercurij, an à lapidum aceruo in viis dubiis consecrato, an à lapidibus quadrangulis Hermæis nuncupatis, quales esse potuerunt stela, quas marmoris albi Darius in hoc loco posuit, in vna incidens literas Assyrias, in altera Græcas. Itaque rectè potuisset Herodotus Darij stelas appellare Hermas: ut Aeschines nominat Hermas honoris causa excitatos cum inscripta laude alicuius. Sic enim ait Aeschines contra Ctesiphontem. Dedit populus Atheniensis.

nienſis eis honores magnos, tres lapideos hermas ſtatutos in porticu Hermorum, atq; in ſingulis inſcripſit laudem illorum: deinde narrat, quid inſcriptum in primo Hermorum, quid in ſecundo, quid in tertio, denique omnes ſtelas lapideas, omnes cippos Hermas appellare poſſumus. Tzetzes nobilis Grammaticus, & qui exactius omnibus Hiſtoricis, Geographisq; ſe Boſporum ſcire gloriatur, hunc locum non appellat Hermaum, ſed Heraum: cū ait, Mandrocles Samius architectus, Boſporum Hellespōtium nauibus iunxit ſive circa Damalim, ſive circa Heraum, idque Herodotum ſcribere aſſerit. Equidem fateor Herodotum ſcribere, vt Androcles, quæ pinxiſſet de ponte, & Dario, eiusque exercitu, ea ſuſpenderit ad Heraum: ſed in quo loco id fuerit, Herodotum declarare nego. Veruntamen non abſurdè, vt Tzetzem puto coniectāſſe, Heraum fuiſſe circa locum, vbi Darius pontem iunxit. ita abſurdiſſimè ambiguum ponit locum, vbi pons iunctus eſt, eſſe ſive circa Heraum, ſive circa Damalim. Qui ſi exiſtimāſſet, vt exiſtimare debebat Herodotū verum, & diligentem Geographum fuiſſe: ſi Herodoti hitoriā, quam citat, perpendiſſet, nunquam Boſporum appellāſſet Hellespontiu, non confudiſſet tria maria, quæ Herodotus tribus nominibus diuidit in Boſporū, Propontidem, Hellespontum, nunquam ſcripſiſſet Darij pōtem iunctum fuiſſe circa Damalim. Damalis enim, ſive Bos, locus ex his, quæ antea attuli, & poſtea afferā, fuit in promontorio Scutarico ſeptem ſtadia diſtante ab vrbe Byzantio, vbi ſi pons iunctus fuiſſet, alterum pontis caput aut attigiſſet Byzantium, aut litus, vltra

Peram situm, vbi Bosporus octo stadiis latior est. At ex multis scriptoribus scire poterat, Darij pontem fuisse in angustiis quinque stadiorum, Herodotumque animaduertere poterat, cum ait: locus, vbi Darius pontem iunxit, mihi coniectanti videtur medius inter Byzantium & fanum. Vbi rectè scribit Herodotus, qui non vt Tzetzes se scire gloriatur, sed simpliciter dicit se coniectare: vbi reuera medius non est, si Herodotus *μετὰ* intelligit in duas aequas partes diuisum. Nam cum Bosporus sit longus centum viginti stadia, oporteret locum, vbi pons iunctus est, distare Byzantio sexaginta stadia, cum non distet amplius quadraginta quinque stadiis, vt non mihi soli videtur, sed etiam Straboni, qui ab angustiis vsq; ad Byzantium numerat quadraginta quinque stadia: cui accedit Sozomenus, inquit, Estias distare à Constantinopoli triginta quinque stadia. Ab Estiis ad promontorium Hermaeum coniicio rectam nauigationem plus minus esse decem stadiorum: sed Sozomenus non rectè Estias dicit esse in medio Bospori freto. Iam ex antedictis deprehenduntur etiam illustres literarum monumentis, imperiti fuisse Bospori, in quorum numerum redigere possem Eustathium cum aliis locis, tum eò quòd nusquam locum, vbi pontem Darius iunxit, nominare audet, cum illi opportunitas frequens data fuerit, praesertim vbi ait Thracium Bosporum Darium iunxisse *πρὸς τὸ ἱερὸν ὄρος*: qui si intelligit sacrum os, vt alij plerique, partem Bospori inter duo fana sitam, longè errat: sin Bosporum totum, profectò prae se fert ignorare nomen loci, vbi pons iunctus fuit. Nam quid attinebat addere circa alicubi sacrum os, po

os, potius quàm circa Hermæum promontorium, ut Polybius clarè dicit? Prætereo alia eius loca, ubi prope-
modum necessitas eum adducebat, ut nominaret Her-
mæum, præsertim ubi disputat, quæ pars Bospori existi-
manda sit strictissima, alios ait existimare, ubi sunt an-
gustia circa Anaplum nuncupatum, neque declarat, in
quò loco sit Anaplus, cum explicare debuisset se intel-
ligere Anaplum circa Hermæum, aut Estias. Quod si il-
lius sunt etiam scholia in Dionysium, quæ vidi anti-
quis literis scripta tradentia totius Bospori fretum an-
gustissimum esse inter Anaplum & Ciconium, magno
beneficio nos affecisset, si nobis explicuisset, ubi Cico-
nium, ubi Anaplus: quod utrunq; cum sit aut ad Estias,
aut ad Hermæum, cur abstinet ab eruditis antiquisque
nominibus? Nam Iornandi homini Gottho ignosco to-
lerabili scriptori rerum Gothicarum, in quibus tradit
Darium nauibus à Chalcedonia ad Byzantium tabu-
latis petiisse Thraciam. Iornandes Bosporum non vi-
derat, at Tzetzes & Eustathius totam fere vitam vixe-
runt apud Bosporum. Laonicus Chalcondylus in histo-
ria, quam scripsit de bellis Ottomanorum regum, ar-
cem in Hermæo promontorio sitam, quæ nunc à Græ-
cis appellatur Neon castrum, id est noua arx, ut propriè
nominat *καλὸν καστὸν*, quasi Bospori fauces frangentem,
ita non rectè eam dicit sitam esse in Propontide, cum
ex iam dictis constet, illam esse iuxta medium Bospor-
um, si d. ut à quo, & quando hæc arx constructa sit, &
qua ratione, ipsum Laonicum audiamus. Incunte, in-
quit, vere Mechemetes Amurati filius in Europa iuxta
Propontidem, ubi ex Asia angustissimus Bospori traie-

ctus est in Europam, ædificauit oppidulum Læmocopien appellatum, hucque Asianis Europeisque coactis, & partibus huius oppiduli tributim ædificandis datis, celeriter opus confecit. Id autem effecit, vt sibi tutus vltro citroque traiectus esset, & vt ne occidentales homines triremibus se à transitu prohibere possent, resque in Asia innouare, magno etiam vsui hanc arcem fore sibi in obsidionem Byzantij prospiciebat. Aedificauit autem turres treis maximas omnium, quas vidimus, duas quidem versus continentem, tertiam versus mare, easque plumbo textit. Muri quidem latitudo crassa est viginti duos pedes: turrium verò crassior triginta pedibus. Post autem quam in hunc modum spatio trimetristri hanc arcem ædificauit, statim excurrit solum hosticum. Ineunte hyeme Turachanem misit in Peloponnesum, iterumque ineunte vere Mechmetes exercitum duxit in obsidionem Byzantij, quem traiecit angustias freti, vbi prius in Propontide arcem ædificauerat Læmocopien, quam in hunc diem Turcicum præsidium vigilanter tuetur. A solis Turcis hæc incolitur. Turribus eius vtuntur pro carceribus ad tuendos principes viros Christianos in bello captos. Extra arcem secundum littus ædificia continuantur in longitudinem circiter quatuor stadiorum, habitata similiter à solis Turcis, vbi ædes Mamethanæ religionis, & balnea publica, & aquæ salientes subterraneo opere adductæ. Iam ex antè scriptis liquet, pontem Darij fuisse in angustiiis Bospori iuxta Pyrrhiam Cyonem, Hermæumque promontorium, sed in qua parte angustiarum, coniecturæ relinquitur eius, qui cum iudicio vidit Bosporum. Nam
inter

interuallum angustiarum ab Europa in Asiam obdu-
ctum transuersum patet circiter quinque stadia: at sur-
sum versus secundum decursus Bospori in longitudi-
nem circiter trium stadiorum directum. Diuersus est
defluxus Bospori. alicubi enim rapidior, alicubi seda-
tior in primo stadio pertinente sursum strictior est, &
sedatior: at in aliis duobus stadiis rapidior & vortico-
sior. A porta enim Neocastri ad finientem latus orien-
tale angulum, quo promontorium Hermæum abdu-
citur in occasum ad sinum Cheleum, fluxus rapidus est
& vorticosus, & minus angustus traiectus. Itaque Man-
drocles nobilis architectus euitare debuit vortices, &
rapidum fluxum. Ultra igitur Neocastri portam pons
iunctus fuit, non recta via à castro Hermæo procedens
ad castrum Asiæ, sed obliqua paulò supra castrum ad
locum, quem iam Græci appellant Cormum, corruptè
quasi Ciconium, quod ex Anaplo Dionysij pòst osten-
dam, eo loco fuisse, quem nunc appellant Cormû. Da-
rij pontem quanuis Herodotus non aliter describit,
quàm duntaxat nauibus iunctum fuisse: tamen talem,
qualem postea Xerxes Darij filius in faucibus Helle-
sponti iunxit. Verisimile enim est filium secutum pa-
tris architectos, tum ratio suadet melius fieri non po-
tuisse à Dario, quàm aut à Xerxe in Hellesponti angu-
stis, aut à Romanis in Rheno, Eufratéque & Tigri: fe-
cerunt hunc ferme in modum. Naues planæ à littore
ad littus contrarium, certum interuallum distantes, in-
ter se disponuntur, quarû proræ contra decursum con-
fluentis directæ stabiliuntur ancoris, aut aceruis lapì-
dum, virga aut ramo circumtorto circumclusis, in va-

dum deiectis, ex prora appensis. Supra naues trabes
transuersæ immittuntur nauigia colligantes & stabi-
lientes, partim inter se, ne collidantur, partim ut axes
sustineant, transitû præbituras: præterea duo validi fu-
nes, aut ferreæ catenæ sublimes supra nauigia ex utro-
que latere suspensæ, vna paulò supra proram, altera in-
fra puppim succulis contentæ in littore defixis stabi-
liunt naues, atq; tuentur contra ventos: à tergo, à fron-
te, à lateribus trabes transuersæ positæ defendunt. His
præseitis facilius intelligetur dubia & perplexa Hero-
doti descriptio, cum ait Xerxem, vbi primus pons, qui
nauib; iunctus fuerat in Hellesponto, dissolutus fuit,
indignatum trecenta verbera mari inflixisse, duoque
vincula ferrearum pedicarum iniecis-
se in mare, ut id
tanquam seruum constringeret, & pro vno ponte, duos
pontes ex trecentis circiter nauibus fieri iussisse, anco-
risque firmari, ut immotæ manerent, atque à contineti
ad contrariam continentem validis, simos funes con-
tendisse vnguibus ligneis, hoc est, quasi succulis. Equi-
dem ipse primum pontem puto non ancoris, sed lapi-
dum aceruis, non catenis, sed funibus stabilitum, tem-
pestatibus dissolutum fuisse. Itaque Xerxem duos pon-
tes postea fecisse trecentis circiter nauibus, totidemq;
ancoris ferreis, dupliciq; catena ferrea stabilitum. hoc
que Græcos poetas Xerxis hostes, quibus Herodotus
interdum seduci solet, designasse, cum tragicè exagge-
rantes traiectionem Xerxis, dicunt Xerxem dissolutum pri-
mo ponte trecenta verbera Hellesponto inflixisse, hoc
est projectione trecentarum ancorarum Hellespōtum
tanquam ictu percussisse, & duo vincula ferrearum pe-
dica-

dicarum inuicisse, id est duplicem catenam, ut apud oppidum nuncupatum Zeugma ex eo, quod nauibus ibi pons iunctus diuturnus permāserit duplici catena corroboratus ferrea, quam ab ætate Alexandri ad suam ætatem Plinius tradit extitisse apud Euphratē in urbe appellata Zeugmate, qua Alexander magnus ibi pontem vinxerat, cuius annulos, qui resecti fuissent, ait rubigine infestatos fuisse, carētibus ea prioribus. Cum ex media per Mesopotamiā iter faceremus ad Syriacam Beroam, quam nunc vocant Calep, in arce Byrana sita in Mesopotamia iuxta Euphratē, inter Zeugma etiamnum appellatum, & Hierapolim extabat ferrea catena, eam antiquissimam esse dicebant, quæ cum tot secula illeſa permanſiſſet, paulo post, quam hæc exercitus traiectus est, dissoluta est. Alij dicebāt, metu Persarum, alij auaritia, ferrique attriti vetustate; quo attritissimo, opera quæ dicuntur damascena fieri solent, Turcorum Satrapas adductos, catenā hanc dissoluisse. Quæ, utrum esset illa, quam Plinius commemorat, scire non potui, peruetustam certè coniectui ex annulo vno, quem vidi Beroæ vetustissimum quidem, sed penè totum rubigine carentem. Miror Pomp. Melam exaggeratē mirum, atque ingēs facinus, Xerxem ex Asia in Græciam peditem maria transgressum fuisse, Ciceronēque in immensum Xerxis traiectum extollentem. Xerxes, inquit, maria ambulauit, terrāque nauigauit. Idem alio loco: Maria pedibus peragrauit, classibus montes. Cum mare Adriaticum tempestuosum intercedens inter Hydrontum, & Apolloniam ampliùs sexagenis millibus passuum latiorē Hellesponto pedestri continuare exercitu:

citu: pontibus iactis primū Pyrrhus Epiri Rex cogi-
tauerit. Post eum M. Varro cū classibus Pompei pi-
ratico bello præsset, sed vtrunque alia impedire cu-
ra. Rex Turcorum quoties exercitū traiecit in Asiam,
paucis diebus posset Bosporū nauibus cōsternere ponte
superimposito, totūque exercitum breui tempore tra-
icere, sed vtriusque Continentis dominus multos dies
consumere potest in exercitu transportando, quē pau-
cis nauibus triremium similitudinem gerentibus latis
traiecit ita accommodatis, vt plano pede in nauem, ve-
lut in pontem ex littore ingrediantur equi.

Ἐπὶ τῷ λιμένει τοῦ ποταμοῦ: de petra Phidalia, & portu
mulierum, & de loco Cyparode.

CAPVT XIII.

POST Pyrrhiam Cyonem Dionysius ponit
promontoriū in directam altitudinem editi-
oram maritimam sursum nauigantibus ar-
duam & difficilem præteruectis ob violen-
tum coitum vtriusque Continentis repugnantem an-
gustè præterfluenti Bosporo. Fluctus enim ebullit ef-
feruescitque continuis vorticibus non minus, quā le-
bes igne subdito effervesce, flammæque excessu ebul-
lire, æstuosoque sonitu strepere solet. Itaque ora hæc à
natura sua nominata est ποταμός, hoc est fluctuosa. Ex
his Dionysij verbis, tum maximè ex locis anteceden-
tibus, & consequētibus cognosco, eam oram esse, quam
Græci nunc vulgò appellant φωνήα corruptè, quasi φώ-
νημα, à vociferante sono fluctuum, qui ex contrario lit-
tore Asiatico reiecti, magno impetu in medium incur-
runt,

runt, latus vergens ad Solis ortum, promontorij Hermæi intumescens in multos tumulos: quorum medio ex latere tumulus impendens in oram maritimam nuncupatam *φάρμακα*, præcipitibus & directis rupibus pro-
 pendet usque ad littus, excepta via in rupe humano opere excauata, explanatâq;. Locus dictus Phonema passus paulo ampliùs mille, totos ferè exædificatos suburbanis ædificiis Læmocopiæ, distat à mucrone promontorij Hermæi: totidem abest à sinu Phidaliæ, & portu mulierum: quem ubi statim ostenderimus illum esse, nunc à Græcis appellatum Sarantocopam, sine vlla dubitatione assequemur promontorium *ῥωδίου* aliud esse non posse, quàm Phonema, cùm inter Pyrrhiam Cyonem, & sinum Phidaliæ ad nullam maritimam oram tantopere fluctus resonent, quàm ad medium Hermæi promontorij latus: quod etsi à medio usque ad finem sui mucronis decursu Bospori incitato alluitur: nulla tamen promontorij pars tam apertis oculis, quàm media percipitur circumsonare murmure circumfluenti. Ab hac enim parte fluctus refracti resonant, partimq; reuoluuntur, partim iuxta littus deorsum rapidi præcipitant, ut nautæ sursum nauigantes necesse habeant nauem remorum contentione impellere, & ne deorsum retrocedant, contorum firmitudine ad littoris crepidinem adniti hunc fluxum, què Dionysius tradit in medium promontorij latus efferuescere. Polybius dicit in finem lateris ad frontem Hermæi promontorij incur-rere: cùm ait secundum alia loca decursum Bospori similem esse ob similitudinem locorum, vtrinque Bosporum cingentium. Cùm autem incurrit in Europæ

Hermæum promontorium, vbi ostium ponti angustissimum non patet amplius quinque stadiis, vbi Darius ponto nauibus iuncto Bosporum transiuit, tum defluxus in angustias coactus, velut plaga accepta à promontorio Hermæo se vertit ad contraria Asiæ loca, at plagam non accipit ab ea promotorij parte, ad quam Darij pons iunctus fuit, vbi duntaxat rapidus defertur secundum littus: sed longè amplius mille passibus à medio promontorij latere. At ferendus Polybius, vt communis historicus geographicè res ipsas describens communiter intelligit totum decursum Bospori à medio latere ad finem vsque, quem Dionysius topographicè & propriè distinguit in duos vehementes defluxus: vnum appellat *ἄκραν πόρτον*: alterum Pyrrhiam Cyonem. Deinde, inquit Dionysius, promontorium pratergresso occurrit Petra à natura, non ab hominum manu facta, colore albo, alarum similitudinē aquilæ præ se gerens, & tanquam plantam pedis extēdens, atque in altera m partem contrahens velut ludicrum quiddam naturæ omnia imitantis, nominatur Phidalia, quam nescias, dicere ne debeas Insulam, an Continētē: illam quidem ob naturam, hanc verò ob vicinitatem. Quidam aiunt appellatam esse *φαιδάλειαν*, ex eo, quòd primùm in ea piscatio appareat: alij dicunt filiam Barbyssæ fuisse. Cùm autem complexu venereo se miscuisset cum Byzante, commotam verecundia stupri, & metu patris, se in mare proiecisse, atq; periisse. Neptunum autem progenitorem cùm misericordia adductum, tum beneuolentia sui generis, continentis magnam partem abrupisse, eamque in profundo defixisse, ac firmasse, posterisque Insulam habitam fuisse sepulchrum Phidaliæ.

» Sinus ab Oriente interiùs recedit profundus, & satis ca-
 » pax, breui Continentis circuitu conclusus. In medium
 » sinum descendit *χρυσός*. is est riuus hybernus: nam sum-
 » ma æstate deficit. In hoc sinu est portus mulierum no-
 » minatus, siue ex eo, quòd nihil offenditur neque à ma-
 » ri, neque à Continenti. Non enim minus à fluctibus ma-
 » ris tutus est, quàm à vehementibus ventis, terra prote-
 » ctus: siue ex eo ita appellatus est, quòd absentibus viris
 » magnam multitudinem piscium hunc portum ingres-
 » sam mulieres ceperunt. Hæc quidem Dionysius. Ste-
 » phanus verò vrbium scriptor aliam rationem adfert,
 cur Phidalia, & portus mulierum appelletur. Circa, in-
 quit, nominatam Phidalam mulierum portus est in-
 ter Anaplum & Leosthenium, vbi dicunt Phidalam
 vxorem Byzantis, vnà cum mulieribus vsque ad hunc
 locum eos, qui cum Stræbo fratre Byzantis ciuibz vi-
 ris absentibus urbem inuasissent, insecutam fuisse, ac
 vicisse, indeque portum mulierum nominatum fuisse
 Suidas scribit, cùm in palatio Heraclius versaretur, ap-
 pellato Heræo, præfectusque exercitum collegisset, &
 nauigiis pontem in freti angustiis iunxisset, ad littora
 sinus Phidaliæ traiecit, & per pontem Barbyllæ ad vr-
 bem accessit: præter hos nemo meminit portus mulie-
 rum, nisi Plinius. Sed ex tot portibus Bospori percipere
 ex Plinio non poteram, neq; planè ex Stephano, quan-
 uis tradente illum esse inter Leosthenium & Anaplum,
 qui cùm non doceat, vbi Leostheniũ, vbi Anaplus, du-
 bium mihi relinquebatur, quis in tam portuoso, tam
 sinuoso Bosporo esset portus mulierum, nisi tandem
 incidissem in Dionysij Anaplũ, ex quo assecutus por-

rum mulierum esse inter Pyrrhiam Cyonē & Leosthenium, quem post ostendam eum esse, quem iam Græci appellant Sosthenium, sine vlla dubitatione assero sinum Phidaliæ, & portum mulierum, illum esse, quem Græci nostræ ætatis appellant Sarantacopam, cum inter Pyrrhiam Chionem, & Leosthenium nullus sinus intercedat, in quem fluuius descendat, nisi Sarantocopeus ita nuncupatus à pōte ligneo, quadraginta sublimis velut pilis sustentato, passus circiter trecentos longo, quo paludes transeuntur cannis plenæ. Hic sinus portuosior & profundior à Septentrione est, quàm à Meridie, procedit ab ortu ad occasum, illius recessus interior paulò ampliùs octingentos passus circuitu litoreo complectitur. Desinit in paludes cannis plenas, in quas medias descendit fluuius ex valle, quæ à medio sinu flexu pergit ad occasum, vtrinque continetur ardeis collibus vitiferis, & pomiferis: paulò supra paludes in duas scinditur valles, rectam & obliquam, vtrunque in multas insinuatam valliculas, omnes refertas vitibus & cerasis. Ex recta valle riuus descendit perennis spatio millium circiter trium & quingentorum passuum: deinde assumpto exiguo riuulo, sed perenni defluente ex obliqua valle ad dextram manum sita, defluit in paludes paruus quidem, sed tamen gurgites habet omni anni tēpore piscosos, & fluit perennis etiam summa æstate, contra quam tradit Dionysius, qui profectò hunc perennem dixisset, si tam diligenter eum perscrutatus fuisset, quàm alios non perenniores, neq; maiores, quos perennes esse tradit. Inde addit idem Dionysius portum mulierum, continuò subsequitur

locus

» locus *Λευκῆς* sinus, nuncupatus à cypresso arbore. Ad hūc
 » vsque diem piscatores nomen retinuerunt. Locū enim,
 » quo finitur flexus cœptus à Pyrrha Cyone etsi in valli-
 » cula situm, cypressis quidem carenti, & tota consita vi-
 » neis, Cyparission tamen appellant, distantem à ponte,
 » quo transiri dixi intimam sinum Phidalia, circiter se-
 » ptingentos passus. Post Cyparodem Dionysius ponit
 » templum Hecatæ super petram, quæ accessu ventorum
 » fluctibus percussa valde resonat. Circum enim ipsam
 » fluctus concitatus diffringitur: hæc verò quantum in se
 » suscipit, tantum reiicit sub crepidinem oræ maritimæ.
 » Piscatores huius ætatis locum maritimum situm inter
 » Cyparodem & Leosthenium sinum appellāt Triuiam,
 » Latino nomine, ignorantes Hecaten Græcum nomen,
 » longa Romani imperij consuetudine aliquot Latina
 » nomina vsurpare assuefacti: à vallicula Cyparode qua-
 » dringentos passus progressus sum ad alteram vallicu-
 » lam, ex qua vsque ad portum mulierum totum littus
 » excelsum est, atque præruptum & saxum, in quo ferè
 » toto videntur fundamenta antiquorum ædificiorum:
 » inde amplius octingentis passibus confectis per oram
 » maritimam leniter pronam perueni ad imam tertiæ
 » valliculæ planitiem, à qua circiter ducentos passus ab-
 » est sinus Leosthenij initium.

De sinu Leosthene.

CAP. XIII.



INVS Leosthenius ab ortu Solis ad occa-
 sum porrigitur in passuum longitudinē cir-
 citer mille & quadringentorum: eius latitu-
 do varia, Prima enim in ostio patet in latitu-

dinem paulò minus quatuor stadiorum: media non patientior duobus stadiis, deinde sensim coarctatur in ducentos, postremò in sinu intimo centum non attingit. ex tribus partibus excelsis collibus cingitur, itaque undique ab omnibus ventis tutissimus est, etià ab Oriente flâtibus. nam solstitiales repellit cornu lateris dextri eminens in sinus aditum: reliquos Orientis ventos, ut debiliores facillè frangit ora Bospori Asiatica, quæ æditis collibus continetur: ac si in medium sinum vallis intimum penetrat, tamen ad portum non adspirat ventorum vis ob flexiones vallium obiectusque collium, quibus fit, ut etià in medio sinu nauigantibus is ex parte vallis clausus esse videatur, valde portuosus est, ut naues admittat vsque ad marginè littoris ob profundam altitudinem eiusdem latus dextrum, quod situ differt à latere sinistro: nam sinistrum ab ostio in longitudinem circiter mille passuum habet littus excelsum, præceps & præruptum, inde per longitudinem quadringentorum passuum planitiem intermittit angustâ quidem, sed hortis & ædificiis plenâ. Dextrum latus planitiem maritimam habet, ædificia admittentem, hortosque, quod à Græcis habitatur frequenti vico, tam ferme longo, quàm ipsum latus longum est. Turci intimum recessum accolunt frequentiori vico sito in maritima planitie vallis ab ortu Solis ad occasum excurrentis, cuius ima planities in pratorum pastiones diffusa, cineta utrinque collibus vitium, aliarumque arborum fructiferarum feracibus: à sinu progreditur librata paulò amplius bis mille & ducentos passus, nusquâ strictior centum passibus, neque latior ducentis, in duas inde valles diuid

diuiditur, vtrasque tantundem fere longas, ex quibus
riui descendunt, qui simul coniuncti, omni anni tem-
pore perennes per mediam vallis planitiem defluunt in
medium sinum intimum emittentes profluentem in al-
ueo angustiore exiguum quidem, vt qui summa æstate
circulum implere possit haud multo patentiore cir-
cuitu sesquipedali. Veruntamen maior esset, nisi ex eius
fontibus opere subterraneo ad hominum portiones &
lauacra deduceretur in vicum Leosthenium, per quem
medium fluuius partim salsus delabitur, auctus ex re-
cessu sinus octo passus in latitudinem patēs scaphis tu-
tam stationem præbens: sed vt & sinus & fluuius magis
perspicui & clari fiant, afferam ea, quæ de his Diony-
sius scribit. Post templum, inquit, Hecatae sequitur La-
sthenes appellatus à viro Megarensi Lasthene, similis
sinui nuncupato cornu. Est intimo recessu palustri, &
promontiorum eminentia, & profunda altitudine,
quantum magna cum paruis licet conferre, ad introi-
tum strictus est, procedens autem valde dilatatur: tran-
quillus & tutus est, circumdatus montibus, quibus ve-
lut muris munitur contra ventos, in quem descendit
quidam fluuius perennis quidem, sed nauibus inacces-
sus. In hoc loco Amphiaræus ex oraculi diuino præce-
pto colitur. Dionysius introitum sinus appellat recef-
sum intimum, cum tamen introitus rectius appellare-
tur ostium, aditusque quo Bosporus ingreditur in sinum,
& quo nauigantes introeunt in portum. Sed in hac re
ille similis videtur magnis scriptoribus, quos antè dixi
introitum Bospori appellare exitum, ostiaque flumi-
num vocare capita. Quem Dionysius appellat Lasthe-
nem,

nem, Stephanus Leosthenium nominat. Leosthenes notum & nobile nomen: Lasthenes ignobilis est, & minus notum. Itaque mihi potius Leosthenes, aut Lasthenes legendus videretur, nisi etiam Lasthenem, hoc est faxeo robore praeditum dici posse ex Plinij colligi possit codice habente Casthenem, pro Lasthene. Quidam Byzantini hodie appellant Sthenion: alij Sosthenium, utriusque depravatè in eodem errore sunt recentes scriptores, inter quos est Leontius Scholasticus, aut qui hanc inscriptionem scripsit in Leontij versus:

Λεοντίου Σχολαστικῶς ἐς εἰκόνα ὀρχισθέντος ἰσα-

μύνης ἧν ἴδω σαδηνίῳ.

Εἰμὶ μὲν ἐκασδὶν Βυζαντίας, γυνάδ' ἐς ἴσω.

ἔχει χοροσασίν ἑαρι, δῖμ' ἄγ'.

ὅπ' οὖν πορθέμεν γαῖα μόρι' ἐξ: ἀμφότεραι γὰρ

ἄν' ὑγρόν ὀρχισθὺς ἦνεσαν ἡμετέρας.

Quod autem Dionysius Leosthenium sinum similem esse dicit sinui Cornu appellato, rectè addit, qua re similis sit, nempe profunda altitudine, circūclusione montium, ecessuq; palustri: at figura dissimilis videtur. Ille enim similis cornu ceruino, hic Bubulo, quod non depravatè à medio retorquetur paululum in lunatū mucronem, cuiusmodi nonnulla habentur, quibus pulverem machinae bellicae milites gestare solent. Iure igitur Leosthenium appellare alterum Bospori cornu possumus. Nam post sinū Chrysoceras maximus sinus Leosthenius, & tutissimus portus totius Bospori maximè sinuosi & portuosi censendus est. Solus Plinius meminit portus Senum, oram Bospori Europeam persequens hoc modo: In Bosporo, inquit, sinus Lasthenes, portus Senum,

Senum, & alter mulierum, qui si rectum ordinem seruat, Lathenes sinus est portus Senū, cum inter Lathenem, & portum mulierum nullus portus sit, praesertim si honorificè appellatus est ex eo, quod senili consilio uti viderentur, qui ad eum vndique tutum appellerentur, siue ridiculè ita nominatus, quod debilis nautæ etiā nauigia infirma eò applicare possint. Dicaces enim Bosporani nonnulli, nihil cedentes Leoni, aut Pasiadi Bosporianis, quos per facetos habitos fuisse legimus. Sed hæc coniectura non minus incerta, quàm Plinius incertus in persequendo recto ordine locorum. Quid si portum Senum coniciamus esse sinum diui Demetrii, ex eo, quod claudatur promontorio nuncupato sene marino: at hoc incertum. Quod si ea de causa cum putemus appellatum, qua Chij portus, cuius Aelianus meminit. In Chio, inquit, ad portum nominatum *χρὸνίου*, magnus cicurum est piscium numerus, quos Chij ad solatium senectutis exacta ætate affectos alūt, adhuc dubium erit, in quo Bospori loco ille fuerit. Quamobrem cum sententiam meam fluctuantem nullis ancoris retinere queat portus Senum, hunc non minus incertum, quàm Plinium, qui illum introduxit, relinquo, meque ad Dionysium, velut ad Helicem nautæ, dirigo certissimum Bospori circumnauigatorem omnium senum, qui Bosporum nauigarūt iam inde à ruinis Seueri, qui Byzantium & Bosporica loca euerit, & longissima caligine circumfudit, à dextro cornu sinus Lathenici septingentos passus progressus sum, vsque ad riuum hyberno tempore fluentem per vicum magnum, quem Neochorion appellant, ex eo quod recenter habitari

cœptus sit: ex cuius riuo procedens, mille & quingentos passus inueni flexus angulum, quò littus pergens ad plagam Septentrionum vicinam ortui solstitiali incuruat-
tur ad occasum solsticialem. Hunc angulum piscatores iam appellant Commarû, cùm tamen iampridem huiusmodi arbor nulla ibi extitisse dicatur, sed fuisse olim liquet ex Dionysio.

De Commarode, & Bacchijs petris, & Thermemeria: & de portu Pitheci, & sinu appellato Pharmacia.

CAPVT XV.



OST Lastheniû, inquit, Commarodes ex-
stitit, à sylua Commarorum nominatum, ma-
ri fluctuoso verberatum. Post Commarodes
consequitur littus editum, asperum, cautés-
que concauæ ex mari eminentes, quas antiqui Bacchias
nominarunt, ex eo, quòd circum ipsas concitato motu
fluctus furere & bacchari videntur. Hîc Demetrium
Philippi ducem exercitus cùm vicissent Byzantij, ὁπ-
μιμδρίαν nominarunt locum à re ipsa, quæ contigerat.
pugnam enim naualem illius diei magna solertia, &
summo ardore pugnauerant. Sub oram autem promi-
nentem subit, & succedit sinus, in quo est portus Pithe-
ci, quem aiunt Regem Barbarorum hunc locum acco-
lentium à Steropeo vnà cum suis filiis ducem extitisse
traiectionis in Asiam. Huic continens est ora prærupta
& præceps, deinde consequitur littus inclinās in sinum
nominatum ὁστρον λεκλόν, quē circuit littus & mare exi-
guo spatio contractum, vt continens quidem natura
existat: at aspectu Insula esse videtur. Inde statim suc-
cedit

» cedit sinus nuncupatus Pharmacias à Medea Colchi-
 » de, quæ in hoc loco reposuit Pharmacorum arculas. Est
 » autem pulcherrimus & commodissimus ad piscatio-
 » nes, & ad naues appellendas aptissimus. Etenim vsque
 » ad marginem littoris profundus, à ventisque maximè
 » tutus habetur. Piscium multitudinem ad se allicit. Syl-
 » uæ autem densæ, & profunda nemora omnis generis, &
 » prata impendent, velut arbitror, certante terra cum ma-
 » ri. Eius circuitus adumbratur sylua imminente in ma-
 » re, per quam mediam in sinum descendit fluuius sine
 » strepitu fluens. Pharmaciam locum illum esse, quem
 nunc Græci appellant Therapiam, paulò infrà osten-
 dam, quàm declarauerim, quo iam nomine appellen-
 tur, & quo siti loco sint Pitheci portus, & sinus vocatus
 ὁ λιμὸς καλὸς. Hos cùm esse constet inter Commarodes &
 Pharmaciam, subiiciam, quale & quantum littus inter-
 iectum sit inter Commarodes & Pharmaciam: (hoc
 enim littore cognito percipiemus facilè, in qua littoris
 parte illi positi fuerint ab angulo flexus, qui incipit à
 loco Commarode) secundā oram Bospori præruptam
 & præcipientem mille & ducentorum passuum processus
 feci vsque ad vallem, quam Græci Libadion, id est, her-
 bidum locum appellant, nunc pratenfis non est, sed to-
 tus vineis confitus: fuisse tamen antea dictitant, ignari
 λιμὸν πειθικόν traductum fuisse in Libadion vulgi con-
 suetudine soliti ea, quæ non intelligit, traducere ad si-
 milia sibi nota. Sed vocent Græci iam, vt libet, tamen
 alibi, etiam si nomine careret, esse non posse, quàm se-
 cundum vallem Libadicam, percipio ex eo, quòd inter
 Commarodes, & Pharmaciam nullus sinus manifestus

existit, nisi Libadicus, leniter curuatus, profundus, & portuosus vsq; ferè ad marginem littoris, duobus promontoriis præruptis, & præcipitibus interclusus. Sinum intimum attingit ima vallis Libadicæ planities lata passus circiter ducentos, in qua olim vicum fuisse apparet ex ruinis fundamentorum. Iam explorato perceptoque portu Pitheci percipiuntur inter Libadicam vallem & Commarodes extitisse saxa illa, & cautes, quas Bacchias appellauit antiquitas: quæ si tot & tantæ nunc non extant, quantæ traduntur à Dionysio: id attribuendum vel auaritiæ, vel inopiæ hominum, qui, vt exigua impensa feruorum ædificent, saxa ex litomiis, non eruunt: sed agrestes cautes, non modò cæmentitiis operibus ineptas, sed etiam abhorrentes à calce, ex omnium littorum crepidinibus & præcipitiis exscindunt ad structuram vilium ædificiorum. A valle Libadica littus excelsum & abruptum paulo plus mille passus excurrit ad vallem, quam appellant Linon, sitam prope sinum Pharmaciam, cuius maritima planities ducentorum & sexaginta passuum latitudinem complet. Olim habitatam fuisse ostendunt permulta ædificiorum fundamenta. Vallem subsequitur promontorium, diuidens sinum vallis à sinu Pharmacia, quod in centenum passuum latitudinem suam radicem agit, sub qua existit Insula, seu potius scopulus in multa saxa diuisus, in passuum longitudinem circiter centum sexaginta, ab ortu solstitiali ad occasum brumalè porrectus: distat à Continenti quadraginta passus, circumdatus mari vadoso, genu tenus alto, à Græcis appellatur Catergo, hoc est triremis, à similitudine, quam præ se gerit triremis. Hoc scopulo

scopulo & promontorio super scopulum impendente
 ab occasu solstitiali clausus sinus, sub vallē Linon sub-
 iectus, ab ortu brumali cinctus promontorio præcipiti,
 & penè directo ille ipse est, quem Dionysius nominat
 Ὀδύσιον καλὸν, id quod percipitur cū ordine Anapli Dio-
 nysiani, tum situ exiguæ Insululæ, qua clauditur. Adeò
 enim exiguo maris spatio ea separatur à Continenti,
 vt cū natura sit insula, aspectu videatur Continens.
 Temporibus Dionysij Insulam non fuisse, sed visam
 fuisse patet ex eius verbis, cū ait: Littus id, quod clau-
 dit sinum Ὀδύσιον καλὸν, adeò contractum fuisse breui ma-
 ris spatio circumdatum, vt cū natura esset Cōtinens,
 aspectu Insula videretur: nunc à Continēti abscisa est,
 vel temporis longa vetustate, vel potius hominū opere
 omnia saxa, vel deformissima in viles ædificationes ex-
 scindentium, atque vt clariùs noscatur sinus Pharma-
 cias esse, quem hodie appellant Therapiam, subiiciam,
 qualis sit ab ortu æstiuo ad occasum æstiuum, in pas-
 suum longitudinem circiter septingentorum procedit
 varia latitudine. Nam à faucibus ad medium in passus
 laxatur paulò plus trecentos: à medio ad intimum re-
 cessum astringitur in plus minus ducentos, ambitu lit-
 toreo amplius mille & quadringentos complectitur.
 Profundæ altitudinis est à latere pertinente ad septen-
 triones, & nauium capax vsque ad oram maris: littus
 Meridianum magna ex parte vadofum & præruptum,
 vndique à ventis tutum est: à Meridie quidem excelsis
 collibus, quorum vltimus efficit promontorium, quo
 sinum Ὀδύσιον καλὸν antè dixi sciungi à sinu Therapico:
 ab omnibus ventis septentrionibus atque solstitialibus

illum protegit promontorium peninsulanum, ab vna parte freto Bosporico, ex altera clausum sinu: vndique procline, excepta ceruice media, & mediocri dorso, in quo statuta sunt moletrina vento versatilia: ex eodem paulò ante eminebat turris olim Pharus nauigantibus, quam à Turcis euerti vidi. Promontorij mucro in tria latera decliuem radicem in passuum latitudinem agit sexaginta, editur in altitudinem centenum passuum: inde dorsum molliter assurgit. Ab Occidente, etsi sinus leniter aperitur valle: tamen hæc postquam ab intimo sinu in planitiem centenum pedum processit, in duas diuiditur valles obiectu collis, qui valles recuruat, ne directi venti deorsum descendant in sinu. Ex altera valle fluuius omni anni tempore perennis defluit in mediū sinus recessum. Aestiuo tempore existit ea magnitudine, qua fluuius Leosthenicus. Vidi eius fontē ab ostio, & sinu distantem paulò ampliùs mille & quadringentos passus, ab aestiuo occasu ad Solis ortum similiter aestiuum per vallem decurrit angustam, ex qua nascitur, sed non ex summa: nam ea vltra fontem altiùs assurgit. Iam etsi colles vallésque sinum Therapicum cingentes, nemorosi non sunt, vt tradit Dionysius eos esse, qui claudunt Pharmaciam, sed exculti vineis, & cerasis confiti, aut vbi hæc defunt, erycis tecti, tamen sinum Pharmaciam alium esse non posse, quàm Therapicum, cum ex antedictis intelligi potest, tum ex consequentibus locis Anapli Dionysiani, à quibus ad Commarodes nullus sinus est, in quem descendat fluuius aliquis, neque in quem conueniant cetera, quæ tradit Dionysius: nimirum solus inter sinum Leostheniū, & Bathycolpon,

colpon, paulò ultra sinum Therapiæ situm pulchritudine portus, & copia piscium excellit. Quòd autem syluæ densæ, & profunda nemora non circumsepian sinum Therapicum, vt Dionysius scribit circumsepire Pharmaciam, id agricultura accidit, non natura loci. Nam olim cùm eodem ex Dionysio nouerimus totum sinus Ceratini littus syluis tectum fuisse, nunc à nemoribus nudum, videamúsque oram Bospori Asiaticam, sinui Therapico oppositam, nemoribus vestitam, quis dubitat, quin littus Bospori Europeum fuerit nemorosum, similiter vt Asiaticum, non ob aliam causam syluestre, quàm quòd abhinc centum annos agricultura vacat, conuersum in saltus venationum regiarum. Sinum Pharmaciam appellauì Therapicum, à vico sito in eius littore, quem Græci iamdudum nomināt Therapiam, ex eo arbitror, quòd vulgus Græcorum aliter venenum appellare nescit, quàm Pharmacū, quod venenatum, & expiabile nomen mutarunt in expiatum & salutare, ne nautæ portum optimum detestarentur, execrarenturque vt venenū, vt *καθαγια*. Erat enim Pharmacum olim tale, si deorum indignatione fames, aut pestis, aut alia quæpiam calamitas urbem apprehenderet, hominem omnium deformissimum in urbis laborantis expiationem ad victimam ducebant, ipsiq; pro hostia statuto de manu dabant caseum, offam, ficus, quem tanquam Pharmacum vbi septies scyllis, & ramis ficuum agrestium concidissent, igne ex agrestibus lignis facto, cremabant, eiusque cineres ad expiandam urbem laborantem proiciebant in mare. Itaque non sine causa commutatum nomen arbitror, etiam intercedente

cedente regis decreto, cuius maximè intererat nobilem portum vindicare ab infami nomine. Nam nisi regio iussu, difficile videtur pertinaciter dicacem nautarum nationem abstinere potuisse à tandiu inueterato nomine mordaci, idque perniciosum acerbumque salutare nomine mitigasse, præsertim mulierum precibus malè audientium, ob Medæ cistam ibi depositam, ut malè in hunc diem audiunt Thessalæ mulieres ob Cistam Pharmacorum, quam fugiens Medea abiecit in Thessaliam: neque modò nomine Medæ, sed etiam re ipsa in hunc diem malè audiunt, ut Pharmacides. Equidem cum perlustrarem Thessaliam, incidisseque in pænegyricum totius Græciæ, maximum celebrari quotannis solitum, mense Maio apud vicum nuncupatum Moscolurum, non longè distantem à Pharsalia, percontatus sum ab hospite, num essent in Thessalia Pharmacides, qui affirmabat nonnullas esse, quæ edere crederentur non minus mirabilia, quàm illa, quæ de Thessalis mulieribus tradit Lucianus.

De saxis, & cauitibus littoris excelsi, prærupti, præcipitisque, & de clauibus ponti: de petra nominata Dicea.

CAPVT XVI.



HARMACIAM, inquit Dionysius, subsequuntur saxosa littora, & præcipitia in mare impendentia, velut visionis flexamina: ex eo, quòd oculis flexibilem aspectum obiciant. Apèritur enim pontus tectus eminentibus promontoriis nullo amplius impediète verum aspectum. Quod

„ Quod enim crebrò finis esse videtur, idque rursus inue-
 „ nitur principium, postea maris latentis visio conciliat
 „ fidem rei, quæ non credebatur. Illa autem saxa, & cau-
 „ res littoris nominarunt *λεῖδρας καὶ λεῖδρα* ἢ *πῶντα*, hoc est
 „ clauēs, & claustra ponti. Iam prætergresso clauēs aspe-
 „ ctus magis quàm pōti adest petra in acutam verticem
 „ fastigiata, nucis pineæ similitudinem gerens, quæ Di-
 „ cæa, id est, iusta nominatur, ex eo, quòd triremibus na-
 „ uigantes in pontum mercatores apud hanc petram de-
 „ posuissent aurum, pacti inter se, non prius alterum illud
 „ esse sublaturum, quàm ambo simul ad petram conue-
 „ nirent. Altero pactionē prætergresso, sermo hominum
 „ habet, aurum delituisse, recusante petra impiam fidem
 „ socij perfidi, quousque simul ambo eò cōuenientes de-
 „ positum acceperunt: petræ autem præmium remansit,
 „ huius iustitiæ nomen. Quantopere res humanæ inter se
 „ differant felicitate memoriæ & posteritatis, cū ex vr-
 „ bibus & libris antea animaduertēram, quorū non me-
 „ liores, sed bonum genium sortiti peruenerunt ad ater-
 „ nam posteritatem, tum nuper consideraui ex petra Di-
 „ cæa, cuius historia vsque ad hanc diem remansit in me-
 „ moria & sermone Bosporanorum, cū memoria alio-
 „ rum nominum longè nobiliorum funditus interierit.
 „ Nunquam cognouissem petram Dicæam, nisi forte in-
 „ cidissem in sermonem piscatorū de petra in littore sita
 „ narrantium historiam, quam narrat Dionysius de pe-
 „ tra Dicæa, quæ vbi & qualis sit, postea dicam, quàm o-
 „ stendero, vnde incipiunt aperiri claustra ponti. Supra
 „ littus saxosum, & rupibus crebrum, quas velut radices
 „ in mare proiiciunt, cliui prærupti & præcipites, à The-

rapia progressus sum quingentos passus usque ad val-
 lem, quam Græci hodie appellant Dialithra corruptè,
 quasi *μεγαλήρα*. Ab hac valle aperiri incipit pōtus, len-
 simque latius panditur ulterius pergentibus. Ima huius
 vallis planities maritima, nunc est plena vineis, olim
 ædificiis: ut ostendunt rudera non modò parietum, sed
 etiam columnarum marmorearum. Hanc ipsam val-
 lem mille passus prætergressus exigua semita vix vnius
 hominis capace, transversa inter directos & præcipites
 cliuos eminentes supra littus arduum & saxum perue-
 ni ad locum appellatum Brologenem, vnde mihi re-
 ctus Bospori canalus usque ad pontum perspiciebatur,
 & simul tota porta ponti aperiebatur, atque pōtus ipse
 tantum patens, quantum porta retegebat, longè prospici-
 ebatur recta via petere locum, vbi iuxta petram Di-
 ceam subsidebam in cliuo, quod in altitudinem circi-
 ter centenum passuum ex mari editum erat. Inde pau-
 lulum recreatus surrexi ad considerandam petram, an
 esset illa Dicea, quam describit Dionysius. Circumspexi
 eam passus circiter sexaginta ambitu cōplecti, ipsamq;
 dimensus sum à latere supernos cliuos suspiciente, crigi
 in altitudinem duodenum pedum: à contrario latere
 despiciente mare, dimidio altiore esse, cum ex mari
 suspicietur, similis est nuci pineæ, non modò lateribus:
 sed etiam vertice in multos mucrones leniter fastigia-
 to, pineorum nucleorum similitudinem gerentes. Quò
 enim longius remotam prospicis, eò propius accedere
 videtur ad similitudinem pineæ nucis: nam longo ex
 intervallo conspicitur, etiam ultra Cyaneas ex ponto
 eam allequebar desinere in verticem acutum. In hanc
 petram

petram cum ascendissem, ex eius summo vertice vidi
 foramen in altitudinem concavum deprimi penitus ab-
 ditam, penetrans latus petrae, despiciens ad mare, quod
 innum velut fundum pertusum fuisse videtur ab homi-
 nibus longa auditione opinantibus ex superno fora-
 mine aurum penitus abditum fuisse. Iam Bosporani
 hanc petram nonnulli dicunt esse illam, in quam au-
 rum abditum fuit. Alij aut, sub hac ipsa fuisse alteram
 petram huic similem, sitam in litore, undique mari cir-
 cundatam, sed ante paucos annos, quam huc venissem,
 à servis Aenobarbi Thracicae classi praefecti incitatis au-
 ri cupiditate, quam hauserant ex sermone hominum,
 aurum ibi delitescere, ex eadem in fragmentaque disse-
 ctam fuisse, quam piscatores soliti erant appellare Bro-
 logenem, adiunguntque unum ex eius excisoribus ocu-
 lum amisisse ex refectione camentorum petrae, nomen
 iustitiae, usque, arbitror, ad interitum retinentis. Verum
 ut petram exciderint, semper versabitur sermo, illic the-
 saurum absconditum fuisse, ut longè antea versatum
 fuisse arbitror, quam à Dionysio petra hac diceretur si-
 militudinem gerere pincae nucis. Nam, ut quidam scri-
 bunt, Lampsaenum urbem Hellepontiam prius, Pythiam
 appellatam, ex eo, quod Phrixus thesauros hic posue-
 rit. Thraeces enim thesaurum *πυθίαν* dicunt. Ita petram
 Dicam primum Pythiam nominatam fuisse, quam
 amissa antiqua cognitione Thracicae linguae posteri
 ignorantes Pythyn à thesauro nūcupatam fuisse, post-
 ea fortasse petram *πυθίαν* dixerunt esse, ex eo, quod
πυθίαν sit *πυθίαν*, *πυθίαν* *πυθίαν*.

*De sinu nuncupato profundo, de fluuio eiusdem nominis,
 & Saronis ara: de agro nominato Calo.*

CAPVT XVII.



ADICAE A petra littus recedere in sinum incipit introrsus in profundum angulum, qui conuertit, circumscribitque primum anfractum Bospori: hunc sinum Dionysius appellat Bathycolpon. Prope, inquit, petram Dicæā nuncupatus *Βαθύκολπον* is est sinus profundus, non tam circumscriptione sui intimi recessus perpulchri, & in profundam latamque arenam porrecti, quàm magna altitudine maris. Cliui enim ardui & præcipites vicini proximæ sunt oræ maritimæ. Fluius in sinu exit, cui idem, quod sinui nomen est. Hic existit Saronis herois Megarici ara, & iactus piscium sibi idoneo & maturo tempore conferta, & continenti natatione primò sursum, deinde deorsum Bosporum commeantium maris altitudine deceptorum. Hunc Megaricum heroem arbitror esse illum Saronem deum marinum, qui nauticarum rerum scientiæ præesse existimatur, à quo Megaræ vicinus sinus Saronicus appellatur, cuius ara facilius ut cognoscatur, vbi sita fuerit, & qualis sinus sit nuncupatus Bathycolpos, subiungam littus, quod sub petram Dicæam succedit, à qua quingentos passus discedens, imam vallis attingi planitiem, quæ panditur in passuum latitudinem quadraginta, vbi vestigia quædam ædis diuæ Euphemix spectantur: in littore ultra vallem ducentos passus est fons Euphemix sacer, perenni riuulo scaturiens, lateritio opere concameratus. A fonte octingentos passus progressus sum ad petram mari circumdatam,

datam, paululum ex aqua extantem, quam piscatores Trapezam appellant, ex eo quòd tanquam mensa plana supra aquam emineat. Ab hac Trapeza breui decurso spatio est profundæ vallis ima planities, intimum Bathycolpi recessum claudens, mōtanam finiēns oram maritimam, quæ à Commarode incipit pergere ab ortu brumali ad occasum solstitialem, saxea, montosa, in quam impendent ardui cliui, per quos transversos iter fit malè tutum obliquis semitis exiguis, valde à littore altis, ex quibus permultis sine præcipiti casu ne transversum quidem pedem discedere licet. Bathycolpos ad similitudinem quandam anguli normalis accedit, quò Bosporos prius pergens, ad occasum ferme brumalem flectitur, ad ortum hyemalem normæ similitudinem gerens, non modò alueo, sed etiam vtraque ora angulum normalē efficiens, inter Bathycolpon & promontorium in contrario littore situm, quod mucrone intus recurvato angulum Bospori interiorē agit. Bathycolpos in exteriorē anguli partē incurvatur. Hic sinus etiam olim appellari potuit Saronicus, siue ab ara Saronis in eo statuta, siue à querno nemore, quo olim redimitus erat. Saronem enim antiqua Græcia quercum appellabat, vnde Saronicus sinus & Saronidæ Philosophi Gallorū, alio nomine Druydæ appellati. Aram Saronis iam constat esse in littore Bathycolpi, sed in qua sinus parte, etiam ex verbis Dionysij consequentibus assequimur. Paulò, inquit, sub promontorio Saronico situs est *καλὸς ἀγρός*, ob vtranque commoditatem terræ & maris à natura nomen habet. Vsq̃ue ad hanc ætatem nomen retinet, senes enim antiqui *καλὸν ἀγρόν*,

iuuenes *καλὸν ἄγρον* appellant agrum, qui claudit Bathycolpon, quo cognito percipimus, aram Saronis fuisse in promontorio intercedente inter Trapezam & maritimam planitiem vallis claudētis intimum recessum Bathycolpi, in quem medium descendit fluuius Bathycolpus, à sinu nomen adeptus per latam vallem, quam Turci appellāt alij Biutere, quasi magnum nemus, alij Biudere, quasi magnum fluuium, quod olim à Græco nomine transtulisse videntur. Græci iam nesciunt vbi sit Bathycolpos, sed Turcico nomine appellant Biudere, aut *καλὸν ἄγρον*: is hodie qualis sit, quantusq; fluuius Bathycolpus, vt facilius percipiatur, describam vallem continentem boni agri maximam partem, per quam mediam fluuius Bathycolpos defluit in sinum sui nominis. Hæc ab ortu Solis æstiuo ad occasum æstiuum procedit, cuius ima planities librata patens septingentos passus in latitudinem, primum à mari pergit pratensis in passuum longitudinem circiter octonum milium, cincta vtrinque collibus vitiferis, & frugiferis: inde insinuatur in multas valliculas nemorosas, ipsa tota nemorosa, circumsepta collibus sylvestribus, vbi vagantur greges ceruorum & aprorum. In valle intima ac penitus abstrusa sunt regij horti, quos irrigant riuuli perennes ex summa valle in vnum alueum coeuntes, altis ripis coercitum, & dēsis arboribus circumuestitum, vt introrsus perspicere nequirem. Itaq; fortasse primum Bathys appellatus nomen dedit sinui, siue à profundo aluco, siue à profunda valle, recedēte in profundos saltus excelsis roboribus obscuros, ex valle Bathycolpo longè latèq; porrectos ad pontum vsque, atq; ad fontes

Barby

Barbyſæ, & Cydari agreſtium animalium venationibus reſertos. Fluuius Bathycolpus exiguam paludem prope oſtium efficit, omni anni tempore perennem: etſi ipſe ſumma æſtate uſq; ad mare perennis non fluit, ex eo quòd partim in regis hortos, partim in prata conſumitur, partim priuatur riuo manante ex ſumma valle deſinente in vallē Bathycolpon deriuato, opere ſubterraneo ad uſum vici Turcici iuxta ſinum ſiti, cui vicinus eſt alter vicus explicatus in paſſuum longitudinem circiter duum millium, maxima ex parte à Græcis habitatus, totus tractus continens hos duos vicos, & vallem Bathycolpon, collēsque impendentes, nunc vulgò *βαλὸς ἀγρὸς* appellatur, idque rectè: abundat enim ex terra frugibus fructibusque, ex mari piſcium multitudine, vt nuſquam in toto Boſporo piſcatio luculentior exerceatur denſis piſcium gregibus in hunc ſinum aberrantium anniuerſariis transitionibus: quas quotannis bis facitare ſolent, primas fuſum verno tempore: alteras deorſum ineunte hyeme.

De promontorio Simæo, & ſinu Scletrina: & de aris Apollinis, & matris deorum.

CAP. XVIII.



BATHICOLPI valle trium millium & quadringentorum paſſuum ora maritima progreſſionem habet ad vicum, quem etiam nunc Græci nominant Scletrinam, ſitum in ſinu, quem à Meridie claudit promontorium, ſub quo piſcatorum ſpeculæ tres in littore deſixæ ſunt: ſingulæ duobus tignis conſtantes in excelsum excitatis, quæ intercipiunt & iungunt trabes crebræ immiſſæ ad faci-

lem

lem ascensum speculatoribus præstandum. Id promontorium Dionysius appellat Simam. Post, inquit, *καλὸν* *ἄγρον* est Simas promontorium, & Veneris meretriciæ statua. Simam enim quandam habet hominum sermo valde pulchram & ingeniosam, & solertem hunc locum incoluisse. De præternauigantibus merere solitam stipendia Veneris hanc primum existimo appellatam Simetham: deinde, ut vulgus contrahere solet nomina, Simā à Simætha meretrice Megarica, nobilitata amore Alcibiadis, & versibus Aristophanis, cum inquit:

Πόρην ἢ σιμαίαν ἰόντων· μέγαράδ' εἰ,

Μεγαίαι ἐλέησαι μεθύσκοῦσα Βοῖ.

Megarenses enim, qui Byzantium Coloniam deduxerunt, cum alia Bospori loca nobilitarunt nominibus suorum nobilium ciuium, tum hoc promontorium illustrarunt sua nobili Simætha, à qua multas postea meretrices Byzantias, ut ab vrbe Megara oriundas appellatas fuisse Simæthas, vero proximum videtur. Ad hæc Dionysius adiungit, Promontorium nuncupatum Simam prætergressos excipit Scletrinas sinus, nescio utrū ex asperitate syluestris terre, an ne à flumine in seipsum descendente: atque etiam succedunt aræ Apollinis, & matris deūm, & breui interuallo ad portum nauigationis. Promontorium Simethicum à Meridie continens Scletrinam sinum, radices maritimas agit in passuum longitudinem quingentorum, à quibus imi cliui eriguntur in ascensum præcipitem trecentorum passuum: inde æquior ascensus existit ad verticem, quo vallis Bathycolpica diuiditur à valle Scletrina. Hæc quidem à fluminis ostio, ab ortūque æstiuo proficiscitur in passuum

suum longitudinem circiter duum millium: inde flectitur ad septentriones interuallo duorum plus minus milliarium, cuius ima planities partim pratenfis & vitifera, partim cerasis confita, quæ, quantum oculis æstimare potui, non minus patet, quàm quadringentos latitudinis passus, in longitudinem mille passuum. Inde vallis coarctatur, circumfurgentibus montibus arduis, adeoque procliuiibus, ut eius latus meridianum ascendi solitum sit longis anfractibus, vestitum: profundis syluis, ceruos, apros, aliasque feras adumbrantibus continuatis cum nemore Biutericæ vallis. Latus claudēs vallem à septentrionibus præcípites quidem imos cliuos habet, superos verò lógè remissiores, præsertim vbi metallorum secturæ eminent. Flumen Scletrinas à summa valle oritur, post ex eius lateribus augetur riuulis cum aliunde manantibus, tum maximè à lateris meridiani cliuis continentibus tria monasteria soliuagorum hominum sustentata præcipuo vectigali, quod colligitur ex cerasis, inter se paruo interuallo distantia, è quorum fontibus tres riuuli, omni anni tēpore perennes in Scletrinam delabuntur singuli implentes fistulam ferme quincuncialem. Sed etsi multis riuulis perennibus augetur: summa tamen æstate eius alueus exarefeit, ex eo quòd alicubi absorbetur terra arenosa & rara in longitudinem quatuor stadiorum: deinde in longitudinem octingentorum passuum existit vsque ad ostium, & vicum Scletrinam secundum mare situm, vbi exiguam paludem cannis plenā efficiens, duobus ostiis in mare exit, quæ ambo efficerēt ea magnitudine fluminum, quæ existit Pharmacicus.

De Milto promontorio, & fano Byzantiorum: de Serapio, & templo Phrygiæ deæ. CAP. XIX.



IN VALLE Scletrina perrexi mille passus ad vallem nuncupatam Cerasiam à cerasis, in huius maritima planitie confitis, patente inducentorum latitudinem passuum, totam vitiferam. Ab hac progressum feci sexcentorum passuum ad alteram vallem, quæ maritimam planitiem habet non latiore ducentis passibus, vitium tamen feracem, arborumque fructiferarum. Huic valli succrescit promontoriū, quod Dionysius appellat Amilton, iam Græci nominant Tripition, nescio an à Tripode Apollinis, cuius aras Dionysius in sinu Scletrina paulo antè posuit. Mons ipse, qui Tripition promontorium longè in Bosporum emittit, hinc clauditur valle posita contra fanum Iouis, illinc valle Scletrina, à qua sensim suas maritimas radices proiicere & flectere ad Solis ortum incipit, ut eius promontorij mucro, & Simæū promontorium efficiant latiore sinum Scletrinam: inde paulatim ad Septentrionem flectitur in vallem Iouis fano oppositam, mille & septingentos passus circuitu maris arenosi, & vittis quibusdam in vado distincti complectuntur promontorij Amilti radices directæ, præruptæ, præcipientes, ut via nulla pateat in littore, sed in cliuis arduis semita duntaxat humano opere explanata, quæ non minori complexu maris circumeuntur, nec minus in Bosporum proiciuntur, quàm radices promontorij Hermæi. Duas angustias illæ efficiunt, vnas obliquas ad promontorium fani Asiatici, alteras rectas ad promontorium Argyronium in littore contrario situm,

tum, quas nonnulli piscatores dicunt proximè accedere ad angustias fani, quod obliquum habet, ac si recta è regione oppositum esset fano Iouis, angustiae fani tribus stadiis alstrictiores, aut profectò nō laxiores essent. Sub promontorium Amilton subit vallis opposita fano Asiæ, diuidens collum fani Europei ab ipso promontorio Amilto, quæ post breue longitudinis interuallū, quam suam imam planitiem mare attingentem explicuit in latitudinem plus minus quadringentorum passuum, coarctatur in duas valles angustas & nemorosas obiectu collis intermedij, quarum altera claudit à septentrionibus montem, ex quo proiicitur promontorium Amilton: altera superiorem collis partem fani Europei: nam inferiorem huius partem claudit planities vallis nondum in duas valles diuisa. Collis hic triplici decliuitate propendet, vna ad Solis ortū, altera ad Meridiem, tertia ad Occasum. Siquidem ipsum à lateribus cingunt valles præcipites, & penè directæ, à fronte verò Bosporus, in quem ille ipse collis demittit dorsum in omnem partem procliue, eminens supra Bospori angustias sitas inter duo fana, inter se quidem opposita, & Bosporum in summas angustias cogentia, aliquantum differentia. Nam fanum Asiaticū situm est in promontorio extra cæterum littus Asiæ proiectum in Bospori fretum, submittens dorsum ab Oriente ad septentriones. At Europeanum fanum positum est in colle emittente dorsum à septentrionibus ad Meridiem, impendente quidem in Bosporum, sed non proiciente suas radices extra oram maris antecedentem & consequentem. Nam antecedēs longè altius proiecta est à vicino pro-

montorio Amilto: consequens verò attingens vallem,
 & radices collis fani Asiatici, æqualis, & par lōgē cum
 subsequenti progreditur. In collis cliuis vergentibus ad
 Solis ortum, & Meridiem oppidulum situm fuit, quod
 Dionysius appellat πολίχμιον, Polybius, Serapion, Strabo
 fanum Europæ Byzantium, Græci hodie appellant
 ἱερὸν ῥωμελίας, ex eo, quia situm sit in ditione Europea,
 quam nominant ῥωμελίαν. Illius muri amplius decē sta-
 dia circuitu complectuntur, vt patet ex ipsorum fun-
 damentis, quæ anno, antequam hæc scriberem, ferè to-
 ta extabant, humiliora quidem paulò supra terram, at
 excelsiora in altitudinē viginti pedum etiamnum emi-
 nebant: sed eorum maritimam partem ad eò funditus
 euerti vidi, vt ne substructiones quidē reliquerint. Mu-
 ri per cliuos sic excurrebāt præcipites, vt totum ipsum
 oppidum valde propēdebat, excepta Acropoli sita par-
 tim in cliuis, partim in collis ceruice breui & plana in
 viginti circiter passus coarctata, vtrinque vallibus col-
 lem cingentibus. Inde ceruix paulatim assurgit in ex-
 celsum verticem montis, vnde Constantinopolis vide-
 tur, in quo quidem vertice veterem Pharū fuisse postea
 ostendam ex Dionysio. Vt enim collis fani emittit an-
 gulum quoquo versus decliuē ad suas radices eminentes
 supra Bosporum, ita oppidum proiciebat mucro-
 nem vndique procliuem, partim obliquē eminentem
 supra vicum, quem nunc vocant Bostnicum à Bostnis
 eum incolentibus, partim recta impendentem supra
 angustiarum Bosporicarum portum, quem Græci ap-
 pellant Mauram molem, hoc est nigram: à ponto Euxi-
 no proximo, quem Græci iam aliter appellare nesciūt,
 quàm

quàm mare nigrū: contra Aristotelem, qui censet pontum Euxinum albiorem esse mari Aegeo ob fluminum multitudinem pontum ingredientium. Sed Græci nau-
tæ magis perspexerunt cœli conditionem, quàm colo-
rem ponti. Is enim frequenti caligine circumfundi so-
let, vt non modò littora vectores, sed ne gubernator
quidem in puppi stans proram videre queat. de quo
rectè Valerius Flaccus:

Illic vmbrosæ semper stant æquore nubes.

Et incerta dies.

Ita enim Cimmeri longè latèque tenebras spargunt in
pontum, vt Constantinopolis interdum caliginibus cir-
cumfundatur. Nostrates ex antiqua fama pontum Eu-
xinum rectè vocant mare maius. Heroicis enim tem-
poribus simpliciter ponticum pelagus, vt quendam O-
ceanum arbitrati sunt. Qui illud vsque ad nauigabant,
non aliter in exteriora ingredi maria credebantur, quàm
qui extra columnas progrediebantur. Quamobrè pro-
priè pontum appellauere, sicut Poëtam intelligimus
Homerum. Portus Mauræ molis subiectus erat sub fa-
num Europeum, portu naturali carens, qualem habet
fanum Asiaticum. Idcirco Byzantij, cùm nollent se in-
uitis quenquam in pontum nauigare, oram sub Byzan-
tiacum fanum subiectam portu carentē, quò astrictiùs
obsiderent angustias, molibus munierunt, vt earum ex
vno brachio in Bosporum ampliùs octoginta passus
Romanos proiecto, catena tenderetur vsque ad lit-
tus fani Asiatici, vt inuitis fanis nemo nauigare posset
in pontum. Itaque adhuc commercij scalas appellant
ruinosas moles etià nunc extantes. Illic enim olim por-

torium perfoluebatur. Catena etiam hac ætate afferua-
 ti dicitur in arce fani Asiatici. At moles iam pridem di-
 minuta erat, sed tamen paulò supra aquam extabat. At
 nuper avaritia quorundam Barbarorum infinita saxa
 inde asportata sunt in ædificationes suas magno dāno
 nauigantium, qui iam non vident illius cæca funda-
 menta sub aqua delitescencia. Sed quid sentiat Diony-
 sius de promontorio Amilto, & de oppido fani Euro-
 pei, ipsum loquentē audiamus. Post, inquit, Selettrinam
 existunt Milton promontorium nominatum à simili-
 tudine coloris, atque contigua domus cuiusdam na-
 uarchi, & littus arduum directumque & præcipitium
 ad Solis ortum inclinatū. Circa autem ipsum est mare
 teniis distinctum, & fanum cunctum contra frontem
 fani Asiatici situm. Aiunt hīc Iasonem litasse duode-
 cim diis. Hæc fana sunt oppidula iuxta ponti ostium
 posita. Est etiam templum deæ Phrygiæ sacrum illustre
 & publicè cultum. Ex his Dionysij verbis cognoscimus
 etiam tum fana fuisse oppidula, vt ex vestigiis muro-
 rum vsque ad hanc diem percipitur. Strabo fanum Eu-
 ropeum appellat fanum Byzantium. Asiaticum ve-
 rò fanum nominat Chalcedoniorum, ambòque dicit
 pari interuallo distare à Cyaneis. Polybius scribit, cum
 rediret Iason à Colchis, sacrificasse duodecim diis in lo-
 co fani Asiatici siti contra Serapion Thraciæ: ex quo
 patet, Serapion fuisse apud fanum Europeū. Cuius non
 meminisse Dionysium, significare videtur Polybium
 & Dionysium non eadem ætate vixisse. Dij duodecim
 hi habentur, Iupiter, Iuno, Neptunus, Ceres, Mercurius,
 Vulcanus, Apollo, Diana, Vesta, Mars, Venus, Miner-
 ua. Tem

ua. Templum Phrygiæ deæ matris deorum Rheæ nuncupatæ in cliuis debuit potius esse, quàm in maritima planitie, ex eo, quòd montibus gaudeat, ideòque ἀπέα appelletur, & turrata dea: quia olim arces, quibus Rheæ patrocinator in montibus sitæ essent, ob loci robur Rheam habentem caput turratum mulieres Cilices, & Turcicæ, & Mysiæ imitantur, ferentes capitis tegmen, turris similitudinem gerens. Itaque illius templum mihi fuisse videtur in his locis, ubi hodie duæ ædes sacrae sunt, altera diui Nicolai, altera diuæ Mariæ. Iasonem excitasse aras Rheæ verisimile est, cùm duodecim diis in contrario littore excitaret, præsertim Argonautis Rheam maximè venerantibus, ut cuius statuam constituerent in Dindymo monte eminenti supra Cyzicū: item aliis locis, ut apud Phasim. Arrianus ait in sinistro latere Phasim ingredientibus statuam fuisse deæ Phasianæ, quam ipse Arrianus Rheam existimauit fuisse ex figura. Nam manibus gestabat Cymbala, & leones sub throno habebat, in quo Rheæ sedebat, ut Athenis in æde matris deorum, quam à Iasone similiter statutam fuisse colligo, ex eo quòd Arrianus ait in loco, in quo fuit Rheæ ara. Fuit etiam ancora lapidea Argous, qua Iason profectus est ad Colchos. Illam verò quam statuit apud Bosporū, similem conicio Phasianæ Rheæ & Dindymenæ: nam Dindymena similiter leones habebat, quam Constantinum magnum in forum Byzantinum vnā cum leonibus Zosimus tradit traduxisse.

De Chry

*De Chrysorrhoea fluuio: de secturis metallorum: de
Pharo antiqua.* CAP. XX.



VALE cingente fani collē amplius mil-
le & sexcentorum passuū ora maritima pro-
cessum facit ad vallem, in qua summa est æ-
dicula Mariæ virginis, quam vocant Casta-
nioram à sylua castanearum circumuigentium, in qua
est fons facer, perennem etiam summa æstate riuum
emittens per vallem angustam, & iuxta ripas maxima
ex parte inaccessam. Hic riuus ille est, de quo Diony-
sius, postquā commemorauit fanum deæ Phrygiæ,
sic ait: Post hæc Chrysorrhoeas fluuius per angustam &
aditu difficilem vallem à tergo positam delabitur leni
fluxu, arenam auro similem deferens: circa hunc sectu-
ræ sunt, & terræ fossiones, & cuniculi acti ad scrutan-
das metallorum venas antiquorum virorum opera scru-
tantium diuitis terrę facultates. Paulò vltra fluuiū sunt
nuncupata chalceæ, locus vicinus mari fluctuoso qui-
dem, sed tamen piscoso: nominatus est ab ære metallo.
In summo vertice collis, secundum quem descendit
Chrysorrhoeas, existit Timæa, turris admodum excelsa,
circumspecta, & permulto mari illustris, ad salutem na-
uigantium excitata. Vtraque enim pōti pars caret por-
tibus naues excipientibus. Nam maris infedati & tur-
bulenti littus longum in neutram continentem flexio-
nes habet. Ex hac turre faces ardentes noctu sublatae
perferebantur, rectæ viæ ad ponti ostium duces. At Bar-
bari verarum facium fidem auferebant prætendentes
ex Salmydessi littoribus fraudulentas faces, vt in erro-
rem nautas inducerent, in naufragiâque subducerent.

Ora

„ Ora enim maritima importuosa est, & maris vadum
„ ob excessum aquarum ancoris non firmum, & paratum
„ his, qui aberrarunt à recta via, naufragium, signis veris
„ confusis cum falsis significationibus. Iam verò lucer-
„ nam extinxit tempus omnia consumens, & turrin ma-
„ gna ex parte dissoluit. Ex his Dionysij verbis cùm cæte-
„ ra ponti littora assequimur, tum maxime Salmydessi
„ esse importuosa, Thracésque naufragiorum depræda-
„ tionibus maxime deditos esse. Dionysio consentit Xe-
„ nophon, cùm ait Græcorum exercitum, cuius ipse dux
„ esset accessisse ad Thraces, qui incolunt Delta regio-
„ nem sitam supra Byzantiū: deinde Salmydessum per-
„ uenisse ad ea littorà è mari in breuia, & quasi æstuar-
„ iæ quædam impactas naues quamplurimas in pontum ve-
„ nientes frangi, easque Thraces prædari diuisis inter se
„ littoribus, columnarum positione per interualla cre-
„ ctarum. Nam antequam id fieret, inter eos de præda cæ-
„ des plurimæ fiebant. Equidem à Bosporo obiui pedi-
„ bus ad Salmydessum oram ponti importuosam, longè
„ latèque apertam septentrionibus ventis, in medio iti-
„ nere vidi locum, quem Xenophon appellat Delta: cæ-
„ teri scriptores Delcon, siue Delconem: hodie nomināt
„ Dercon, id oppidum est, quod ab vrbe Byzantio abest
„ iter pedestre vnius diei. Ex tribus partibus clauditur la-
„ cu dulci, nisi cùm tempestatibus mare incitatum exi-
„ guo Euripo intromittit, à quo piscis Delcon appella-
„ tur ab Athenæo commemoratus, is qualis sit, in nostris
„ piscationibus informabitur. Inde rediens ad Cyaneas,
„ vidi nauem nigra caligine ponti aberrantem ab ostio
„ Bospori in litus importuosum, aquilonibus impulsam

collidi, naufragosque omnes vectores incolumes ena-
 tare in littus, Thracesque accolas opem naufragis fer-
 re, à prædâque se abstinere: siue olim longa Romani im-
 perij consuetudine mansuefacti, siue nunc coerciti a-
 cerba seueritate dominantium. Ex antedictis iam li-
 quet, Pharum antiquam ostij pontici non ibi fuisse, vbi
 nunc est iuxta Cyaneas petras, imo longè interius in
 summo montis emittentis collem fani vertice eminent-
 te supra vallè, per quam defluit Chrysorrhœas fluuius,
 vnde longè latèque patet pontus, & Bosporus, & Pro-
 pontis, & Constantinopolis. Locus enim commodior
 neque tutior fuisse videtur ad Pharum efferendam in
 altum, quàm hic omnibus verticibus Bosporanis ex-
 celsior, vicinus fano Europeo sub ipsum subiecto, vn-
 de defendi poterat cōtra Barbaros hostes Phari, quam
 prope fanum olim fuisse Philostratus significat, atque
 adeo ostendit expressa pictura, quam sub oculos post-
 ea subiiciemus, cum ad fanum Iouis perueniemus: aut
 si Pharus non extitit in vertice collis eminente supra la-
 tus meridianum vallis Chrysorrhœæ, certè eminuit su-
 pra latus cingens eandem vallem à septentrionibus, id-
 que ex his, quæ postea affert Dionysius, coniectura as-
 sequimur. His, inquit, antè commemoratis locis proxi-
 mus succedit Phosphorus locus, qui vel à Diana, vel à
 vicina antiqua Pharo cognomen traxit. Huius adiun-
 ctum & continens longum littus vocatum Ephesio-
 rum est portus, à multis nauibus Ephesiorum huc ap-
 pulsus.

Depor

De portu Ephesiorum, & de Aphrodisio: de portu Lyciorum, & de Myrleanorum domicilio.

CAP. V. T. XXI.

POST Ephesiorum portum, inquit Dionysius, est Aphrodisium, formidabili rectum præcipitio. Hunc post, est portus Lyciorum, is subarenosum littus & sterile habet, in paruo ambitu valde bonus & firmus, tutusque est. Super hoc est Myrlæum domicilium eorum, qui ob seditionem à Myrlæa in exiliū proiecti huc solum verterunt. Cū ex Dionysij descriptione, tum ex his nominibus in hunc diem retentis perspexi Ephesiorum portū esse, vel eum, quem Græci iam appellant magnam Aphosiatin, vel eum, quem paruum nominant Aphosiatin, vel utrunque angusto promontorio diuisum. Græci usque ad hanc diem Myrelium appellant sinum quidem paruum, sed portuosum, ac primum totius Europei litoris Bospōrici intrantibus ostium ponti, quo cognito, intelligo portum Ephesiorum alium esse non posse, quā cum, quem vulgò nuncupant Aphosiatin. Nam à promontorio, quod à septentrionibus claudit vallem Chrysorrhœæ usque ad portum Myrileium nulli portus sunt, nisi Aphosiatidis magnus, & paruus: hi cuiusmodi sint, iam designaturus sum. Littus ferè rectum procedens, quod intercedit inter vallem Chrysorrhœæ, & promontorium diuidens magnum Aphosiatin à paruo Aphosiate. Pedibus obire non potui, propter mare contingens imos montium cliuos valde pronos: sed quatenus oculis assequebar, octo stadia superare non videbatur. Promontorium, quod à magno diuidit paruum

Aphosiatin, inter vtrunque portum patet in latitudinem passuum circiter ducetorum. Totum saxum existit rupibus paululum sinuosis eminens in mare directis ad perpendicularum more muri, ex ea praesertim parte, quae attingit paruum Aphosiatin directa praecisa in semicirculum, in conum velut turris in tectum fastigiata: ab hoc promontorio paulo amplius mille passus usque ad promotorium ab Aquilone claudens magnum Aphosiatin, littus sabulosum procedit in formam arcuatam. In hunc valliculae etsi desinunt, à ventis tamen non minus tutum ipsum praestant, quam colles: non enim dorsum montis penetrant, atque etiam commodiorem descensum in portum praebant villis, quas olim fuisset in supercilio vallium apparet ex fundamentis aedificiorum, ubi fontes perennes. Promontorium, quo dixi claudi hunc sinum ab aquilonibus, excelsum est, vndique praecipit, & praeptum, & quod pedibus iuxta littus circumiri nequit, ter tanto projectius in mare, quam promontorium diuidens magnum Aphosiatin à paruo Aphosiate. Inter portum magni Aphosiatidis, & Myrileium sinum, intercedunt plus minusve mille & quadringenti passus, quantum metiri potui, incedens in dorso montis per semitas pastorum, densis dumetis implicatas. Nam cliui excelsi à supercilio ad littus praecipitibus rupibus abrupti subsident, ut nulla via pateat: à Meridie clauditur promotorio toto saxeo, quod ab exteriori parte habet cauernosas rupes altè sonantes, cum sunt tempestates, ut praeternauigantes ignari putet tormentorum bellicorum sonitum esse: ab interiori parte sinum attingente admittit caernas, è quibus vna longa est plus

est plus triginta passus, vtrinque præcisa ad perpendiculum, cuius ima depressio tantundem patet, quantum summa labra. In hoc promontorio etiamnum extant vestigia quædam antiquorum ædificiorum, reliquæ domicilij Myrelei. In Dionysiano codice legendum puto potius Myrleium, quàm Myreleium: nusquam enim reperio Myrleiâ, sed Myrlæam urbem Bithyniæ, postea appellatam Apameam. Myrleanus igitur sinus ab occasu insinuatur in vallem, per quam descendit fluuius in sinum ortus à vertice collis eminentis supra vallem Chrysorrhœæ, in quo dixi antiquam Pharum olim fuisse, & à fontibus pergit, à Meridie ad septentriones in longitudinem circiter quatuor miliariorum: inde ad Orientem procedens circiter octo stadia ingreditur sinum Myrleanum: omni anni tempore fluit liquidus, & clarus, quo factum est, ut sinus hic sæpe à diuersis habitatus fuerit, primùm à Thracibus Phineo Regi subditis, deinde à Lyciis: postremò à Myrleanis, vnde sinus appellatus Lyciorum, deinde Myrleanorum. Profundus est, & magnarum nauium capax, vndique ferè tutus: ab ortu Solis contra se habet sinum vulgò nominatum Dios sacra: eius saxa sunt obscure Cyanea, vbi sunt totius Bospori viciniora ponto. Iam verò vbi fuerit Aphrodisium, quod ex Dionysio antè posui inter portus Ephesiorum & Lyciorum, id existimo fuisse propius portum Lyciorum, quàm Ephesiorum. Vt enim Ephesij Dianam colentes verisimile est Dianam Phosphoron posuisse prope portum Bosporanum, Ephesiorum dictum: ita Lycios existimo statuisse prope portum sui nominis statuam Veneris, quam cultu eximio

prosequebantur, ut Lyciorum Reginā versibus decantatam Procli Lycij Philosophi. Prope enim Myrelium formidabilia præcipitia, quorum ima pars subsidet, & subducitur, summa proiicitur, ut domorum proiecta tecta, quibus statua araque Veneris, ut ait Dionysius, tegebatur. Itaque rectius interpretandum putavi Dionysium, cum ait: ἐπὶ αὐτῷ λιμένι Λυκίων μυρλέου θῆ. Supra hunc portum Lyciorum est Myrelium, quam si interpretati fuissetus. Post hunc portum Lyciorum est Myrileium, nam tum Lyciorū portus esset magnus Aphrosiatis, & Aphrodygium fuisset in promontorio, quod paruum Aphrosiati à magno diuidit: at ibi Aphrodygium non tectum fuisset formidabili præcipitio. Illud enim non ab imo subducitur, neque à summo proiicitur, sed dirigitur ad perpendiculum.

De Gypopoli, & de aulis Phinei, & Amyci Bebrycis.

CAPVT XXII.

PROMONTORIUM, quod à septentrionibus claudit sinum Myrleium, totū saxum, & parum latum existit, ut quod in passuum longitudinē plus minúsve latitudinem passuum non excedat aliam ducentorum, aliam trecentorum. Ex tribus partibus mari, aut flumine circumdatur, à Meridie quidem sinu Myrlæano, & flumine. Illius mucrone non latior ducētis passibus cingitur Bospori angusto canali: at ab Aquilone iam latioribus primis faucibus Bospori clauditur. Ab huius quidem promontorij mucrone progressus paulò amplius sexaginta passus, vides eius latus vergens ad primas Bospori fauces, & pon

& pontum rupibus excelsis, præruptis propendere directis à summo promontorij vertice ad imas radices mare attingentes, quæ recessus admittunt paruos, refertos ingentibus saxis, abruptis, ex antiqua ruina deficientes in speluncas prominentibus rupibus tectas, quarum vna vergens ad Solis ortum in omnes partes patet vigintiquinque passus: eam olim arbitror Thracum agrestium latronum domicilium naturale fuisse, priusquam ædificia incolere assuefacti essent. Olim maiores speluncas fuisse ostendunt crebra ingentiâq; saxa ante speluncas proiecta, ab impendentibus ruinosis rupibus abrupta longa temporis vetustate. Nam veteres Thracæ ex latrocinio viuentes externorum adeò crudeles hostes fuerunt, vt de suo in externos odio cognomen dederint ponto non modò inhospitalitatis cuiusdam, sed perpetui odij sine exceptione omnem peregrinationem præcidentis, ἄξενον omnes appellarunt, Sophocles ἀπὸ ξενον, Lycophron λακὸ ξενον, cum ob eius nauigandi difficultatem, tum ob eiusdem accolæ Barbaros, qui Bosporum sic clausum tenuerunt, vt Poëtis materiam dederint fingendi, petras Cyaneas inter se concurrisse, easque ante Iasonem nunquam apertas fuisse. Hoc interpretari possumus vtrinq; latrones Bosporum totum olim Cyaneas appellatum accolentes interceptisse nauigantes in pontum, commodioremque iuxta Bosporum sedem habere non potuisse ad obsidendas ponti portas, quàm hunc locum situm in primis faucibus Bospori habentem speluncas saxecas naturales, quales tempora illa postulabant, quæ alibi in toto Bospori littore Europeo nullæ aliæ sunt, quàm hæ habentes proximum

ximum fluuium perennem & potabilem, tantumque, quantus nullus longo interuallo reperitur: non Scletrineus, qui propinquior est, non cæteri omnes littoris Europei maiores defluunt in Bosporum. Quamobrem miror Dionysium hunc præterisse, cum alios minores, & toto anno minime perennes haudquaquam præterierit. Hæ rupes suis radicibus ad mare adhærescentes eminent supra mare in longitudinem mille passuum præcisæ, directæ vbiq; inter se continentes, excepto exiguo sinu intermedio, ex quo ascenditur in iugum promontorij depressum inter rupes vtrinq; eminentes multis proiectionibus, subsidentesque multis contractionibus in multos vertices fastigiatas, vt castella quædam agrestia præternauigantibus esse videantur turribus elata, aspectu horrido & planè Barbarico. Non vno lapide illæ constare videntur, sed multitudine lapidum inter se compactorum terra Cyanea conuersa in saxa fragilia, vetustate inter se coherentia, Cyaneo quidem colore, sed aliquantum vario, alia enim obscuriora, alia dilutiora. Has rupes arces Phinei pulchrè describit Dionysius. Post, inquit, Myrileum, est Licnias forsitan nominatus, siue ex eo, quod ad similitudinem cunarum concavus sit, siue ex eo, quia secundum imas suas partes vndique suam proiectam eminentiam dilatat. Apud hunc locum est collis saxeus nuncupatus Gypopolis cognomen adeptus, siue ab immanitate Thracica & Barbarâ, agrestique: aiunt enim hîc habitasse Phineo Regi subiectos crudelitate plurimum eminentes: siue etiam appellatus est Gypopolis, ex eo, quod Vultures frequentes apud hunc locum versari gaudeant. Hæc quidem
Diony

Dionysius. Posset item appellari Gypapolis per alpha
 ἐπὶ τῇ γύπῳ, ἢ γύρῳ τῇ ἀσιλαίῳ. Num verò hæc, an alia quæ-
 dam vicina fuerit aula illa, decantata quidem scriptis
 multorum antiquorum, sed recentium omnium igno-
 ratione obscurata, ad quam Phineus Iasonem, cate-
 rôsque Argonautas excepit: ex his quæ quàm mox sub-
 iungentur, coniecito. Asclepiades quidem & Didymus
 narrant Iasonem nauigantem ad Colchos, cùm venis-
 set ad regionem Bithynorum, exceptum fuisse à Phi-
 neo in suam aulam. Sed hæc an fuerit in Asia, an in Eu-
 ropa, dubia videtur ex authoribus duplicem tradenti-
 bus Bithyniam, vnam Europeam circa Salmydestum
 in Thracia constitutam, alteram Asiaticam, Phincum-
 que omnibus Thracibus, etiam Asiaticis nuncupatis
 Bithynis imperasse: nec dubium tollunt, scribentes Phi-
 neum habitasse circa Salmydestum, Phinopolimque
 fuisse inter Salmydestum & Cyaneas. Vnde quibusdā
 aula fuisse videtur, in qua Phineus excepit Iasonem, vt
 mihi etiam videretur, nisi extra Bosporum ab omni-
 bus Geographis constitueretur: nisi fortasse Plinio, qui
 eam interdum constituere videtur intra Bosporū, cùm
 ait: Inde fauces primæ, vbi Phinopolis oppidum fuit.
 Sed alio loco secum dissentit, cùm oram Thraciam in-
 ceptam ab Istri ostiis ad Bosporum persequens narrat
 Thynniam, Salmydestum, Deuelton, Phinopolin. Sed
 à Bosporo Lasthenes, ex quo quidem ordine verborum
 excludit à Bosporo Phinopolin. Quamobrem Phino-
 polis extra Bosporum sita non fuit aula Phinei, in qua
 excepit Iasonem Phineus. Nam si vsque ad Phinopo-
 lim Iason nauigasset, iam prætergressus Cyaneas, non

necessè habuisset petere consilium à Phineo, qua ratione Cyaneas præteriret. Verùm aulam Phinei fuisse iuxta Bosporum inter Cyaneas, interque aulam Amyci Bebrycū Regis, à nemine certius intelligere possumus, quàm ab Orpheo antiquissimo, qui vnus ex Argonautis fuit, à quò omnes didicerunt, si quid veri de aula Phinei scripserunt: verùm in qua parte Bospori, intelligere non possumus, nisi prius cognouerimus, vbi fuerit aula Amyci. Vtrasque iuxta Bosporum, illam in Europa, hanc in Asia fuisse ex Orpheo & Apollonio assequi potuisset Plinius & Hermolaus, si diligenter utrosque perpendisset. Sic enim Orpheus ait, cū Argonautæ præternauigassent Cyzicum Rhyndacem venisse ad Cion locum situm iuxta Propontidem, inde tum soluisset:

Ὅτε μεσάτω ἡὼ φέρων ὠκείας ἱπποὺς

Ἡέλιος, κραπνός δ' ἔξ ὄρεως ἔπνευεν ἄρ'.

Ἐν δ' ἔπεσεν ἀργυρναῖς ὀθόνας, τιφῶς ἡ ἐγερόνδ.

Νηὸς ἔγω πρόαρον θινὸς δ' ἐκπέσματ' αἰετῶν,

οἷες λοβορνήτης ἐφημοσυνάως ἐπίθοντο,

Ἀντάρ ἐπ' ἡῶσι λυγρῶν ἐπρόσταμαλιν αἶαν.

Ἐνθ' ἄμυνε βιβρυκίσιν ὑποριφάλοισιν αἰάσας.

Ὅτε πανομφαῖς ζυνὸς θέμιν ἐκ ἀλεγιζών,

Ὅσις ὡπ' σπυρμὸς, ἡδ' ἄσπερ ἡ δόμου ἔξῃ,

Θήκετο πυγμαχίης ὑπορόπλος πειρηθλῶαι.

Τὸν μὲν ἄρ' ἡίσωσιν ἡρατόρος πολυδέκους.

Λαὸς δ' ἄρ' βιβρυκῶν μιλιαὶ χαλκῶ κατ' ἐνερῶν.

Ἐνθα δ' ἀφορμίδεντο ὑπ' αἰεσίῃ ἡ καμύνον.

Βιβυδῶν τὸ μέγα ἄστυ πλάττειν ἐλέλαιον ἀκτῆ.

Σπυρμὸν τὸν περὶ χεῖρας, ἡδ' ὅν νιφάργεον ὕλας

ἔασθ' οἱ

ἔασσοι αὐλιδῆες ἐφοπλισάμεθα δόρυ πορ
 ἔνθα τότε ἀνδράγαμ' φινεύς ὑπερβύσει θυμῷ,
 Δοῖδς θ' ἀπλάσσει γόνυς πεβλήσει πέτραις,
 Θυσσὶν ἑλὼν πορθήκε χυμῶν εἴνεκα φίλων.

Deinde paulò infrà ait:

Ἄντάρ ἐπεὶ Πηνελόπεια λιπὼντες
 Ἄυλιον ὑπερμέγα λαῖτμα θαλάσσης θρικόμεθα
 Ἄγχ' ἐναντίας πέτραις.
 Ἄλλ' ὅτε δὴ πορθμοῖο ἦν στόμα, καὶ δ' αὖ πέτραις
 Κυνέας ἤμειψε λάλθ' πρόπτε, αὐτὶ δ' ἄρ' αἶγ' αἶγ'
 Βυσσὸν δ' ὄρεϊζον, καὶ ἔμπεδον αἶγ' ἔμινον
 Καὶ τότε δὴ προσφυγόντες ἀσέκεια πῆμα δλέθρα
 ἔνθεον περὶ χεῖρας μέλαινα θρικόμεθα ἀκτῶν.

Ex his quidem percipimus aulam Phineci fuisse inter
 Cyaneas, interque aulam Amyci, ad quam Pollux vi-
 cit Amycum Regem Bebrycum. Sed utrum in Euro-
 pa, an in Asia fuerit vrbs illa magna, quam dicit esse
 Bithynorum sitam in lato littore, Orpheus non decla-
 rat: nam si legatur

ἔνθα δ' ἀφορμιδόντες ὑπ' εἰρασίῃ ἢ λαμόνυτες
 Βιθυνῶν τὸ μέγα ἄστυ πλάττειν ἐέλσασκεν ἀκτῶν.

Videtur ostendere illam fuisse aulam Amyci, ex eo,
 quòd Apollonius Poëta quidem Argonauticorum, sed
 Orphei interpres: aulam Amyci scribit fuisse in lato
 littore, cùm ait:

οἱ δ' ἢ χθονὸς εἰς ἀνέχουσιν ἀκτῶν
 ἔκ λολποιο μαλ' ὀρεῖαν ἔσεσθαι.

At potius mihi legendum videtur in Orphæo, ὅτι θρικόμεθα
 ἀφορμιδόντες: ex eo, quòd ante Orpheus dixit, transiisse
 ad locum:

ἔνθα ἀμυκοῖς βεβρύκισιν αὔασεν.

Vbi Pollux Amycum deuicit. Sed tamen etiamnum ex Orpheo dubium videtur, vtrum illa magna vrbs fuerit in Asia, an Europa, itémque an aula Amyci in Europa, an Asia, an iuxta Bosporum, an in Propontide. Nam Dionysius scriptor orbis, post Bithynos, póstque ostium ponti ponit Bebrycas. Charon narrat Lampfacenorum regionem prius appellatá fuisse Bebryciam, vnde Tzetzes ausus est totum Hellespontum appellare Bebrycium, & totam Propontidem Bebryciam, sed & Bithynos accolentes Bosporum appellatos fuisse Bebrycas, cum ex Nymphæ Heracleota colligitur, tradente Bithynos etiam appellatos fuisse Mygdones & Bebrycas: quos Strabo dicit antè Bithynos Mysiam incoluisse, oriundos à Bebrycibus Thraciæ, tum Bithynos Bosporanos nuncupatos fuisse Bebrycas, liquet ex aula Amyci Bebrycum Regis, quam iuxta Bosporum in Asia sitam fuisse deprehendo ex Apollonio Orphei interprete, non minus egregio Argonauticorum Poëta, quàm Geographo vero: qui vt narrauit, quemadmodum præternauigarint Cyzicum vsque ad Cion: inde, inquit, soluentes:

Νῶν ἡ πανημερίην αὐτῶν φέρε, νυκτὶ τε πάσῃ

Λάβρῳ ὑδῖπνείων ἀγὰρ ἔδ' ὑδὶ πτόνῳ ἄνδρ

ἦδ' ἑσπερίῳ, οἳ ἡ χθονὸς εἰς ἀνέχουσιν ἀκτῖν

ἔκ λολποιο μάλ' εὐρεῖαν ἐσέδω.

φρασσάμενοι λώπησιν ἄμ' ἡελίῳ ἐπέκελσαν.

ἔνθα δ' ἔσαν σαθμοῖτε βοῶν αὔλισε ἀμύνωτο

βεβρύκων βασιλῆῳ.

Deinde postquam narrauit, vt Pollux vicerit Amycū,
vt lauro

vt lauro coronati Argonautæ cœnassent, adiungit:

Ἡμῶ δ' ἡέλιος φροστέρας ἐπέλαμψε κολῶνας,

ἔκ ποταμῶν αἰῶν, ἦγαγε δ' μυλοβῆρας,

ἀν' τότε λυσάμενοι νύκτις ἐκπέσματ' ἀάφνης.

Post addit, vt toto illo die afflictati tempestatibus fuerint, postridiæque peruenerint ad maritimam domum Phinei, vt quæ Phineus dixerit Argonautis:

Γέτρας μὲν πᾶμπρωτὸν ἀφορμηθέντες ἑμοῖο

Κυανέαι ὄψεσθ' οὐρανὸν ἄλως ὅν ξωορῶσι

Ἐὐρίκῃ Βιθύνῃ ὠδιδεξία γαῖαν ἔχοντες,

Ἐλῶϊτε θήγμινας πεφυλαγμένοι εἰσὸσθ' αὐτὴ

Ἦεσθ' ὠκυρόλῳ πῶτα μὲν σκοπέλῳ τε κολῶνης.

Ex his patet aulam Phinei fuisse in Europa iuxta Bosporum vicinam Cyaneis, aulamque Amyci fuisse in Bithynia Asiatica: sed an iuxta Propontidem, an iuxta Bosporum, coniecere licet ex eo, quod Orpheus dicit Argonautas ex eo soluisse circa Meridiem vento secundo: similiter Apollonius ait ex Cio soluentes totum diem, & totam noctem secundo vento & copioso vectos fuisse, postridie manè vento cessante remorum vi appulisse nauem ad eum locum, vbi esset aula Amyci, vbi Pollux ex prouocatione vicit Amycum. Iam verò à Meridie ad posterum diem vento secundo vsos conficere potuisse amplius centum miliaria existimo ex mea nauigatione, qua intra vigintiquatuor horas à monte Arganthonio eminente supra sinum Cioticum, peruenit ad Bosporum distantem à Cio plus centum miliaria. Ex quibus etiam verisimile videri posset, aulam Amyci in Bosporo potius quàm in Propontide, si nulla essent apertiora argumenta ad probandum au-

lam Amyci esse iuxta Bosporum. At alia permulta certiora sunt, quorum nonnulla, cum alia ex Apollonio colligere possumus, tum iuxta locum, ubi interfectus est Amycus, fuisse *veretur adq. vlu*, quam non Apolloniū poëticè finxisse, sed reuera in hoc loco fuisse permagnam, ex Andræta Tenedio & Apollodoro infra ostendam: quam posterī appellarunt laurum insanam, ubi Plinius dicit fuisse portum Amyci, quem Arrianus appellauit portum laurus insanæ. Eūque tradit quadraginta stadia distare à fano Iouis Vrij, octoginta ab vrbe Byzantio. Ex his manifestum est aulam Amyci fuisse in medio Bosporo, aulamque Phinei fuisse inter medium Bosporum & Cyaneas. Sed in quo loco nunc coniciamus, vero proximū est. Cum Phineus haberet greges boum, & ouium, equorumque, Rēxque esset Thraciæ, habitasse prope flumen. A medio Bosporo in Europa ad Cyaneas primus est Pharmacius fluuius situs contra portum Amyci, in quo non fuisse Phineum, cum excepit Iasonem, Bospori latitudo ostendit, quæ haud excedens miliare, non tenuisset Argonautarum traiectum tantum temporis, quantum Orpheus & Apollonius tradunt consumpsisse ab aula Amyci ad aulam Phinei: deinceps sequitur Bathycolpus fluuius, ubi aula Phinei fuisse non videtur ex loci interuallo. Ille enim distat à portu Amyci circiter tria miliaria: non enim Argonautæ diem vnum consumpsissent in tria miliaria conficienda. Restat vt Scletrinas aut Myrleanus habuerit domum Phinei, sed vter habuerit, ex his, quæ mox afferam, conicias. Scletrinas habuisse videtur ex his Apollonij versibus, cum ex hospitio Phinei Argonautæ

nautæ soluiſſent, ait: Δώδεκα Πωμύκαιες Βωμόν ἀλλ' ὅγμινε
 πάλιν, καὶ ἐφ' ἑρὰ θύγτες νῆα δολὴν ἔσθαινον ὄρεσιν. Hoc eſt, in
 littore vltiori aram erexerunt, quod infrà oſtendam
 eſſe in eo loco, vbi eſt fanū Iouis Vrij, cui domum Phi-
 nei propinquam fuiſſe antedicti Apollonij verſus deſi-
 gnant. Inde adiungit, vt ex eo loco, vbi fanum eſt, ſol-
 uentes nauigarunt ad Cyaneas promontorium. Fanum
 eſt magis intra Boſporū, quàm Myrleanus fluuius duo-
 bus miliaribus. Itaque ſi aula Phinei fuit ad Myrleanū,
 oportuit Argonautas retrocedere duo miliaria. Sed id
 ferri poteſt, nam vatis Phinei vaticinio illud templum
 excitarunt duodecim diis: veriſimiliuſque videtur au-
 lam Phinei fuiſſe prope Myrleanum fluuium, vbi fuit
 Gypopolis, quàm prope Scletrinam ex Orpheo, cūm
 ait, Argonautas poſtquam reliquiſſent aulam Phinei ſu-
 pra magnam vndam maris, acceſſiſſe prope Cyaneas:
 ſed clariuſ ex Apollonio, cūm ſcribit Phineum dimit-
 tentem Argonautas. A me, inquit, diſcedentes quàm-
 primum videbitis Cyaneas, ex quibus oportuit domum
 Phinei propinquam eſſe Cyaneis. Adde, quòd aulam
 Phinei dicit Orpheus fuiſſe, vbi excēcauit filios, eòsque
 in petras eminentes proiecit. Ex quibus videtur aula
 Phinei propinquior Myrleano, quàm Scletrine, quòd
 circa Myrleanum rupes ſunt eminentes & præcipites,
 frequentari ſolitæ vulturibus, & coruis, miluiſque, hoc
 eſt, arpiis rapacibus. In contrario littore eſt promonto-
 rium, quod Dionyſius Byzantiuſ appellat Coracium,
 in hanc diem nomen retinens: præterea quòd nulla alia
 pars Boſpori, quàm circa Myrliū & Gypopolim ven-
 tos rapidiores habet. Venti enim Arpia dicuntur. Ho-

merus

merus in synonymia ponit *θύλας καὶ ἀρπυῖας ἀντὶ τοῦ λα-
ταγιδώδεις πνοάς· τὸ μὲν ἀπὸ τοῦ ἀρπαλῆς· τὸ δὲ ἀπὸ τοῦ θύειν, ὃ ὅτι
μετὰ βίας ἄγειν.* atque ut solemus Arpyias ἀρπαγνικὸς λυῖας
appellare, ita latrones rapaces Thraces Arpias vocare
possumus. Nam quòd Orpheus dicat aulā Phinei fuis-
se in sylvis, nunc nullę sunt in Myrleano, sed neq; item
in sinu Pharmacia, cūm olim fuisse densa & profunda
nemora antè ex Dionysio acceperimus: sed de his rebus
tam antiquis, quas ne antiqui quidem permulti etiam
literarum monumentis clari benè nouisse videntur: cui-
uis curiosiùs relinquo iudicium.

De petra Dotina.

CAP. XXIII.

PAULO ultra Gypopolim (inquit Diony-
sius) est petra Dotina nominata, non in ma-
gnam maris altitudinem abdita, neque su-
pra aquam extans: naues in ipsam impingun-
tur. Petrę nomen ironia, dissimulantięque ridet naui-
gantium ignorantiam. *Δωρίνιος* vocant Dorienſes, ab a-
liis Græcis nominatam *πρωϊκα*. Byzantius colonos Me-
garensium lingua Dorica vsos fuisse, cūm ex his cogno-
ſco, tum magis ex psephismate, quod à Byzantiis de-
cretum in gratiam Atheniensium Demosthenes citat
contra Aeschinem. Dos, inquit, Varro, erit pecunia, si
nuptiarum causa data, hæc Græcè *Δωρίνι*: ita enim hæc
à Siculis nominatur. Iam verò ut ab vrbe Byzantio ad
Pharum & Cyaneas pedibus profectus sum secundum
littus, ita à Pharo similiter pedibus Byzantium reuerti,
quàm proximè ad littus accedere potui. Sed primum à
Pharo ad Myrelium non potui, quòd littus præceps &
præru

præruptum sit, perpetuis rupibus editum, in altitudinem plus minusve quadraginta passuum. Supra hoc litus existit planities, campestris, colliculis, & valliculis distincta longe latèque patens, sensim assurgens usque ad verticem collis, in quo antè dixi fuisse antiquam Phàrum. Itaque à Pharo ad Chrysorrhœam iter feci per supercilia collium, per desertas pastiones plenas erycis, aliisque fruticibus, ubi nihil cultum apparet, præter exiguas arationes, non tam iniquitate terre, quàm inopia agricolarum, si quà descensus patet ad litus, ut patet ad Myrelium, & ad portum Ephesiorum, statim latæ rupes me impediunt, ut ex altis littoris crepidinibus mihi sæpe ascendendum fuerit ad circueundas rupes obuias, & per directos & præruptos cliuos repere quadrupedis more habui necesse. A Chrysorrhœa iuxta litus iter habere potui ad promontoriū Smilton, quod præceps & abruptum non peruium est, nisi in excelsis cliuis: inde ad Bathycolpon iuxta Bosporum perrexi: à Bathycolpo ad Cómardes exceptis vallibus via non patet in ora maritima, sed angustissima semita habetur in arduis cliuis, confragosis, & abruptis à Commarode ad Leosthenium iter confeci ferè secundum litus: à Leosthenio ad portum Phidalia, excipio valles, via duntaxat patet per altos cliuos: à Phidalia ad oppidum nuncupatū Sycas, siue Iustinianas via patet iuxta Bosporum: à Sycis Byzantium traiectus est breuior quatuor stadiis, à quo quidem traiectu appellatò Syceno ad finem Bospori planities maritima Constantinopoleos partem continens accessum latum, largitur etiam quàm proximè ad Bosporum.

De Panio promontorio Phariæ & de Cyaneis petris.



OST Dotinam petram, inquit Dionysius, "
 existit promōtorium nuncupatum Panium "
 parallelum Cyaneis, hoc est, quasi par & æ- "
 mulum contra Cyaneas situm, interceden- "
 te medio maris littore: in fine autem promontorij, par- "
 uæ Insulæ termini pontici maris à Continente direm- "
 ptæ paruo maris spatio intermedio, quod perleuibz & "
 perparuis nauigiis permeari & transiri potest ob mare "
 minime profundum. Sublimes autem Cyaneæ, & su- "
 pra mare elatæ, aspectum gerentes similem Cyano, si- "
 ue à terra multiformi, siue ex refractione maris: supra "
 Cyaneas ara existit Apollinis à Romanis statuta. Pro- "
 montorium Panium totum saxeu nihil aliud est, quàm "
 Isthmus peninsulanus, ex tribus partibus mari circun- "
 datus, ab Oriente quidem Bosporo, à septentrionibus "
 sinu ponti scopuloso, importuoso, patenti in longitu- "
 dinem circiter mille & ducentorum passuum: ab huius "
 intimo recessu linea secans promontorij dorsum, hoc "
 est, ceruicem Isthmi ducta ad Bosporum extenditur in "
 passus septingentos. Cliui à summo mucrone ad cerui- "
 cem in passuum altitudinem efferuntur circiter mille "
 & ducentorum. Contra Cyaneas emittit duos mucro- "
 nes totos saxeos. Primæ quidem maior est, & rectus as- "
 surgit in medium promontorium, sub imas radices ad- "
 mittens breuem quendam recessum diuturnis & vehe- "
 mentibus fluctibus excauatum, cauernis & fossulis sa- "
 xeis plenum, qui exarescit, cum est mare tranquillum: "
 cum verò est ventus, cōcitatum impletur fluctibus, sed "
 cauer

cauernæ semper aqua plenæ remanent. Alterum verò mucronem emittit minorem & obliquum: à dorso demissam, velut pollicem porrectum in obliquam manus partem. is mucro magis meridianus exiguum sinum efficit, admittentem duntaxat scaphas. Littus autem contra Cyaneas, situm intercedens inter utrosque mucrones, longum circiter trecentos passus, in Panij supercilio eminenti supra mucronem maiorem existit Pharus quasi *φάρος*: unde à Græcis huius ætatis omnia ferè nomina diminuerè in *αειον* solitis appellatur *φάρουδειον*. Id turris est octogona, in culmine habēs lucernam omnibus noctibus lucentem nauigantibus, vndique clausam vitreis fenestellis, plumbo, non gypso compactis, quod ostendit non Turcorum, sed Christianorum opus esse. Ex vertice Panij promontorii quoquo versum vides longè latèque pontum Euxinum, tanquam ex Panio Alexandria olim videbatur: hac etiam ætate spectatur in media Alexadria Panium quoddam manufactum, fastigiatum in acutum verticem, excelsum, colli simile, ex cuius culmine tota vndique Alexandria, simulq; hinc mare internum, illinc Marcoticus lacus videtur. Duobus promontoriis Panio & Ancyreo finitur pontus, incipitque Bosporus. Iuxta Ancyreū existunt Cyaneæ Asiaticæ, iuxtaque Panium Cyaneæ Europææ, distantes à Panio sibi opposito ab occasu paulò amplius septuaginta passus Romanos. tantundem enim in latitudinem patet Euripus, Cyaneas à Continente separans, quem vadofum & saxum nudus trāsire conatus, de medio cursu reuocatus sum. Itaque conscensa scapha, per hunc penetrās aduerti Cyaneas ab occasu qui-

dem circumnavigari non posse, nisi nauigiis perparuis ob vadofum Euripum à Septentrionibus Orientéque circui ab omnibus nauibus posse. Cyaneæ nihil aliud sunt, quàm vt dicuntur, petrae; eas enim nunquam Insulas appellant Orpheus, Apollonius, Valerius Flaccus, Herodotus, Dionysius Alexandrinus: sed duntaxat petras nominant. Strabo verò & Dionysius Byzantius vocant Insulas magis propriè. Valerius Flaccus nunc scopulos, nunc cautes, nunc rupes nuncupat. Eurypides Didymos petras, quæ profectò nihil aliud sunt, quàm duo scopuli, vnus Asiaticus, alter Europeus, diuisus in quinque petras vna radice nitentes, sed ab imo ad summum rimis diuisus: quarum primam Pharo viciniorem à petra diuidit fissio, rimaque alta quinquaginta dodrantes, alicubi patens in latitudinem trium pedum: in qua quidem fissionem consistit saxum plaustrici oneris magnitudine à prima petra gradum atque aditum iaciens ad secundam petram in fissionem proiectam ex antiqua ruina, quam summam scopuli verticem edidisse significant circum scopulum permulta abiecta saxa. Primæ quidem petrae iugum in omnes partes patet sexaginta septem dodrantes: secundæ verò dorsum planum, in quo statuta est columna, in dodrantum longitudinem panditur cētum & quinquaginta: in latitudinem verò quinquaginta. Secundam à tertia diuidens fissio paulo latior est sexaginta dodrantibus. Tantundem patet fissura tertiam à quarta seiungens, altitudo totius scopuli, quem dixi diuisum in quatuor petras, non excedit octoginta dodrantes. Ambitus superat duo milia dodrantum. Ascensus in huius iugum non patet, nisi

vno

vno aditu, eoque perangusto, quo quadrupedis in modum irrepitur. Scopulus etsi totus saxeus, tamen ex eius dorso aliquot frutices enascuntur, ut caprifici, ut pruna agrestia, sed rarissima. Cum sunt maris tempestates, fluctibus obruitur usque adeo, ut columna aspersione fluctuum attingatur. Fuit aliquando scopulus integer, nullis rimis scissus, sed saxa circumprojecta ostendunt ruinarum editione scissum fuisse: unde factum est, ut eius radices multas cauernas & latebras habeat, partim aridas, partim mare admittentes, ubi non modo pisces, sed etiam multi homines delitescere possunt. Quinta petra longè humilior cæteris, fastigiata in duos vertices, exiguo Euripo diuisos: illius quidem radices sub aqua iuxta vadum cum radicibus scopuli, quem iam dixi in quatuor petras diuisum, continuantur, coniungunturque: sed ab hoc scopulo quadrifido separatur Euripo vadoso, pleno ingentibus saxi ex aqua extantibus, quæ ab ipsis scopulis abrupta esse videntur. Circum hos omnes scopulos similiter ingentia saxa abrupta iacent, Euripique vadum intercedentis inter Panion, & Cyaneas saxeum, & cauernosum, introspexi. Ut verò proximum videatur Cyaneas olim abruptas à Panio promontorio fuisse similiter toto saxeo. Quare non sine physica ratione ubi animaduertissent Poætæ Cyaneas terræmotu, aut temporis vetustate ruinas edidisse, & circumfractas esse, finxerunt inter se concurrisse: in quo concursu quid veriùs esse apparet, quàm id, quod tradit Valerius Flaccus. Cyaneæ iuga præcipites illa remittunt. Nam reuera earum iuga ruinis illisa remissiora sunt facta, earundemque moles illisæ. Nam quod Apollonius

ut Plinius ait, paruo inter se discretæ interuallo intran-
 tibz geminæ cernerentur, paululúmque deflexa acie,
 coeuntium speciem præberent, id quod non satis pro-
 babunt nauigantes ex ponto in Bosporum. Nam Cya-
 neæ Insulæ adeò sunt vicinæ Continenti, ut particulæ
 Continentis esse videantur, neque, nisi proximè acces-
 seris, eas à Continenti distinxeris. At utruque latus Bos-
 pori intrare volentibus in Bosporum, modò clausum,
 modò apertum Bospori canalem ostendit non modò
 procul ex agitatione nauis, modò directà via ad os ad-
 nauigantis, modò obliqua, sed etiam proximè, atque
 adeò intra Bosporum nauigantibus crebrò claudi &
 aperiri Bosporus videtur ex crebris promonteriorum
 flexibus. Rectè igitur Frontinus Cyaneas vocat Bospo-
 rum. Philippus, inquit, cum angustias maris, quæ Cya-
 neæ appellantur, transnauigare propter Atheniensium
 classem, quæ opportunitatem loci custodiebat, non
 posset, scripsit Antipatro, Thraciam rebellare, præsi-
 diis, quæ ibi reliquerat, interfectis, ut sequeretur omis-
 sis omnibus, quæ epistola, ut interciperentur ab hoste,
 curauit. Athenienses arcana Macedonum accepisse vi-
 si, classem abduxerunt. Philippus nullo prohibente an-
 gustias freti liberauit. Sic Cyaneas intelligere videtur
 tædus illud illustre, quod Athenienses post pugnas na-
 uales percusserunt cum Rege Persarum, quæ sic abie-
 cerunt Regis animam, ὥς τε σωθέντι τῷ περσέων ἐρῶντι ἐκεί-
 νῳ, ἵππε μὲν δρόμον ἀεὶ ἐν ἑλλωρικῇ ἀπέχεσθαι θαλάσσης. ἥ δ' οὖν δὲ
 λευανέων καὶ χελιδονίδων μακρὰ νηὶ καὶ χαλκεμβόλῳ μὴ πλέειν. Iam
 etsi ex his, quæ antè dixi de aulis Amyci & Phinei, li-
 queat Orpheum duas petras Cyaneas non intelligere
 totum

totum Bosporum, aut multiplices anfractus parallelolos Bospori: tamen ex eo clarè elicere non possumus, an duntaxat intelligat Cyaneas Insulas, an etiam vtrunque littus circumvicinum Cyaneis. At ex Apollonio non solum eius amulo, sed etiam enarratore assequimur, petras Cyaneas aut esse, quas Insulas diximus, aut rupes & cautes vtriusque littoris à Myrleano sinu usque ad Cyaneas. Sic enim Apollonius ait, ubi Argonautæ duodecim diis aram posuissent, in eo promontorio, quod etiamnum ἱερόν Græci appellant.

Γαίης δ' ἅπλῃ διπλῶα πείσματ' ἔλυσαν·

οἱ δ' ὅτε δυσκαλίονα πόρος εἰνῶπον,

τρηχέας ἀνιλάδ' εἰσιν ἐδ' ὕμνων ἀμφοτέρωθεν,

Δινῆες δ' ἑπ' ἀνὰ θῶρον ἀνὰ κλύζεσκον ἰδῶν·

ἡνὰ ῥοός, πομπὴ δ' φόβῳ πρῆτ' ἔρρωσε νέονδ'.

ἦ δ' ἡ δ' ὅτ' ὅτ' ὅτ' ἀφ' ἀποτομῶν περὶ αἰῶν,

νώλεμες ὅτ' ἔβαλε, βόων δ' ἀλμύρες ἄκ'.

Κυανεαὶ ἀμυδῆς πάλιν ἀντία ἀλλήλοισι,

ἄμφω ὁμῶς ξυμῖσαι ἐπέκτυπον, ὅπ' ὅτ' ὅτ' πολλὰ

ἄλμυ ἀναβραδείσα, νέφ' ὅτ' ὅτ' ὅτ' πόνδ'.

Σμερδαλέον· πάντῃ δ' πεινέμενος ἔβρεμνεν αἰθήρ.

Κοῖλαι δ' ἀπὸ πηλὴς ὑπὸ πηλῶν.

Κλυζέσσης ἀλὸς ὕδ' ὅτ' ἔβρεμνεν.

Ex quibus percipimus Argonautas soluentes ex fanó Iouis aliquandiu nauigasse per Bospori flexuosi angustias vtrinque asperis cautibus cinctas, iamque sonitum petrarum conflantium Argonautarum aures vexasse, marina littora musicè Cyaneas inter se concurrentes fremuisse, cauas speluncas sub cautibus mari intus fluctuante resonasse: quæ omnia cōueniunt non modò insulis.

insulis, sed etiam cautibus & rupibus vtriusque littoris excurrentis à Cyaneis ad Myrleanum finem, & Coracium promontorium. Ibi enim vtrunque excelsæ rupes fluctuum impetu altè resonant, & concurrissè inter se videntur, ex ingentibus saxis circum vtrunque littus sparsim in mari iacentibus. Iam verò ex antedictis perspicuum est Tzetzem nobilem Grammaticum, qui gloriatur se omnibus Geographis atque Historicis longè melius scire Bosporum Thraciū, nescire Cyaneas, non modo quas tradunt Geographi Historicique: sed ne illas quidem, quas Poëtæ, quorum interpretem se proficitur, commemorant. Sic enim enarrat illos Lycophronis versus:

πάντες, ἑλάνης, καὶ πέρραι συμπληγάδες,

καὶ Ἀλμειδῶς, καὶ Λακόνων καὶ Λυδῶν σκύναισι γειτῶν.

Quas Homerus appellat planctas: Lycophron Symplegadas petras: Eratosthenes Synormadas, quas dicit apud pontum Euxinum esse, siue circum angustias. Apollonius & Lycophron ipsas quidem dicunt esse Symplegadas: verum Lycophron videtur has ponere inter Chalcedonem & Byzantium, vt videantur esse id, quod ab idiotis dicitur rheuma. Apollonius verò videtur apud pontum Euxinum, siue apud angustiarum locum nuncupatam clauem, ipsas statuere, eas similiter vt Lycophron scribens Symplegadas ἄξιωνες, quarum vna est in Europa apud Byzantium, altera in Asia apud Chalcedonem. Salmydessus verò est mare inter Byzantium & Damalim, post angustias Bospori & fanum Iouis, est Scythia. Hæc quidem Tzetzes. At versus Lycophronis, cum nihil dissideant ab Orpheo & cæ.

teris scriptoribus, peruersè conuertere conatur in sensum ab omnibus authoribus alienissimum. Non enim his versibus Lycophron dicit, Symplegadas esse inter Chalcedonem & Byzantium, vt ipse testatur, neque Apollonius ponit ad Euxinum pontum, vt Tzetzes ait, neque apud clauem pōti, siue eam intelligit, quam hodie appellant *κλέδιον*, locum vicinum Byzantio, nuncupatum Senem marinum, siue illas claues, quas Dionysius appellat modò *κλέβρα*, modò *κλέδας*, quas antè demonstrauimus esse circiter medium Bosporum, prope sinum appellatum Pharmaciā. Sed Apollonius ipse Symplegadas ponit apud partem Bospori, quam modò explicuimus, sic inquit: *ἀνὰ ἄλϑ' ὅτ' ἐκὼς ὀχιοὶ κυανέαι πέτραι*. Hoc est, in primis faucibus ponti duæ Cyaneæ. Neque ex Lycophrone colligi potest Salmydessum esse inter Byzantium & Damalim, sed ad pontum eo in loco, quo omnes Geographi tradunt, neq; post fanum Iouis esse Scythiam European ex Lycophrone coniectari potest: sed eo in loco, quo ceteri tradunt, non modò insulæ Cyaneæ in hunc diem, sed etiam omnes rupes claudentes Bosporum à Cyaneis vsque ad fanum & littora circumuicina Cyaneis spectantur colore Cyaneo: aliæ obscuriore, aliæ dilutiore. Planctas Thracicas Homerus velut quadam machina mirabili petras in monstrosam longitudinem iaculante ex freto Thracico iaculatus est in fretum Siculum fictione architectrice, & quas post Iasonis transitum Orpheus longè antè sempiternis radicibus defixerat in freto Thracio, immobiles mansuras in sede Thracica semper mansuras explantauit, elocauit, transtulit in Siciliam eas effingens

gens ad similitudinem Symplegadum petrarum Cyanearum, prius ab Orpheo effictarum, aliquid de suo addens. Sed ut Thracicas Cyaneas à Siculis internoscere queamus, subiungam Homericam Sicularum descriptionem:

ἔνθεν μὲν γὰρ πῆτραι ἐπιηρέες ποτὶ δ' αὐτὰς

κῦμα μέγα βοῶντα κυανώπιδ' ἀμφιπέτρης.

Πλαγκτὰς δὲ τοὶ τὰς γε θεοὶ μάκαρος λαλέουσι.

οἱ δ' αὖτε σκοπέλοι δ' μὲν ἔρπον' ἔρπον' ἰκάνη

ὄρεα κορυφῇ νεφέλῃ δέμιν ἀμφιπέτρης

Κυανὴ δ' αὖτε μὲν, ὅπως δ' ὄρεα, ὅπως ποτ' αἶθρη

Κέως ἔχ' κορυφῇ, ὅπως δ' ὄρεα, ὅπως ποτ' αἶθρη

οὐδ' αὖτε ἀμφιπέτρης βοῶντος ἀνδρ', ὅπως ἀμφιπέτρης

οὐδ' οἱ χεῖρες πέτρῃσι, καὶ πόδες αἶψα

πέτρῃ γὰρ λῆς δὲ πόδες αἶψα

μέσσω δ' αὖτε σκοπέλοι δ' αὖτε πῆτραι

πρὸς ῥοφον εἰς ὄρεα πῆτραι μὲν ἴ.

Deinde ut descripsit Scyllam esse in hoc scopulo, adiungit:

τόν δ' ἔτρου σκοπέλον χαμαλότερον ὅτ' ὀδυσσεύς

πλησίον ἀλλήλων, τοὶ δ' αὖτε δὴ χεῖρες

ἐναρθεῖν μέλας ὕδωρ.

Hæc omnia non cōueniunt Thracij Bospori Cyaneis. Nam Homerus Poëticè alterum auget scopulorum illorum: attingere cælum acuto vertice adumbrato perenni nube, illumque ascendi non posse tradit. At Cyaneæ insulæ Thracicæ ascendi possunt: littora verò circumuicina, si Cyaneæ petræ sunt existimandæ, nullis pedibus, nullisq; manibus ascendi possunt. Nam quod dicit in illo scopulo Siculo speluncā esse ex parte Oc-

cidentis, in quam abduntur Scyllæ pisces, Bospori Cyaneæ insulæ speluncas quidem habent, sed ex parte Orientis & Meridiei, in quas subeunt pisces etiam Delphini. At canes Charcariæ, qui Lamia, & Scyllæ nominantur, illuc non subeunt, propterea quod pontus Euxinus feris piscibus frequentari non soleat, nisi Delphinis & Phocænis, vidi tamen canem Charcariam omnium maximū, quos vnquam viderim captum apud muros Byzantij: sed is adeo rarus illic videtur, vt tanquam monstrum spectaretur, à nulloque piscatore cognosceretur. Vestigia aræ Apollinis, quam Dionysius tradit Romanos statuisse supra Cyaneas, nulla iam extant, nisi serobiculi, seu fossulæ excauatæ in petra secundæ vertice, vbi etiamnum extat columna marmorea, cuius basis, in qua inscriptio continens nomen C. Cæsaris incisa literis Latinis exesa est temporis vetustate. Existit marmoris cædidissimi alta circiter sex dodrantes, & sex digitos, cuius perimenter complectitur novem pedes, & semissem mediā. Basim cingit vitta laureata flexuosa, modò sursum versus, modò deorsum. Ex medio flexus quadruplicis vertice appensum est caput bubulum, in medio aliorū quatuor flexuum incisi sunt circuli, in quorum vno est effigies quadrupedis, in altero Solis imago: in tertio radiorum decussis: in quarto vergente ad Aquilonem nihil expressum est. Columnæ scapus non respondet magnitudini spire, nempe illius perimenter sex pedes circumplectitur: summus scapus habet apophygem, & astragalum partim exesum: Capitulum tamen Corinthium integrum existit. Basim existimo reliquias aræ Apollinis cum ex vittis laureatis, tum

tis, tum ex candore marmoris. Aræ enim solitæ erant fieri ex marmore candido, quæ non facta videtur ad hanc columnam sustinendam, sed ex aræ euersæ reliquiis iterum hanc excitasse Barbaros in honorem Cæsaris. Similiter, vt Arrianus scribit, Trapezuntios Adriani statuam statuisse ex marmore aspero factam, inscriptionemque depravatè incidisse.

LIBER TERTIVS.

De scopulo nuncupato Colona, & de Rhebante flumine.

CAPVT I.



HVC VS QVE de littore Bospori Europeo, & de Cyaneis Europeis, quas, priusquàm nactus essem Anaplum Dionysij, præceperam ex Strabone tradente Cyaneas petras esse duas insululas in pōti ostio sitas, alteras vicinas Europæ Continenti, alteras Asiæ. Europeas facilè deprehenderam, ex eo, quòd solæ sint in longissimo tractu littoris Thracici: at Asiaticas cognitu longè difficiliores expertus eram, ob multitudinem scopulorum: quos cùm ex vertice Cyanearum Europearum intuerer, discernere à Continēti non poteram, nisi duos Cyaneis Europeis oppositos ab ortu æquinoctiali distantes circiter sexaginta stadia. Eos igitur propiùs, vt explorarem, ad nauigare aggressus, repentina maris tempestate ex medio cursu reiectus sum ad fanum Iouis, vnde pedibus per saltus desertos & malè fidos accessi ad ipsos scopulos mihi ex vertice Cyanearum antè prospectos, quorum alterum situm vltra

Rhebantem amnem circiter tria miliaria Græci huius
 ætatis nominant Atroparion: alterum situm inter Rhe-
 bantem & Bosporum appellant Crommyon, is mihi po-
 tius Cyanea Asiatica videbatur ex Orpheo & Apollo-
 nio, tradentibus statim post Cyaneas Rhebantem flue-
 re in pontum: sed quòd esset ultra promotorium, quod
 fauces Bospori stringere incipit, mihi nonnullam du-
 bitationem afferebat: verùm eam extenuabat Diony-
 sius orbis conscriptor, cùm ait: ῥήβας πόντιο πρὸς σωματεῖον
 ὁρῶν, quòd πρὸς interpretarer apud, non autem prope,
 vt interpretandum esse postea cognoui. Quamobrem
 diligenter hunc scopulum sic considerare cœperā ob-
 rotundum esse & similem τῷ λεγόμενῳ, cuius ex forma
 piscatores putant appellatum, eius complexum ambi-
 re circiter quatuor stadia. Fastigiū planum habere fen-
 sim in cliuos deuexum, eiusdémque latera vndique sa-
 xea ab Oriente quidem & septentrionibus prærupta &
 directā, vt ascendi nequeant. At ex Meridie & Occasu
 mitiora, & quæ ascensui pateant: denique totus saxeus
 est, etsi iugum herbas habet, in quo vestigia videntur
 antiquorum ædificiorum. Cùm est magna maris tem-
 pestas, vndique mari clauditur, & à Continenti separa-
 tur Euripo centum sexaginta passuum: cùm est tran-
 quillitas, Euripus exsiccatur, & velut ceruix fit, qua ad-
 necitur Continenti, tota fabulosa, larga octoginta pas-
 sus, longa centum sexaginta: inde ora maritima plana
 & fabulosa, apta panagris retibus, longa paulo amplius
 duobus miliaribus excurrit vsque ad promontorium,
 quò littus tendens ad occasum ferme æquinoctialem,
 flectitur ad occasum brumalem. Vbi hunc scopulum
 ita

ita explorassem, profectus sum ad Rhebantem, vt viderem amnem nobilitatū à tot antiquis nobilibus scriptoribus. Is enim à Dionysio Alexandrino Rhebas nominatur, ab Orpheo Rhebanus, ab Apollonio Rhodio nunc Rhebas, nunc Rhebeus appellatur, iam à Græcis etiam agrestibus vocatur *ῥήβας*, quem Arrianus tradit distare à fano Iouis Vrij nonaginta stadia. Nonne auersus à Musis essem, si instituto nostro operi tam vicinū fluuium præterirem, quem prætermisiss maioribus fluminibus tot illustres scriptores honorificè commemorarunt? Dionysius quidem scribit eius aquam amabilem & pulcherrimam esse. Eiusdem nomen tribus versibus continuis ter repetit, velut esset amnis magno sermone dignus, eū sit paruus, cuius ostium parua duntaxat nauigia in statione admittit: non longè ab eius fonte Rex Othomanus hortos diligenter cultos habet. Ille enim oritur in Bithynia inter pontum Euxinum & Propontidem. Itaque fit, vt nisi expertus essem in multis Eustathium nihil solere scribere de suo, sed ex alienis authoribus, valde mirer, vnde acceperit Rhebātem manare ab Olympo Mysio, cū inter fontē Rhebantis, & Olympum duo Propontidis sinus intercedant, nimirum Astacenus & Cioticus, neque eos sinus circuire vidi. Nam ab intimo sinu Astaceno per planitiē vtrinque montibus clausam profectus ad Sangarium, nullum inueni amnem ab Olympo ad pontum penetrare, neq; inter Cioticum sinum, & lacum Ascanium, quem hodie Nicænum appellant, altissimis intercedentibus montibus, nullis vallibus à ponto ad Olympum penetrantibus præter eam, per quam delabitur Sangaris. Sed
quid

quid longinqua repeto, cum Rhebantis fons non multa miliaria distet à suo ostio. Iam Rhebante & scopulo Crommyo perlustratis coniectabam Crommyon esse Cyaneam Asiaticam, cum nondum ullum alium ex Europa intuens scopulum Asiaticum deprehendissem mari circumdatum. Sed Apollonius Argonauticæ profectionis verus explicator meam coniecturam infirmavit, introducens Phineum alloquentem Argonautas. Ita enim inquit Phineus,

πέπρας μὲν πᾶμπρωτον ἀφορμιδόντες ἐμέοισι,
 Κυανέας ὅτε δὲ δύνω ἄλσος ἐν ξυνοχῇσι,
 Ἀντίκα Βιθυνῶν ὑπὸ δεξιᾷ γαίᾳ ἐχόντες,
 Πλώττε θυγμῖνας πεφουλαγμένους ἐσοίεσθαι αὐτὲ
 ῥήβαρ ὠκυρόν τε πῶτα μὲν, σκόπελόν τε Κολώνης.

Idem paulo infra narrans, ut Hercules superavit Mygdones à Billæo flumine ad Rhebæum flumen, sic ait:

ἐπὶ ῥηβαίᾳ περὶ πῶτα μὲν, σκόπελόν τε Κολώνης.
 Ex quibus perspexi Colonem esse scopulū, quem corruptè vulgò appellant Crommyon, quasi Colonem scopulum verè Κολωνοειδῆ. Præterea circa Lycum flumen est promontorium nuncupatum Κολώνη, sed à Rhebano longissimum, cuius meminit Nymphis in tractatu suo de Heraclia pōtica. Cum igitur ex Apollonio viderem à Bosporo nauigantibus ad Rhebantem Colonem esse in aperto mari post Cyaneas, quas in angusto idē ostio ponit, conscendi lembum, paratus scrutari totum litus vsque ad fanum Iouis: sed iterum improvisæ tempestates sæuire cœperunt, ut Arpyæ immissæ viderentur, nescio quo fato nolentes Cyaneas mihi aperiri, at adeò furiosæ: ut aliquot remis amissis lembi, qui agebatur cir

tur circiter viginti iuuenibus regiis seruis redeuntibus ex regio horto, quem antè dixi situm esse prope fontem Rhebantis crebra & lamentabili voce Dei nomen exclamantibus inundatus & omnia passus, quæ ad Cyaneas Argonautæ passi traduntur, vehementiorèq; metu affectus, ut qui carerem Typhi gubernatore, & Minerva directrice Argous, & Phinio vate: remiges enim peritiores erant plantandi olera, quàm dirigendi nauigium. Ego nullo Phineo præmonitus illuc accesseram comite Turco imperito non modò maris, sed etiam itineris redeundi eò vnde veneramus, redire coactus sum ad Rhebantem, tùmque præteriens scopulum Coloneum timidè aspiciebam, vndique fluctibus tempestatis circumdari, fluctusque vsque ad verticem Colonei scopuli exilire. Itaque ad Rhebantem reuerfi, in littore frigido pernoctauimus madidi, nò sine metu, non modò Barbarorum vicinorum: sed etiam seruorum regionum, quos premiis adduxeram ad mare conscendendum: nequid irati tentarent, sed pecunias quot habebam, dedi, ut oxygalam, quæ illic in littore agresti sola inueniebatur, emerent, qua permulsi placatque iram continuerunt. Postridie manè cum nondum insanire desinerent tempestates, pedibus redij ad fanum Iouis, inde Byzantium: post verò aliquot dies, cum mare tranquillum esset, rursus nauigavi ad fanum, à quo vsque ad Rhebantem totam oram maritimam perscrutatus, inter scopulum Coloneum & fanum deprehendi scopulos mari circumdatos circiter quinque, quorum proximum promontorio, quò littus stringens latum pelagus, in angustum fretum Bospori tendens ad Aquilo-

A

nem flectitur ad ortum ferè æquinoctialem. Iam priusquam incidissem in Anaplum Dionysij, iudicaueram esse Cyaneam Asiaticam, sed falsò, si recte scribit Dionysius hunc scopulum appellari, Pyrgon Medee. Hunc meum longum & laboriosum errorem, quo diu erraueram cum errantibus Cyaneis, profiteri volui, nequis seducatur scopulo Coloneo mihi quidem molesto, sed fortasse futuro cuipiam iucundo ob Colonæ & Rhebantis cognitionem: quibus cognitis facilius Cyaneæ initiūque Bospori cognoscentur. Comite tamen Dionysio Byzatio, sine quo difficilius cuius est Bosporum aperire, quàm Iasoni sine Phineo. Quare ad Dionysiu redeo, quem reliqui apud Cyaneas Europeas.

De promontorio Ancyreo, & de anchora Iasonis.

CAPVT II.



ANCYREIS, inquit Dionysius, ad Orientem multus pontus patet in terminum aspectu incomprehenso, & non percepto oculis, vastum. Visionis nescio maior ne voluptas, an admiratio. A Meridie autem est promontoriū claudens pulchrum ponti ostium, & magnum pelagus, & apertum astringens in fretum angustum. Ex Cyaneis Europeis traicienti in Asiam primū quidem est promontorium nuncupatum Ancyreū: ab hoc enim aiunt lapideam anchoram accepisse nauigantes cum Iasone vatis admonitu, eidemque promōtorio nomen dedisse Ancyreū. Quàm illustris fuerit Iasonis nauigatio, tum permultis aliis nobilissimis orbis terrarum monumentis expressum attestatūque habetur, tum anchoris ad omnem

omnem posteritatē illustrissimis, quæ etsi lapideæ sem-
piternam memoriam reliquerant, non modò iis locis,
vbi vetustæ relictæ sunt, sed etiam illis, vnde nouæ ac-
ceptæ fuerant, cuiusmodi hæc, quæ promontorio An-
cyreo nomen imposuit, ex eo, quòd hinc sumpta fue-
rit, mihi quidem certè, veterem: quam ex Cyzico sum-
pserunt, in promontorio Ancyreo relictam fuisse, no-
ménque loco peperisse verisimilius videtur, quàm no-
uam, quæ à Poëtis duntaxat sumpta fuisse à Cyzico: re-
licta verò Cyzici exesa temporis vetustate celebratur
ab Apollonio tradente anchoram lapideam propter
vetustatem mari corrosam soluentes ex portu Cyzici-
no Argonautas reliquisse in Artacio fonte, atque alte-
ram sumpsisse, Milesiósque ex Attica in Cariam & Phry-
giam coloniam deducētes ex fonte Artacio tollentes
consecrassē, & dedicassē templo Cyziceno Iasoniæ Mi-
neruæ: de qua Plinius. In oppido, inquit, Cyzici est la-
pis fugitiuus appellatus, Argonautæ eo pro anchora vti
ibi reliquerant. Hunc è Prytaneo, ita vocatur locus, sæ-
pe profugum fixere plumbo: hunc ipsum arbitror aut
huic similem, illum, quem tradit Dionysius fuisse By-
zantij. Paulò, inquit, supra mucronem promōtorij Bos-
pori, in quo Byzantium situm est, ara Mineruæ Ecbasia
existit, in loco, ad quem egressi coloniæ deductores con-
festim pugnarunt, tanquam pro patrio solo. Idem Dio-
nysius addit prope templū Mineruæ Ecbasia lapidem
in mare eminentem, quem Byzantinis in locum orna-
torem supra stadium transferre conantibus non per-
misisse se transferri, siue quòd amaret locum mari vi-
cinum, siue quia ostenderet parui momenti esse pietati

diuitias. Hic lapis, ut fuit Byzantij prope aram Miner-
uæ Ecbaſiæ: ita ille Cyzici prope templū Apollinis Ec-
baſij. Cū enim Argonautæ extra urbē appuſi eſſent,
Cyzicenorum inuitatu nauem appulerunt in portum
urbis interiorē, ubi Argonautæ Apollini Ecbaſio a-
ram erexerunt à nauis egreſſu in Dolioniā: id templum
Deilochus appellat non Ecbaſij, ſed Iaſonij Apollinis.
Iam verò anchoram, quam tradit Argonautas accepif-
ſe à promontorio Boſpori Ancyreo, exiſtimo eam eſſe,
quam Argonautæ reliquerant ad Phaſim, de quo Ar-
rianus. Phaſim, inquit, ingredientibus in ſiniſtra parte
demonſtratur anchora Argous nauis ferrea, quæ non
mihi videtur antiqua, etſi eius magnitudo non eſt ea-
dem, quæ nunc eſt anchorarum, & figura aliquo modo
immutata eſt: tamen recentior eſſe videtur ætate Ar-
gonautarum. At lapideæ alterius anchoræ fragmenta
antiqua monſtrantur, quæ potius coniicio reliquias eſ-
ſe illius anchoræ Argonauticæ. Hæc quidem Arrianus.
Vnde autem colligam reliquias anchoræ Phaſianæ eſ-
ſe illius, quam ſumpſerunt à promōtorio Ancyreo Boſ-
pori, proſectò non aliunde, quàm à nobilitate ſcripto-
rum: qui ſi inter promontorium Ancyreum, & Phaſim
commemoraffent. Iaſonem anchoram, vel accepiffe,
vel reliquiſſe, non defuiſſet poſteris locus celebratus no-
mine anchoræ Iaſoniæ, ut non defuit quercui Maria-
næ, Poëtæ ingenio ſata, quam, ut Cicero ait, cū tem-
peſtas, vetuſtāsve conſumpſerit: tamen erit in his locis
quercus, quam Marianam vocabunt. Anchoras Iaſo-
nis quanuis vetuſtas conſumpſit, tamen literarum mo-
numentis & locorum permanent. Iam ſinum, quem
claudit

claudit promontorium Ancyreum, vulgus Græcorum appellat *αἰὶς σιδήρεος*, ex eo fortasse, quòd ibi aliquando fuit ædes diui Sideri, quem nautæ venerantur, vt sacram anchoram, quam idem vulgus appellat *σιδήρεον*. Antiquissimis heroicarum ætatum temporibus vsos anchoris lapideis fuisse incredibile videri non debet, cùm nostra ætate multæ nationes, non modò in vltimis terris nuper cognitæ sitæ, sed etiam in recessu intimo Arfinoitico sinus Arabici, non modò anchoris lapideis Arabes Aethiopésque, sed etiam nauibus omnis ferri ex partibus nauigent: quas, cùm essem in portu (quem Arabes nunc vocant Tor, Græci verò Rhaithon, coloniâ Rhaithynorum populorum felicitis Arabiæ, distantē à monte Sinæo iter circiter duum dierum) perspexi onustas diuitiis Arabicis, nullis clavis ferreis compactas, sed tabularum coniunctissimis commissuris colligatas funiculis, rhésinâque imbutas odorata, quam ex arbore thurifera manare aiebant, totamque nauem ex vno genere arboris factam esse, ex qua nascitur nux indica, nimirum omnia membra nauis, atque adeò armamenta, vt funes, vt vela, quæ ex illius foliis scitè contexta dicebantur. Hæ naues valde capaces nullis transtris tectisq; impeditæ sunt, quibus prorsus carebant, vt carent carbæ nuncupatæ, quibus Aphricani vtuntur, qui accolunt Syrtes, circundantes Lotophagiam Insulam, nunc vulgò nominatam Gerbê, ærumnosæ peregrinationis meę diuturnæ clausulam tragicā, vbi grauiora passus sum, quàm socij Vlyxis apud Lotophagos. Illi enim voluptatibus Lotophagorum deliniti retinebantur, ego in lugubri scrobe funestorum pyratarum diu retētus, nulla

A 3

spe redemptionis proposita, neque vitæ liberari potui periculo, nisi dissidio Barbarorum, quo Insula capta, & pyrata, qui me ceperat, in vincula coniecto, Dei optimi maximi benignitate hæc nostra de Bosporo commentaria refarcio, quæ pyrata à me antè longè accuratiùs elaborata me verberibus coëgerunt, vt distraherem, in marèque proiicerem, quamlibet diu prece & præmio proposito eos reuocare conarer, ne me in mea uiscera sæuire cogerent. Quale autè sit promontorium Ancyreum, & quo nomine appelletur, iam explicemus. Panio promontorio Europeo contrarium Asiaticum promontorium Græci nostræ ætatis appellant *Ἰωάννου*, totum saxeum ab imo ad summum existit, arduum & directum, vt murus, exceptis duobus locis depressis, in quorum altero est fons sacer virgini Panagiæ. Ad hoc quidem promontorium à Bosporo venientes, postquam accesserunt, repente vident se exire ex angustiis in mare apertum, in omnes partes interminati aspectus. Venientes verò à Rhebante flumine, huius promontorij mucronem prætereuntes, vident latum mare redigi in angustum recessum, ab Occasu quidem Panio, ab Oriente verò *Ἰωάννου*. Hæc enim duo promontoria primas Bospori fauces inchoant, similes sinui accedenti ad formam trianguli crassi, & inæqualis, cuius ex lateribus longis circiter viginti stadia, alterum directius efficit littus Asiaticum, pergens à vertice anguli occiduo ad Basim aquilonarem: latus verò, quod efficit littus Europeanum obliquiùs, pergit à Meridie ad cardinē septentrionum, ex intimo sinu efficiente verticem trianguli. Os ponti stringitur velut in collum latum plus minus sex stadia, in quo

in quo est Myrelium, velut in anguli vertice: Basim verò efficientes duo anguli, seu potius duo cornua existunt promontoria Panion & Psomion: hoc ipso littus procurrens ad Aquilonem, flectitur ad Solis ortum fere æquinoctialem, illo à Meridie ad mundi cardinem arcticum procedens incuruatur ad Solis occasum. Iam cum ex antedictis, tum ex eo, quod inter scopulū nuncupatum Colonē, & primas freti Bosporici fauces nullum intercedit promontorium: sed duntaxat littus rectum, planum, sabulosum, patet Ἀνκύριον esse Ancyreum promontorium, quod ab Oriente, ut ipse notaui, ut verò Dionysius ait, à Meridie claudit pulchrum os ponti, & ex magno pelago & aperto cogit mare in fretum angustum, inde Dionysius addit.

De Pyrgo Medæ, & de insulis Cyaneis Asiæ.

CAPVT III.

» **P**OST, inquit Dionysius, promōtorium An-
 » cyreum est Pyrgos Medæ Colchidis petra
 » rotunda, in directum tumulum elata. Ultra
 » Pyrgon Medæ Insula existit, quæ maris per-
 » turbati fluctibus obruitur: tranquillo mari manifesta
 » apparet. Huius extremas partes & Cacumina, Cyaneas
 » nominarunt, ne secundum Asiam natura expers esset
 » Insularum, & fabula fide careret, tradēte Cyaneas olim
 » inter se concurrisse, Symplegadēsque à re, quæ accidisset,
 » nominatas esse: inde stationem firmā habere apud
 » vtranque continentem ad vadum maris suis radicibus
 » adniteses fato, in vtranque partem separationis ser-
 » uantes fidem. Hæc quidem Dionysius. Promōtorio An-
 » cyreo

cyreo cingitur ab Aquilone sinus à Græcis nuncupatus diui Sideri, in quem medium influit riuus omni anni tempore perennis, qui exile ostium etsi ea magnitudine fluens habet, qua dixi Myrleanum fluere: tamen interius paulò supra ostium habet alueum magnum & plenum ob planitiem leniter resupinam, per quam mediam delabitur in huius sinus latere, quod efficit promontorium. Ancyreum est scopulus in quatuor petras diuisus supra aquam, quæ subter aquam radices coniunctas habent, separatae quidem à Continenti breui Euripo, saxis crebris referto, per quæ velut per gradus, cum est mare tranquillum, siccis pedibus Euripum intercidentem inter scopulum, & Continentem transitus patet. Cum autem sunt maris tempestates, fluctibus circundantur quatuor petrae, in quas dixi scopulum diuisum: quarum tres humiles prorsus submerguntur, media verò excelsior Cyaneis Europeis in acutum verticem fastigiata, subrotunda vsque ad fastigium fluctibus quidem aspergitur, sed non obruitur vndique præceps, & directa. Ab Ortui & Meridie eius fastigium sensim proiicitur, vt consistentes iuxta imam ipsius crepidinem proiectione velut tecto protegantur à pluuiâ. Non patet in eiusdè vndique præcisâ fastigium ascensus, nisi difficulter à Septentrione expeditus manibus, pedibusq; nitens sursum irrepit, non fuisse: aliquando diuisum hunc scopulum in quatuor petras indicant ruinae saxorum circumiacentium: ex quibus mihi priusquam incidissem in Dionysij Anaplum, hæ videbantur Cyaneæ Asiaticæ. Sed ex Dionysiana descriptione nulla petra tam propè accedit ad Pyrgon Medæ, quam huius

huius scopuli petra Medea. In sinus iam prædicti latere meridiano prope littus visuntur speluncæ faxeæ, bene penitus concauæ multitudinis capaces. Deinceps subsequitur sinus iam à Græcis appellatus Ampelodes, à vitibus agrestibus ibi sua sponte prouenientibus, quem ab Aquilone cingit promontorium, cingens à Meridie sinum diui Sideri. In sinu Ampelode existunt duo scopuli toti faxei, inter se aliquanto spatio diuisi, quorum magis aquilonaris, ac remotior à Continenti excelsus non est, vt qui in magnis tempestatibus obruatur mari. Hic vsque adeò frequentatur laris, mergis, fulicis, vt totus ex illarum stercorebus albescat, procul cernens: vt niue tectum ipsum putet. Alter scopulus similiter totus faxeus, altior quidem, sed littori propinquior, vt qui breui Euripo à Continenti diuidatur, cum est tranquillitas maris: at cum tempestatibus mare concitatur, fluctuum accessu obruitur, deinde verò recessu aperitur. Post promontorium à Meridie cingens sinum, Ampelode consequitur scopulus, vndique mari semper circumdatus, faxeus, quem nautæ appellant Calogream, à forma mulieris monachæ. Concauus existit ex parte Occidentis, inde non longè sequuntur scopuli faxei sitii prope latus aquilonare promontorij claudentis sinum, appellatum Dios sacra. Ex his quinque scopulis antè commemoratis, sine vlla dubitatione vnus est insulula illa Cyanea Asiatica, quam Strabo designat, cum inquit, duas insululas esse in ore ponti Euxini, Cyaneas appellatas: alteram adhaerentem Europæ, alteram Asiæ, Euripo viginti stadiorum inter se disiunctas. Dionysius Byzantius, vt antè dixi, primum scopulum demonstrat.

B.

esse turrem Medæ. Itaque ex Dionysio vnam ex reliquis quatuor scopulis oportet Cyaneā esse Asiaticam. Equidem ipse, nisi Dionysij autoritas intercederet, etiam nunc relaberer in eundem errorem, in quo me fuisse antè professus sum, nempe Pyrgon Medæ esse Cyaneas Asiaticas, cūm ex eo, quòd scopulus Medæ similior longè est Insulis Cyaneis Europæis, & è regione magis contrarius, tum maximè ex eo, quòd Apollonius non minus verus locorum conscriptor, quàm egregius Argonautarum Poëta, pontum latum videri ait vtrunque apud Cyaneas. Sic enim Græcè scribit,

Ἡδὲ δ' ὅ γ' α καὶ γὰρ διπλαῖς εἶδετο πόντος.

Similiter Dionysius orbis cōscriptor à Cyaneis inquit:

οἰγόμενον περὶ πέπλῳ πόντος πολλός

ἔστω, καὶ πολλόν αὖτ' ἀναδελὸς μυχόν

ἔρπων. --

Idem consentit Dionysius Byzantius, latum mare cūm dicit, aperiri promontorio Ancyreo. Antè monstraui turrim Medæ esse, iuxta radicem promontorij Ancyrei. At ex reliquis scopulis, qui deinceps consequuntur, non vtrunque latum mare aperitur, etiam si ex horum verticibus oculos in omnes partes intenderis. Littus enim Asiaticum nondum curuatum ad Solis ortum, impeditur promontorio Ancyreo, quo minus ab his scopulis latum vtrinque mare prospiciatur. Adde, quòd ratio Cyanearum, quam describit Apollonius, ceterique scriptores, magis conuenit Pyrgo Medæ, quàm reliquis scopulis. Fluctibus enim magis verberatur, vt magis septentrionibus patens. Præterea in quatuor petras diuisus vndique circundatur saxis proiectis ex ruinis,

nis, quas aliquando edidisse videtur vel terræ motu, vel tēporis vetustate, vel, vt Poëtæ aiunt, ex concursu Symplegadam. Hunc enim in quatuor petras diuisum conuenientiùs videtur appellare Cyaneas, vt omnes antiqui appellant in numero plurium, quàm quemuis ex cæteris scopulis singulis vna petra constantibus. Sed de his relinquo liberum iudicium omnibus his, qui post me diligentius Cyaneas peruestigare conabuntur.

De promontorio Coracio, & de Pantichio, & de scalis nuncupatis Chelis.

CAP. IIII.

PROMONTORIUM, quod à septentrionibus cingit sinum, vulgò nuncupatum Diossacra, ex eo arbitror, quòd olim ibi aliqua Iouis, vel Neptuni alterius Iouis ara extiterit, vndique præceps & saxum est, longum circiter sexcentos passus. Cuius dorsum angustum, in quo olim ara aliqua statuta esse potuit vel Iouis, vel Mercurij, vt nunc in eo videmus cumulos lapidum, quos Hermas appellare possis, exaggerata ad indicandam viam nautis. quauis in hoc medio sinu, ex quo paucis antè annis effossa sunt ædificiorum fundamenta: esse potuit ædes vel Iouis, vel Neptuni. Hic sinus situs è regione sinus Myrleani, cingitur à Meridie promotorio, etiam nunc appellato Coracio, toto saxeo: ex eo, vt dicunt Græci huius ætatis, quòd Corui in ipso nidificare solent: positum est contra promontorium Europæ, quod claudit portum Ephesiorum. Inter hæc duo promontoria, nonnulli piscatores dicunt fretum Bospori, tam angustum ferè esse, quàm inter fana. Iam verò in sinu, quem ab

B. 2.

Aquilone claudit promontorium Coracium, locus est nominatus à Græcis, mancipiū affirmantibus ibi olim fuisse furnum, quem vulgus Græcorum nominare solet mancipium, ignorantium locum hunc olim appellatum fuisse Pantichium, vnde ipsi à vicinitate nominis detorserunt in mancipium, id quod ex Dionysio ostenditur, cū ait: Post Cyaneas esse promontorium Coracium, & latū littus, cui nomen *παλῆχιον* ab extruptione fossarum, omnem hunc locum ambientium. Duo Pantichia scriptorum monumentis celebrantur sita in ora maritima Chalcedonis, vtrique Byzantij suburbana, vtrique pari spatio distantia Byzantio: quorum alterum paulò antè commemoratum est iuxta Bosporum situm inter Coracium promontorium & fanum Iouis: alterum inter promontorium nuncupatum Acritas à Menippo in periplo Bithyniæ & Chalcedonē positum iuxta Propontidem, quod nunc frequentem vicum habet etiam nunc à vulgo Græcorum Pantichion nominatum, in quo antiqui muri visuntur valde crassi, indicantes olim ibi castrum permunitum, recteq; *παλῆχιον* appellatum fuisse. Huius meminit Antoninus Pius in suo itinere. Sic enim inquit: A Cōstantinopoli ad Chalcedonem traiectus in Bythyniam M. P. IIII. à Chalcedonia vsque ad Pantichion M. P. XV. Vtrum ex his duobus Pantichiis sit illud, de quo Sozomenus ita scribit? Hi, qui à Rege Valente iussu erant Ioannis Baptiste caput ferre ex Cilicia Constantinopolim, cū ad Pantichium venissent locū Chalcedonis, non vltius progredi poterant: ex quibus percipitur id Pantichium esse iuxta propōtidem, quòd sit hoc situm in via eorum, qui à

qui à Cilicia veniūt Constantinopolim. Procopius scribit Belisarium possedisse fundum in Pantichio suburbano Byzantium, id an alterum ex utroque predictorum: etsi alterum, utrum ex his: afferam illa, quæ ex libro tertio Procopij de bello Gothorum vertere omisit interpres, cum ad cognitionem locorum, tum maxime ad cognoscendam necessaria fortunam Belisarij, quam Tzetzes ignorasse videtur secutus opinionem vulgi. Sic enim scribit Procopius. Cum Belisarius à Iustiniano reuocatus esset, substituto Narsete eunuchō rediit Byzantium, ubi reliquam vitæ egit, magna diuitiarum facultate præditus, vir spectatus & mirabilis ob secundas antea res gestas & felicitates, quas ipsi, priusquam in Libyam duxisset exercitum, signo non obscuro dæmonium præsignificauerat. Signum fuit huiusmodi. Belisario prædium quoddam erat in Byzantium suburbano, quod Pantichium nominatur. situm enim est in Continenti Byzantinis transmarina. Paulò antequam exercitum Belisarius in Libyam duceret contra Gelimærem, euenit, ut vites illic ubertate vuarum redundarent, earumque vino dolia ministri Belisarij cum impleuissent, eaque in cella vinaria reposuissent, & defodissent subter terram, diligentèrque argilla obstruxissent, res mira accidit. Post enim octo menses vinum in doliis quibusdam ebulliens, argillam perripuit & distraxit, qua dolia obstrueta erant, & superfluens adeò multum effluxit, & terram vicinā diluuiè obruit, ut lacum magnum in cellæ solo effecerit, quem ministri Belisarij, ut viderunt, valde admirati, multas amphoras ex vino effuso impleuerunt, iterumque cum illa dolia ob-

struxissent argilla, rem, quæ acciderat, primò siluerunt. deinde sub idem tempus cùm hoc sàpe factũ animaduertissent, ad possessorem fundi retulerunt: is necessariis multis, quos accersuerat, monstrauit eà, quæ accidissent. Illi ex illo signo coniecturam ducentes, prædixerunt magna in hanc domum bona ventura esse. Ex quibus perspicitur falsum esse, & planè de fece plebis haustum, quòd Tzetzes nobilior Grammaticus, quàm certior Historicus in suam retulit variam historiam. Cùm narrat Belisarium magnum exercituum ducem Iustiniani temporibus extitisse, eumque, postquàm ex triplicis orbis parte victorias reportauisset, inuidia excæcatum fuisse, poculúmque ligneum tenentem in foro clamauisse apud miliarium aureum: Belisario obolum date exercitus duci: quem fortuna illustrem fecit, inuidia excæcauit. Procopius quidem in libro nuncupato *περί τῆς ἀνεκδοτῆς*, quem scripsit cōtra Iustinianum Regem, & Theodoram Reginam, contráque Antoninam vxorem Belisarij narrat, vt Belisarium Theodora spoliasset permulto auro dissimulâte Antonina, quam Belisarius oderat ob peruulgatum adulterium, professum postea se fore Antoninæ non virum, sed mancipium, iterum in Italiam exercitus ducem missum, sese iterum pecuniis expleuisse, *ἐλοχήμεν*que habitũ fuisse: inde benè nummatum rediisse Byzantium, vbi, vt antè narrauimus, reliquũ vitæ vixit. Illud Belisarij prædium fuisse potius in Panticchio Propontico quàm Bosporico coniicio, ex eo, quòd Proponticũ in agro amœno, ac vini feraci & cæterarum rerum: at Bosporicum est in littore confragoso præruptoque, & longè minus amœno.

amceno, & vineris inepto. Tum nonnihil coniecturæ illud affert, quod non longè à Pantichio Propontico aliud prædium Belisarius haberet nuncupatum Rufinianas, quod fuisse in itinere proficiscentium Byzantio Nicomediam colligo ex Procopio, cum ait Antoninam Belisarij vxorem proficiscentem ad Belisarium bella contra Persas gerentem soluisse Byzantio, mansionemque primam fecisse in suburbano, quod appellaretur Rufinianæ, idque prædium fuisse Belisarij. Rufinianas aliquando appellatas fuisse Dryin tradit historia incerti quidem authoris, sed antiquis literis exscripta. Verùm redeo ad Dionysij Anaplum, vnde digressus sum. Pantichium, inquit, Chelæ sublequuntur, quarum alteræ nominatæ à figura, alteræ ab aliis rebus appellantur. Inter Pantichium & fanum Iouis, quod Dionysius post chelas ponit, nullæ nunc sunt chelæ, hoc est scalæ, neque moles, neque viæ frequentes, sed angustæ semitæ ob impendentem mōtem excelsum, ex quo descendendi in littus nulla causa videtur, cum illius radices oram maritimā attingant. At chelas olim fuisse patet ex Dionysio, quas non ob aliā causam ibi fuisse suspicari queo, quàm ob fanum proximum vel Iouis vel Neptuni, vel ob aliorum deorū aras, quas prope olim à Phryxo excitatos fuisse x i. diis infra ostendemus.

De fano Iouis, & Neptuni, & de aris duodecim deorum.

CAPUT V.

INDE subiungit Dionysij Anaplus. Post Chelas esse nuncupatum Hieron, hoc est fanum à Phryxo Nephelæ & Athamantis filio ædificatum,

tum, cū nauigaret ad Colchos, à Byzantiis quidem
 possessum, sed commune receptaculum omnium nau-
 gantium. Supra templum est murus in orbē procedens,
 in hoc est arx munita, quam Galatæ populati sunt, ut
 alia pleraque Asiæ. Possessio autem fani controuersa
 fuit, multis ipsam sibi vendicantibus ad tempus mari
 imperatibus, sed maximè omnium Chalcedonij hunc
 locum sibi hæreditarium asserere conabantur: verum-
 tamen possessio semper remansit Byzantiis olim qui-
 dem ob principatum & domesticū robur: multis enim
 nauibus mare possidebant, rursus verò cū emissent à
 Callimede Seleuci exercitus duce. Hæc quidem Dio-
 nysius de fano. Polybius verò ait Prusiam locum natu-
 ra munitissimum, & supra ipsum ponti ostium situm
 fanum nominatum cepisse, quod Byzantij non multo
 antè ingenti pecunia mercati fuerant, opportunitate
 loci pellecti, ne quam commoditatem alicui relinque-
 rent in pontum, vel ex ponto nauigandi, nisi id cum By-
 zantium voluntate faceret. Verum Prusias postea By-
 zantiis fanum reddidit, itémq; ligna, tegulas, laquea-
 ria, quæ ex fano exportauerat, restituit. Póponius Mela
 non à Phryxo cōditam, sed à Iasone tradit. Apollonius
 scribit Argonautas cum Iasone nauigātes ad Colchos,
 in littore Asiatico, quod etiā nunc appellant *ἰσπὸν*, aram
 constituisse duodecim diis, in eaque sacrificasse. Poly-
 bius similiter tradit Iasonem in hoc loco litasse duode-
 cim diis, sed cū rediret à Colchis. Hi enim sunt duo-
 decim dij: Iupiter, Iuno, Neptunus, Ceres, Mercurius,
 Vulcanus, Apollo, Diana, Vesta, Mars, Venus, & Mi-
 nerua. Diodorus Siculus similiter dicit Argonautas re-
 deuntēs

deuntes ex Colchis, cum ad ostium ponti peruenissent, ad terram appulisse, cui tum imperaret Byzas, à quo Byzantium est appellatum, ibique aras excitasse, & precibus & votis deos veneratos locum consecrassè, quem etiam nunc præternauigantes venerantur. Timosthenes quidem dicit nauigantes cum Phryxo aras hinc posuisse duodecim diis: Argonautas verò aram cõstituisse Neptuno. Herodotus in ara scribit sacrificasse Argonautas, in qua Argos Phryxi rediens ex Colchis prius sacrificauerat. Mihi quidè verisimilius videtur, à Phryxo, prius aram duodecim diis excitatam fuisse, quàm à Iasone. Nam cum ex aula Phinei Iason soluisset sita in Europa, Apollonius dicit eum transiisse ad contrarium littus, vt ibi duodecim diis aram excitaret, cur in littore Asiatico potius quàm Europeo? Nō enim necesse erat ex Europa transire in Asiam, sed potius in littore Europeo, in quo erat, aram constitueret & sacrificaret duodecim diis, nisi admonitus fuisset in contrario littore Phryxum prius aram excitasse, in qua, vt ipsi quoque sacrificarent, Argonautę fas esse putauerunt, cum in Colchos proficiscerentur ad recuperandam pellem auream arietis, quem vnà cum pelle aurea Phryxus apud Colchos dedicauerat Ioui Phyxio. Nec mihi satisfacit Timosthenes, dum ait, Phryxum quidem excitasse aras duodecim diis, Argonautas verò Neptuno: cum Dionysius Byzantius dicat, Iasonem vatis iussu sacrificasse duodecim diis, vatis non nomen explicat: at explicant alij Glauci dei marini, Orpheique admonitis, alij iussu Phinei, qui vbi sacrificasset, & precatus esset Argonautis bonam nauigationem, non eos admonet ad co-

C.

lendum Neptunum, sed Iouem, quem Argonautis narrat cum omnium ventorum authorem, tum Ethesiarum: quibus flantibus Argonautæ retinebantur apud Phineum. Nauigantibus enim in pontum Ethesiæ vêtî contrarij existunt, qui in ponto sunt Boreæ, in Græcia Zephyri, Ethesiarum dies sunt quadraginta, vt Apollonius ait, vt Timosthenes, quinquaginta, incipiunt flare, cum Sol est in fine Cancrî. Flant autem per totum Leonem, & desinunt in media Virgine. Ethesis igitur interea, dum Argonautæ retinerentur, Phineus his explicat, vt Aristeus Ioui *ἱμνασίω* cum cæterorum ventorum, tum Ethesiarum aram erexit in Coö Insula, propterea quod Ethesiæ à Ioue dantur ad refrigerandos calores: vnde postea Cois lege sancitum fuit quotannis cum armis obseruare exortum caniculæ, ipsique sacrificare, à qua venti Ethesiæ flare incipiunt ad refrigerandam terræ siccitatem. Hæc narrantem Phineum cum audiissent Argonautæ, eos tradit Apollonius transiisse ad litus contrarium, vbi aram duodecim diis constituerent, eisque sacrificarent: ex quibus Iason videtur cum Neptuno, tum maximè Ioui Vrio sacrificasse, vt placaret Ethesias, ventosque secundos daret, vnde posteri fanum Iouis Vrij appellarunt, vt Arrianus, Menippus, Dionysius Byzantius. Sed an idem fanum sit Iouis, & Neptuni, & Dianæ: nam horum trium ponitur in ponti introitu ac si diuersa, an in eodem promontorio constituta fuerint, assequi possumus ex his, qui scribunt in hoc loco Argonautas aram excitasse, & litasse duodecim diis, inter quos Iupiter & Neptunus, & Diana: tum ex Ptolemæo cōicio, qui Iouis Vrij cum non meminit, neque

neque Neptuni, sed duntaxat promontorium Bithynię esse dicit iuxta Bosporum, in quo fanum Dianę esse dicit. Arbitror aut in eodem templo fuisse Dianam & Iouem, subsecutisque bellis Iouem ex introitu ponti sublatum, nomen reliquisse Dianę: aut si in eodem loco duę ædes fuerunt Iouis & Dianę, tamen nauigātes magis celebrasse Iouem, vt secundorum ventorum datorem. Neptuni templum fuisse in eodem loco, quo Iouis designat Plinius, cū non meminit fani Iouis, sed solius Neptuni ponit in ora Bospori. At clariùs Aristides in oratione Isthmīea. Omnes, inquit, illustrissimę & celeberrimę partes terrę Neptuno dedicatę sunt, in ponti enim introitu, vbi maris angustię strictissimę ex sese aperiunt mare ingens, & petrę Cyanę hinc nominatę sunt, & portę maris, quę prius clausę existimabātur, arę sunt Neptuni & templa. Quod si quis ex his Aristidis verbis dicat aras, & templū Neptuni fuisse ad Cyaneas, idque confirmare nitatur ex Apollonio & Dionysio orbis scriptore tradentibus multum mare & latum aperiri ex Bospori Thracij ore, vbi fama est Cyaneas petras inter se concurrisse: ad quas à Gręcis planctas nuncupatas profectus est Darius, vt pontum apertum & latum videret, vbi, vt ait Herodotus, in fano sedens contemplatus est pontum mirabilem: ac si præterea, quisquis ille fuerit, adiungat ex his sibi dubium videri, an fanum Iouis & Neptuni fuerint apud Cyaneas insulas. Illi respondeo, non modò ingentem pontum aperiri ex insulis Cyaneis, sed etiam ex fano Iouis, quod hodie ἱσπὸν Gręci nominant, atque adeò à loco Bospori penitiore & longè interiori à Cyaneis plus

quàm quadraginta stadia distant, quem Dionysius Byzantius appellat clauem ponti, vbi dicit pontum eminentibus promontoriis clausum incipere aperiri, nullo promontorio amplius impediēte verum aspectum maris, Symplegadasque fuisse olim flexiones variorum & multiplicium promonteriorum: itaque Aristidem non intelligere Cyaneas insulas, sed rupes ingentes ex utroque latere cingentes Bosporum, atque radices promontorii, vbi spectatur arx nuncupata fanum, cum ex antedictis colligere potes, tum ex eo, quod ait aras & templum Neptuni esse, vbi maris angustia strictissima sunt, Longè enim strictiores sunt ad fanum, quàm inter Cyaneas insulas, inter se distantes viginti stadia. At angustia apud fanum latiores non sunt quinque stadiis, Dariūque ex fano Iouis pontum longè lateque contemplari potuisse. Sed fac fuisse aliquod templum in Cyaneis insulis, in quo sedens Darius mirabilem contemplatus fuerit pontum: tamen cuius dei illud fuerit, non explicat Herodotus, neque Cyaneæ mihi capaces templi videntur, etsi Europeas Dionysius tradat habuisse aram Apollinis. Sed si templum aliquando in Cyaneis fuisset, quædam vestigia restarent, vel excuatorum fundamentorum, vel excisa via ad ascensum, vbi nulla apparent: quod etiam si illic fuisset Darii temporibus aliquod templum, tamen ex antedictis constat, Iouis & Neptuni fuisse in loco nuncupato fano, à Cyaneis distante quadraginta stadia, tum maximè in eodem loco fuisse templum Neptuni, in quo statuta fuerunt ædes & aræ duodecim diis. patet ex illis, quæ scripsi in primo libro, tum ex his, quæ scribit Nymphis Heracleota in sexto

sexto libro de patria sua. Cùm, inquit, Pausanias vicisset ad plateas Mardonium, ab Sparthæ legibus desciscens, & superbè sese efferens, cùm circa Byzantium ageret, æreum craterem statuit duodecim diis in ore pontifitis, in quo ausus est inscribere hanc inscriptionem sui oblitus ob delitias & superbiam.

Μνᾶμ' ἀρετ' ἀνέθηκε ποσειδῶνι αὐακίῃ

Παυσανίας ἀρχαῖον ἐμάσθη θυρυχάεος.

Πόντ' ἔδωκε θυεῖντος λακκιδαιμόνι γυῖο

Κλεμβρότος ἀρχαῖος ἡρακλῆος γένεας.

Herodotus meminit huius crateris. In Exampeo, inquit, loco sito inter Borysthenē & Hypanim iacet ahenum sexies tantum capiens, quantum semel crater, qui est in ore pōti à Pausania Cleombroti filio dedicatus. Quòd si quis non inspexit, hūc ei in modum declarabo. Illud situm in Exampeo sexcentarum est amphorarum facile capax, crassitudine sex digitorum. Cur Neptuno potiùs, quàm Ioui Pausanias dedicarit craterem, aut secutum fuisse arbitror fani nomen, quod tum fortasse frequentius appellabatur Neptuni, quàm Iouis: aut quia in oppido fano proprium esset Neptuno delubrum, in quo statuit hunc craterem Pausanias. Nam si eadē ædes fuit Iouis & Neptuni, haudquaquam video causam, cur non potuerit potiùs quàm Neptuno dedicare Ioui Eleutherio, quòd terra potiùs quàm mari vicisset Mardonium. Ioui enim Eleutherio craterem solebant antiqui statuere pro libertate, qui hostes repulissent. Sed in hac re puto secutum Pausaniam cōmune iudicium Græcorū, qui Neptuno, vt σῶσινεῖ aram erexissent, quòd Neptunum existimarēt Græciam liberasse à Persarum

seruitute. Neptūni statuam similiter æream fuisse non aliunde colligere possumus, quàm à cōiectura illa. Verisimile enim videtur, siue fuerit illa à Chalcedoniis statuta, siue à Byzantiis, vtrisque colonis Megarensium & Corinthiorū, eos imitatos fuisse progenitores suos, qui in Isthmo curarunt, vt Lysippus efficeret Neptunum æneum. Qualis autem fuerit statua Iouis Vrij in ore ponti constituti, neque Dionysius, neq; quisquam explicat, nisi vnus Cicero. Tria, inquit, ferebantur in orbe terrarū signa, Iouis Vrij pulcherrimè facta: vnum illud Macedonicum, quod in Capitolio videmus: alterum in ponti ore & angustis: tertium quod Syracensis ante Verrem prætorem fuit. Illud Flaminius ita ex æde sustulit, vt in Capitolio, id est, in terrestri domicilio Iouis poneret. Quod autem est ad introitum ponti, id cū tam multa ex illo mari bella emerferint, tam multa porrò in pontum inuecta sint, vsque ad hanc diem integrum, inuiolatūque seruatum est. Deinde Dionysius reliqua de fano ita exequitur: In fano, inquit, statua ærea est antiquæ artis, ætatem puerilē præ se ferens, tendens manus. Causæ multæ afferuntur, cur hæc statua sit in hanc figuram conformata. Quidam, inquit, aiunt audaciæ, signum esse nauigantium, deterrens temeritatem nauigationis periculis plenam, atque ostendens redeuntium salutis felicitatem & pietatem: non enim sine terrore vtrunq; est. Alij dicūt puerum in littore errantē aliquantò post venisse, quàm è portu naui soluta esset, salutisq; desperatione affectum, manus ad cœlum tendere: pueri autem preces deum exaudientem reduxisse nauem in portum. Alij aiunt in magna

» gna maris tranquillitate, omni vento silente, naue diu
» retardata, nautas inopia potus laborasse: nauarcho au-
» tem visionem infedisse, iubentem, vt nauarchus filium
» suum sacrificaret, non enim alio modo posse assequi
» commeatum & ventos. Nauarcho necessitate coacto,
» & parato puerum sacrificare, manus quidem puerum
» tetendisse, Deum verò misericordia motum ob absur-
» dum pueri supplicium, obque pueri aetatem sustulisse
» puerum, & ventum secundum immisisse. Hæc quidem
» & his contraria, vt cuique placuerit, credibilia existi-
» mentur. Hanc historiam Philostratus aliter interpre-
tari videtur. Mulierculæ, inquit, in littore acclamant,
equos autem rogare videntur, ne pueros abiiciant, néve
frena respuant, sed feras capiant & conculcent: qua-
rum precibus commoueri equi videtur, pueros autem,
vbi venati essent, & prædam cepissent, naus ex Europa
in Asiam traiecit fretum latum quatuor stadia, tantum
enim interuallum distant duo orbes, & remigum ipsi
funguntur officio. Ecce autem rudentem iaciunt, exci-
pit ipsos domus amœnissima, thalamos & andronas, fe-
nestrarumque vestigia subostendens muro circunda-
ta, pinnis & propugnaculis exornata, & quod domus
est pulcherrimum, eius porticus semicircula coloris ce-
rei speciem gerens à lapidibus in ipsa constitutis cir-
cunstat mare. Hi lapides gignuntur ex fonte, aquam
enim calidam montes Phrygiæ emittunt, & Huxus in-
ductus in litomias madidas, efficit petrarum alias co-
loris aquei, & lapidum excrescentiam facit, vt ipsorum
varij colores existât. Vbi enim aqua stagnat, turbidum
colorem & cereum inducit: vbi verò aqua pura, colo-

rem

rem CrySTALLINUM efficit, multisque epota foraminibus lapides variat: sed littus excelsum est, & huiusmodi fabulæ fert symbolū. Puella ac puer ambo formosi, eundemque frequentantes præceptorem, ad mutuum amorem exarserunt, & nulla amplectendi data facultate, ex hoc saxo mortem appetuerunt, itaque hinc in primis & postremis amplexibus se præcipites egerunt. Cupido supra petram consistens, manum intendit ad mare: domus deinde vidua, colitur à muliercula ob iuenum molestiam ex vrbe egressa, rapturi enim ipsam videntur, & petulantia quadam, lasciuisque saltationibus, ac carminibus eam frequenter adibant, muneribusque sollicitabant: at ipsa astu quodam, atque animi elatione in eos vtens, vellicat adolescentulos, & huc egressa, munitam hanc habitat domum. Cōtemplare enim, quàm munita sit. Præcipitium enim in mare eminet: quod ab ima parte mari alluitur, lubricū, à superiori parte proiectum hæc maritimam sustinet domum, sub qua mare magis ceruleum videtur demittētibus oculos in ipsum. In hanc domum fortem etsi mulier se contulit, tamen non eam reliquerunt amantes pulchri & coronati. Sed hic quidem ceruleæ prore, alter inauratæ, alius alterius coloris nauculam ingressus nauigat: necnon Comus ipse, id est, ebrietatis Deus: & hic quidem tibia canit, alter verò plaudit, alius cantat coronas, vt puto, atque oscula sursum iaciunt, nec remos agitant, sed inhibent, & applicant nauigia ad præcipitium: muliercula verò ex domo, velut ex specula videt hæc, & ridet lasciuientium more in amantes, eos non solum nauigare, sed etiam natare cogens, ac procedens in spectāda pictura, incidet.

incides in armenta, & mugientes boues audies, & fistularum vox te circumsonabit, & in venatores incides, & agricolas, & fluuios, & lacus, & fontes. Expressit enim pictura, & ea, quæ sunt, & quæ fiunt, & ut quædam fieri possent, non ob multitudinem segniter exprimens veritatem: sed perficiens singulorum propriam naturam, ad fanum peruenimus, & templum, quod illic est, puto, vides, & columnas, quæ circa ipsum sunt constitutæ, & in ore ponti faces ex specula sublata ad ostendendū os ponti nauibus. Hanc Philostrati picturam attuli, ex ea colligens, si verè Philostratus interpretatur, aliquando reuera repræsentatam fuisse ab his, qui angustias Bospori accolunt, volentibus aut re ipsa, aut ficta æmulatione apud suas angustias similem amorem puellæ & pueri accidisse ei, qui accidit apud Hellespontias angustias, ad Sestum & Abydum: quanquam puer ille tendens manus videri possit ille, quem antè descripsit Dionysius Byzantius. Nam nullus author tradit, puerum & puellam, ex eo, quòd ad mutuum amorem exarsissent, se ex Bospori angustias præcipitasse. Philostratus enim huius picturæ symbolum interpretatur positæ in domo quadam Neapolis Italicæ: qui tum si vidisset præsentem Bosporum, cū eam interpretabatur Neapoli, pueris non attulisset lapides illos domus cerei coloris esse: ex eo, quòd montes Phrygiæ similes ferant. Illi enim illinc longissimè absunt, quales, cū proficeremur, contra Regem Persarum, in Tephricen urbem Mediæ, vidi in Galatiæ, quæ magna Phrygia antea dicebatur, vrbe nuncupata Bolo, antiquitatum plena, à qua non lōgè sunt balnea natura calida, eiusmodi

D

lapides efficiētia, quales describit Philostratus. At apud Bosporum non ex aqua tales sunt, sed potius Cyanei coloris: nisi fortasse ita Philostratus interpretari potuisset picturam illam, totamque attribuere sacerdotibus magnæ matris deorum, quæ colebatur in fano Europeo, supra quod erat Pharus antiqua, & iuvenes illos nauem traiecisse ex Asia in Europam ad representandos quosdam actus matris deorum amoribus insaniētis in Atyn, coloremque cereum videri in lapidibus ex illa ratione, qua Dionysius appellat Milton: promontorium oppositum fano Iouis: sed etiam hanc picturam Philostrati attuli, ut ex ea colligas fani situm, & Bospori angustias apud fanum esse quatuor stadiorum, Pharumque antiquam fuisse in conspectu fani, contra quam sit recens Pharus posita extra aspectum angustiarum fani, & ut circa fanum essent columnæ, utque sub fano præcipitia emerent in mare, ut in radicibus promontorij fani existeret domus benè munita, ut fanum esset oppidum. Sed ut planius intelligatur fani situs, describam, ut nunc est, *ἰσθμὸς* etiamnum à Græcis appellatum, à Latinis fanum, paruum castellum natura & muro munitum, à solis Turcis habitatum, situm est in altum ædificato supercilio promontorij, cuius proiectu Bosporus in maximas totius oris pontici angustias coarctatur. Proicitur enim à Solis ortu ad Occasum, at Europeū promontorium, in quo antè dixi etiam nunc restare vestigia antiqui fani Europei, procurrens à Septentrionibus ad Meridiem, easdem angustias premit, stringitque. Illud Asiaticum Ptolemæus appellat Bithyniæ promontorium, quod triplici cliuo subsidet, ynum valde pronum

num ad Meridiem claudit vallis nemorosa, ditiusa in multas valliculas; nemorosus & sinus portuosus, quem efficit promontorii proiectio: ab Oriente habet clausam vtrinque vallibus ceruicem angustam, qua molli & semiplana peruenitur in promontorii iugū planum. Secundus clius deprimitur ad septentriones præceps & pene directus, cuius radices summas claudit vallis decurrens à summo promontorii iugo ad Bosporum: imas verò cingit idem Bosporus, retinentes vestigia antiqui ædificij, cuius fundamenta in littore iacta perspecti benè penitus effodi, & tympanis à Turcis efferri saxa quadrata ingentia. Aedificium Græci appellabant *ποδελών*, alij *ποδελόντιον*, quasi hortum, ut ipsi putabant ibi olim fuisse. Ego altius ductū puto, quasi *ποσειδώνιον*, hoc est, templum Neptuni: nam hortus, qui esse potuit in littore confragoso rupibus præruptis. Adde, quòd iuxta mare templum Neptuni, quod iuxta has angustias Aristides tradit situm fuisse, conuenit, atque Iouis templum, non autem in arce, hoc est, in summo promontorio, sed in imo cum ex antedictis Dionysij coniicio, tum ex Apollonio tradente Argonautas in littore aram duodecim diis excitasse. At littus distat ab arce circiter quinque stadia: veròque proximum esse videtur, prope littus fuisse ob commoditatem nauigantium, atq; extra arcē, ne minus pateret externis accessus ad capiendam insidiis arcem. Tertius promontorii clius velut dorsum excurrit à summo iugo in Occidentem, vsque ad Bospori summas angustias, primò quidem leniter se remittit ab arce vsque ferme ad Bosporū spatio quidem circiter quatuor stadiorum, quod adhuc vtrinque

mœnibus antiquis oppidi fani cinctum spectatur iam penitus deserti & vineis confiti: deinde sub mœnibus antiquis valde propendet vsque ad Bosporum clius efficiens mucronem promontorij, altus circiter centum passus, latus plus minus trecentos, vbi in littore fundamenta videntur ædificata, partim in scopulo distanti à Continenti circiter trigintâ passus, respondentia moli substructæ in littore Europeo subiecto sub fanum Europeanum: inter quas quidem moles cathena extendebatur, ne quis munitis fanis Bospori angustias trāsiret sub imam vallem à cardine meridiano claudentem fani Asiatici promontorium, subiectus est portus optimus, & valde profundus, quem à Septentrionis & Orientis ventis tutum efficit promontorium fani nunquam ferè nauibus carentem: quo simili portu caret fanum Europeanum, itaque hominum opere molibus iactis factus erat. Cuius reliquias nunc appellari Mauromolem antedictum est. Prope illum portum Asiaticum existit vallicula laurorum sylua virens, per quam fluit fons, perennem riuum emittens, etiam æstate implere valentem quinque digitorum fistulam.

De Argyronio loco & Nymphæo, & lecto Herculis: & de Noucoporide portu, & Lauro insana: & de portu Amyci.

CAP. VI.



PORTV fani ad Argyronium præcipientes montes impendent in littus præruptum & peditibus inuium. De Argyronio ita Dionysius persequens suum institutū. Anaplum „ sub fani, inquit, promontorium subit, & succedit Argyro

» gyronicum nominatum: ex eo, quòd multa pecunia
» emptum fuisset. Promontorium Argyronium vsque in
hunc diem nomen retinet, patet in latitudinem circiter
nongentorum passuum, claudit quidem à Meridie si-
num, quem vulgus appellat Monocolon: sed idem à se-
ptentrionibus clauditur valle, per quam riuus perennis
partim defluit in Bosporum, partim fontem efficit,
quem iuxta spectantur fundamenta antiqui monaste-
rij, in promontorij Argyronici cliuo, maritimam oram
prædictæ vallis cingente prærupto & præcipiti, sed ali-
quatenus explanato ad excipiendam ædificationem,
extant parietes antiqui templi, & columnæ humi pro-
stratæ, quarum vnā marmoris Thebei vidi exportari
in structuram ædis Maomethanæ, quam nunc ædificat
Rex Soleimanus: quo verò nomine illud templū à Græ-
cis appellaretur, à nemine Græcorum huius ætatis per-
cipere potui: sed Procopius solus mihi indicauit. In
pontum, inquit, nauiganti ad dextram promontorium
quoddam abruptum in freti Bosporici littus eminet, in
quo ædes martyris Panteleemonis constituta, temporis
vetustate laborabat, quam demolitus Iustinianus, ex-
templo persumptuosè reædificauit. Ante hanc ædem
in loco nominato Argyronio mendicorum fuit domi-
ciliū, his, qui morbo insanabili affecti essent, quod tem-
poris longinquitate dirutum prompta ædificatione re-
nouauit, requietis futurum diuersorium insanitate la-
borantium. Cur autem hic locus Argyronius magno ar-
gento emptus fuerit, exputare non possum aliam ratio-
nem, quàm angustiarum freti, quæ inter promōtorium
nūcupatum Tripite intérque Argyronium à nonnul-

lis habentur fermè tam angustæ, quàm fani angustæ ab æde Panteleemonis. Supra littoris inuij cliuos præruptos & præcipes, angusta semita passus circiter quadringentos progressus, incidi in vallem exiguam sitam in media latitudine promontorij Argyronici, quæ fontem sacrum habet diuæ Galatinæ, sinumque admittit Bospori non magnum, in quo piscatores testantur portum fuisse munitum mole, quam Turci paucis antè annis sunt demoliti. Argyronici promontorij mucro magis meridianus, quo Bosporus procedens ad Solis occasum flectitur ad Orientem, rupibus perpetuis præruptus confragosam semitam & exiguam vix penetrabilem admittens, atque inchoans magnum sinum, scelestato nomine appellatur Monoculos à lapide, ut ipsi dicunt nuper exciso. Quid si fortasse detorserunt antiquum nomen, & sinus is magnus sit ille, qui à Dionysio appellatur Moucaporis: sed de hoc paulò infra, quàm persecutus fuero ordinem Anapli Dionysiani. Post, inquit « Dionysius, succedunt & subeunt loca nuncupata Herculis *ἑλινῆ*, hoc est lectus, & Nymphæum, inde nominata insana Laurus, apud quam aiunt Amycum Bebrycum Regem habitasse pugillatus pugna omnibus suæ ætatis hominibus præstantem, nisi à Polluce victus fuisset Iouis & Ledaë filio. Ille enim in expeditione Colchica ex prouocatione conflixit cum Polluce, ab eodemque Polluce periit, pœnâsque dedit in externos crudelitatis, exortâque fuit planta illius insanæ insigne diuini, quàm humana mens assequi queat. Nam si quis hanc laurum intulerit in conuiuium, conuiuas simili insania afficiet, & contumelia implebit. Hoc sanè experien-

perien

perientia didici, naturam immortalī memoriæ Regis
illius iniquitatem tradidisse ex ipsa lauro. Arbitror er-
ratum esse in exemplari Dionysiano habente *ῥῶλα* pro
ῥῶλα. nam si *ῥῶλα* legatur, vult dicere Nymphæum esse,
vbi est Laurus insana. At Andratas Tenedius in peri-
plo Propontidis tradit Amycum locum, vbi esset Lau-
rus insana, distare à Nymphæo, Chalcedonio quinque
stadia. Nemo declarat, quale fuerit Nymphæum Chal-
cedonium, an specu Nymphis sacrum, an locus Topia-
rio opere spectabilis, an locus sacer virentibus syluis &
pratīs, an balneum, an lacus, an simile Nymphæo pon-
tico, quod matris Demosthenis oratoris pater figulus
nominatus Glycon hostibus prodidisse accusatus, &
mortis condemnatus fugit ad Bosporum. Epicarmus
& Pisander dicunt Pollucem loro ligasse Amycū. Dei-
lochus in primo libro, quem scribit de Cyzico, pugilla-
tu dicit Amycum à Polluce superatū. Orpheus ait Pol-
lucē duris loris caput Amyci percussisse: dura lora quid
aliud, quàm cæstus? Pollux enim teste Arnobio pugil-
lator bonus, & crudo inexuperabilis cæstu, qui vicerit
Amycum pugillatu omnium hominū suæ ætatis præ-
stantissimum, quem Valerius Flaccus rectè appellauit
gygantem, Regem Bebrycum, quos Orpheus scribit
ῥῶλα, cū ob corporum magnitudinē, qua præ-
stabant cæteris suæ ætatis hominibus, tum ob animi
immanem perfidiam. Arrianus narrat Bebrycē Aran-
tam fuisse magnitudine octo cubitorum, crassitudine
verò respondente symmetriæ altitudinis. Eadem ma-
gnitudine Historici tradunt fuisse Nicephorum Impe-
ratorem. Inde Dionysius. Post, inquit, Laurum insanam
sequitur

sequitur sinus profundus valde, nominatus Moucapo-
 ris à Rege quodam Bithyniæ. Portus in ipso perbonus,
 post quem est promontorium ἀέτορην. à figura nomi-
 natum: est autem petrosus totum, & proximum ha-
 bens mare profundum vsque ad oram littoris. Inde si-
 nus Amycus appellatus, & gronychia campus supinus
 & planus, in ipso autem piscationes cetaceorū piscium:
 deinde paludes à simili exaggeratione paludum, quæ
 sunt in penitimo sinu nuncupato cornu Byzantij. Vide
 an littus, quod tēpore Procopij appellabatur Mocha-
 dion, fuerit illud, quod attingeret sinum Moucapori-
 dem. Sic enim Procopius cōfestim post descriptionem
 ædis Panteleemonis sacrae, in Argyronio sitæ, addit lit-
 tus quoddam esse, cui nomē esset Mochadion vicinum
 loco, quod sua atate appellaretur ἱερὸν, hoc est fanum,
 in quo quidem Mochadio dicit Iustinianum templum
 Archangelo ædificasse, non inferius aliis duobus tem-
 plis sacris Archangelo, quorum alterum antè dixi Iu-
 stinianum construxisse iuxta promontorium Estias, al-
 terum in contrario littore: quanquam ex ordine Pro-
 copij Mochadion fuisse videtur inter Argyronium &
 fanum. At ex Dionysij verbis intelligimus post Argy-
 ronium, & lectum Herculis, & Nymphæum, & Laurum
 insanam fuisse sinum Moucaporidem. Præterea nosci-
 mus ex antedictis Dionysij, Laurum insanā, & sinum
 Amycum duo loca esse inter se separata. nempe inter
 ipsa intercedunt Moucaporis sinus, & promontorium
 Aetorecon vbi verò fuerint, ex nominibus locorū hu-
 ius ætatis assequi non potui, quantumlibet iterum & sæ-
 pius hac de causa obierim totum littus Bospori Asia-
 ticum,

ticum, neque à quoquam nato ex indigenis antiquis quicquam intelligere potui. Nam omnes, qui iamdudum accolunt Bosporum, peregrini sunt: indigenæ verò capta Constantinopoli ex Bosporo aufugerunt, & vici aut exusti, aut diu deserti manserunt, & aliquot post annos à longinquis nationibus Barbaris bello subactis agrestes agricolæ abducti sunt ad Bosporum accolendum, ut omnes huius ætatis accolæ Bospori sint, aut peregrini, aut peregrinorum filij. Præter hæc incommoda huc accedit aliud incommodum, quòd Bospori littus Asiaticum regiis viretis totum ferme occupatum est, extinctis & funditus deletis antiquis vicis, ut ne vicorum quidem quisquam iam teneat nomina. Itaque ad coniecturas conuertere me oportuit. Primò coniiciebam Laurum insanam fuisse in vallicula diuæ Galathinæ, idque colligebam, ut sinum Moucaporidem accommodarem sinui iam antè nominato Monocolo, quem cum perspicerem magnum, & longo littoris flexu incuruatum in formam falcis, legissémque apud incertum scriptorem sinum Moucaporidem, postea Drepanum appellatum fuisse, descédebam in eam opinionem, ut putarem hunc esse Monocolon, & promontorium Aetorhechum esse iam vulgò nuncupatum Turcicum. Sed Arrianus me retinuit, tradens in suo periplo Bithyniæ à fano Iouis ad portum Laurus insanæ esse quadraginta stadia. At diuæ Galathinæ vallis non distat à fano viginti stadia, quamobrem ex Arriano Laurum insanam conuenit esse ultra Galathinā longè amplius viginti stadiis. Verum ut situs locorum clariùs fiat perspicuus, designabo littoris sinus & promontoria. A fle-

E.

xu promontorij Argyronici, quo primus Asiae angulus normalis oppositus angulo Europeo appellato Bathyeolpo quadratur & perficitur, & quo Bosporus tendens ad Occasum, flectitur ad Orientem, littus Bospori Asiaticum quatuor sinus admittit, antequam rursus conuertatur ad Occasum: quorum primus est Sycia, siue Monocolus appellatus, amplius littoreo circuitu molli-ter flexo, plus duo milliaria complectens: cuius supra medium flexum est fons perennis Sycia appellatus à proxima ficu. Cum ad hunc fontem accessissemus, & Laurum vicinam decerpissemus, eamque in nauigium attulissemus, tot contentiones inter remiges & vectores exortæ sunt, ut putarem Syciam olim appellatam fuisse *Λυχόρρυ*, id est, Laurum insanam, ut appellat Dionysius. Sed Arrianus iterum me retinuit, cum ait Laurum insanam distare à fano quadraginta stadia: at Sycia longe minus distat. Alter sinus à sinu Sycia diuiditur promontorio nominato Turco, in quem quidem sinum medium ingreditur perennis fluuius, versans molas, paludem efficiens channarum sylua tectam, habens ostium, quod ponticulis traicitur, delapsus per vallem amœnam, planam, in qua regij horti cum regia villa adumbrata syluis cum aliarum arborum, tum maximarum platanorum. In hoc sinu, quem iam Græci appellant Turcon, existit scala lignea, qua Rex oram maris vadofam traiciens descendit in hortos. Tertius sinus deinceps statim, interposito tamen promontorio vineis pleno, ab ima parte petroso subsequitur appellatus à Turcis Becoussi, id est, nux iuglās, à Græcis Amea, siue marmorea scala. Quartus positus est in angulo

Solta

Soltania, quò Bosporus tendens ad Orientem, conuer-
titur ad Occasum, quoque angulus Asiae normalis effi-
citur oppositus angulo Europeo nuncupato Comma-
rodi. Hunc quartum sinum esse paludes similes Byzan-
tinis, quas Dionysius ponit post sinum Amycum, pau-
lò infra ostendam: quo cognito faciliùs assequemur
vnum esse Amycum ex tribus reliquis sinibus. Amycus
sinus esse non potest ille ipse, quem dixi primùm nomi-
natum Monocolon. Nam inter Argyronium oportet
esse Moucaporidem sinum profundum, portuosum: at
inter Monocolon, & Argyronium nullus talis existit.
Relinquitur, vt sinus Amycus sit, aut sinus secundus, in
quò defluit riuus versans moletrina, aut tertius, quem
Græci appellant Amæam à petra extra aquam eminen-
ti, gerenti similitudinem mulieris *Amæas*: sed altiùs, vt
opinor, designate antiquum Amycum. Nam huic vni
& soli conuenit illud, quod tradit Dionysius apud si-
num Amycū pisces cetaceos capi. In hoc sinu duo vici
sunt à solis Turcis habitati, quorum alterum Græci ap-
pellant Amæam: alterum vocant marmoream scalam:
Turci verunque nominant Becoulli. Non sine causa for-
tasse prius appellatam Cariam nomen insanae Laurus
effugientibus mutata arbore & nominatione, vt Phar-
maciā in contrario littore accolæ mutauerunt in The-
rapiam. Inter Amæam & marmoream scalam piscato-
res æstiuo tempore tendunt retia ad capiendos *siuæ*
pisces cetaceos, qui in nullo alio loco Bospori capiun-
tur, id què maris spatium appellant Amiam, siue La-
miam, nescio an ab Amyco. Hoc vnum scio, hunc si-
num esse portum, quem Arrianus appellat Laurus in-
tib

sanæ, ex eo, quòd distat à fano quadraginta stadia. Itaque oportet Dionysium errare, aut Arrianum. Nam Arrianus sinum Amycum, & portum Laurus insanæ, eundem facit. Dionysius à sinu Amyco separat Laurum insanam interuallo interposito sinus Moucaporidis, & promontorij Aetorhechi: sed vter rectius scripserit, coniecte ex his, quæ subiungã, & primum considera id, quod Dionysius tacet, cur appellatus fuerit sinus Amycus? profectò à loco vicino nuncupato Amyco. Præterea perspice, cur locus ille vicinus appellatus fuerit Amycus, nimirum ex eo, quòd ibi vel Amycus aulam habuerit, vel pugnaverit cum Polluce, vel quòd eius sepulchrum fuerit, vel quia Laurus insana ibidem extiterit: nam hæc quatuor de eo traduntur, an in eodem loco eadem hæc omnia fuerint. Quòd si in eodẽ loco oportet esse apud sinum Amycum, aut nulla causa relinquitur, cur nominetur sinus Amycus. Apollonius illa in eodem loco ponere videtur, cum ait Argonautas ad littus, quod videbatur ex sinu extendi eminenter nauem appulisse, vbi essent stabula boum, aulæque Regis Amyci Bebrycum Regis: quæ vbi Pollux deuicisset, & ob huius victoriam Argonautæ lauro coronati cœnassent, postridie rudentes soluisse, quibus nauis alligata esset ad laurum vegetam. Andretas Tenedius in periplo Propontidis dicit Orpheum non poetice finxisse laurum, sed reuera fuisse in hoc loco arborem laurum benè magnam. Idemque præterea narrat hunc locum appellari Amycum, habuisseque sua ætate ædificia à Colonis excitata, & distare à Nymphæo Chalcedonio quinque stadia. Magni Ethymologici author ex antiquis scriptoribus tradit

dit Amycum urbem esse, at in quo loco sit, non declarat. Plinius Nicopolim appellat. Stephanus Nicopolim quidem dicit esse in Bithynia, sed locum non definit. Apollodorus in primo ponticorum dicit in loco nuncupato Amyco sepulchrum Amyci & Laurum esse, ex qua si quis ramum cepisset, in conuitia & contumelias concitaretur. Plinius etsi portum Amyci aliàs ponit apud Bosporum, aliàs in tractu Heracleæ pôticæ, tamen id, quod excerpterat ex antiquis scriptoribus, tradit portum Amyci Bebrycum Rege interfecto clarum esse, eiusque tumulum à supremo die Lauro tegi, quam insanam vocant. Quoniam si quid ex ea decerptum inferatur nauibus, iurgia fiant, donec abiiciatur. Sed quid plura inculcem? cùm iam satis ex antedictis pateat, in eodem loco fuisse portam Amyci, portam Laurus insanæ, sepulchrum Amyci, & locum pugnae inter Pollucem & Amycum, & locum Amycum, & sinum Amycum. Quare miror Dionysium separare Laurum insanam à sinu Amyco, interposito interuallo sinus Moucaporidis, & promontorij Aetorhechi. Verùm Dionysius, vt homo Byzantius longè accuratiùs describens littus Bospori Byzantium, quàm Chalcedonium, decipi potuit varia quadã opinione, quæ tum fortasse peruagabatur de Lauro insana. Sed quantumlibet fuerit peruagata, tamen ex antedictis cõstat sinum Amycum esse, quem Arrianus appellat portum Laurus insanæ, & Plinius portum Amyci: nuncque appellari Amiam & marmoream scalam, apud quam est fons distans à Bosporo centum passus, emittens fluuium perfrigidum, etiam summa æstate versare valentem molas, si eius al-

ueus esset procliuis: & maior erat antequam eius pars
deriuata esset in vicum proximum appellatum Becouffi,
vbi, vt hodie est accommodata regiae Turcorum au-
la, sic longè commodior sedes fuit armentis Amyci,
eiusdemque aulae, quam apud Laurum insanam, quam
Dionysius ponit inter Argyronium, & sinum Turcum,
vbi dixi fluij ostium efficere paludem cannis plenam,
in quo spatium nullus est fluuius, qui necessarius erat au-
lae Regis Amyci: ideoque etiam hac aetate caret aedi-
ficiis. Nec me mouet, etiam si hodie nulla spelunca ap-
pareat talis, qualem describit Valerius, cum ait:

Littore in extremo spelunca apparuit ingens

Arboribus super, & dorso contexta minanti.

Nam ea aut tot per secula aedificationibus obruta est,
aut à Turcis inclusa tenetur intra aedificia, quae ipse
excutere non potui: aut fortasse poetice locutus est: quod
non solent Physici Poetae in descriptione locorum, ex
antedictis Plinij perspicitur non modò error ponentis
Laurum insanam, & sepulchrum Amyci extra Bospo-
rum in tractu Heracleae pontice, sed etiam eiusdem in-
certa commentatio modò ponentis portum Amyci ex-
tra Bosporum, modò intra Bosporum: cum tot ex auto-
ribus, quos citat, apertissime declarare potuisset Lau-
rum insanam & sepulchrum Amyci, & portum Amyci
esse intra Bosporum. Hermolao ignoscendum est, qua-
tenus fortasse non viderat Arriani Periplum, neq; Dio-
nyssij Anaplum: at viderat Apollonium, quem citat ad
probandum, vbi esset Laurus insana, & portus Amyci,
& sepulchrum Amyci: ex quo assequi poterat, illa esse
iuxta Bosporum tum maxime ex Stephano, quem fre-
quen-

quentissimè affert, consequi facile poterat portum Laurus insanæ esse in ore ponti in dextra nauigantibus ex Propontide in pontum, nisi fortasse Codicem Stephani deprauatū non animaduertit, in quo edita est *σταφυλαίον*, pro *μαυνομελίον* quæ quidem paucula si Hermolaus diligētior peregrinator librorum, quàm regionum expendisset, profectò in multiplicem errorem non incidisset, qui ut probet in Plinio posse legi, portū Amyci, tamen in Bosporo non vult intelligere illum esse, sed haud procul à Bosporo, nempe in tractu Heracleæ, in quò multipliciter decipitur: primùm ignorans portum Amyci esse intra Bosporum: secundò Laurū insanam, & sepulchrum Amyci ponens extra Bosporum: tertio Azani portum, & Azamin urbem statuens iuxta Bosporum: quorū nemo meminit, ne Dionysius quidem: cū Azanis sit extra Bosporum teste Strabone, qui ait ex Azanitide Rhyndacem exoriri. Iam cognitis Amyco loco, & Amyco sinu, cognoscimus Nymphæū Chalcædonium teste Andrata Tenedio distans quinque stadia à vico nuncupato marmorea scala esse, aut in regijs hortis nuncupatis Becoussi, aut ab eis non longè, portumque Moucaporidem esse inter Argyronium, & vicum marmoream scalam appellatū, nimirum esse aut Monocolon, aut proximum sinum, vbi fluuius versat molas, promontoriumque Aetorhechum existere, alterum ex duobus promontoriis sitis in horto, quæ Greci vocant Turcon corruptè, quasi Aetorhechon. Paludes, quas post sinum Amycum ponit Dionysius, fuerunt in sinu, quem vulgò vocant Soltaniam, à Soltano Rege Soleimano, qui in eo Sardacum luculentum: sic enim

Turci

Turci appellant Tholum vndique fenestratum in lit-
tore ædificauit cum hortis, & syluis, & ædibus regiis: vbi
priusquam hortos ille construxisset, à senibus piscato-
ribus accepi ibidem paludes à Soleimano obrutas, ædi-
ficiis hortisque occupatas fuisse: atque vbi nunc Sarda-
cum, & cætera ædificia existunt, Insulam prius extitisse
circundatam mari vadoso iam obruto, arcisque proie-
ctis in hortos redacto.

*De sinu Catangio: de promontorio, quem Dionysius ap-
pellat ὀξύρρην, & portu Phrxi: de promontorio Lem-
bo nuncupato, & de Insula exigua.*

CAPVT VII.



OST (inquit Dyonysius) paludes subsequi-
tur sinus nuncupatus *καταδυσσεν*, ad se maxi-
mè alliciens pisces, si quis alter, ac potius, si
nihil decet, suppressere eum, qui veritatem
dicit. Solus ex littore Chalcedoniorum est benè pisco-
sus. Veruntamen tantum differt ab Europeo, quantum
differt mare à terra: *ἐπ' αὐτῷ ὀξύρρην ἀναα*. Hoc est, in ipso,
vel post ipsum est promontorium Oxysrhoun. post
Oxysrhoun succedens littus planum, & multum ap-
pellatur Phrxi portus, post quem alter portus, & Phiela
Chalcedoniorum valde potentum. *αὐτὸ δ' ἐστὶν*, id est, in
ipso, vel post ipsum. Phiela est tumulus supinus & ro-
undus in circulo figuram circunscribens basim. Thea-
trum aliquis coniectaret se videre improuisum à natu-
ra constitutum: propè autem est promontorium no-
minatum Lembus à similitudine lembi. Sub littus illi
continuum est Insula valde brevis, iuxta quam maris
vadum

» vadium exalbescens cautibus sub aqua iacentibus in
 » Europam auertit piscium cursum, cuius aspectu exter-
 » riti fretum transeunt secundo Bospori fluxu. Chalce-
 » donij ipsam Insulam appellant *βλάβλιν*, apto nomine, &
 » proprio experientiae rei, quae accidere solet. Inde est Po-
 » tamonion: post Potamonion succedit Nauficlia, apud
 » quam dicunt Chalcedonios bello nauali superasse ad-
 » uersarios contra se nauigantes: inde Echæa *ἐπίρρη* pro-
 » montorium, & sinus appellatus Lycadium satis pro-
 » fundus, illud quidem à viro Megarenfi Lycadium, siue
 » Cycladion à quodam indigena. Catangium videtur is-
 » esse sinus, quem hodie vocant Castacium, non modò
 » nominis similitudine, sed etiam vera Dionysij descri-
 » ptione. Piscosus enim si quis alius littoris Asiatici, ve-
 » rùm ut eius situs & consequentis littoris intelligatur,
 » scito sinum Soltaniae à Septentrione habere regis hor-
 » tos, à Meridie vicum habitatum à Turcis, nuncupatum
 » Sycia. Post vicum in littore est locus, quem piscatores
 » vocant Bolaca à iactu retis. Hic sinus iam Soltanicus,
 » prius Cyclaminus appellatus, longo circuitu leniter fle-
 » xo, quadratur in angulum normalem, piscosus habet-
 » tur, à Meridie clauditur promontorio, nominato Stri-
 » dio: ab ostreis potiùs arbitror, quas vulgus Græcorum
 » appellat stridia, quàm à stridore: nam ibi fluxus nō stri-
 » det. Hoc promontorium ab Aquilone includit sinum
 » Castacium, valde piscosum, habitum à piscatoribus. In
 » hunc perennis riuus per vallem delabitur, in qua ima &
 » plana Regis horti syluis virētes. In sinus parte extrema
 » ad Meridiē pertinente videntur fundamenta illius an-
 » tiqui magni monasterij, quod appellabatur *ἀκομήτων* à

monachis nunquam noctu dormientibus. Huius solitarij domicilij moderatorem & gubernatorem tradit fuisse Cyrillum, Euagrius in sua christiana concionis historia. Meminerunt & alij Historici aliorum monachorum, vel eruditione, vel sanctitate illustrium hinc solitiam vitam egisse. Iam verò à Meridie Castacium sinum cingit promontorium duo cornua præ se gerens, alterum sinum Castacium claudens, quod vocant magnum Glari, quòdque celeri acutòque fluxu circumsonat alterum cornu claudens sinum, quem *πλακά* Græci appellant, circumfluit Bospori rapido cursu & simili prioris, quem dicunt paruum Glari. Vide horum alterum, an sit *δευρρυ*, alterum verò *πρίρρυ*. Medium promontorium diuidens Castacium à sinu Placino, incuruatur in duo cornua, paruulum sinum admittens, supra quē impendet concavus locus similis magno theatro. Post promontorium parui Glari statim subsequitur sinus mediocris, quem Græci appellant *πλακά*, à quadam, vt ipsi aiunt, mēsa marmorea. Hunc sinum à Meridie claudit promontorium, cuius ad radicem duo saxa supra aquam eminent, vndoso mari circumdata. Itaque cum in toto littore Asiatico nulla sit Insula, neque scopulus inter fanum Iouis, & Chalcedonem, quam hic, & alter situs sub promontorio Damalico: aut horum alterum oportet esse illam, quam Dionysius commemorat, aut non extare. Iam verò scopulum positum sub radicibus promontorij Damalici, non esse Insulam traditam à Dionysio, liquet ex his, quæ & antè dixit Dionysius, & ex ipsis, quæ postea dicet. Quòd si iuxta illa duo saxa supra aquam extantia sit maris vadum
exalbe

exalbescens cautibus, quibus sub aqua iacentibus Dionysius scribit, pisces auerti in Europam, profectò hic siue scopulus, siue Insula maior esse debuit, adiacentèsque cautes erutas fuisse còuenit: aut si alibi Insula Dionysij fuit, funditus euerfa est à Chalcedonè sibus illam appellare solitis *βλάβλι*. Strabo Insulam esse tacet, sed duntaxat petram esse dicit. Pelamydes, inquit, descendentes ex ponto, cùm praterierunt Cyaneas ex Chalcedoniaco littore petra quædam alba ipsis obiecta, adeò exterreret, vt statim in contrarium littus conuertantur. Plinius saxum duntaxat esse dicit. Est, inquit, in Euripo Thracij Bospori, quo Propontis Euxino iungitur, in ipsis Europam Asiàmque separantis freti angustiis saxum miri candoris, à vado ad summum perlucens iuxta Chalcedonem in littore Asiæ: huius aspectu repente territi Thunni semper aduersum Byzantij promontorium, ex ea causa appellatum Auricornu, præcipiti petunt agmine. Itaque omnis captura Byzantij est, magna Chalcedonis penuria M. P. medij interfluentis Euripi, quos Plinius appellat Thunnos, Strabo, Pelamydes, sicut hodie pisces eas appellant ascendentes in pontum, easdem verò descendentes ex ponto vocant Lacerdas. Sed an hæ sint Thunni, an Pelamydes, separato volumine erit ostendendum. Hermolaus dum Plinianum Codicem habentem M. P. corrigit, & censet legendum D. P. designare videtur saxum illud esse inter Hermæum promontorium, & Ciconium: at ex Dionysio id verum non est, qui multa loca ponit inter Insulam *βλάβλι* & Ciconium. Nam Plinius ponens illud saxum iuxta Chalcedonē, denotare videtur Damalicum

scopulum, aut alterum propinquum nunc non extantem. Dionysius verò procul à Chalcedone ponit. Cornelius Tacitus Byzantium, ait fertili, fœcundóq; mari, quia vis piscium in pontum erumpens, & obliquis subter vias saxis exterrita, omisso alterius littoris flexu, ad Byzantium portus deferitur: in quo Cornelius labitur. Non enim id fit, cum Pelamydes erumpunt in pontum, sed cum ex ponto per Bosporum erumpunt in Propontidem. Piscatores nostræ atatis ignorant saxum illud, & negant id verum vnquam fuisse, Pelamydésque affirmant, in cursu Delphinorum declinare & decedere de recto decursu. Equidem ipse petram candicantem nunquam puto fuisse causam, cur potius Byzantium, quàm Chalcedonem: sed quòd ex illa petra loca Bospori naturaliter apta sint ad deflexum in Europã. Nam à promontorio Hermæo littus Europeum incuruatur, & recedit tribus magnis flexibus, quorum primus fit à Neocastro ad promontorium Estias: secundus à promontorio Estiaco ad Clidium promontorium: tertius à Clidio, vsque ad sinum Chrysoceras. Vnde fit, vt cursus defluxionis Bosporicæ directus delatus iuxta latus Asiæ rapidus, Pelamydes auertat in littus Byzantiacum tranquillius, id quod vel ex ipso Dionysio colligitur, qui vt id attribuat fieri cautibus exalbescētibus, tamen earum dicit aspectu exterritas fretum transire secundo Bospori fluxu. Tum Strabo interea dum proficitur id accidere occursum petræ albæ, cōcedit simul etiam idem fieri defluxu, & locis naturaliter aptis ad defluxum Byzantium versus, atque ad ipsum cornu sinum Byzantiacum. Iam si à Meridie promontoriū claudens sinum
Placa

Placa sit Lembus, tum coniecere possemus sinum Placa non magnum quidem, veruntamen profundum esse portum Phrxi, & Potamonion esse, aut sinum nuncupatum Manolum, aut Enaretem fluuium, Nauficiamque opinaremur locum, quem vulgus appellat Napli, atque promontorium $\pi\omicron\phi\iota\sigma\sigma\epsilon\upsilon$ putaremus illud, quod hodie vulgò nominant Moletrinam, ex quo cursus celeris defluxionis Bosporicę defertur ad promontorium Estias. Nam inter sinum Placa, & Moletrinum nullum existit promōtorium $\pi\omicron\phi\iota\sigma\sigma\epsilon\upsilon$: vnde fieret, vt Ciconium non foret Næocastrum Asiaticum, sed locus iam appellatus Cecri, situs contra Estias promontorium: tum quæ $\acute{\alpha}\nu\gamma\alpha\varsigma \rho\acute{o}\iota\zeta\epsilon\varsigma$ existimare conueniret, esse rapidos illos fluxus, qui deferuntur ad promontoria Helia, & Stauri, & Hermoniani. At mihi potius $\acute{\alpha}\nu\gamma\alpha\varsigma \rho\acute{o}\iota\zeta\epsilon\varsigma$ videntur existere ad promontorium, vbi rapiditas confluentia Bospori versat molas, quàm vlla alia promontoria ob fluctus rapidissimos totius Bospori, & maxime circumsonantis, Ciconiūmq; habendum esse Næocastrum Asiaticum. Sed vbi sit portus Phrxi, & Ciconium, vbi $\acute{\alpha}\nu\gamma\alpha\varsigma \rho\acute{o}\iota\zeta\epsilon\varsigma$, non ex his, quæ antè dixi, iudicato, sed per te expedito, quæ de illis Dionysius scribit.

De Naumachio, & Ciconio: & de promontorijs nuncupatis $\rho\acute{o}\iota\zeta\epsilon\varsigma$: & de duobus Discis.

CAPVT VIII.

PROPE Lycadium promontorium, inquit Dionysius, est Naufimachium, locus altera pugna nauali illustris, inde Ciconium nominatum ab excessu malitiæ incolarum. Se-

ditione enim violenta pressi ex loco exciderunt, à ter-
 go autem Ciconij sunt partim *ῥοιζῶσαι ἀνῆσαι*, ex eo no-
 minatae, quòd circa ipsas franguntur fluctus, & cursu
 murmurante feruntur partim disci: maior quidem pri-
 mus, multò minor secundus, ambo appellati à simili-
 tudine figuræ. Hæc quidem loca ponit Dionysius me-
 dia inter Lycadium, & Chrysopolim. Plinius ait ultra
 Chalcedona, deinde Chrysopolis fuit, deinde Nicopo-
 lis, à quo nomen etiamnum sinus retinet, in quo portus
 Azari, deinde Naulochium. Ex antedictis Dionysij exi-
 stimo depravatè legi in Plinio Naulochium, rectiùs le-
 gendum esse Naufimachium. Nam quòd Hermolaus
 interdum censeat legi posse, non Amyci, sed Azari, ci-
 tans Strabonem scribentem, in ore ponti esse Chryso-
 polim & fanum Chalcedonium, & regionem, quæ ha-
 bet paulò supra mare fontem Azaritium nominatum,
 qui Crocodilos paruos alit. Id mihi ex flumine Neoca-
 stri influenti in Bosporum hodie nominato Enarete,
 siue Arete, atque ex loco vicino appellato Napli: in-
 terdum verisimile videbatur existimanti fortasse Na-
 plen corruptum quasi Nicopolim. At illud idem du-
 bium mihi videri cœpit, posteaquâ profectus ad Pro-
 pontidis sinum Astacenum nostra ætate appellatum
 Nicomedicum in eius ora, non longè à vico hodie nun-
 cupato Diacybissa, olim Libyssa, vbi fuit sepulchrum
 Annibalis. Vidi oppidum nomine Aritiū, cuius in fon-
 tibus cepi eos, quos Aricini appellant Mauledones si-
 miles Crocodilis, quos describam in Periplo Proponti-
 dis, sed etiam inueniri dicuntur in fontibus vicini-
 bus Chalcedoni. Itaque non semel conatus sum profi-
 cisci

cisci ad fontes Aretæ fluminis, vt viderem, an Maule-
dones ibi sint, an alij: sed gentis immanis Barbaria bis
me ex media via retraxit, & coëgit deserere institutum
iter. Nunc autem, vt facilius intelligatur, vbi fuerit por-
tus Phrixi, vbi Ciconium, vbi *ῥοιζόσα*, describam litus
à sinu Placæ vsque ad Chrysopolim. Post sinum Placa
sequitur sinus vulgò dictus Manolius, contra medium
Hermæi promontorij latus appellatum *ῥώδης* situs, egre-
gius portus & piscosus, quem de bonitate piscationis
cedere aiunt piscatores nulli sinui littoris Asiatici. Hic
valles luculentas habet olim adeò pastionibus celebra-
tas simul, & luculento monasterio ornatas, vt copiosum
lac ex circumiacentium collium cliuis Græci nimium
inaniter nunc dicunt in monasterium tubulis sub-
terraneis ductum fuisse, quod idem proficiscens in me-
diam à Cappadocibus Neocæsariensibus audiui suorum
montium vbertatem pastionum vsque adeò extollen-
tibus, vt opere subterraneo in celebre illud Cœnobium
Gregorij Thaumaturgi suburbanum Neocæsareæ de-
ductum fuisse iactitare non desinant, viamque osten-
dant, quam in hunc diem sua lingua appellent viam la-
ctis. Post Manolium sinum deinceps sequitur locus fi-
tus iuxta Næocastrum, quod piscatores appellant Cor-
mion ab arbore, vt ipsi putant, quæ ibi nulla talis est,
ignorantes se deprauasse Ciconium. Quòd cum ex or-
dine Anapli Dionysiani fuisse apud Næocastrum Asia-
ticum colligo, tum ex scholiis quibusdam perantiquis
in Dionysium scriptorem orbis tradentibus maximas
Bospori angustias esse inter Anaplum & Ciconiū. Vbi
verò esset Anaplus, disserui, cum tractarem promonto-
rium

rium Estias. Flumen autem Aretæ, quod Turci vocant Iocsou, id est, aquam viridem, progrediens à Solis ortu ad Occasum, ingreditur Bosporū iuxta Næocastrum, quod ab ostio sursum versus etiam summa æstate scaphis nauigatur paulò amplius octo stadiis. Eius ostium subeuntibus ad dextram spectatur amœnissimus & maximus Regis hortus, opacus densa sylua arborum fructiferarum: ad sinistram extat Næocastrum ex Asia, similiter coarctans Bospori angustias, vt easdem ex Europa cogit, stringitq; arx, quam antè dixi appellari Læmocopiam. Omnium maximus fluuius est eorum, qui intra Chrysopolim & pontum ingrediuntur Bosporum. Omni anni tempore molas versare potest, triaque moletrina exercet, vnum distans ab ostio circiter octo stadia: alia interiora. absunt plusquàm tria miliaria. Fluit per vallem pulcherrimam, vndique nemoribus virentem, refertis multitudine ferarum, Pisces fert, quos Græci accolē Lelingia appellant, cuiusmodi plurimos procreat palus Ascania, quos crudos Sole exsiccatos edere solent Byzantini. Producit etiam Cephalos, & in altis gurgitibus: glanes etiam cetacæ magnitudinis. Sinus Næocastri duo flumina admittit, vnum quem iam dixi nominari Areten: alterum ego Napliticum appello, ex eo, quòd effluit in Bosporum iuxta locum, quem vulgus vocat Napple, nescio an à Nicopoli, an ab Anaplo, an à Nausiclia. Hic à Meridie cingit Regis hortos, quos Arete cingit à Septentrione. Vtriusque ostium syluas cannarum efficit, Napliticique confluens summa æstate, etiam in locis vadosis ea magnitudine fluere videtur, qua riui aquæductuum in gurgitibus, quos multos habet,

habet, eadem genera piscium, quæ in Arête perspiciuntur. Equidem ipse non longius tribus miliaribus secundum eius ripam progredi metu Barbarorum ausus, prospexi duntaxat hunc fluere per longam vallem nemorosam, venationi regiæ accommodatam. Ab huius fluminis ostio incipit promontorium, cuius mucro vndique percutitur fluxu Bospori, qui rapiditate, altitudine, strepitu sonoro superat omnes fluxus totius Bospori, multas molas quotidie versare solitus. Huius promontorii dorsum ab occasu solstitiali ad brumalem ortum surgit, situm contra sinum *ἡ χυλῶν*. Clauditur duabus vallibus, una à septentrionibus, altera à cardine meridiano, utraque producta in longitudinem stadiorum circiter octo. Vndique procliue & præceps promontorium, cuius à summo mucrone ascendi quingentos passus primos præcipites & valde directos, reliquos semiplanos efficientes dorsum promontorii, quod valde strictum ob valles utrinque coarctantes, & scrobes treis, quos velut theatra promontorium efficit, primum extantem supra mucronem promontorii, complectentem ambitu passus amplius trecentos, distantem à Bosporo circiter viginti passus: alterum ab altero diuisum tenui promontorii dorso, non latiori tribus passibus. Promontorii radices à primo scrobe ad secundum excurrunt in longitudinem passuum circiter trecentorum. Secundus scrobs magnitudine superat primū, & lapidicina olim fuisse videtur: passuum interuallum plus minus ducentorum. Interest inter secundum & tertium scrobem desinentem in imam planitiem vallis prædictum promontorium claudens sita è regione promontorii Estiarum.

G.

In hanc vallem multi fontes riuulos emittunt irrigantes Regis hortos clausos excelsis lauribus, positos in ima vallis planitie, quam Græci iam vocant Cieri à genere frumenti, ignorantes temporibus Iustiniani appellatam Crochon, siue Brochon: id quod perspicitur ex Procopio. Duo, inquit, erant templa Michaëli Archangelo dicata, inter se opposita, Bospori freto diuisa: vnum in loco appellato Anaplo, in sinistro latere nauigantibus ad pontum Euxinum: alterum in contrario littore, quod antiqui *πρόχθες* nominarunt, ex eo existimo, quia litus multum proiiciatur ex hac ora: nunc autem nominatur *βρόχοι* temporis longitudine, accolarum inscitia deprauante nomina. Hæc quidem Procopius, cuius in altero Codice leguntur Crochi, & in margine quidam literis antiquis eundem locum notat Cronychion, siue Bronychion. Quid si fortasse olim appellabatur *πύργος Νέκτος*: nam litus ibi non prominet, sed potius retrahitur in sinum, quem efficiunt promontoria ex vna parte moletrinarium, ex altera Heliacum. Itaque temporis vetustate fieri potuit, vt *πρόχθες Νέκτος* deprauarint in *πρόχθες*. nam si promontorium moletrinarium sit *ἀκρὰ τοῦ ποταμοῦ*, vt esse videtur, in latere huius vergente, potuit esse protos discos, promontorium Helix, quod fluxu rapido verberatur, aliquando molas versare solito, claudit sinum nuncupatum *τὸ φυλακὴς*: vbi regius hortus cum sylua & turri, ex qua summæ aquæ ex altis collibus subductæ saliant: inde breui promontorio superato, adest vicus dictus Chryfoceramus, ex eo, quod olim templum haberet tegulis inauratis tectum. Ex hoc vico effodi vidi saxa quadrata ingentia fundamentorum

rum

rum antiquorum sub terra abdita in duodecim altitudinem pedum, indicantia ibi olim fuisse castellum munitissimum, cuiusmodi fuerunt regiae Sophianae nuncupata, aut his antiquiora palatia, quae non longè ab æde Michaëlis, extrema iam cōmemorata Procopius fuisse subsequētibz verbis designat. Non multum, inquit, procul ab æde Michaëlis templum Deiparae virgini, sacrum longa vetustate exolescens renouauit: cuius dignitatem longum esset excutere, & sermone significare. In hoc sanè littore dextro nauigantibus in pontum spectatu dignae iam vsque ab antiquis temporibus ædes regiae erant, quas Rex Iustinianus omneis Deo consecrauit: deinde narrat, vt Byzantij esset magna multitudo meretricum, quibus pœnitentibus vitæ prioris, ædes regias in eodem littore sitas conuertit in monasterium magnificum. Chryfocerami fluuius estate exarescit: inde sequitur vicus appellatus Stauros, ab occasu cinctus promotorio, vulgò vocato Nagalon, quod rapido cursu fluxus verberatur valente voluere molas continuato vsque ad moletrinum, à peritioribus quidem Hermonianum nuncupatum, à vulgo verò Tamborlianum, inde fluxus littoreus remissior vsque ad Chrysopolim: deinceps Dionysius institutum Anaplum continuat in hunc modum.

De Chrysopoli, & loco appellato Boue, siue Damali.

CAPVT IX.

POST Discos (inquit Dionysius) sequitur portus magnitudine & tranquillitate pulcherrimus & optimus. Ipsius magnitudinem circumscribit littus profundum & molle. supra

mare iacet campús acclius in littus, appellatur autem Chrysopolis, ut quidam dicunt, ex eo, quòd Persæ imperantes in hunc locum cogerent auri æceruos exactos ab urbium tributis: ut verò multi tradunt, à Chryse filio Chryseidis & Agamemnonis ibi mortuo, & sepulto. In hunc enim locum dicunt Chrysen fugiètem metu Agisthi & Clytemnestræ peruenisse cogitantem in Tauròs trāsire ad sororem Iphigeniam, sacerdotem initiatam Dianæ: sed illum morbo laborantem, hīc sepultura affectum fuisse, suòque ex nomine loco nomen reliquisse. Posset etiam ob portus commoditatem ita appellari, ab iis, qui mirabilia auro comparare solent. Ex his Dionysij verbis facile assequimur, Bospori Anaplū esse Dionysij illius Byzantij antiquissimi scriptoris, quē iam sepiissime citavi. Nam Stephanus antiquus urbium scriptor, superiora Dionysij verba affert. Chrysopolis, inquit, in Bithynia prope Chalcedonem Anaplum nauiganti in dextra. Dionysius autē Byzantius Anaplum Bospori scribens de nomine huius hæc dicit: Appellata autem est Chrysopolis, ut aliqui dicunt, à Persarum imperio hūc æceruos auri collecti ex vectigalibus redigentes: alij verò plures dicunt, à Chryse filio Chryseidis, & Agamemnonis. Neq; solum ex his Stephani verbis cognoscimus Dionysij Anaplū esse Stephano antiquiorem, sed etiam ex ipsius Anapli discursu percipimus illum scripsisse Bospori Anaplum, antequam Seuerus Byzantium euertisset. Chrysopolis emporion fuit Chalcedonis, ubi Xenophon tradit Græcos, qui meruissent stipendia in Cyri expeditione Persica mansisse dies septē, vendentes prædas, quas cepissent. Idē in historia rerum
Helli

Hellinicarum, Attici, inquit, duces Chrysopolim Chalcedoniæ profecti, muris eam munierunt, eandemq; ad seruandas decimarum pecunias constituerunt, in ipsaq; decimam exegerunt ex nauibus ponti, præsidiumq; triginta nauium cum præfectis duobus, ibi reliquerunt. Postea muris nudatâ fuisse ex Strabone patet, dum ait Chrysopolim vicum esse. Similiter hodie vrbs non est, sed vicus laxè habitatus multis ædificiis non continuis, circuitu miliaria complectens circiter duo: situs partim in valle, partim in promotoriis vallem cingentibus, quorum vnum Damalicum quàm mox appellabimus, totum ferè eiusdem ædificiis occupatum. Portû profundum habet in sinum mediocriter curuatum: sed longè olim maiorem habuisse occupantem imam vallis planitiem, in qua sita est nunc Chrysopolis, oportet: cum Athenienses triginta triremes illic in præsidio teneret, & nauale esset Chalcedoniorû. Socrates enim, inquit, Constantinum magnum post multas pugnas terra marique pugnatas, Licinium imperij consortem & generum ad Chrysopolim Bithynicam vicisse, quæ erat nauale Chalcedonis, ex quibus possem multis verbis differere hunc portum longè multo maiore extitisse: sed obrutum fuisse partim olim deleta Chalcedone, partim postea Barbarorum metu, partim nostra atate. Vidi partem portus obrui ad excipiendam sedem ædis Maomethanæ & Xenodochiorum, quæ cõstruxit Regis Soleimani filia, omniâque textit plumbo, & columnis marmoreis, & porticibus, & arcis amplis, & fontibus exornauit. Denique Chrysopolis reædificata est à Turcis, quæ diu iacuerat deserta bellis Persarû & Tur-

corum, ut nullum vestigium restet eorum, quæ Georgius Cædrinus dicit, Philippum Regem condidisse Chrysopolim, ut monasterium *ἡ ναυαγῶντος δεσφῶτος*, ut palatia ad excipiendum Regem, regionesque liberos, hortosque struxisse, & piscium viuarium: id quod in vallis planitie, ubi nunc sunt præcipua Chrysopolis ædificia, existimo lacum fuisse, nimirum reliquias portus antiqui. Chrysopolis quanquam est suburbana Byzantij, tamen omnes fere Byzantini ignorant, ubi hæc fuerit, ex eo, quod nomine antiquo exoleto, iam dudum vocatur Scutaris, nescio à Francis ne aliquandiu Byzantio imperantibus, Chryson appellantibus scutum, an potius à statione militum scutariorum, id quod designare videtur Marcellinus, cum ait: Per Chalcedona & stationem transcurrit, si appositè legeretur sine coniunctione, Chrysopolim stationem, breuitatis ergo, ut vulgò fieri solet, suppresso nomine scutariorum, quod Constantiopolitanos reges crebrò usurpasse eorundem historia frequens testis est. Verum ex Codice Marcellini maxime deprauato, fateor me coniecturis vagari potius, quàm certo iudicio sententiâ dicere. At haudquaquam ferendi nonnulli, qui putant vicum, quem paulò antè dixi appellari Chrysoceramû, fuisse Chrysopolim, cum iam declararim hanc nominatâ ex eo, quod templum haberet tectum inauratis tegulis: at ex vico Chrysoceramio, vltro citròque, traiectus fieri non solet, sed ex portu scutarico, ut loco accommodato ad traiciendum: unde ut nunc traiectus olim fieri solebat. Est etiamnum Byzantij scala omnium frequentissima prope portam Neorij, nominata scutarica, quam olim eandem fuisse, quæ

quæ Chrysopoleos, & Chalcedonis cum ex his, quæ afferam in descriptione Constantinopoleos, tum ex usu hodie quotidiano colligere possumus. Nam ex porta Neorij, quæ nunc appellatur Oria, quotidie iam videmus necessitate quadam fieri traiectum in portam scutaricam, aut si quis traicere velit Byzantio Chalcedonem, aut Chalcedone Byzantium, illum necesse habere sursum navigare usque ad scutarim: id quod frequenter quotidie videtur multis nauigiis ferentibus homines, & iumenta recta via non valentibus transire Chalcedonem: sed ob rapidi fluxus decursum ascendere coactis usque ad scutarim, atque ex Chalcedone volentibus transire Byzantium, opus est ascendere ad promontorium scutaricum olim appellatum Bouem, siue Damalim, atque ad portum usque Chrysopoleos: id quod ut fit hodie, ita olim factitatum fuisse ab ætate Polybij, qui ait. Ex vrbe Chalcedone volentes transire Byzantium, non possunt rectè navigare ob intermedium rapidum defluxum Bospori, sed necesse habent iter deflectere prope Bouem, & Chrysopolim navigare. Idem à promotorio, inquit, appellato Estiis fluxus Bospori impulsus prolabitur ad Bouem nuncupatum, qui est Asiæ locus, ad quem cõstitisse aiunt primùm fabulæ Io, cum transiuit hoc fretum. Rursus fluxus impulsus à loco Boue nominato, fertur ad ipsum Byzantium: à quo non dissentit Georgius Cedrinus, cum ait Leonem phocam Chrysopolim occupasse, populùmque in vltiore ora in aciem struxisse apud locum, vbi in columna extat Damalis lapidea, itaque exterruisse eos, qui essent Byzantij. Ex antedictis collegeram scutarim esse Chrysopolim,

polim, & locum, quem Polybius appellat Bouem. Arrianus Damalim existere promontorium scutarium, situm contra promontorium Bosporium, in quo positum fuit Byzantium. Verum postea multo planius notum, cum incidi in Dionysij Anaplū. Post Chrysopolim, inquit Dionysius, promontorium maris ictibus expositum prominet: multa enim navigatio ad ipsum impulsam contra promontorium nominatum Bouem concertat. Est autem is locus tanquam ē carceribus emittens traiicientes in Europam. In hoc promontorio existit columna lapidis albi, in qua extat Bos Charetis Imperatoris Atheniensium coniux, quam hic mortuam sepelivit. Inscriptio autem significat sermonis veritatem: at illi, qui vanam reddunt historiam, putant antiquæ Boeis statuam, aberrantes à veritate. Inscripti enim in columna basi hi versus sunt,

Ἰναχίης ἐκ εἰμὶ βοὸς τύπῃ, δὲ ἀπ' ἐμοῖο

κλήρετ' αὐτοπορ βοασέριον πέλαι.

Κένλιω γὰρ τὸ πάροιθε βαρὺς χόλῳ ἦρκε

εἰς φάτρον ἦγε, ἐγὼ λεκροπὶς εἰμὶ νέκυνς

Εὐνέλις, ἢμ' ἡρνήσῃ, ἐπλεον ὅτ' ἐπλώθη ἐκεῖν.

Τῷδε Φιλιππείων ἀντίπαλῳ σκαφέων

βοῖδ' ἰορ δ' ἡκτορ ζῆτε, νυῖ ὃ χάρησῃ

Εὐνέλις ἡπείρεος τόρπομαι ἀμφοτέρωθεν.

Temporibus Phocionis, qui Hypotheses præcipuorum scriptorum velut indices antiquæ Bibliothecæ conscripsit, vixit Georgius Codinus, is hæc ferè omnia, quæ antè dixi, ex Anaplo Dionysij retulit in sua scripta. Postquam, inquit, Leo excessit è vita, Atheniensem Imperator Chares, cum quadraginta navibus in auxilium

Byzan

Byzantium profectus ad bellum contra Philippum, occupauit promontoriū Propontidis, quod inter Chalcedonem & Chrysopolim situm est, & in illo loco contra Philippum praelio feliciter decertauit, ubi cōiugem comitem habens morbo laborantem amisit, eamq; sepultura affecit, eique excitauit aram, & columnā, in qua Damalis statuta spectatur ex lapide albo facta. Sic enim appellabatur illa Charetis vxor, quod etiam in ea incisis vsque ad nostram ætatem versibus patet, deinde eosdem versus affert, quos suprà scripsi. Prætereo iam non rectè Codinum tradere Charetem Atticæ classis ducem, quadraginta nauibus auxiliatum fuisse Byzantinis, cū ex Demosthene constet, Athenienses succurrisse Byzātiis centum & viginti nauigiis. Omitto etiam illud, quod dicat promōtorium, in quo sita esset statua Damalis, esse Propontidis, cū sit Bospori: hoc vnum, quod rectè scribit, accipio, nimirum hanc columnam, statuamque excitatas fuisse à Byzantiis in gratiam Imperatoris Atheniensium, cū ex antedictis percipi potest, tum ex Psephismate Byzantium, quod ingenuè profitetur Byzātium à Philippo Macedone obsessum, liberatum fuisse auxilio Atheniensium, quod Demosthenis Codex editus sic habet lingua Dorica conscriptum, qua Byzantij utebantur coloni Megarensiū Doricorum, ἐπὶ ἰσομονάμον· βοασορίχῳ διαμάκῃς ὑπαλίᾳ ἔλεγον ἐκ τῆς βολεῆς λαβὼν ῥήτραν· ἐπεὶ δὲ ὁ δῆμος ὁ ἀθηναίων ᾗτε τοῖς περὶ γομφίοις καιροῖς θυνοῖεν διατελεῖ βυζαντίοις, καὶ τοῖς συμμάχοις καὶ συγγενέσι πειονθίοις καὶ πολλὰς καὶ μεγάλας χάρας παρέχοντες ᾗτε τοῖς ἡγεσιν καὶ καιροῖς φιλιπποῦ καὶ μακεδόνος ὑδιστρατίδαντος· ὡς τὰν χάραν, καὶ τὰν πόλιν ὑπὸ ἀνάσσει βυζαντίων καὶ πειονθίων τὰν χά-

H

φαν δαίοντες ἢ ἀνδροκοπέοντες. βοηθήσας πλοίοις ἐκαστὸν ἢ ἔκαστον,
 καὶ οὐκ ἔτι καὶ βέλεσι, καὶ ὀπλίταις, ἐξέλεδ' αὐτὸς ἐκ τῶν μεγάλων λι-
 νῶν, καὶ ἀρκαΐεσσε τὰν παρῖαν πολιτείαν, ἢ τῶς νόμους, ἢ τὰ
 φος διδύχθω ἔδ' ἀάμω ἔδ' βυζαντίω καὶ πονθίων ἀθλιναίων δὲ μὲν
 ὑδαμίας, πολιτείαν, ἐκ τῶς γὰρ, ἢ οἰκείαν περὶ τῶν ἄλλων
 ποτ' ὅλον ποτ' τὰν βολάν, καὶ λαδικὸν ἐθέλοντα τὰν πόλιν, ἀλα-
 τεργῆναι ἡμῶν παρὰ τὸς λειτεργίας· εἶσαι δὲ ἢ ἐκόντας τρεῖς ἐκ-
 καίδεκα πῆχας ἢ ἔδ' βοασοείχω. Prætereo cetera. Si hoc Pse-
 phisma vitiatum non esset, perspiceremus has statuas
 treis sexdecim cubitorum statutas fuisse apud locum
 Bouem nuncupatum, vbi Chares Atheniensium bello
 nauali pugnavit contra Philippum, tūmq̃ue legeremus
 non βοασοείχω, sed βοασοείχω χώρῳ. Cuiusmodi fuit locus
 nuncupatus Bos, aut promontorium Bosporium no-
 minatum, in quo situm erat Byzantiū. Ex antiquo Co-
 dice emendavi nonnulla, vt ὅτε ἀλία, Codex antiquus
 habet ὅτε ἀλία, id est, in concione, vt Herodotus uti-
 tur: ἐκ τῶς γὰρ, antiquum exemplar habet ἑκαστὴν γὰρ. Ex
 Polybio, Arriano, Dionysio Byzantio patet locum ap-
 pellatum, siue Bouem, siue Damalim fuisse promonto-
 rium nunc nominatum Scutaricum, positum ἐ regione
 promontorii Bosporij Byzantium continentis, sen-
 tentiᾶque Polybij ita appellatum, quod Io vacca illuc
 ex Europa fretum transiens appulsa fuerit. Dionysius
 quidem Byzantius, promontorium appellari Bouē con-
 sentit, sed Bouis statuam in eo excitatam ex antiquo
 epigrammate negat esse Ious Inachi filiæ, eamque huc
 non transisse, sed in Pharon: quam autem Pharon epi-
 gramma intelligat, vide an Pharon antiquam, quam su-
 præ ostendi fuisse prope angustias fani: an illam, quam

Marcel

Marcellinus statuit supra promontorium Chrysoceras, hoc est, in vrbe Byzantio. At nemo Io tradit hanc aut illam trāsisse, mihi potius epigramma intelligere videtur Pharus Alexandrinam, negareque Bosporum appellatum ab Io Inachi filia. Nam etiam Arrianus scribit quorundam sententia aliam vaccā fuisse, quæ nomen dederit freto Thracio, quā dicit Phrygibus hominibus eam vrgentibus incolumen nullo metu fretum trāsisse, situm inter Chalcedonem & Byzantium, ducemq; illis extitisse, quibus diuinum oraculum datum erat, vt buculam itineris ducem facerent. Cui obtemperantes, incolumes transierunt, & monumentū tradit huius trāsitionis, Damalim aream excitatā à Chalcedonensibus, locumq; in regione Chalcedonia esse ait, qui forsitan esset is, qui vsq; ad suam ætatem nominaretur Damalis. Dionysius quidem fatetur columnam ex lapide albo fuisse, sed non declarat, Damalis ne esset lapidea, an area. Georgius Codinus dicit statuā Bouis vxoris Charitis fuisse ex lapide expolito. Itaque oportet illam antiquam, vnde Bosporus appellatus fuit, quam Arrianus tradit æream deiectam & sublatam esse: deinde alteram lapideam positam fuisse tempore Leonis Phocæ, vt antè dixi. Damalis lapidea stabat in columna. Iam non repetam, quantopere erret Tzetzes, dum statuit Cyaneas inter Damalim & Cōstantinopolim: id enim suprā ostēdi, cum agerem de Cyaneis, quàm item auersus à cognitione locorum labatur, cum circa locū Damalim testatur Dariūm pontem iunxisse, declarauim, dum de Hermæo tractarem promontorio.

H. 2.

*De fonte nominato Heragora, & templo Veneris: & de
ade Synodi Chalcedonensis: de Chalcedone.*

CAPVT X.

POST, inquit Dionysius, locum appellatum „
Bouem, sequitur fons nominatus Herma- „
gora, & delubrum herois Eurosti, secundum „
id existit littus supinum, & planū, lenissimo „
fluuio irrigatum, in ipsōq; Veneris templum, atq; iuxta „
ipsum paruus isthmus multam circumscribit Cherro- „
nesum, in qua vrbs Chalcedon, paulò supra fluuium ap- „
pellatum Chalcedonem sita, portus vtrinq; habens in „
flexibus in isthmum recedentibus, vnum quidem ad „
vesperam spectātem, alterum ad Solis ortum: ipsa qui- „
dem effertur colle quidem humilior, planitie verò aspe- „
rior. Multa in vrbe hac admiratione digna ob antiqui- „
tatem, & res gestas, & fortunas, & in vtranque partem „
mutationes: maximè autē admirabilia, Apollinis tem- „
plum, & oraculum nullo summorum oraculorum infe- „
rius. Verū finis esto meæ Bospori historiæ. Hæc quidē „
Dionysius, qui, vt planiùs cognoscatur, littus describā „
à promontorio Damalico vique ad Chalcedonem, de „
qua nonnulla addens, finem ipse quoque faciā Bospori, „
qui procedens ad Solis occasum, flectitur promontorio „
Damalico ad meridianum cardinem. Iam verò inter „
duo promontoria, nimirum alterum Europæ, Bospo- „
rium nominatum, & alterum Asiæ Damalim appella- „
tum. Supra mare paululum eminet scopulus, seu parua „
Insula distans à promontorio Damalico circiter centū „
passus, tota ferme occupata ab arce, machinis bellicis „
munita ad arcendas naues hostiles, si quæ penitus in „
Bospo

Bosporum ex Propontide erumpere conarentur, atque ab ea arce ad promontorium Damalicum transuersus murus cæcus sub aqua obductus erat, velut quædã mōles, iectus septentrionum excipiens nauibus ob rapidum intermedium Bospori fluxum ascēdere nequeuntibus, ventūmq; à puppi expectantibus in eo loco, quē Dionysius tanquam è carceribus inquit emittere traiciētes, tutiorem stationem efficiebat. Tamen auaritia nationis dominantis paulò antè dirutus est, eiūsque saxa translata in priuatas ædificationes: à promontorio Damalico, distanti à Chalcedone paulò minus quàm tria miliaria. Littus est fere totum importuosum & præruptum, marēque iuxta littus vadōsum, cautibūsque sub aqua latentibus confragosum, vt vix tentans multis locis reperire potuerim applicationem scaphæ, littorisq; crepidines, in plusquam quinquaginta passus efferūtur præcipientes, vt ascensus directus sit, & præruptus à Damalico promontorio vsque ad valliculam, quæ sinum efficit, vbi ora humilis, & littus demissum, & non præruptum, marēque portuosum, in quo cernuntur ruinæ molis antiquæ, quæ olim muniebat portum, seu potius stationem, nunc gradum præstat ad fontem in littore proximo fluentem perennem, à Dionysio appellatam Hermagora: quem paulò antè subductum vidi in hortos, quos supra Heragoram Rex Soleimanus longis muris circumsep̃sit: aliis eò etiam fontibus opere subterraneo deriuatis, vt eorum redundantia hortis superflua sit, restituēdus fluxus Heragoræ longè copiosior. A fonte Heragora littus est ferè saxosum & præruptum vsque ad planitiem Chalcedonis suburbanam, vbi olim erat

ædes Veneris, & postea fuit templum diuæ Euphemie funditus iam euersa supra terram, atque adeò substructiones erutæ, excepto cuniculo subterraneo, ex quo etiamnum scaturit fons. Propè est riuius, cuius meminisse Dionysium antè vidimus: qui si nunc longè minor fuit, id attribuendum fonti constructo in eadem planitie iuxta viam Chalcedone tendentem ad urbem Nicomediam perennem fistulam quoquo versus quatuor digitos patentem implente. Fons autem, quem iam dixi scaturire ex antiquo aquæductu diuæ Euphemie, distat à scala Chalcedonensi mille & centum passus. Qualis autem fuerit ædes diuæ Euphemie, in qua celebrata fuit synodus Chalcedonensis, & qualis eius situs, Euaagrius Scholasticus amplè scribit, quæ ego breuiter attingam, sacrorum hominum cœtum habuisse concilium in Euphemie martyris æde, distanti à Bosporo non amplius duobus stadiis, sita in suburbano agro Chalcedoniorum Bithynorum molliter accliu, vt ambulantes in templum non sentiant, se in illud subiisse, repenteque velut ex sublimi specula vndique campos sub aspectum subiectos contemplantur supinos & planos, herbis, frugibus, arboribus virescere, marèq; partim tranquillum violaceo cæruleoq; colore purpurescens, ad littora adludere, amœnūque quiddam exhibere, partim murmure sonans, fluctibus efferatū, lapillos, & conchas, & algas prouoluere. Inde addit Euphemie ædē vel hoc ipso ornari, quod sita sit ante oculos Constantinopoleos, & quod constet tribus membris magnorum ædificiorum ornatis, amplitudine, & laxitate, & pulchritudine columnarum, & tectis elegātibus. Sed quid conor
in lu

in lucem edere scripta Euagrii, vel hoc ipso nobilia facta, quod nobilibus & planè regiis Parisiorum characteribus iam dudum peruulgata etiā longè ultra Chalcedonem vagentur. Chalcedon, quam Herodotus appellat Chalcedoniam, à Dionysio quidem constituitur paulò supra Chalcedonem fluuium. Sed tacet Dionysius, id quod Arrianus & Menippus loquuntur appellatam ab eodem flumine Chalcedone. Arrianus in sua historia Bithynica, dicit eam nominatā à filio Saturni nūcupato Chalcedone, à quo primū fluuius illic fluēs nominatus est Chalcedon: deinde vrbs Dorienſibus illuc coloniam vbi deduxissent, nominata est eo nomine, quo flumen incertus quidam Historicus dicit vocatū à filio Chalcantis vatis. Alij aiunt à Chalcide vrbe Eubœ, quæ illuc Coloniam misisset. His quidem Dionysius orbis descriptor consentire videtur Chalcedonios appellans Chalcides. Ille verò tradens à filio Chalcantis vatis motus fuisse videtur nobilitate oraculorum Chalcedonicorū. Arrianus narrat, vt alter & vicesimus dies omnium mensium nefastus à Chalcedonensibus institutus est, ex eo, quod cū illo die alia haudquaquā prospera passi sint, tum Pharnabazus Persa eorum pueros exciderit & penitus castrarit, & miserit ad Darium. Idem ait morbum in Chalcedonios sēuisse diuina ira, eosdēque sua virilia abscidisse, quod sacrificia quædam neglexissent. cæcos Chalcedonios oraculum dixit ea de causa, quod Megarenſes huc primū nauigantes eligere nescissent Byzantium solum vberius. Herodotus similiter scribit Megabizum, cū intellexisset decem & septē ante annis Chalcedonios, quàm
Byzan

Byzantios urbem Chalcedonē condidisse cēcos dixisse, quòd præsente meliore loco elegissent peiorem. Chalcedonij, inquit Theopōpus, priusquam rempublicam participassent, communicassentque cum populari gubernatione Byzantiorum, omnes quidem in officiis institutisque rectè viuendi erant. Post verò quàm democratiā Byzantiorum gustauerūt, vitam quotidianam maximè frugalem & temperatam luxu, delitijsq; corruperunt ac deprauarunt, simulque euaserunt sumptuosi, potandiq; amantes. Viros excellentes præcreauit Chalcedonia, è quibus Thrasymachus sophista, qui primus periodum, & colum demonstrauit, discipulus Platonis & Isocratis, recentes Historici, qui ante quadringentos annos scripserunt, tradunt sua etate Chalcedonios non dare operam literis, sed Thunnorum piscationi, artiq; cæterorum piscium retibus & lineis capiendorum, victumque manibus quærere, parumque aut nihil curare literas: at nunc ne piscari quidem sciūt, ac potius, agros duntaxat colunt, piscandi adeò ignari, vt Thunnos & Pelamydas ex foro Byzantiorū emere habeant necesse: cūm olim constet notiores fuisse Pelamydes Chalcedonias, quàm Byzantias. Sic enim, inquit, Varro Paguri Samij, Phrygia Attagena, Grues Melicę, Hedus ex Ambracia, Pelamys Chalcedonia, Murena Tartesia, Aselli Pesimuntij, Ostrea Tarentina, Pectūculus Chius, Elops Rhodius, Scari Cilices. Quòd autem Dionysius tradit, Chalcedone oraculū Apollinis fuisse non inferius Delphico. Lucianus id confirmat, antiquissimum qui asserit, cūm Alexandrum ait pseudomantem societatem iniisse eum Byzantio quodā Chronographo scelerato, qui

qui appellaretur Cocconas. Hi cum inter se cogitarent Delphos, Claron, Delum, Branchidas diuites factos ex arte diuinandi, constituerunt vaticinationis oraculum excitare, ac primum considerarunt de loco Cocconas, Chalcedonem probabat locum commodum esse mercatoribus frequentem. Alexander præferebat urbem Paphlagoniæ nominatam Aboni mœnia, cuius sententia vicit. Itaque profectis ipsis Chalcedonem, vtile quippiam urbs visa est habere in Apollinis templo, quod illic antiquissimum est: tabulas æreas defodiunt, in quibus inscriptum incisumque erat, ut quàm mox Asclepius cum ipso Apolline patre accideret in pontum, ut occu- paret Aboni mœnia. Harum tabularum de industria in- uentarum fama, statim Bithyniam & pontum perua- gata peruenit Aboni mœnia, urbem ut dixi Paphlago- niæ, eiusque incolæ ita mouit, ut templum ædificare cœ- perint, quod Alexander profectus est. At Cocconas Chal- cedone remansit duplicia, planèque ambigua oracula quædam conscribens. Ex Apollinis Chalcedonici tri- pode manasse arbitror oraculum, quod Socrates sacræ historiæ conscriptor tradit, cum Valentis Imperatoris indignatione muri Chalcedonis euerterentur, in fun- damentis inuentam fuisse tabulam lapideam, versus continentem subsequentes:

Ἄλλ' ὅτε δὴ νύμφαι ἰδὸν ἤϊ' ἄστυ χορεύουσιν·

τόρπιμναί· ἐκείνη δὲ σιφίαις κατ' ἀγνίας·

καὶ τῆχ'· λυτρώϊο πολύστονον ἔστι τ' ἄλκαρ·

δὴ τότε μύρια φύλα πολυαπέρων ἀνθρώπων·

ἄγρια μαρμαίροντα κακῶν ὑδρείων, ἀλκῶν·

ἴδον κακίροισι πόρον δὲ βάντα σὺν ἀρχῇ·

Θρηνησὶς ἂν ἀδελφεῖται τοῦ ἐλπίσι μαανομάνου
 αὐτοῦ μὲν βοσπόριον πάλαι καὶ πρὸς τὸν ἰόνιον ὁρίζετο.

Huius oraculi declarationem afferam, cū tractabo
 decimam regionem Cōstantinopoleos. Sed ut planius
 perspiciatur Dionysij Chalcedonica descriptio, & qua-
 les sint hodie portus, quos idem Dionysius antea dixit
 Chalcedonem utrinque habere: atq; ut internoscatur,
 vter horum postea appellatus fuerit Eutropij portus,
 subiiciam nonnulla. Chalcedonia vsque ad hanc æta-
 tem suum nomen retinet, olim magna & præclara vrbs,
 nunc exiguus vicus: hæc enim iterum, & sæpius vastata,
 primò à Persis, iterum à Valente Imperatore muris spo-
 liata, deinde à Gotthis euerfa, quā post Cornelius au-
 tus aliqua ex parte restituit: postea à Saracenis, postre-
 mò à Turcis funditus deleta, ut duntaxat perparuus vi-
 cus supersit, nulla extant mœnium vestigia supra ter-
 ram, neque sub terra, nisi raris locis fundamēta alta in-
 gentibus faxis quadratis constructa, quæ penitus effodi
 nuper vidi in ædificationem substructionum, quas Rex
 Soleimanus molitur in tertio Cōstantinopoleos mōte.
 Portuum aliquot ruinæ cernuntur, atque nonnulla sco-
 ria metallorum in ea regionis parte ubi moneta excu-
 debatur, tum extat aquæductuum subterraneum opus
 lateritium, quo per urbem aqua ducebatur, sicq; portui
 accommodabatur, ut supra molem lōgè excurreret ad
 vsum nauigantium. Chalcedon sita erat in promonto-
 rio peninsulam efficiente, ad medium intumescēte, ex
 tribus partibus leniter accliuī, ex quarta parte paulo
 accliuīore, & depressiore in vallem, per quam fluuius
 Chalcedon delabitur in Propontidē. Promontōrij pars
 Solis

Solis occasum conspiciens cingitur Bosporo, pars verò
 vergens ad Meridiem, ortumque hybernū, clauditur
 Propontide: at ad Orientem æstivum spectans, eminet
 in vallem; per quam Chalcedon rivus quidam parvus,
 sed ripis altis coercitus profundus delabitur & falsus in
 longitudinem amplius mille passuum vsq; ad pontem
 lapideum transmittentem Chrysopoli viatores Nico-
 mediam. Ab eo ponte vsque ad Bosporum Isthmus pa-
 tet in latitudinem circiter octo stadiorum. Hic fluvi-
 us etsi exiguus, ut iam nomine careat, accolæq; dunta-
 xat appellant Potamion, prorsus ignorantes, olim no-
 minatum fuisse Chalcedonem: tamen omnium ferè scri-
 ptorum testimoniis nomen dedit urbi Chalcedoni: cu-
 ius etiam Xenophon meminit libro primo Hellenico-
 rum, cum Alcibiadem quidem ait vniuerso exercitu
 Chalcedonem à mari ad mare cinxisse, & partem, quæ
 pertinebat ad flumen, muro ligneo sepsisse. Pharnaba-
 zum verò, cum is propter fluminis angustias, ac muni-
 tionum propinquitatem in urbē ingredi ad ferendum
 Chalcedoniis auxilium non posset, in Heraclium Chal-
 cedoniorum discessisse. Littus, quod plusquam ex dimi-
 dia parte circuit promontorium, in quo iam dixi sitam
 Chalcedonem, excepta parte, quæ plana est, ubi portus
 est, & vicus Chalcedon, abruptitur in præcipitè pro-
 clipitatem, ut ferè erectum sit in altitudinem amplius
 vigintiquinque passuum, non modò in terra saxeis cre-
 pidinibus inaium: sed etiam in mari cautibus malè tu-
 tum nauigiis, nisi ubi portus fuerunt. Si ab extremo mu-
 crone, seu angulo promontorij Chalcedonici dirigas li-
 nearum ad medium promontorij dorsum, in quo sita est

Constantinopolis, perspicies lineam dirigi ab ortu hyemali ad occasum solstitialem, & diuidere Bosporum à Propontide, & secare Hippodromū, & tendere ad ædes Paia siti Regis positas in iugo tertij collis, inde procedere ad ædes Mamethi Regis sitas in quarto colle, totūmq; dorsum promontorij secare à fronte ad muros, partem vrbis circuitu maris carentē claudentes. Si verò ex eodem extremo mucrone promontorij Chalcedonici lineam duceres ad angulum scutarium, videres eam progredi à Meridie ad Septentrionē, relicto flexu moliter curuato, vbi est portus Chalcedonis, & littus humile, & planū, nunc portus obrutus, & moles quotidie exportatur: atq; vbi olim portus magnis nauibus patebat, nūc alicubi non patet scaphis, ob syrtes & breuia. Iuxta Isthmum existit colliculus à septentrionibus situs inter Isthmum & planitiem, in qua dixi ædem fuisse diuæ Euphemiae, humilis quidem ille, sed cōmemoratus ab Appiano, quem Mithridates, cū obsideret prætorē Cottam intra Chalcedonē clausum, vterque exercitus occupare conabatur. Chalcedonem habuisse portū cathena clausum, capientem amplius sexaginta naues patet ex Appiano: is enim ait classem Mithridatis in portū Chalcedoniorum vi irrupisse, catenāsque, quibus ostium portus, claudebatur, rupisse, & quatuor naues exussisse, sexagintaque ex portu captas secum abduxisse.

De portu Eutropij, & Herao promontorio: & de antiquis regijs ædibus appellatis Heræis.

CAP. XI.

LATVS promontorij Chalcedonici vergēs partim ad Meridiem, partim ad ortum hybernū, efficit sinum vulgò appellatum Calamotum, intus

intus recedentē plus minúsve octo stadia. In hoc mediō latere videntur vestigia antiquæ molis portus, quæ Episcopus Chalcedonēsis mihi persuadere conābatur fuisse olim appellatum portū Hirenæ, corruptè quasi Ἡραίων: mihi potius à Regina Hirene. Nam portus τὸ Ἡραίων est in contrario promōtorio, potiúsque appellatus ille olim fuit portus Eutropij, cuius meminit Zonaras. Ad cædē, inquit, Mauritij Regis mouetur Phocas, & in Eutropij portu primum eius quatuor filios interficit, nihil aliud tum dicentis, quàm hoc ipsum: Iustus es domine, & iustum iudicium tuum: denique ipsum Mauritiū tollunt. Idem alio loco dicit, Chalcedone esse portū Eutropij, sed non declarat, an in Bosporo, an in Propōtide. Nam ex antedictis Dionysij scimus Chalcedonem vtrunque habuisse portus. Verūm ex Procopio assequi possumus, fuisse non longè ab Heræo, cū ait Iustinianū portum alium construxisse in vltiore continente in locis Eutropij nominatis, non procul remotis ab Heræo. At vbi fuerit portus Eutropij, planè scire nequimus, nisi sciamus, vbi fuerit Heræum. Itaque id paulò altiùs investigandum est. Demosthenes in libris, quos scripsit de rebus Bithynicis, sic ait:

Ἔστι πεπαιρωμένοι καὶ τῆς χαλκίδος
Ἄκρα Ἡραία πρὸς τὴν πολυαυλικὴν. ἧς ὁ θύρον
Δ' αὐτὴ λαίνατον πρὸς τῶν ἰών κοιλαίνῃ
Εἶσω λέλπτ' ἄλλ' φαίνοσθ' ἰδὼν βαθυδίταν
Πάντη ἐμμελῆ· ἱαμμελὴ δὲ καὶ ἡ βαθείας
Ἔστι θαλάσσης, ἧς ἔστι νῆας ἄγον οἰόμενοι σκίπτ'·
Εἶναι αὐθιγὸς ὄρεσι· κακὸν δ' ἡ γένεσθαι
ἔθιμον. --

Ex quibus assequimur Heraeum promontoriū esse contra Chalcedonem, habēs multas cautes concauas circa mare, quod intus recedens sinum efficit, quem intuens putat profundū esse, cum reliqua sit prorsus fruticosus, & herbosus, & minime profundus: nam eō, qui naues adduxerunt, putantes protectionem naturalis portus, in praesens inciderunt periculum. Ex his Demosthenis versibus percipimus *Ἡραεὺ* esse promontoriū, quod hodie vocant atram Ioannis Calamoti, & sinum, quē Demosthenes describit esse illū, quem ab Occidente claudit promontoriū, in quo fuit Chalcedon: & promontoriū Ioannis Calamoti cingit ab Oriente, cuius ostium patet in latitudinem octo circiter stadiorum. Totus verō eiusdem ambitus cōplectitur plus minus quinque miliaria, cannarum syluis, herbisque frequens eius ora cernitur: vnde nomen templum proximū diui Ioannis Chrysostomi Calamoti inuenit. Hic sinus olim duos portus molibus munitos habuit, vnum olim nominatum Eutropij, nunc Hirenae, situm in littore sinus occiduo iuxta Chalcedonē: alterum nominatum Heraeum positum contrario in littore ad Orientem pertinente. Hos ambos portus fuisse in sinu Ioānis Calamoti ex Procopio percipimus, cum ait aedes regias Iustinianum construxisse in Heraeo, quod Iustiniani temporibus Hierion, siue Hieriam appellarent, ibidemque portum molibus sepsisse littus, quae antea vtrique ventis, & vndarum incurfibus expositum tutum à ventis effecisse innumerabilibus & maximis arcibus saxorum plenis in vadum aliis supra alios vsque iniectis, quoad vtrinque brachia exaggerata supra aquam extiterunt, extrinsecusque

cūque circa moles saxi rudibus & duris proiectis ad excipiendos impetus fluctuum, & ventorum hyemaliū portum quietum perfecisse, vnūq; in portum aditum nauibus reliquisse. Addit Procopius, vt iuxta portū Iustinianus ædes sacras condiderit, & porticus, & vias, balnea publica, & alia ferè omnia ædificarit, nihilo inferiora regiis ædibus vrbi: deinde adiungit portum alium construxisse in contrario continente, in locis Eutropij nominatis, non longè remotis ab Heræo. Ex quibus patet portum Eutropij esse Chalcedonis portum spectantem ad Solis ortum, portumque Heræum illum, quem nunc vocant molem Ioannis Calamoti. Horum amborum portuum vsq; ad hanc diem molium & brachiorum vestigia extat magna quidem ex parte diruta, sed quæ nonnullam stationem nauibus accommodent: reliquorum verò ædificiorū vestigia funditus deleta sunt, exceptis parietibus ædis sacrae, & cisternæ maximæ, vndique lateritiis parietibus cincta, sed spoliata tecto testudinato, & columnis testudinem sustinentibus, de qua Georgius Cedrinus ita scribit: Macedonius Rex palatia in Heræis exornauit, & cisternam expurgauit, quam Heraclius terra obruerat, in hortumque redegerat oleis cōsitam. Idem paulò infra ait: Rex Heraclius vbi sui diei natalis rationem à Stephano Philosopho didicisset, prædicente Heraclium ex aqua interitum, cum alias cisternas obruit, tum illam sitam in Heræis, quam Macedonius perpurgauit, regiasque ædes in antiquam formam restituit, & pro horto in cisterna cōsisto Nymphaeum aqua lucida abundans induxit. Quam autem multorum scriptis celebretur palatium Heræū, è mul-

tis non

tis nonnullos, qui mihi iam veniunt in mentem, afferā. Sozomenus scribit Theodosium Regem mandasse Demophilo præfecto Arrianis Cōstantinopolitanis, vt curaret statuta in concilio Nicēno seruare, & populum in vnum cōsensum reducere, aut ab ædibus sacris cedere. Demophilus aduocauit concionem populi, atq; Regis sententiam declarauit, & abstinens ab ædibus vrbs concionem indixit in suburbana Hieria nuncupata. Quoniam, inquit, lex præcipit, si vos persequuti fuerint ex vna vrbe, fugite in aliā. Alij Historici tradunt Constantinum Iconomachum contra imaginum cultum concilium iniquum triginta octo Episcoporum habuisse in palatio Hieria, præterea cæteros, vnam duntaxat inscriptionem subiungā, quæ erat incisa in aditu Hieria,

τῶν ἱερωνικῶν ἀγακλέα δέματ' ἡρώου

ἡρώα, καὶ γὰρ καὶ ἡρώα ἡρώα

καὶ ἡρώα ἡρώα καὶ ἡρώα καὶ ἡρώα

ἡρώα καὶ ἡρώα καὶ ἡρώα καὶ ἡρώα

Iam vt planius intelligatur situs promontorij Heræi, & an idem, quod aliqui existimarunt Heræum, & Eurion, & Yris describam oram maritimam, ab acra Ioannis Calamoti vsque ad aliquem finem. Promontorium Calamoticum circuitu complectitur ampliùs octo stadia, eius ceruix efficiens Isthmum non excedit latitudinem ducentorum passuū, vrnæ similitudinem gerit, seu ollæ. Nam vt olla est collo angustio, ita illud ceruicem habet angustam, deinde dilatatur, intumescitq; in ambitum circiter octo stadiorum: sed ita, vt vndique sit crepidinibus præruptis & saxosis, præterquam à ceruice, quæ ita plana est, vt ex vtroque littore aspicientes mutuo aspectu

aspectu fruuntur. Forſan ita Heraum promontoriũ ap-
pellatum eſt *Ἡραον* ab olla defoſſa. Sic enim Stephanus
ait, promontorium Heraum, contra Chalcedonem ſi-
tum, quod alij *Ἡραον*, ſiue *Ἡραον* appellant, hi qui aiunt
ibi cytras, hoc eſt, ollas defoſſas inueniſſe, & olla: verũ
aliam eſſe acram Heraam, aliam *Ἡραον*, ſiue Yrim, patet
ex Artemidoro: is enim ſcribit ab Acrito promontorio
nauiganti centum decem ſtadia ſitum eſſe promonto-
rium Yrim, ſiue Euron nuncupatũ, cui obiecta eſt Inſu-
la Pityodes, & alia Inſula nomine Chalcites, quæ vt ex-
plicatiũs perſpiciantur, deſcribã ſubſequens littus. Poſt
promontorium Heraum pergenti ad ſinum Nicome-
diæ ſuccedit aliud promontorium, quod vulgus vocat
Zaritrion, neſcio, an quaſi *χυτρίσιον*: nam accolæ in hunc
diem iactitant inueniſſe ollam auro plenã in huius loci
vicinia: ex Inſula Pityode nauigauit recta via in Conti-
nentem ad Villam ſitam in ora maritima, quam Græci
vocant Obriam, ſiue Abriã. Turci appellant eam Mal-
tepet, ſitã ad radices extremas promontorij poſiti cõtra
Chalcitim. Vide, an hoc ſit Euron, ſiue Yris promonto-
riũ, an illud quod iam dixi appellari Zaritrion. Verũ
vt meliũs intelligatur ſitus Chalcedonis, & vbi fuerit
Ἡραον, paulõ extra Boſporum vagabor, ſed in conſpectu
Chalcedonis & Byzãtij, qđ paulõ poſt deſcripturũ ſum.
*De Inſulis ſuburbanis Byzãtij & Chalcedonis, & primum
de Inſula Prota, & de Oxia & Platy.* CAP. XII.



ARTEMIDORVS in vndecimo libro Geo-
graphiæ ait ab Acrítico promontorio præ-
ternaugãti Euron ſtadia centum & decem:
promotõrium ſitum eſt, appellatum Hyris,

K

& Insula huic obijcitur Pityodes, & altera Insula nominata Chalcitis: alia Protā dicta, à qua ad urbem Chalcedonem stadia quadraginta. Protā appellatam existimo, quòd prima occurrat venientibus Byzantio & Chalcedone, à Græcis vsq; ad hanc diem nominatur *πρωτη*: distat ab urbe Byzantio paulò amplius sexaginta stadia, eius longitudo à Septentrionibus procedit ad Meridiem: iuxta eius littus vergens ad Orientem vicus est sub se habens portum subiectum, supra vicum duæ cisternæ rotundæ, quarū maior laxatur in amplitudinem magni hemisphærij. Thermarum magnarum Byzantiarum Insula duobus verticibus prominet, altero vergente ad septentriones, altero ad cardinem meridianū. Dicitur circuitu completi circiter tria miliaria, à Meridie habet Insulam Antigōnon, à qua abest octo circiter stadia inter Meridiem & occasum brumalem, intuetur duas Insulas, quarum altera Platys, altera Oxia appellatur, in acutum verticē fastigiata, vndique præceps & prærupta: altitudine ad perpendiculū dimensa, superat omnes colles Byzantij. Ex aliquibus partibus ascensus in ipsam non patet ob directos cliuos, multa etiam nunc vestigia retinet cisternarū, aliorūmq; ædificiorum. Aiunt ibi regiam arcem, & velut secessum caprensem aliquorum regum extitisse, quod à rei veritate omnino alienum non videtur, propterea quia naturali munitione tuta videtur. Habet portū subiectū Oriēti, cuius moles distractæ cernūtur, lauro abūdat, & multis generibus florū, sed nusquam circa Byzantiū tanta cibi bonitate Ostreæ capiūtur, quàm circū hanc Insulā. Ab hac non longè est Platys Insula, humilis & ferè plana.

De Insu

De Insula Antigono, & de Insula Pityode.

CAPVT XIII.



UAM Græci nostræ ætatis appellant Antigonon, Zonaras ait olim vocatā Panormū, Insulam nunc Antigoni nominari. Plinius inter Insulas Proponticas numerat Antiochiam, vide num aliquis Codex Plinij antiquus habeat Antigoniā. Insula ab Aquilone efficit littus excelsum & præruptum, eius quædam pars intuens Meridiē eminet rupibus abruptis, vsque ad summū fermè verticem. Ab occasu sunt littora rupibus præruptis aspera, sed longè demissiora: in omnes partes existit decliuus, vndique eius ascensus est stadiorū circiter quatuor: in multo excelsoiorem altitudinem effertur quā Protā, in summo vertice ædes sacra etiamnum extat, & iuxta eadē cisterna Signino opere munita, concamerata lateritio tecto. Sunt ibidem etiam putei iugis aquæ. Ab Oriente habet vicum in littore situm, circa vicum sunt aliquot vineæ: reliquæ partes sunt tectæ eryca, arbuto, tore marino, ilice, ladano. Tota Insula lapidosa scatet minutis lapillis. Contra vicum est Insula exigua, cuius circuitus non excedit quatuor stadia, altitudo non superat quinquaginta passus (intellige quos cōficere soleo in ambulando, vt intelligi oportet in omnibus passibus antè iam à me commemoratis) quæ vulgò appellatur Pitys, hæc Pityodes dicitur ab Artemidoro, quam tradit sitā contra Continētis oram nuncupatam *Ἐνερύ*. Equidem cūm Artemidorus ordinatim ponat Pityodē, & Chalcitim, & Protam, existimo Pityodem Artemidorū intelligere, esse aut Antigoniā, aut eam, quam iam Græci appel-

lant Insulam principē: nam cur cōmemoraret tam exiguam Insulam, & proximam magnam prāteriret?

De Chalcitide Insula.

CAP. XIII.



CHALCITIS Insula à Græcis nostræ ætatis nominatur Chalcis, distat ab Antigoniam quatuor stadia. Menippus in periplo Bithyniæ Chalcitidem Insulam constituit contra Chalcedonem, eamque dicit habere æris metalla, Chalcitidem eandem esse, quam Stephanus appellat Demonesum: assequor, ex eo, quod dicit Demonesum Insulam sitam circa Chalcedonem, habere Cyani metalla, & Chrysocollā, & aurum preciosum, & coronatiū, quod oculis agrotantibus medicinam afferat. Nulla alia Insula circa Chalcedonem metalla habet, nisi Chalcitis. Aristoteles similiter scribit: Demonesus, inquit, Insula Chalcedoniorum (sic enim legendum est, non ut habet Codex editus *χαλκιδονίωμ*) à Demoneso homine appellatam esse, haberēque Cyani metalla, & Chrysocollam, & aurum eximium in ea inueniri. Quod sit oculis remedium, atque æs, quod Aristoteles appellat *χαλκόν κολλυμβητικόν*: ex eo opinor, quod ut ipse addit, ex mari profundo duos passus vrinatores illud extrahant, ex quo factā idem adiūgit statuam in vrbe Sicyone statutam in antiquo templo Apollinis. Ex antedictis liquet, quā erret Plinius, qui dum enumerat Insulas Propōtidis, dicit Demonesum Insulam sitam esse ante Nicomediā, cū nulla Insula existat in sinu Nicomediæ olim appellato Astuceno. Verūm ut clariū perspiciatur Demonesus eadem Insula esse, quæ Chalcitis, ut nunc sunt, ostēdam vestigia

vestigia metallorum, & situm Insulæ, quæ tribus verticibus, seu collibus intumescit: vnus vergit ad Aquilonem, alter ad Occasum, tertius ad Orientem. Insulæ latus meridianum est præceps, & abruptum, in rupes excepto sinu, admittente recessum maris portuosum, quoquo versus patentem paulò plus stadio, tutum ab omni vento, excipio Austru. Circa hunc sinum existunt aggeres scrobium, pleni ruderibus cæruleis, reiectis ex effossione æris, & Chrysocollæ, & cærulei: atq; inter ipsa rudera collegi eximium cæruleum, & absolutam Chrysocollam. Quòd si vadum maris ibi effoderetur, sine dubitatione inueniretur aurum illud ab Aristotele laudatum. Aggeres scrobiū sunt in radicibus vallis supra sinum iam dictum eminētis, & secantis Insulam à mari meridiano ad mare septentrionale, cuius quidem vallis in parte media elata in iugum Insulæ est domiciliū solitiorum sodalium Græcanicæ religionis, vbi Nymphaea magna signino opere elaborata, plena iugi aqua manante, ex vertice pertinente ad Orientem. Littus intuens Solis ortum habet vicum nuncupatum à nomine Insulæ, sub vico statio nauigiorum.

De Insula Principis.

CAP. XV.



NSULA Principis distans à Chalcite circiter quinque stadia, nominata est à frequenti habitatione filiarum principū, virginitatem solitariam profitentium. Georgius Cedrinus ait Iustinum nepotem Iustiniani ædificasse solitariam vitam agentium domicilium nominatū Principis suburbanū Constantinopoleos. Zonaras scribit Nicepho-

rum Hirenem exulem eiecisse in Insulam Principis appellatam, in qua monasterium ipsa ædificauerat, vnde fortasse Insula appellata fuit Principis. Longè dimidio maior existit, quàm Chalcitis, omneis antedictas Insulas altitudine superat aut æquat. Ab Oriente æstiuo vicum habet nominatum Principis, situm in planitie littorea. In eius littore vergenti ad ortum æquinoctialem spectantur fundamēta sumptuosa antiqui monasterij, vbi amplius quingentæ solitariae foeminae viuere solebant. Contra monasterium sita est Insula exigua, paruo interuallo distans, nominata Anterouitos. Inde in eodem littore sequitur vicus nominatus Carya, supra vicum modicè eminet iugum contractum in vallem, cinctam duobus verticibus, quæ secant mediam Insulam ab ortu ad occasum: Insulæ littus intuens Meridiem, rupibus circumuallatur, littus verò spectans ad Solis occasum, minoribus rupibus cingitur: denique Insulæ circuitu nō excedit sexaginta stadia. Habet à Meridie vicinam Insulam, quam vocāt Andron: ab oriente æquinoctiali habet alteram Insulam nominatam diui Andree, distātem plus minus decem miliaria, vndique excelsis rupibus & præruptis munitā, excepto latere conspicienti Solis ortum, vbi domicilium sodalium sectæ solitariae. Diuiditur hæc Insula à Continente mari lato quatuor stadia. Paulò vltra hanc Insulam pergenti ad sinum Astacenum eminet promontorium, quod vsque ad hanc ætatem appellatur Acrita, vt vocatur à Ptolemæo, quod Menippus dicit distare ab vrbe Chalcedone stadia sexaginta. Omnes antedictæ Insulæ abruptæ à Continente videntur, quarum quatuor nimirū Prota, Antig

Antigonos, Chalcitis, & Princeps faciunt sinum suo latere vergente ad Aquilonem, vt Protæ, & Princeps sint sinus cornua. Antigonos & Chalcitis efficiunt intimum sinus recessum. Cum aspicias ex Protæ latere, vergente ad Solis ortum, aduertis sinum factum ex quatuor Insulis, nec vides Euripos intercedentes inter Insulas, vt rei ignarus quatuor Insulas, vnam eandemq; Insulam existimaret quatuor collibus intumescentē, primūq; collem numeraret Protam, secundum Antigoniam, tertium Chalcitim, quartum Principem. Euripus separans Insulas à Continenti, patet in latitudinem paulo amplius sexaginta stadiorum. Hæc adiungere volui de Insulis suburbanis Byzantij, velut præparationem ad clariùs percipiendum situm Byzantij, quem euestigio subiungere cogito: reliquas Propontidis Insulas longè ab vrbe remotiores, vt Proconnesum, Ophiussam, Acanthum, Phœben, Scopelon, Porphyrionem, Halonem, Delphaciam, Polydoram, Elæam, & duas Rhodiussas: & contra fauces Rhyndaci Besbycon, cuius meminit Dioscorides, reicio in meum periplus Propontidis & Hellesponti.

F I N I S.

Cum privilegio Regis.

